



ԷԶՄԻԱԾԻՆ

1970-Չ-Է

ՌՆԺԸ
ԻԵՏԱՌԻ

Յունիս - Յուլիս 67

ԷԶՄԻԱԾԻՆ

ՊԱՇՏՈՆԱԿԱՆ ԱՄՍԱԳԻՐ
ՀԱՅՐԱՊԵՏԱԿԱՆ ԱԹՈՌՈՅ
Ս. ԷԶՄԻԱԾՆԻ

Զ-Է

1970



Հ Ր Ա Մ Ա Ն Ա Ւ

Տ. Տ. Վ Ա Ջ Գ Ե Ն Ի Ա Ռ Ա Ջ Ն Ո Յ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



Խ Մ Բ Ա Գ Ր Ա Կ Ա Ն

ԾՇՄԱՐՏՈՒԹՅՈՒՆԸ ԱՄԲՈՂՋ

Անթիլիասի Տանն Կիլիկիո Աթոռի հետ Մայր Աթոռիս հարաբերությանց մասին այլևս գրեթե ասելիք չմնաց: Այս է մեր եզրակացությունը նաև այժմ, ընթերցելուց հետո Անթիլիասում տպված պաշտոնական վերջին հրատարակությունը՝ «Էջմիածնի մեջ գումարված եպիսկոպոսական ժողովին, Մեծի Տանն Կիլիկիո կաթողիկոսության մասնակցության մասին» (Անթիլիաս—1970):

Մենք բնավ տրամադիր չէինք այս հարցին անդրադառնալ և հրապարակել փոխանակված նամակներն ու հեռագրերը Մայր Աթոռիս և Կիլիկյան Աթոռի միջև, սակայն, քանի որ Անթիլիասի կաթողիկոսությունը հարմար է նկատել ա՛յս օրերին հատուկ մի գրքույկ հրատարակել, փոխանակված նամակներից միայն որոշ մեջբերումներով, խմբագրությունս անհրաժեշտ գտավ անդրադառնալ վերոհիշյալ գրքույկին և հրապարակել փոխանակված բոլոր նամակներն ու հեռագրերն ամբողջությամբ և տալ իր լուսաբանությունները, որպեսզի ճշմարտությունը երևան գա ոչ թե կիսով չափ, այլ ամբողջությամբ:

Անթիլիասի պաշտոնական հրատարակությունը 57 էջերի մեջ փորձում է ապացուցել՝

1. Թե Անթիլիասի գահակալ Տ. Տ. Խորեն կաթողիկոսն է եղել վերաբարձարժողը եկեղեցական բարեկարգությանց հարցերի քննարկմանը, առաջարկելով օրակարգ և ծրագիր՝ իր 15 մարտ 1968 թվակիր նամակով՝ ուղղված Ամենայն Հայոց Հայրապետին.

2. Թե օրակարգի վրա այլ հարցերի մոծումը Մայր Աթոռի կողմից մի տեսակ ձգտում է բուն կենսական հարցից շեղվելու.

3. Թե 1969 թ. Էջմիածնում գումարված եպիսկոպոսաց ժողովին կիլիկյան եպիսկոպոսների չմասնակցելը հետևանք է գոյացած մի համաձայնու-

թյան խախտումի, ինչ-որ խորհրդավոր և Անթիլիասի կողմից անհասկանալի մնացած պատճառով:

Սրանք են հիմնական մտքերը գրքույկի:

Ահա և խմբագրության լուսաբանությունները:

Ա. Փոխանակված նամակների ամբողջական բնագրերի հրատարակումը անհրաժեշտ է, որովհետև Անթիլիասի հրատարակչությունը միայն որոշ մեջքերումներ է կատարում, ընթերցողին ներկայացնելով այն հատվածները միայն, որոնք կարող են նպաստել իր մեկնություններին:

Այս պարագան ակնբախ է, օրինակ, վերոհիշյալ գրքույկի առաջին պնդումի նկատմամբ: Իրողությունն այն է, որ 15 մարտ 1968-ից շատ առաջ Ամենայն Հայոց կաթողիկոսը վերաբժարձել է հայ եկեղեցու բարեկարգման հարցը և նախաձեռնել եպիսկոպոսաց ժողովի գումարում, ինչպես հայտնում է Տ. Տ. Վազգեն կաթողիկոսը Իր 9 ապրիլ 1968 թվակիր պատասխան նամակում:

Արդարև, թե՛ 1956-ին Կահիրեում և թե՛ 1958-ին և 1962-ին Մայր Աթոնում տեղի ունեցած եպիսկոպոսաց ժողովները զբաղվել են սույն հարցով և կատարել նախապատրաստական աշխատանքներ, իսկ 1967-ին խորհրդակցական մի ժողովից հետո, Ամենայն Հայոց կաթողիկոսը որոշել է Մայր Աթոնում եպիսկոպոսաց ժողով գումարել 1969-ին մյուսոնօրհնության առիթով և կազմել ժողովի օրակարգը՝ բաղկացած 9 հարցերից, այդ թվում նաև՝ հայ եկեղեցու բարեկարգության հարցը, և գրավոր հայտնել այդ մասին ս. Էջմիածնի եպիսկոպոսներին 1967-ին: Այսպես, օրինակ, Տ. Տ. Վազգեն Ա կաթողիկոսը 19 հոկտեմբեր 1967-ին այդ մասին երկարորեն գրել էր Կ. Պոլսի Տ. Շնորհք պատրիարքին:

Բ. Անթիլիասի վերոհիշյալ հրատարակչությունը, ինչպես և Ինքը Տ. Տ. Խորեն կաթողիկոսը Իր նամակներում, անընդհատ պնդում են, բոլորովին անհամոզեցուցիչ կերպով, թե եպիսկոպոսաց ժողովը պետք է զբաղվի միմիայն եկեղեցական բարեկարգության հարցերով, և այնպիսի մի տոնով, որ կարծեք Անթիլիասի Աթոռը լինեք որոշողը, թե Ամենայն Հայոց Հայրապետը ի՞նչ օրակարգի հարցեր կարող է ներկայացնել եպիսկոպոսաց ժողովին և թե՛ եկեղեցական բարեկարգության հարցերով զբաղվելու անհրաժեշտությունը կարծեք թե ժխտե՛ր՝ նույնքան կարևոր այլ հարցերով զբաղվելու հնարավորությունը:

Գ. Կասկածից վեր է որևէ սրտցավ և ողջամիտ հայ մարդու համար, որ մեր օրերին, Հայաստանյայց եկեղեցու ներքին կյանքում, աննախընթացորեն սուր տազնապ ստեղծող և հետևաբար ամենահրատապ և ամենաանհետաձգելի հարցը եղել է և մնում է այդ տազնապի վերացման և եկեղեցական ներքին միության վերականգնման հրամայականը:

Այնուամենայնիվ, 26 օգոստոս 1969 թվակիր իր նամակում Տ. Տ. Խորեն կաթողիկոսը հայտարարում է, թե՛ «Մեզի համար նման հարց ըստ էության գոյություն չունի, որովհետև Հայաստանյայց եկեղեցին միշտ մի եղած է, մի է: այսօր և մի պիտի մնա հավիտյան: Մեր անխախտ հավատքն ու համոզումը այն է, որ անոր ներքին միությունը չէ խախտված երբեք, որպեսզի կարոտի ամբասպնդումի»: Նույն պնդումներն է անում նաև հրատարակված գրքույկը:

Ի սեր Աստուծո, ինչպե՞ս կարելի է այս աստիճան անտեսել իրողությունները. ինչպե՞ս կարելի է այս աստիճան չզգալ մեր ժողովրդի համատարած խողովքը և ընդվզումն ի տես սփյուռքը և Էջմիածնից բաժանելու Անթիլիասի գործադրած քաղաքականության: Եվ եթե Անթիլիասը այսքան հաստատ կերպով համոզված է, որ «Մեր եկեղեցվո ներքին միությունը չէ խախտած երբեք, որպեսզի կարոտի ամրապնդումի», ապա ինչո՞ւ է նա այնքան հետևողականորեն խուսափում այդ հարցի քննարկումից: Ինչո՞ւ: Անթիլիասը մի կողմից խոսում է հայ եկեղեցու միության, սիրո և եղբայրության մասին, սակայն մյուս կողմից այդ միությունն ու եղբայրությունը իրապես, գործնապես և օրինավորապես կյանքի կոչելու մասին չի ուզում խոսքի իսկ նստել:

Տարակույս չկա, որ մեր ժողովուրդը բավարար չափով ողջամիտ է և իրատես՝ հասկանալու համար ճշմարտությունը:

Գ. Անթիլիասում հրապարակված գրքույկը, երկար մեկնաբանություններով, իզուր տեղն է չարչարվում՝ փորձելով ապացուցել, թե իբր Մայր Աթոռի կողմից կատարվել է «խախտում գոյացած մի համաձայնության»:

Նախ պետք է հստակ լինի բոլորին, թե Ամենայն Հայոց Հայրապետը երբեք չի համաձայնվել, որ եպիսկոպոսաց ժողովի օրակարգից լրիվ հանվի «Հայ եկեղեցու միության ամրապնդում» հարցը, այլ ընդատաջել է Տ. Տ. Խորեն կաթողիկոսի 26 օգոստոս 1969 թվակիր մամակին, որ այդ հարցը ըստ էությանն քննարկվի եպիսկոպոսաց ժողովից հետո, երկու Աթոռների կողմից կազմված մի հանձնաժողովում: Ամենայն Հայոց կաթողիկոսը թե բերանացի՝ տ. Գարեգին եպս. Սարգսյանին, և թե գրավոր՝ Տ. Տ. Խորեն կաթողիկոսին, հայտնել է, որ տվյալ հարցը օրակարգի վրա կպահվի, սակայն եպիսկոպոսաց ժողովը կբավարարվի Կիլիկյան Աթոռի վերոհիշյալ առաջարկ-բանաձևով և հարցի ըստ էության քննարկումը կփոխանցի հանձնաժողովին, որը պետք է կազմվեր Մայր Աթոռի և Կիլիկյան Աթոռի ներկայացուցիչներով:

Ե. Այս բոլորից հետո, ճշմարիտ է, որ Վեհափառ Հայրապետի վրա ծանորեն շփոթեցուցիչ ազդեցություն թողեց Տ. Տ. Խորեն կաթողիկոսի՝ Բոստոնում արտասանած ճառը, հրապարակված «Հայրենիք» օրաթերթի 1969 թվի հուլիսի 11-ի համարում: Այդ ճառի բնագիրը Բեյրութի «Ջարթոնք» օրաթերթը վերահրատարակել էր օգոստոսի 17-ին, և որը առաջվել էր Մայր Աթոռում սեպտեմբերի 6-ին միայն, այդ՝ սեպտեմբերի 6-ին: Ի՞նչ կա այստեղ անհավատալի, տրված լինելով, որ թերթերը շուրջ մեկ ամիս ուշացումով են հասնում Բեյրութից Հայաստան: Եթե իրոք Վեհափառ Հայրապետը ծանոթ եղած լիներ այդ ճառի բովանդակությանը, հնարավոր էր, որ այդ մասին ակնարկած չլիներ տ. Գարեգին եպիսկոպոսին, երբ նա օգոստոսի վերջերին և Էջմիածնում էր գտնվում իբրև բանագնաց: Տ. Գարեգին սրբազանն ի՞նչ է կարծում իր խղճի խորքում:

Այո՛, Տ. Տ. Խորեն կաթողիկոսի Բոստոնի ճառը աննախընթացորեն մտահոգիչ է, իր կուսակցական-քաղաքական շեշտված բովանդակությամբ:

Ահա թե ինչո՞ւ արդարացի էր Ամենայն Հայոց Հայրապետի վիճարը և Նրա 10 սեպտեմբեր 1969 թվակիր հայտարարությունը, թե «հայ իրականության մեջ երբեք չի պատահել, որ մի բարձրաստիճան հոգևորական պաշտոնապես և հրապարակով այնքան շեշտված և ամբողջական կերպով իր ամենը և իր հոգևոր առաքելությունը նույնացրած լինի մի քաղաքական կուսակցու-

թյան ծրագրի և գործունեության հետ»: Վեհափառ Հայրապետը ափսոսանք հայտնելով այդ անապատելի ելույթի առթիվ, եղբայրորեն հորդորում էր Անթիլիասի գահակալին, որ նա, պատշաճ մի ձևով, հետո կոչի հիշյալ իր հայտարարությունները, «այլապես անօրինակ մի նոր կացություն կստեղծվի Իր և իր Աթոռի համար, հայ եկեղեցու և ժողովրդի ծոցում»:

Հայտնի է նաև, որ Տ. Տ. Խորեն կաթողիկոսի Բոստոնի ճառի բովանդակությունը դժգոհություն էր ստեղծել ամենից ավելի հեևց նույն կուսակցությանը՝ դեկավար շրջանակներում, և այդ՝ շատ հասկանալի պատճառներով:

Այսուհանդերձ, անհավատարի «միամտությամբ» գրքույկը ասում է, «Ի՞նչ կար այնքան խորթ այդ ոգեշունչ ճառին մեջ, ի՞նչ կար այնքան ընդվզեցուցիչ այդ հայրապետական պատգամին մեջ». և ապա՝ «Ի՞նչ կար կար Խորեն Վեհափառի խոսած ճառի և եպիսկոպոսաց ժողովի եկեղեցական բարեկարգչական աշխատանքներում միջև»: Եվ հեղինակը անթիլիասական ծանոթ, հիվանդագին հոգեբանությամբ ավելացնում է. «Պարզ է որ ուրիշ ազդակներ միջամտեցին հարցին, պատճառներ՝ որոնց հայտնաբերումը կյունք պատմությանն»:

Անթիլիասի հրատարակությունը իզուր տեղ փորձում է ինչ-որ խորհրդավոր ազդակներ տեսնել այնտեղ, որտեղ ամեն ինչ պարզ է և հասկանալի: Ինչպե՞ս է, որ ողջամիտ ընթերցողը պարզապես կարդա Խորեն կաթողիկոսի արտասանած Բոստոնի ճառը, որպեսզի ամեն ինչ միշտ հասկանա և հայտնաբերի, առանց... պատմությանը թողնելու: Դրա լավագույն ապացույցն այն է, որ անցյալ մայիսի սկզբին ինքը Տ. Տ. Խորեն կաթողիկոսը դիմել էր տ. Եղիշե պատրիարքին, նրա Հոռոմ այցելության առիթով, որ հայտնի դարձնի Ամենայն Հայոց Հայրապետին, թե իրականում ինքը՝ Խորեն կաթողիկոսը նման բովանդակությամբ ճառ չի արտասանել Բոստոնում, և թե «Հայրենիք»-ի մի աշխատակից իր ուզածի պես խմբագրել է այն: Եթե միշտ է այդ իրողությունը, սպասելի է, որ Տանն Կիլիկիո կաթողիկոսությունը հրապարակով հայտնի այդ մասին:

Այնքան ժամանակ, որ Խորեն կաթողիկոսը իր վրա է վերցնում պատասխանատվությունն այդ ճառի բովանդակության, նշանակում է, որ նա հրապարակով և պաշտոնապես իր վրա է վերցնում **կուսակցական հանգամանք և քաղաքական շեշտված դիրքավորում**: Կա՞ր այդպիսի անհրաժեշտություն մի անգամ ևս հիշեցնելու, որ նման դիրքավորումով և հայտարարություններով իզուր տեղը ստեղծվում են ծանր ու անել կացություններ հայ կյանքում: Եթե մեր կաթողիկոսներն ու մեր հոգևոր առաջնորդները նման բովանդակությամբ ճառերով և նման կուսակցական դիրքավորումներով հանդես գան, ապա այլևս ո՞րն է տարբերությունը հոգևորականների և աշխարհական, քաղաքական գործիչների միջև: Նման պայմաններում այլևս ինչպե՞ս ենարավոր կլինի կենսագործել **եկեղեցու միարար և խաղաղարար առաքելությունը**:

Այո՛, ճշմարիտ է, որ Տ. Տ. Խորեն կաթողիկոսի այդ ճառը մի պ սն ցնցեց մեզ բոլորիս Մայր Աթոռում, և, ծանրորեն ճնշող մտահոգությանց ներքև, Հայոց Հայրապետը հեռագրեց Խորեն կաթողիկոսին 13 սեպտեմբերին, թե ի հետևանս այդ ճառով ստեղծված նոր կացության, բարվոք է, որ եպիսկոպոսաց ժողովը քննարկի «Հայ եկեղեցու միության ամրապնդում» հասցը, որպեսզի Կիլիկյան Աթոռի եպիսկոպոսների բերաճից վերջապես լսենք, թե ի՞նչ է հետապնդում Անթիլիասը, դեպի ո՞ր է գնում, ո՞րն է լինելու նրա ապագա

գործունեության ուղղությունը, ո՞րն է ճշմարտությունը Բոստոնի ճառի վերաբերյալ և այլն:

Եվ, ի վերջո, ինչո՞ւ Անթիլիասը այդքան պետք է սրտնեղեր. ընդհակառակն, դա լավ առիթ պետք է նկատեր, որ իր եպիսկոպոսները Մայր Աթոռում գումարված ժողովում գուցե կարողանային իսկույն լուսաբանություններով փարատել ստեղծված մտահոգություններն ու կասկածները:

Ավելացնենք նաև, որ Ս. Տ. Խորեն կաթողիկոսը 14 սեպտեմբեր 1969 թ. «Այգ» օրաթերթին կատարած իր հայտարարություններով. եկավ առավել մտահոգիչ դարձնելու կացությունը, որովհետև այն բացահայտ խախտում եղավ Մայր Աթոռի և Կիլիկյան Աթոռի (Գարեգին եպ. Սարգսյանի) միջև գոյացած համաձայնության, ըստ որի Կիլիկյան եպիսկոպոսները պիտի մասնակցեին եպիսկոպոսաց ժողովին միմիայն իրենց Կիլիկյան Աթոռի միաբանի հանգամանքով: Ս. Տ. Խորեն կաթողիկոսի այդ հայտարարությունների Ամենայն Հայոց Հայրապետի սեպտեմբեր 13-ի հեռագրից հետո լինելը ըստ էության ոչինչ չի փոխում: Կայացած համաձայնության խախտումը մնում է խախտում, և, հետևաբար, Մայր Աթոռիս բոլոր առարկություններն այդ մասին մնում են ի գործ:

Ձ. Երբ սեպտեմբերի 23-ին Մայր Աթոռում կարդացվեց Ս. Տ. Խորեն կաթողիկոսի հեռագիրը, որով նա հայտնում էր, թե Կիլիկյան Աթոռի եպիսկոպոսները չեն մասնակցելու եպիսկոպոսաց ժողովին, Ամենայն Հայոց Հայրապետը, միշտ հաշտարար ոգով, սեպտեմբեր 24-ին հեռագրեց՝ խոստանալով և վստահեցնելով Խորեն կաթողիկոսին, թե «Էնչ անհամաձայնակող հարցը այստեղ կլուծենք համախորհուրդ Ձեր եպիսկոպոսներու հետ: Ձեզ կվստահեցնենք թե որևէ անհարմար կացություն չստեղծվի Ձեր Աթոռի՝ համար: Մենք վերստին կհրավիրենք Ձեր եպիսկոպոսները Էջմիածին ժողովի: Եպիսկոպոսական ժողովը սեպտեմբեր 27-ին»:

Պարզ էր, որ Ամենայն Հայոց Հայրապետը ամեն գնով ցանկանում էր, որ Կիլիկյան եպիսկոպոսները մասնակցեին ժողովին՝ վստահեցնելով, թե որևէ անհարմար կացություն չի ստեղծվի նրանց համար ս. Էջմիածնում: Եթե Կիլիկյան եպիսկոպոսները իրոք ճիշտ հավանապիս կացությունը, ուղիղ կարդային Ամենայն Հայոց Հայրապետի հոգին ու գային ս. Էջմիածին, հնարավոր կլիներ ամեն ինչ կարգավորել, առանց վեճի, առանց որևէ անախորժության՝ «Հայ եկեղեցու ներքին միության ամրապնդում» հարցի քննարկումը թողնելով եպիսկոպոսաց ժողովից հետո կազմվելիք հանձնախմբին:

Այս էր, այո՛, իմաստը վեհափառ Հայրապետի 24 սեպտեմբեր 1969 թվակիր հեռագրի:

Է. Եպիսկոպոսաց ժողովից հետո Ամենայն Հայոց Հայրապետը, սուաջանորդված նույն ոգով և նկատի ունենալով նաև Ս. Տ. Խորեն կաթողիկոսի 26 օգոստոս 1969 թվակիր նամակով կատարված առաջարկությունը, այլև ընթացք տալով եպիսկոպոսաց ժողովի ցանկությանը, 30 հոկտեմբեր 1969-ին հրավիրեց Խորեն կաթողիկոսին, որ իր Աթոռի կողմից 2—3 լիազոր-ներկայացուցիչներ նշանակի և ուղարկի ս. Էջմիածին, որպեսզի Ամենայն Հայոց Հայրապետի նշանակած լիազորների հետ եղբայրորեն քննարկեն բոլոր այն կացությունները, որոնք ներքին տագնապներ և պառակտումներ են ստեղծել սպիտաքի եկեղեցու ծոցում շատ տեղեր, ու աշխատեն օրինական և գործնա-

յան լուծումներ գտնել՝ համրապնդումն հայ եկեղեցու ներքին միության և ի մխիթարություն հայ հավատացյալ ժողովրդի:

Իստ ցավալի է հաստատել, որ Անթիլիասի գահակալը ցարդ չի ընդունաջել հայրապետական հրավերին և առհասարակ որևէ պատասխան չի տվել: Խիստ հատկանշական է, որ Անթիլիասի հրապարակած գրքույկն էլ բնավ չի անդրադառնում Ամենայն Հայոց կաթողիկոսի այդ հրավեր-համակին:

Ամհակամալի է մնում, թե ինչո՞ւ Ս. Տ. Խորեն կաթողիկոսը եպիսկոպոսաց ժողովից առաջ կատարած իր առաջարկին ընթացք չի տալիս եպիսկոպոսաց ժողովից հետո: Հիմնականում որևէ նոր կացություն չի ստեղծվել եպիսկոպոսաց ժողովից հետո: Եկեղեցու բարեկարգության հարցերը, որոնք թվում են, թե առավել հետաքրքրում են Կիլիկյան Աթոռին, ուսումնասիրությանց ընթացքի մեջ են, որևէ որոշում չի տրվել, և քննարկումներն ու նախագծերի պատրաստման աշխատանքները դեռևս մեկ-երկու տարի կարող են տևել, աշխատանքներ, որոնց լավ է, ցանկալի է, որ մասնակցեն նաև կիլիկյան եպիսկոպոսները: **Հետևաբար ի՞նչ պատճառ կա, որ Անթիլիասի գահակալը մերժի 30 հոկտեմբեր 1969 թվի հայրապետական հրավերը:**

Ը. Անթիլիասում հրապարակված գրքույկը սահման-անցնում է Հայաստանյայց եկեղեցու ծոցում ծանր տագնապ ստեղծող և սփյուռքի հայությանը կյանքը քաքչալող հիմնական հարցի վրայից՝ քողարկելով այն «մեր Աթոռի ըմբռնումը», «մեր հստակ տեսակետը» և այլ բացատրություններով:

Անթիլիասի «հստակ տեսակետ» և «ըմբռնում» սաածը իրոք նրա հստակ քաղաքականությունն է՝ սփյուռքի եկեղեցիներն ու ժողովուրդը ս. Էջմիածնից բաժանելու և Անթիլիասի Աթոռին միացնելու: **Հենց այդ հստակության մեջ է ամբողջ ողբերգությունը:** Այո՛, հստակ է անթիլիասյան կեցվածքն ու ըմբռնումը. այն է՝ խոսքի իսկ չնստել գրավված թեմերի մասին, խոսքի իսկ չնստել Մրացյալ Նահանգաց և Մարսելի ապօրինի ողբերգական կացությանց մասին, խոսքի իսկ չնստել իր Աթոռի կանոնադրության 32-րդ և 33-րդ հոդվածների մասին, խոսքի իսկ չնստել իր հակապատմական և հակաօրինական հալիսարագորության նորաթուխ տեսության մասին: **Խոսքի իսկ չնստել՝ վերջ տալու համար հայ եկեղեցին և ժողովուրդը կիսելու և իրարից բաժանելու հակազգային քաղաքականությանը:** Ահա բուն իմաստը և միակ պատճառը Անթիլիասի մերժման՝ մասնակցելու եպիսկոպոսաց ժողովին, մերժման՝ Ամենայն Հայոց կաթողիկոսի 30 հոկտեմբեր 1969 թվակիր հրավերին:

Թ. Մեզ վրա լուրջ տպավորություն չթողեց նաև Անթիլիասի հրատարակության «Հավելված»-ը և հատկապես Նյու-Օրլեանի վերաբերյալ շարադրութաբանքը: Եվ ինչքա՞ն տարօրինակ ու բռնազբոսիկ են հնչում անթիլիասական հրատարակության մեջ «եկեղեցական կանոնական խախտում», «հայ եկեղեցվո կարգերուն հատուկ դարավոր կառուցվածքի հարված», «կանոնական ակնբախ խախտում հայ եկեղեցվո ավանդության» բացականչությունները: Որտե՞ղ էր այս հրատարակության հեղինակը տաար և ավելի տարիներից ի վեր: Չէ՞ր տեսնում ու չի՞ տեսնում մեր եկեղեցու կանոնների և ավանդությանց և դարավոր կառուցվածքի խախտումները, հարվածները, մեկը մյուսի ետևից, ծրագրված ձևով կատարված Անթիլիասի կողմից, շատ ու ավելի ծանր հետևանքներով, քան Նյու-Օրլեանի խախտումը, որը տեղական և մասնակի բնույթ է կրում, և որն արդեն դատապարտվել է Ամենայն Հայոց կաթողիկոսի կողմից ու հարցը փակվել «ոչ յօրինակ այլոց» վճռով, ինչպես վարվել էր նաև

հանգուցյալ Գևորգ Զ կաթողիկոսը նման երկու պարագաներում: Այս առթիվ հրապարակում ենք ման Ամենայն Հայոց կաթողիկոսի և Տ. Տ. Խորեն կաթողիկոսի միջև փոխանակված նամակները:

Ժ. Եվ քանի որ կանոն, ավանդություն ու դարավոր եկեղեցական կրոնույց հարգելու մասին է խոսքը, տեղին է հիշել Տ. Տ. Խորեն կաթողիկոսի վերջին հակաօրիմական և Ամենայն Հայոց կաթողիկոսի հայրապետական իշխանության դեմ կատարած ծանրակշիռ ոտնձգությունը՝ Հայաստանը լքած, ուխտադրուծ և կարգալույծ Անդրեսայան նախկին քահանայի պարագան, մի մարդու, որին Անթիլիասի գահակալը վերականգնել է քահանայական կարգի մեջ, առանց գոնե ձևականորեն տեղեկություն ուզելու ազգիս Ընդհանրական Հայրապետից: Որտե՞ղ է Անթիլիասի օրինապահությունը, կարգապահությունն ու ավանդապահությունը:

Այս մասին Տ. Տ. Վազգեն կաթողիկոսը հատուկ նամակ ուղղեց Տ. Տ. Խորեն կաթողիկոսին, 12 փետրվար 1970 թվին, որը նույնպես մնաց անպատասխան:

Ահա թե ինչու, իրապես Անթիլիասի հետ Մայր Աթոռիս հարաբերությանց մասին գրեթե ասելիք բան չի մնացել այլևս:

Է Ջ Ր Ա Կ Ս Ո Ւ Թ Յ Ո Ւ Ն

Հանրահայտ է և բոլորին ծանոթ Անթիլիասի քաղաքականությունը, այն է՝ բաժանել արտասահմանի հայ եկեղեցիները և հավատացյալ մեր ժողովրդին Մայր Աթոռ ու Էջմիածնից, քաղաքականություն, որն ավելի քան տասը տարիներից ի վեր հետապնդվում է և գործադրվում քալլ առ քալլ. քաղաքականություն, որը հստակորեն արտահայտվում է նաև Կիլիկյան Աթոռի նոր կանոնադրության 32-րդ և 33-րդ հոդվածներում:

Անցյալ տարի սեպտեմբերին, Ամենայն Հայոց կաթողիկոսը եպիսկոպոսաց ժողովին հրավիրեց Տ. Տ. Խորեն կաթողիկոսին և Կիլիկյան Աթոռի եպիսկոպոսներին՝ հույս ունենալով, որ միասնաբար և եղբայրաբար հնարավոր կլինի քննարկել մեր եկեղեցու միության ամրապնդման հարցը և վերացնել աղետալի տագնապի պատճառները: Նրանք մերժեցին զբաղվել այդ ամենակենսական հարցի քննարկումով և, իրենց իսկ խոստովանությամբ, այդ միակ պատճառով չեկան **ու Էջմիածին:**

Այնուհետև, ազգիս Ընդհանրական Հայրապետը հոկտեմբերի 30-ին հայրական սիրով նոր հրավեր ուղղեց Անթիլիասի գահակալին, որ ներկայացուցիչներ ուղարկի Մայր Աթոռ, նույն ցավոտ հարցի քննարկման համար, որպեսզի վերջ գտնի մեր եկեղեցու տագնապալի կացությունը: Ցարդ որևէ պատասխան չի ստացվել:

Այս բոլորը ստույգ ապացույցներ են, որ իրապես Անթիլիասը մտադիր չէ հրաժարվելու սփյուռքի հայ եկեղեցիները ու Էջմիածնից բաժանելու իր քաղաքականությունից:

Ուրեմն, ամեն ինչ պարզ է ու հստակ արևի լույսի պես: Մնացյալը ավելորդ շատախոսություն է և անզոր փորձ՝ հանրային կարծիքը շեղելու բուն, հիմնական հարցից:

Այնքան ժամանակ, որ Անթիլիասը կշարունակի այս հակաեկեղեցական ու հակաազգային քաղաքականությունը, իր կանոնադրությամբ իսկ հուշակված, բոլորս մեր նվիրական պարտքը պետք է նկատենք պաշտպանել հայ

եկեղեցու միությունը և Մայր Աթոռ սուրբ Էջմիածնի գերագույն հեղինակությունը, իբրև կենտրոն և գլուխ Հայաստանյայց եկեղեցու:

Բայց մենք դեռևս հույս ունենք, որ Անթիլիասի ափերին բարերար մի շունչ կփչի, և նրա գահակալը, պատասխանելով Ամենայն Հայոց կաթողիկոսի հրավերին, ս. Էջմիածին կողարկի իր լիազոր ներկայացուցիչներին, և միասնական ճիգերով ու եղբայրական փոխադարձ սիրով կվերացվեն ստեղծված սուգնապի պատճառները ու կվերականգնվեն հայ եկեղեցու ներքին միությունն ու խաղաղ գործակցությունը օրինականության ոգով և հայ եկեղեցու ու ժողովրդի հիմնական և տևական շահերի գիտակցությամբ:





ՄԱՅՐ ԱԹՈՌԻ ԵՎ ԱՆԹԻԼԻԱՍԻ ՄԻՋԵՎ ՓՈԽԱՆԱԿՎԱԾ
ՆԱՄԱԿՆԵՐ ԵՎ ՀԵՌԱԳՐԵՐ՝ Ս. ԷՋՄԻԱԾՆՈՒՄ 1969
ԹՎԱԿԱՆԻ ՍԵՊՏԵՄԲԵՐ 27—ՀՈԿՏԵՄԲԵՐ 2-Ը ԿԱՅԱՑԱԾ
ԵՊԻՍԿՈՊՈՍԱՑ ԺՈՂՈՎԻՆ ԿԻԼԻԿՅԱՆ ԱԹՈՌԻ
ԵՊԻՍԿՈՊՈՍՆԵՐԻ ՄԱՍՆԱԿՑՈՒԹՅԱՆ ՎԵՐԱԲԵՐՅԱԼ

Անթիլիաս, 15 մարտ 1968

ՆՈՐԻՆ Ս. ՕԾՈՒԹՅՈՒՆ
ՎԵՀԱՓԱՌ Տ. Տ. ՎԱԶԳԵՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. ԷՋՄԻԱԾԻՆ

Սիրելի Եղբայր ի Քրիստոս,

Ուրախությունը ունինք այսու նամակով անգամ մը ևս ողջունելու Ձեր Վեհափառ Եղբայրությունը և ի խորոց արտի մաղթելու Ձեզի բաշատուջ կյանք, բազմաբեղուն գործունեություն և երջանիկ գահակալություն:

Երկար տարիներէ ի վեր Մեր մտածումներուն և խոսակցությանց առարկա եղած են մեր եկեղեցւոյ հոգևոր առաքելության հետ կապված կարգ մը հարցեր, որոնց քննարկումը, միասնական ճիգերով, կհավատանք որ մեծապէս պիտի սատարէ Հայց. եկեղեցւոյ զորացումին, հայ քրիստոնէական հավատքի ծաղկումին և առհասարակ հայ ժողովուրդի ազգային-եկեղեցական կյանքի բարգաւաճումին:

Վերջին տարիներուն, հստակորէն կնկատենք որ քրիստոնէական եկեղեցիները հաճախ առիթներ կստեղծեն և միջոցներ կգտնեն իրենց առաքելությունը Ի դարու աշխարհին մեջ վերստին մտածելու և որոշ պատշաճեցում-

ներ կատարելու ի խնդիր քրիստոնեական սուրբ հավատքի առավել ևս անմամին և ազդեցության մարդոց կյանքին և գործունեության մեջ: Վերանորոգումի և վերակենսավորման գեղեցիկ շարժում մը կա քրիստոնեական աշխարհին մեջ, որ ապահովաբար ամենեն հատկանշական և հուսադրիչ երևույթն է Ի դարու եկեղեցվո պատմության:

Հայց. եկեղեցին վերջին հիսուն տարիներու ընթացքին միշտ ունեցած է բարեկարգության հարց մը, որուն մասին ոչ միայն անհատներ, հոգևորական թե աշխարհական, գրած են և հրատարակավ արտահայտված, այլև ու մանավանդ մեր եկեղեցին պաշտոնապես անդրադարձած է անոր, մասնավորաբար երջանկահիշատակ Ս. Տ. Խորեն Ա Ամենայն Հայոց կաթողիկոսի 1937-ի սրբատառ կոնդակով. (1 օգոստոս, թիվ 417), ինչպես նաև մեր նվիրապետական և Աթոռներու Գահակալներուն կողմն եղած արտահայտություններով:

Բնականորեն ըստ ինքյան բարդ խնդիր մըն է Հայց. եկեղեցվո բարեկարգության հարցը: Երկար տարիներ անհրաժեշտ են զայն ամբողջականորեն և խորապես ուսումնասիրելու և ըստ այնմ եզրակացություններու հանգելու համար: Բայց կան որոշ հարցեր որոնք անմիջական ուսումնասիրության և կարգադրության կկարոտին, որովհետև, մեր հավատացյալ ժողովուրդին համար այլևս դարձած են առօրյա հարցեր, որոնց մասին հաճախ կխոսվի երբեմն տեղի տալով առողջ նախանձախնդրությունն քսող արդար դժգոհություններու և երբեմն ալ առիթ տալով անհիմն տեսակետներու և անտեղի քննադատություններու:

Արդարև, մեր եկեղեցվո ներկայի կյանքին և դրության մեջ կան որոշ ավանդություններ և սովորություններ, որոնք զուտ կրոնական, հոգևոր և ծիսական բնույթ ունին և ժամանակի ընթացքին ալ արդեն կրած են ինչ-ինչ փոփոխություններ մեր ժողովուրդի կյանքին պատշաճեցման և եկեղեցվո առաքելության արդյունավորության սկզբունքներեն և առաջադրություններեն թելադրված: Այդպիսի խնդիրներ են, օրինակի համար, Մեծ պահոց և սոհասարակ պահեցողության հարցը՝ թե տևողության, թե բովանդակության և թե կարգավորման եղանակին տեսակետներեն դիտված, **ա. պսակի արգիլյալ օրերու, Աստվածահայտնության տոնի թվականի** և այլ նմանօրինակ կամ հարակից խնդիրներ:

Մենք հույս ունեինք, որ գերշ. տ. Տաճատ և արքեպիսկոպոսի և գերշ. տ. Գարեգին և Եպիսկոպոսի 1967-ի հունիսին ծրագրված մեկնումը ի ս. Էջմիածին, Ապրիլյան եղեռնի զոհերուն կանոնական սրբացումի հարցի քննարկությամբ զբաղվելու համար՝ պիտի ըլլար գեղեցիկ առիթ մը արծարծելու վերել նշված խնդիրները և անոնց հարակից ու նմանօրինակ հարցեր, որոնց համար անհրաժեշտ է որ մեր եկեղեցին պաշտոնապես ընեն որոշ տնօրինություններ: Բայց երկու սրբազաններուն և Էջմիածին մեկնումը կարելի չեղավ խորհրդակցական ժողովին հետաձգման պատճառով:

Այժմ, հարմար առիթը նկատելով գերշ. տ. Գարեգին և Եպիսկոպոսին ուղեկցությունը ի Զագորսկ, Մոսկվա, միջեկեղեցական խորհրդակցական ժողովի մը մասնակցելու համար, «Եկեղեցի և ընկերություն» նյութին շուրջ, (17—28 մարտ), փափագեցանք որ այս նմանօրինակ հարցերու շուրջ ինք հայտնեն Ձեզի Մեր տեսակետներն ու ընդհանուր տրամադրությունները՝ անձամբ այցելելով Ձերդ Վեհափառության և բերելով Ձեզի Մեր եղբայրական սիրո ջերմ ողջույնը և սրտալից մաղթանքները Ձեր արևշատության և ս. Էջմիածնի պայծառության համար:

Մեծապես ուրախ պիտի ըլլանք իմանալով Ձեր տեսակետները վերոհիշյալ հարցերու, ինչպէս նաև անոնց լուծումը գտնելու մասին, որպէսզի նման բարեկարգչական շանքերով առավել ևս զորանա մեր եկեղեցին ի սիւրուս աշխարհի:

Կաղոթենք առ Ամենաբարին Աստված որ Ձեզ զորացնէ Ձեր նվիրական առաքելության մեջ պարգևելով Ձեզի անսահման ուժ և հոգեկան արիւթյուն փառավորապէս արդիւնավորելու համար Ձեր գահակալությունը ի ծառայություն մեր և եկեղեցւո և ի պանծացումն մեր ազնվական հայ ազգին:

Մնամ եղբայրական սիրո ջերմ ողջունիվ,

Աղոթակից՝

Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈՒ

Էջմիածին, 9 սպրիլ 1968 թ.

Ն. Ս. ՕԾՈՒԹՅՈՒՆ

Տ. Տ. Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈՒ

Ա ն թ ի ի ա ս

Մեզի ուրախություն պատճառեց այցելությունը Մայր Աթոռ, գերաշնորհ տ. Գարեգին եպիսկոպոս Սարգիսյանին, որ մեկ շաբաթ եղավ Մեր անձնական հյուրը:

Տ. Գարեգին արբազան հանձնեց Մեզի Ձեր 15 մարտ 1968 թվակիր նամակը ուր կնշեք անհրաժեշտությունը որոշ ծիսական բարեկարգումներ կատարելու մեր եկեղեցւո ծոցին մեջ, ինչպիսիք են՝ Մեծի պահոց և առհասարակ պահեցողության, և պսակի արգիլյալ օրերու, Աստվածաբայտնության թվականի և այլ նման հարցեր:

Այս առնչությամբ կկամենայինք Ձեզի հայտնի դարձնել թե վերջին տարիներու ընթացքին՝ 1956-ին և 1962-ին եպիսկոպոսական ժողովներու և անցյալ տարի խորհրդակցությանց առարկա դարձած ըլլալով վերոհիշյալ հարցերը, Մենք որոշած ենք արդեն զանոնք հանգամանորեն քննարկման ենթարկելու եպիսկոպոսական ժողովին մեջ, զոր ծրագրած ենք գումարել հառաչիկա տարի հոկտեմբերին և Էջմիածնի մեջ և մյուտոնի օրհնության առթիվ:

Հուսով ենք թե այդ ժողովին իրենց մասնակցությունը կբերեն նաև՝ Ձեր Աթոռի եպիսկոպոսները:

Ընդունեցեք Մեր եղբայրական ողջույնը սուրբ Էջմիածնեն, բարի մաղթանքներով Ձեր քաջատողջության և արևշատության համար:

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Անթրիխա, 27 մայիս 1968 թ.

ՆՈՐԻՆ Ա. ՕԾՈՒԹՅՈՒՆ
ՎԵՀԱՓԱՌ Տ. Տ. ՎԱԶԳԵՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Է Ջ մ ի ա ծ ի ց

Սիրելի Եղբայր ի Քրիստոս,

Շնորհակալությամբ ստացանք Ձեր 9 ապրիլ 1968 թվակիր և 367 թվահամար գրությունը որպես պատասխանի Մեր Ձեզի ուղղած 15 մարտ 1968 թվակիր և 120/68 թվահամար գրության, որ արժարժեք էինք Հայց. մեր ս. եկեղեցվո ներկա կյանքին հետ սերտ առնչություն ունեցող և կրոնաժխատական քննույթ կրող կարգ մը այժմեական հարցեր:

Շատ ուրախ ենք որ Ձեր Ա. Օծությունն ալ հիշատակված այդ հարցերուն նկատմամբ ցույց տված է ջերմ հետաքրքրություն և նախասնձախնդիր շահագրգռություն հագուտ մեր ս. եկեղեցվո զորացումին և անոր առաքելությանն արդյունավորման:

Բարենորոգչական այդ հարցերով և անոնց հարակից կամ նմանօրինակ խնդիրներով զբաղելու համար, ս. Աթոռիս Ազգային կեդրոնական վարչության հետ երկար խորհրդակցելէ հետո, եկանք հետևյալ եզրակացության որպէս լավագույն միջոց և ուղիղ ճամփա անոնց քարվոք լուծումին համար:

Նկատի ունենալով որ ըստ Հայց. առաքելական ս. եկեղեցվո հարազատ և ժողովրդավար ոգիին և ավանդության ազգային-եկեղեցական համագումարըն է որ պետք է պարտն ու պատշաճը տնօրինէ և սահմանէ հարկ եղած կրօնունենը այդ հարցերու կարգադրության համար,

Այսու գրությամբ կատաշարկենք նախ կազմել հոգևորական և աշխարհական մասնագետներէ բաղկացյալ հանձնախումբ մը, որուն համար Ձերո՞ Վեհափառությունը նշանակէ 3—4 անդամներ և Մենք նշանակենք 2—3 անդամներ, որպէսզի անոնք որոշյալ ժամանակամիջոցի մը ընթացքին քննական ուսումնասիրություններով պարզաբանեն, վերլուծեն նշանակյալ հարցերը և գրավոր գեղույցներ ներկայացնեն թե Ձերո՞ Սրբության և թե Մեզի որպէսզի Դուք և Մենք մերկայացուցած տեղեկագիրներու հիման վրա խորհրդակցինք մեր թեմակալ եպիսկոպոսներուն և պատկան ազգային-եկեղեցական վարչությանց հետ և ապա մեր եզրակացությունները հղենք ազգային-եկեղեցական համագումարին ի քննարկումն և ի պատշաճ տնօրինումն:

Մենք արդեն ի մտի ունինք որոշ անձեր նման հանձնախումբի մը անդամակցելու համար. անձեր՝ որոնք հատուկ պրպտումներ կկատարեն որպէս նախապատրաստական աշխատանք ուսումնասիրության մը համար:

Մենք, առաջնորդվելով Հայց. ս. եկեղեցվո միության ոգիին և կաթողիկոսական զույգ Աթոռներու միջև գործակցության սկզբունքեն, մեծ հույս ունինք որ լիովին կհաջողինք կենսական և այլևս անհետաձգելի դարձած այս գործը միասնաբար ի գլուխ հանել՝ ի պայծառություն մեր ս. եկեղեցվո և ի բարգավաճումն մեր պատվական հայ ժողովուրդին: Պետք է արագ և ապահով, խոհեմ և ազատամիտ ոգիով շարժիլ այս դարուն՝ զորացնելու համար մեր եկեղեցին նման վերանորոգիչ կարգադրություններով, միանգամայն ամուր և անխախտ պահելով հայ եկեղեցվո էական ավանդությունները: Մեր ժողովուրդի

հոգևոր կյանքին աղաղակող կարիքները կպահանջեն որ շուշանա և չդանդաղի բարենորոգչական այս սուրբ ու նվիրական գործը:

Ի խորոց սրտի կաղոթենք առ Բարձրյալն Աստուած որ շնորհե Ձեզի բաշատողջ և երջանկալից երկար կյանք որպեսզի կատարյալ հաջողությամբ պսակվին Ձեր ազգանվեր բոլոր ճիգերն ու ջանքերը ի շինություն հայրենի մեր աշխարհին, ի պայծառություն մեր ս. Էջմիածնին և ի փառավորումն մեր պանծալի ս. եկեղեցվուն:

Սպասելով Ձեր պատասխանին,

Մնամ եղբայրական սիրո ջերմ ողջունիվ,

Աղոթակից՝

Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Էջմիածին, 21 նոյեմբեր 1968 թ.

Ն. Ս. ՕԾՈՒԹՅՈՒՆ

S. S. Խ Ո Ր Ե Ն Ա ԿԱԹՈՂԻԿՈՍԻՆ

ՄԵԾԻ ՏԱՆՆ ԿԻԼԻԿԻՈ

Ա. Ա թ ի ի ա ս

Այսու Մեր գրով գոհունակությամբ կհաստատենք Ձեր 27 մայիս թվակիր նամակը, որով Մեզի կհայտնեիք Ձեր մտածումները ի մասին որոշ ծիսական և տոմարական բարեկարգումներու մեր եկեղեցիեն ներս, ընդգծելով սնունց այժմեությունը:

Ինչպես նշած էինք Մեր 9 ապրիլ 1968 թվակիր նամակով, հիշյալ հարցերը տակավին 1956-են սկսյալ, եղած են առարկան Մեր և մեր եպիսկոպոսական քանի մը ժողովներու քննարկման, հարցեր որոնք այսօր ևս կհանդիսանան բոլորիս ուշադրության կեդրոնը, նկատելով որ իրոք ժամանակն է արդեն վերջնական եզրակացությանց հանգելու և բարվոք լուծումներ տնօրինելու, ի շինություն մեր ս. եկեղեցվո:

Այս իսկ նպատակով Մենք որոշած ենք հառաջիկա աշնան, սրբալույս մյուռոնի օրհնության առթիվ, եպիսկոպոսական ժողով գումարել Մայր Աթոռին մեջ:

Այս պահուս մեր եկեղեցվո կյանքի ներկա պայմաններուն մեջ, երբ կիսուսինք սակայն ներքին բարեկարգությանց մասին, չենք կրնար չանդրադառնալ այն տխուր կացության որուն մեջ կգտնվի մեր եկեղեցին 1956-են սկսյալ, և հատկապես 1963-ի մեր ողջագործումեն հետո, և որ կհանդիսանա սփյուռքի մեջ հայ եկեղեցական կյանքի ամենամեծ անբարեկարգությունը:

Այսօր, երբ սկսած ենք մտածել մեր եկեղեցվո ներքին բարեկարգությանց մասին, ամեն բանե առաջ պետք է մտահոգվինք և աշխատինք միասնական ճիգերով բարեկարգել մեր եկեղեցվո նվիրապետական, կանոնական և սլառմականորեն հաստատված կարգը և վերահաստատել մեկությունը և միությունը մեր եկեղեցիին, որով առաջնորդված են մեր նախնիք դարեր շարունակ, ս. Գրիգոր Լուսավորչի իսկ օրերեն սկսյալ:

Կիտրոհիկը թե իրապես ժամանակն է, որ Մեծի Տանն Կիլիկիո Աթոռը, անդրադառնա այս ճշմարտության և գործնապես ապացույցը տա օրինակականության, ճանփա բանալով միության վերահաստատման, ներքին խաղաղության և եղբայրական գործակցության մեր եկեղեցվո ծոցին մեջ:

Այս հարցերուն վերաբերյալ հայտնի են Չեզի Մեր գերագույն ճիգերը որ ի գործ դրինք 1963-ին Երուսաղեմի մեր ողջագործման օրերուն: Հայտնի են Չեզի նաև Մեր հոգեկան խտովքը և ծանր հուսախաբությունները, որ Մենք ապրեցանք 1963-են հետո ի տես Չեր Աթոռի վարած քաղաքականության, և որոնց առարկան հանդիսացան Չեզի ուղղված Մեր նամակները՝ 14 մարտ, 5 հունիս և 27 օգոստոս 1964 թվակիր, ինչպես և 12 հոկտեմբեր և 14 դեկտեմբեր 1965 թվակիր, որոնք մնացին անարձագանք:

Մեր վրա շատ ծանր ազդեցին մանավանդ ողջագործման հետո, ծանոթ ոգին և գործելակերպը, որով Չեր Աթոռը՝ հանրահայտորեն և առավել չափով հակադրվեցավ Մայր Աթոռ ա. Էջմիածնին մանավանդ՝

ա. Հավասարագործության նորելուկ տեսությամբ մը, որով փորձ կըլլա հաշ կեկեղեցին և նվիրապետությունը վերածելու երկզվաանի մարմնի մը, Անթիլիասի Աթոռը հաղթահարագոր նկատելով Ամենայն Հայոց Հայրապետական Աթոռին, և «Ամենայն Հայոց» տիտղոսը ավելացնելով կիլիկյան կաթողիկոսի անունին:

բ. Միջեկեղեցական կյանքի մակարդակի վրա Կիլիկյան կաթողիկոսությունը ներկայանալով ու գործելով իբրև առանձին Աթոռ, անջատ Հայաստանյայց եկեղեցվո միությունեն, հակադրվելով Մայր Աթոռին և Ամենայն Հայոց Հայրապետության: Այսպիսով փաստորեն, միջեկեղեցական հարաբերությանց և ժողովներու մեջ, չկա մեկ հաշ եկեղեցի, այլ կան երկու հաշ եկեղեցիներ, երկու անջատ և հաճախ իրարու հակադրվող պատվիրակություններ:

գ. Չեր Աթոռի նոր կանոնադրության 32-րդ հոդվածով, որով ա. Էջմիածնի իշխանության տակ գտնվող պատմական թեմերը՝ Պարսկաստանի, Մ. Նահանգներու և Հունաստանի, պաշտոնապես հռչակված են Մայր Աթոռ ա. Էջմիածնեն բաժնված և միացած Անթիլիասին, և նույն Չեր կանոնադրության 33-րդ հոդվածով, որ հրավեր կկարդա նաև այլ թեմերու Անթիլիասին միանալու: Այս հոդվածներով Չեր Աթոռը պաշտոնապես և տեսապես հարձակողական դիրքերու վրա կգտնվի Մայր Աթոռիս հանդեպ:

դ. Նշանակումովը Մարսիլիո մեր թեմեն ներս Չեր միաբան եպիսկոպոսի մը, առանց Մեր գիտության և համաձայնության:

Այս բոլորի հետևանքը ծանոթ է Չեզի և համայն հայության: Սփյուռքի մեջ գրեթե ամեն տեղ հաշ եկեղեցվո ծոցին մեջ, կտիրեն անկայուն և խռովահույզ վիճակ, պառակտումներ և նոր պառակտումներու սպառնալիքներ:

Ահա թե ինչո՞ւ, երբ կմտածենք բարեկարգել մեր եկեղեցին և մխիթարել մեր հավատացյալ ժողովուրդը, նախ պարտինք վերջ տալ այս անտանկի կացության, վերահաստատումովը մեր եկեղեցվո և նվիրապետության ծոցին մեջ, միության, օրինակականության և խաղաղության:

Այստեղ գուցե հիշենք ավելորդ անգամ մը ևս, թե Մայր Աթոռս երբեք չէ մտածած և չի մտածեր որևէ չափով տկարացնել Կիլիկյան Աթոռը կամ սահմանափակել անոր իրավասությունները, և ներքին ինքնավար ղեկավարությունը: Մենք անշեղ կերպով կհետևինք Մեզ նախորդող Հայրապետներու օրինակին, և կհարգենք Չեր Աթոռին իշխանությունը՝ Լիբանանի, Սուրիո և Կիպրոսի թեմերուն վրա, որոնք 1928-ին, ա. Էջմիածնի Մայր Աթոռիս տնօրի-

նությամբ, Երուսաղեմի հայոց պատրիարքության կողմն տրամադրվեցան Անթիլիաս հաստատված Կիլիկյան Աթոռին:

Մեր օրերուն; մեր եկեղեցվո բարեկարգությամբ առաջնահերթ հարցը, բարեկարգումն է սույն ողբալի կացության, եկեղեցական օրինականության և ազգային միասնության հրամայականներու լույսին տակ: Ինչքան ատեն Ձեր Աթոռը կշարունակե հակադրվիլ Մայր Աթոռիս՝ հայ եկեղեցվո կյանքնն ներս և միջեկեղեցական կյանքի մակարդակի վրա, ինչքան ատեն Ձեր Աթոռը կշարունակե արտասահմանի հայ թեմերը պառակտելու և ս. Էջմիածնեն բաժնելու իր քաղաքականությունը, բնականորեն հետզհետե կքայքայվի միությունը մեր եկեղեցիին և նվիրապետության սուրբ մարմնույն, ու հետզհետե կխորանա խոռվահույզ հոգեկան վիճակը մեր պանդուխտ ժողովուրդին:

Հետևաբար, Մենք եղբայրաբար վերստին կոչ կընենք Ձերդ Սրբության. որ անդրադառնաք մանավանդ վերև հիշված չորս արարքներուն որոնք ի գործ դրվեցան Ձեր Աթոռին կողմն 1963-ի ողջագործումեն հետո, որպեսզի խաղաղություն ըլլա և սկիզբ առնե շրջան մը համերաշխ ու շինարար գործակցությամ մեր պանդուխտ ժողովուրդի եկեղեցական, կրթական, մշակութային կյանքնն ներս: Որպեսզի վերահաստատվի միությունը մեր եկեղեցիին և մեր նվիրապետության, և ճանապարհ հարթվի գործակցությամ՝ Մայր Աթոռիս միջև, այնպես ինչպես ցայսօր գոյություն ունին այդ օրինական կացությունը և համերաշխ գործակցությունը՝ Մայր Աթոռիս և Երուսաղեմի ու Կ. Պոլսո մեր պատրիարքական աթոռներուն միջև:

Միություն, օրինականություն և խաղաղություն, այս թող ըլլա Ձեր նշանաբանը այժմ և միշտ:

Այսպես է որ պիտի հաղթահարենք մեր ամենուս առաջ դրված հարցնելու ու դժվարությունները:

Այսպես է որ պիտի ամրապնդենք և բարձրացնենք հեղինակությունը մեր ս. եկեղեցիին հաշս մեր ազգին և հաշս մեր քույր եկեղեցիներուն:

«Զխաղաղութեան զհետ երթայք ընդ ամենեսին» (Եբր. ԺԳ. 14) և «Եղբայրսիրութիւն հաստատեցէ առ Ձեզ» (Եբր. ԺԳ. 1):

Քաջատողջության սրտաբոխ մաղթանքներով և սիրով ի Քրիստոս՝

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Անթիլիաս, 5 ապրիլ 1969 թ.

ՆՈՐԻՆ Ա. ՕԾՈՒԹՅՈՒՆ

ՎԵՀԱՓԱՌ Տ. Տ. ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Է Ջ մ ի ա ծ ի ց

Սիրեցյալ Եղբայր ի Քրիստոս,

Ստացած ենք, իր ատենին, Ձեր 21 նոյեմբեր 1968 թվակիր և 1002 թվա համար նամակը ի պատասխանի Մեր 27 մայիս 1968 թվակիր և 237/68 թվա համար գրության, որուն մեջ հանգամանորեն անդրադարձած էինք մեր Հայց.

ս. եկեղեցվո հատուկ բարեկործաններու հարցին և առ այդ հայտնելն ետք Մեր տեսակետները ընդհանուր ձևով՝ առաջարկած էինք Ձերդ Վեհափառության հարցերու քննության և լուծման հատուկ ընթացք մը, որ կհամապատասխաներ մեր եկեղեցվո ոգիին և դրության և միանգամայն կարտահայտեր միասնական գործակցության սկզբունքը:

Առաջնորդված այդ բարեկործանները հարմարագույն և օգտակարագույն ձևով իրականացած տեսելու նախանձախնդրությունն՝ բնականորեն խոր ցավ պատճառեց Մեզի այն իրողությունը, որ Մեր արտահայտած մտածումներուն և առաջարկած գործակցության սկզբունքին և ձևին անդրադառնալու փոխարեն այս առիթով կհարուցանեիք հարցեր և կուտայիք մեկնաբանություններ, որոնք աղերս չունեին բարեկործաններու հասարակաց և ընդհանրական հարցին հետ, որուն քննարկումը և լուծման ձևերու որոնումը՝ գործակցության եղբայրական ոգիով՝ դարձած են ստիպողական պարտք մեր եկեղեցիին համար:

Մեր այս գրությամբ, հաստատելն ետք Մեր արտահայտած տեսակետները 15 մարտ և 27 մայիս 1968 թվակիր նամակներուն մեջ, կուզակն Ձերդ սիրեցյալ Եղբայրության բարձր նկատողության հանձնել հետևյալ կետերը.

1. Հետևելով անցյալի ավանդության և հատկապես ս. Էջմիածնի և Մեծի Տանն Կիլիկիո կաթողիկոսությանց միջև հայ եկեղեցվո բարեկարգումին առընչությամբ ցարդ կիրարկված գործակցության սկզբունքին, ինչպես նաև նկատի ունենալով Ձեր երջանկահիշատակ նախորդներու նախաձեռնությունները այս ուղղությամբ, Մենք անհրաժեշտ կգտնենք, և հույժ փափագելի, որ շարունակվին միասնական աշխատանքի այդ ոգին և ընթացքը թե հարցերու քննության և թե անոնց մասին որոշումներու հանգումի հանգրվաններուն վրա: Մեզի համար մեր եկեղեցվո խոր ու անքակտելի միությունը այնքան նվիրական է որ ունե հարց որ կապ ունի անոր դավանական, ծիսական, կարգապահական, նվիրապետական կառույցին հետ պետք է նկատի առնվի հայ եկեղեցվո ամբողջականության շրջագծին մեջ: Միակողմանի ունե աշխատանք և ունե շարժում կրնա վտանգել այդ միությունն ու ամբողջականությունը, ինչ որ, կհավատանք, ցանկալի չէ ունե հայ մարդու համար որ սեր ունի իր դարավոր և նահատակ եկեղեցվույն հանդեպ: Ուստի, պատմության առջև կեցած, անգամ մը ևս կհայտնենք Ձերդ սիրեցյալ Եղբայրության, Կիլիկյան մեր ս. Աթոռին եղբայրական գործակցության տրամադրությունը, համաձայն այն սկզբունքներուն և տեսակետներուն զորս արտահայտած ենք Մեր վերոհիշյալ գույգ նամակներուն մեջ: Կհուսանք որ՝ մղված հայ եկեղեցվո միության սկզբունքն և առաջնորդված հայ ժողովուրդի գերագույն շահերեն՝ հայ եկեղեցվո բարեկործանն այնքան հիմնական գործին մեջ չի խախտվիր միասնական գործակցության ավանդական խարիսխը, որուն խախտումը կրնա այնքան բարդ դժվարություններու առաջնորդել և նորանոր հարցերու և վեճերու դուռ բանալ, որոնցմե պետք է գերծ պահել մեր պատվական հայ ժողովուրդը մասնավորաբար սփյուռքի մեջ ուր ան այնքան բուն գոհողություններով լի պայքար կմղե իր գոյատևման համար, որուն հիմնական ույժերն մեկը մեր դարավոր, և անբաժանելի եկեղեցին է:

2. Կուզեինք նաև հայտնել Ձերդ սիրեցյալ Եղբայրության որ գործակցության այս ոգին թելադրված և ապագայի հուսալից հեռանկարներով այդ գործակցությունը դրականապես արտահայտելու կամքն մղված՝ և միանգամայն նկատելով որ դուք արդեն հրավիրած եք խորհրդակցական ժողով մը զբաղելու համար բարեկործաններու այս նույն հարցով, այն ինչ որ հայտնեք

էինք Մեր 27 մայիս 1968 թվակիր նամակով նախապատրաստական աշխատանքներ տանելու մասին, ավելի գործնական և պաշտոնական արտահայտություն տվինք անոր՝ կազմելով հատուկ հանձնախումբ մը երեք հոգևորականներն և չորս աշխարհականներն բաղկացած (գերշ. տ. Տաճատ ս. արքեպիսկոպոս, գերշ. տ. Գարեգին ս. եպիսկոպոս, հոգշ. տ. Մեսրոպ վրդ. Աշնյան, տիար Հակոբ Տեր-Մելքոնյան, տիար Վահե Աեթյան, տիար Բյուզանդ Եղիայան և տիար Գրիգոր Պողարյան), որոնք այժմ կկատարեն ուսումնասիրություններ, որոնց արդյունքը պիտի հայտնեն Մեզի որպեսզի զայն նկատի ունենանք պաշտոնապես մեր կաթողիկոսության վերին իշխանության, Ազգային ընդհ. ժողովին մեջ, պատշաճ ժամանակին: Լիառույս ենք որ այս հանձնախումբի աշխատանքները և Ձեր կողմէ հրավիրված խորհրդակցական ժողովին արդյունքները կներդաշնակվին փոխադարձ խորհրդակցություններով որպեսզի կարելի ըլլա զանոնք ներկայացնել ազգային-եկեղեցական համագումարին, որ գերագույն հեղինակությունն է Հայց. եկեղեցվո մեջ, առ ի քննություն և ի պատշաճ տնօրինումն:

Ի վերջ բանիս, պարտք կզգանք անգամ մը ևս շեշտել կարևորությունը բարեձորոգումներու հատուկ աշխատանքներուն՝ ի խնդիր մեր եկեղեցվո և ժողովուրդի պայծառացման և հոգևոր, ազգային զորացումին: Վստահ ենք որ այս ընդհանրական հարցին առջև կշքանան բոլոր տեսակի ժամանակավոր բնույթ կրող տարակարծությունները և եղբայրական սիրո մթնոլորտի մը մեջ գործակցության ոգին, այնպես ինչպես ան արտահայտվեցալ այնքան գեղեցիկ և օրինակելի ձևով Երուսաղեմի մեջ 1963-ի հոկտեմբերին: Կապասենք և կհուսանք որ այդ ոգին իր բարերար ազդեցությունը կշարունակե հայ եկեղեցվո և ժողովուրդի կյանքին մեջ ներկայիս և ապագային ի պայծառություն մեր ս. եկեղեցվո և ի շինություն ու բարգավաճում ազգիս հայոց:

Ի բոլոր սրտե կաղոթենք որ Ամենաբարին Աստված պարգևե Ձեզի մըշտատև առողջություն և երջանկալից երկար կյանք որպեսզի Ձեր եկեղեցավեր ճիգերն ու ջանքերը հաջողությամբ պսակվին ի պայծառություն, ի զորացումն և ի փառավորումն Հայց. առաքելական մեր ս. եկեղեցվո:

Մնամ եղբայրական սիրո ջերմ ողջունիվ,

Աղոթակից՝

Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Էջմիածին, 3 ապրիլ 1969 թ.

Ն. Ա. ՕԾՈՒԹՅՈՒՆ

S. S. Խ Ո Ր Ե Ն Ա - Դ

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Ա ճ թ ի լ ի ա ս

Ծնորհագարդ Եղբայր,

Այսու Մեր գրով կհաստատենք Ձեր 15 մարտ 1968 և 27 մայիս 1968 թվակիր նամակները, ինչպես և Մեր 9 ապրիլ 1968 և 21 նոյեմբեր 1968 թվա-

կիր գրությունները, որոնց ստարկան հանդիսացան կարգ մը հարցեր մեր եկեղեցվո ներքին բարեկարգությանց վերաբերյալ: Մեր 9 ապրիլ 1968 թվականի նամակով Ձեզի հայտներ էինք թե այդ հարցերը Մեր ալ մտահոգությանց կեդրոնը կգտնվին և կնկատենք զանոնք անհետաձգելի, և թե մտադրված ենք 1969-ի աշնան հրավիրել Հայաստանյայց Եկեղեցվո եպիսկոպոսներու ժողով ա. Էջմիածնի մեջ: Եվ նույն Մեր նամակին մեջ հույս կհայտնենինք թե «ժողովին իրենց մասնակցությունը կբերեն նաև Ձեր Աթոռի միաբան եպիսկոպոսները»:

Մենք թեև կապասեինք Մեր 21 նոյեմբեր 1968 թվականի կարևոր նամակի պատասխանին, զոր տակավին չենք ստացած, այսու կփութանք Ձեզի հայտորդել թե Մեր նախատեսած վերոհիշյալ եպիսկոպոսական ժողովը որոշած ենք գումարել հառաջիկա սեպտեմբերի 25-են հոկտեմբերի 2-ը Մայր Աթոռիս մեջ, սրբալույս մյուռոնի օրհնության առթիվ, որ տեղի պիտի ունենա կիրակի 5 հոկտեմբեր 1969-ին:

Արդ, հաճելի է Մեզի եղբայրական հրավեր ուղղել Ձերդ Սրբության, որպեսզի Ձեր գործոն մասնակցությունը բերեք Հայաստանյայց եկեղեցվո եպիսկոպոսներու ժողովին, ի գլուխ Ձեր Աթոռի միաբան եպիսկոպոսներուն:

Մեր իղձն է որ մեր եկեղեցվո առաջ դրված հարցերու ուսումնասիրությունը, քննարկումը և ժողովի եզրակացություններն ու բանաձևումները ըլլան այնպիսի մակարդակի վրա որ՝ թե՛ հաշտ մեր ժողովուրդին և թե՛ հաշտ քույր եկեղեցիներուն, բարձր պահվի Հայաստանյայց առաքելական եկեղեցվո հոգեվոր ու բարոյական հեղինակությունը: Ցանկալի է Մեզի վստահ ըլլալ թե Ձերդ Սրբությունը այս առթիվ պիտի բերե իր թանկագին նպաստը ի շինություն հայ հավատացյալ ժողովուրդի հոգևոր կյանքին:

Ներկիսկ Ձեզի կողարկենք ժողովի օրակարգի նախագիծը, որ տակավին հրապարակելի չէ, զի կարող է որոշ փոփոխություններ կրել:

Կներկիսկենք նաև պաշտոնական հրավերները ուղղյալ Ձեր Աթոռի բոլոր եպիսկոպոսներուն: Կխորհինք թե պատշաճը կոնօրիներ որպեսզի հնարավոր դառնա բոլորի մասնակցությունը ժողովին:

Նույն հրավերը, նույն օրակարգով, հիշած ենք նաև Երուսաղեմի և Կ. Պոլսո հայոց պատրիարքներուն և Մայր Աթոռիս միաբան բոլոր եպիսկոպոսներուն, հանձնարարելով որ այժմեն իսկ հետամուտ ըլլան բազմակողմանիորեն ուսումնասիրելու օրակարգի հարցերը, պատրաստելով իրենց գրավոր եզրակացությունները և առաջադրանքները, զանոնք ներկայացնելու համար ժողովին: Ցանկալի է որ նույն հանձնարարությունը հաճիք կատարել Ձեր Աթոռի սրբազան միաբաններուն, որոնք հրավիրված են մասնակցելու ժողովի աշխատանքներուն:

Հուսով ենք թե սուրբ Հոգվո ներշնչմամբ, միության ոգիով և միասնական աշխատանքով, մեր եկեղեցվո եպիսկոպոսներու ժողովը պիտի հաջողի բարի ու դրական արդյունքներու հասնիլ ի մխիթարություն մեր հավատացյալ ժողովուրդին և հուրախություն մեզի:

Սպասելով Ձեր պատասխանին, մնամք եղբայրական սիրով ի Քրիստոս՝

Վ Ա Զ Գ Ծ Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Էջմիածին, 4 ապրիլ 1969 թ.

ԳԵՐԱԾՆՈՐՀ

Տ. ՂԵՎՈՆԴ ԱՐՔԵՊԻՍԿՈՊՈՍ ԾԵՊԵՃՅԱՆ
ՄԻԱԲԱՆ ՄԵԾԻ ՏԱՆՆ ԿԻԼԻԿԻՈ ԱԹՈՌԻ

Ա Ա թ Ի Լ Ի Ա Ա

Ամենայն Հայոց կաթողիկոս Տ. Տ. Վազգեն Ա Հայրապետի որոշումով և օրհնությամբ, Մայր Աթոռ ս. Էջմիածնում հրավիրվում է Հայաստանյայց եկեղեցու եպիսկոպոսներու ժողով, քննարկելու համար այժմությունն ներկայացնող մի շարք հարցեր, հանգելու համապատասխան եզրակացությանց, և ապա ներկայացնելու զանոնք Նորին Սրբության ի հաստատում և ի հրապարակում:

Ներկա գրով հաճույքն ունինք Ձերդ Սրբազնության փոխանցելու Ամենայն Հայոց կաթողիկոսի սիրալիր հրավերը, որպես Հայաստանյայց եկեղեցու Կիլիկյան Աթոռի միաբանի, որ հաճիք Ձեր ներկայությամբ Ձեր գործոն մասնակցությունը բերելու մեր եկեղեցու եպիսկոպոսական ժողովի աշխատանքներին, որ գումարվելու է հառաջիկա սեպտեմբերի 25-ից հոկտեմբերի 2-ը:

Ներկա կ ուղարկում ենք Ձեզ, ժողովի օրակարգը որ տակավին հրապարակելի չէ:

Հանելի պիտի լինի մեզ ստանալ Ձերդ Սրբազնության պատասխանը մինչև հառաջիկա 5 մայիս, ձեռնարկելու համար Ձեր վիզայի կարգադրությանց:

Ընդունեցեք Վեհափառ Հայրապետի սիրո ողջույնը և բարի մաղթանքները:

Աղոթակից եղբայր՝

ՀԱՅԿԱԶՈՒՆ ԱՐՔԵՊԻՍԿՈՊՈՍ
ԱՏԵՆԱՊԵՏ ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ

Բոստոն, 22 մայիս 1969 թ.

ՆՈՐԻՆ Ս. ՕԾՈՒԹՅՈՒՆ
ՎԵՀԱՓԱՌ Տ. Տ. ՎԱԶԳԵՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Է Ջ մ Ի ա ծ Ի ն

Ծնորհագարդ Եղբայր ի Քրիստոս,
Ծնորհակալությամբ ստացանք Ձեր 3 ապրիլ 1969 թվակիր և 439 թվա-
համար նամակը հարակից թուղթերով, զորս Մեզի փոխանցած էր կաթողի-
կոսարանիս դրան եպիսկոպոս գերշ. տ. Գարեգին ս. եպիսկ. Սարգիսյան,
Անթրիլիասեն:

Ինչպես ծանոթ է Ձերո՞ Եղբայրության, ներկայիս կգտնվինք Հյուսիսային Ամերիկա, հովվապետական մեր անդրամիկ այցելությանը հոգեպես ներշնչելու համար թեմիս հավատացյալ ժողովուրդը և ամրապնդելու համար մեր գավալներուն մեջ հավատքը ի մասին նոր նվաճումներու կարելիության՝ հատկապես կրթական մարզի մեջ, ուժերու և աղբյուրներու զորաշարժով մը, որով հնարավոր կրնա դառնալ մտքի տուններու կառուցումը հավատքի տուններու կողքին:

Հասկնալի Մեր զբաղումներուն հակառակ, սոխո՞ ունեցանք անհրաժեշտ կարևորությամբ և հանգամանորեն նկատի առնելու բովանդակությունը Ձեր նամակին ու բոլոր կետերը նախատեսված օրակարգին: Հետ խորհրդակցության ս. Աթոռույս Կեդր. վարչության հետ ստորև Ձեր սիրեցյալ Եղբայրության կիոխանցենք Մեր կարծիքներն ու տեսակետները:

ա. Մեր կարծիքով, եպիսկոպոսական ժողով մը իրավասություն պետք չէ գա, վերջնական եզրակացությանց հանգելու առաջադրանքով, զբաղվելու եկեղեցական-ծիսական հարցերու քննարկումով: Այս ուղղությամբ, Մեզի համար հատկության կարոտ պարագա կմնա այն կետը, թե 25 սեպտ.—2 հոկտ. ի ս. Էջմիածին գումարելի եպիսկոպոսական ժողովը **խորհրդակցակա՞ն** բնույթ պիտի ունենա թե ոչ, որպեսզի Մենք ևս ըստ այնմ տնօրինենք պարտն ու պատշաճը:

բ. Մեր մտածումն ու առաջարկը եղած էր և կմնա այն, որ նախքան հարցերու պաշտոնական քննարկումը ազգային-եկեղեցական համագումարի մը կողմն, կազմվի երկու Աթոռներու եկեղեցական և աշխարհական ներկայացուցիչներեն հանձնաժողով մը, որուն պարտականությունը պիտի ըլլա հավաքական քննությանն ենթարկել այժմեություն ներկայացնող բազմաթիվ եկեղեցական և ծիսական հարցեր, դասավորել զանոնք և եզրակացությունները փոխանցել երկու կաթողիկոսներուն:

գ. Առաջադրված բարեկարգությունները Հայց. եկեղեցվո կանոններուն ու ավանդությանց ճամփով ձևակերպելու համար, անհրաժեշտ է լուծելի բոլոր կետերը ենթարկել ազգային-եկեղեցական համագումարի մը, ինչ որ լրիվ կհամապատասխանեն մեր եկեղեցվո ժողովրդավար ոգիին ևս:

դ. Կիլիկյան ս. Աթոռի մասնակցության պարագան, ինչպես ըսինք, կապված է նաև օրակարգի հարցերու վերանայման հատակացման հետ: Բնականորեն անհրաժեշտ էր օրակարգի հարցերուն կապակցաբար նկատի ունենալ նաև Մեծի Տանն Կիլիկիո կաթողիկոսության տեսակետները: Մենք այս ուղղությամբ հիշատակություններ ըրած էինք արդեն Մեր վերոհիշյալ նամակներուն մեջ, կընդգրկե այնպիսի հարցեր որոնք աղերս չունին Հայց. եկեղեցվո ծիսական-բարեկարգելի խնդիրներուն հետ:

Այսպես օրինակ, ներկայացված օրակարգի թիվ 1—«Հայց. եկեղեցվո ներքին միության ամրապնդման հարց», թիվ 8—«Հայց. եկեղեցին և Էկումենիզմը» և թիվ 9—«Մեր օրերի մարդկությունը հուզող հարցերի և հատկապես աշխարհի խաղաղությունը ամրապնդելու Հայց. եկեղեցվո կեցվածքը և աշխատանքի բաժինը հոգուտ նրանց արդար լուծման Ավետարանի պատվիրանների լուսի տակ» հարցերը առնչություն չունին մնացյալ վեց հարցերուն հետ, որոնք եկեղեցական-ծիսական բնույթ կկրեն:

Մղված Հայց. եկեղեցվո բարենորոգման նախաձեռնություններն ու քաջալերված նաև Ձեր նամակի այն տողերն ուր կըսեք թե «ներփակ կուղարկենք ժողովի օրակարգի նախագիծը, որ տակավին հրատարակելի չէ, զի կարող է որոշ փոփոխություններ կրել» կառաջարկեմք վերոհիշյալ երեք կետերը հապավել օրակարգին, ինչ որ բնականորեն ավելի և լավն ժամանակ պիտի տա խորհրդակցության մասնակցողներուն զբաղելու մնացյալ վեց և ըստ էության բարեկարգային կենսական հարցերով:

Կհուսանք, որ հիմնական այս փոփոխությունը կկատարվի օրակարգին վրա, ինչպես նաև նկատի կառնվին Մեր կողմն ա, բ և գ կետերով արծարծված նույնքան կենսական պարագաները և Կիլիկյան Աթոռը կունենա ուրախությունը հատուկ ներկայացուցիչներով մասնակցելու սույն խորհրդակցական ժողովին:

Վստահ ենք նաև, որ Մեր այս նկատողությունները կգտնեն դրական արձագանք Ձերդ Վեհափառության մոտ ու կստեղծվի ցանկալի գործակցությունը կաթողիկոսական երկու Աթոռներուն միջև, եկեղեցական-ծիսական մարզի մեջ, ինչ որ, կհավատանք, մեծապես պիտի նպաստե Հայց. Առաքելական ս. եկեղեցվո ազգային և հոգևոր զորացման:

Սպասելով Ձերդ Վեհափառության պատասխանին, և աղոթելով առ Ամենակալն Աստված որ Ձեզի պարգևե կատարյալ առողջություն, երջանիկ օրեր և բեղուն գործունեություն:

Մնամ եղբայրական սիրո ջերմ ողջունիվ,
Աղոթակից՝

Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Էջմիածին, 19 հուլիս 1969 թ.

Ն. Ս. ՕԾՈՒԹՅՈՒՆ

Տ. Տ. Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Ա. Ա թ ի լ ի ա ս

Ծնորհագարդ Եղբայր,

Սիրով կհաստատենք Ձեր 22 մայիս 1969 թվակիր նամակը, գրված Բոստոն, որ գերաշնորհ տ. Գարեգին եպիսկոպոսի 2 հունիս 1969 թվակիր գրությանը, Մեր ձեռքը հասավ 16 հունիսին:

Մեր պատասխանը քիչ մը ուշացավ, Մայր Աթոռես շուրջ երեք շաբաթ Մեր բացակայության պատճառով:

Անմիջապես ըսենք, կրկին անգամ, թե Մեր անկեղծ իղձն է որ Ձերդ Սրբությունը ի գլուխ Աթոռիդ եպիսկոպոսներու, իր գործոն մասնակցությունը հաճի բերել Հայաստանյայց եկեղեցվո եպիսկոպոսներու ժողովին, որ պիտի գումարվի Մեր հրավերով, ս. Էջմիածնի մեջ, սեպտեմբեր 25-են հոկտեմբեր 2, Ձեզի ծանոթ օրակարգով:

Անդրադառնալով Ձեր մտահոգություններուն, կփափագինք Ձեզ լուսաբանել ստորև տրված բացատրություններով:

ա. Եպիսկոպոսական ժողովներ, անցյալի մեջ ալ գումարված են, թե ս. Էջմիածնի Մայր Աթոռն և թե Ձեր Աթոռն ենք՝ ուսումնասիրելու, քննարկելու և որոշ եզրակացությանց հանգելու համար, վճիռ տալու և այն հրապարակելու իրավասությունը միշտ վերապահված ըլլալով Հայոց Ընդհանրական Հայրապետին, կարևոր հարցերու համար ազգային-եկեղեցական ժողովի գումարմամբ:

Այս ըմբռնումով, եպիսկոպոսական ժողովի մը՝ խորհրդակցական կամ ոչ խորհրդակցական ըլլալու հանգամանք վերագրել, կխորհինք թե տեղին չէ, և ոչ ալ հարմար:

բ. Մեր 9 ապրիլ 1968 նամակին մեջ գրած էինք Ձեզի թե մոտոյիք ենք 1969-ին եպիսկոպոսական ժողով գումարել, հուշ հայտնելով թե պիտի մասնակցին նաև Ձեր, Կիլիկյան Աթոռիդ բոլոր եպիսկոպոսները: Հետո, ստանալով Ձեր 27 մայիս 1968 թվակիր նամակը, 21 նոյեմբեր 1968-ին՝ Ձեզի ուղղեցինք Մեր շատ կարևոր գիրը, որուն պատասխանեցիք 5 ապրիլ 1969-ին, ստանց սակայն անդրադառնալու այն հիմնական հարցերուն զոր ներկայացուցած էինք Ձեզի, հանուն բնականոն հարաբերություններու և եղբայրական գործակցության վերականգնման ու ամրապնդման Մայր Աթոռիս և Ձեր Աթոռի միջև:

գ. Մեր պաշտոնական հրավերները Մենք ուղարկեցինք Ձերոյ Սրբության և Ձեր Աթոռի բոլոր եպիսկոպոսներուն, ամեն մեկին առանձին, տարվույս ապրիլի 3-ին, կցելով օրակարգի նախագիծը և հիշեցնելով թե այն հրապարակելի չէ տակավին և կրնա փոփոխությանց ենթարկվի: Դուք, ոչ ստաջ, և ոչ ալ այդ առթիվ, Ձեր խոսքը կամ կարծիքը չհայտնեցիք եպիսկոպոսական ժողովի գումարման և անոր օրակարգի մասին, հակառակ որ Աթոռիդ դրան եպիսկոպոս՝ գեր. տ. Գարեգին սրբազան, նամակով հավաստիացուցած էր Մեզ, թե Մեր հրավերները անմիջապես օդային փոստով ուղարկված են Ձեզի Ամերիկա, ի տնօրինություն:

Վերջապես, հունիսի 16-ին ստացանք Ձեր պատասխանը որ Մեզի հուսալարություն պատճառեց, որովհետև, ոչ մեկ արտահայտություն գտանք Ձեր և Ձեր եպիսկոպոսներու մասնակցության մասին Հայաստանյայց եկեղեցվո եպիսկոպոսական ժողովին:

Նաև անհասկանալի եղավ Մեզի, թե ինչո՞ւ կփափագիք նախատեսված օրակարգեն հանել երեք հարցերը զոր կնշեք: Ծմարիտ կըսենք Ձեզի, թե պատրաստ էինք և այժմ ալ պատրաստ ենք ի նկատի առնել Ձեր ստաջարկությունները, ի հարկին վերանայելով եպիսկոպոսական ժողովին օրակարգը, սակայն կարդալով Ձեր նամակը այնտեղ չգտանք որևէ բացատրություն և հիմնավորում թե ինչո՞ւ դուրս հանվին հիշյալ երեք հարցերը:

դ. Մեր եկեղեցվո «ներքին միության ամրապնդման» հարցը մեր եկեղեցական և ազգային կյանքի ամենացավոտ, հետևաբար ամենաանհետաձգելի հարցն է: Ի սեր Աստուծո, չեք խորհիր, թե այլևս կարելի չէ այսպես շարունակել: Ոչ մեր եկեղեցվո նվիրապետության բազմադարյան կարգն ու կանոնը, ոչ մեր ժողովուրդի գերագույն շահերը և ոչ ալ մեր խիղճը, չեն հաշտվիր այս կացության հետ, որի մասին հանգամանորեն Ձեզի գրած ենք Մեր 21 նոյեմ-

բեր 1968 թվակիր նամակով: Չե՞ք տեսներ, թե մեր ամբողջ ժողովուրդը անխտիր, կապասե բոլորես, հատկապես մեր երկուքես, որ վերահաստատենք մեր միությունը և խաղաղություն տանք սփյուռքի պանդոխտ մեր զավակներուն:

Եպիսկոպոսական ժողովը լավագույն առիթն է որ Մենք հոգևորականներս գոնէ, եղբայրորեն քով-քովի գանք և խաղաղ սրտով, փոխադարձ հասկացողությամբ ճամփա մը բանանք ամրապնդելու մեր եկեղեցվո նվիրատուության ներքին միությունը ու համերաշխ գործակցությունը: Վերականգնենք, ամրացնենք, պողատատ դարձնենք Երուսաղեմի մեր ողջագործումի ոգին:

ե. Երկրորդ հարցը որ կփափագիք դուրս թողուլ մեր օրակարգեն «Էկումենիկ» շարժման հետ կապված հարցերն են և ճշտումը անոնց նկատմամբ մեր եկեղեցվո կեցվածքին և վերաբերմունքին: Էկումենիկ շարժման հետ կապված հարցերը բազմաթիվ են և այլազան և կան, ինչպես օրինակ եկեղեցիներու միության հարցը, որ կենսական ճշմանակություն ունին մեր եկեղեցիին և ազգին ապագային համար:

Հետևաբար ինչո՞ւ միասնաբար չմտածենք և չփորձենք բոլորիս համար ընդունելի տեսակետներ մշակել, մանավանդ որ մեր եկեղեցին, և Ձեր Աթոռն ալ, անդամ ենք Եկ. համ. խորհուրդին, և գործոն կերպով կմասնակցինք, անոր գործունեության, այսինքն Էկումենիկ շարժման:

գ. Խնդրո առարկա երրորդ հարցն է՝ «Մեր եկեղեցվո վերաբերմունքը՝ մարդկությունը հուզող, և հատկապես աշխարհի խաղաղությունը ամրապնդելու, հարցերու նկատմամբ»:

Այս հարցը նույնպես այժմեական է և բոլոր եկեղեցիներու և եկեղեցական համագումարներու մտահոգություններուն առարկան է դարձած: Անցյալ տարվան Ռոմալայի համագումարը ինչպես գիտեք, մեծավ մասամբ իր օրակարգի վրա ունեցավ նման հարցեր: Նույն մտահոգությունները արտացոլվեցան Վատիկան Բ ժողովի մեջ և առավել շեշտված կերպով՝ Հովհաննես ԻԳ. և Գոդոս Զ Պապերու կարևորագույն կոնդակներում մեջ, ինչպես էին «*Mater et magister*», «*Pacem in terris*» և «*Populorum progressio*» կոնդակները:

Այս մտահոգությանց կեդրոնը անշուշտ, աշխարհի խաղաղության պահպանման և ժողովուրդներու արդար ու եղբայրական հարաբերություններու ամրապնդման մեծ հարցերն են: Արդյոք մեր ալ խղճի պարտքը չէ՞, հանդիսավոր առիթներով ցույց տալ մեր ժողովուրդին և աշխարհին, թե Հայաստանյայց եկեղեցվո բարձրաստիճան ներկայացուցիչներն ալ՝ մտածում մը, իղձ մը, ըսելիք խոսք մը ունին, թելադրված իրենց կրոնական գիտակցութենեն և իրենց ազգի ու հայրենիքի անվտանգության հրամայականներեն:

Կա՞րդյոք աշխարհի վրա ազգություն մը, որ Մեզի չափ տուժած ըլլա պատերազմներու ատեն: Կա՞րդյոք աշխարհի վրա հայրենիք մը, որ մեր մայր երկրի չափ կենսականորեն շահագրգռված ըլլա աշխարհի խաղաղության պահպանմամբ: Մեր բոլոր հույսերը մենք կրնանք կապել միմիայն խաղաղության դատին հաղթանակին հետ: Հայոց վերածնած հայրենիքի և ժուլվուրդի համար մահացու մեղք է, հույսեր կապել հնարավոր պատերազմներու հետ:

Ամեն բանն վեր և ամեն բանն առաջ, պահպանումը և ամրապնդումը աշխարհի ժողովուրդներու խաղաղ գործակցության, ահա այն իղձն ու աղոթքը որ մերը պետք է ըլլա բոլորեն առաջ, այժմ և միշտ:

Մեր այս խոհերը Ձեր նկատմամբ հանձնելով, կխորհիմք թե բավարարա՞յն չափով մը բացատրեցինք Մեր միտքը, և իմաստն ու անհրաժեշտությունը, որ վերոհիշյալ հարցերը մնան մեր եպիսկոպոսական ժողովի օրակարգի վրա:

Հետևաբար վերստին Մեր ցանկությունը կհայտնենք, Ձերո՞ Սրբությունը ունենալ Մեր եկեղեցվո եպիսկոպոսական ժողովին մեջ, ի գլուխ Աթոռիդ բոլոր եպիսկոպոսներուն, որոնց անձնապես հղած ենք Մեր հրավերները Ձեր միջոցով:

Սպասելով բարի լուրեր Ձեր ափերեն, մնամք սրտանց Ձեզի ցանկացող քաջատողություն և շինարար գործնեություն:

Ձերո՞ Սրբության՝ ողջուն Մայր Աթոռ սուրբ Էջմիածնեն և վերածնած Մայր Հայաստանեն:

Եղբայրական սիրով ի Քրիստոս՝

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Անթիլիաս, 26 օգոստոս 1969 թ.

ՆՈՐԻՆ Ա. ՕԾՈՒԹՅՈՒՆ

ՎԵՀԱՓԱՌ Տ. Տ. ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Է Զ մ ի ա ծ ի ն

Սիրեցյալ Եղբայր ի Քրիստոս,

Հյուսիսային Ամերիկայի և Կանադայի Մեր հովվապետական այցելութենեն վերադարձին, շնորհակալությամբ ստացանք Ձեր 19 հուլիս 1969 թվակիր և 761 թվահամար նամակը ի պատասխանի Մեր 22 մայիս 1969 թվակիր նամակին:

Խորապես շնորհակալ ենք որ վերստին կհայտնեք Ձեր իղձը Մեր և Մեր Աթոռի միաբան եպիսկոպոսներու մասնակցության համար Ձեր կողմն հրավիրված «Հայաստանյայց եկեղեցվո եպիսկոպոսներու ժողովին», որ պիտի գումարվի ա. Էջմիածնի մեջ սեպտեմբեր 25-են հոկտեմբեր 2, նախապես Ձեր կողմն Մեզի հղված օրակարգով:

Մենք ևս, մղված Հայց. ստաբիլական ա. եկեղեցվո բարեկարգության նախանձախնդրութենեն, ինչպես Մեր նախորդ նամակներով, նաև այս նամակով կուզեինք Մեր տեսակետները անգամ մը ևս հստակորեն պարզել հուսալով որ կստեղծվին այն նպատակով պայմաններն ու մթնոլորտը, որով կարելի կդառնա Մեր ա. Աթոռին մասնակցությունը եպիսկոպոսներու խորհրդակցական ժողովին:

1. Ծիշտ է, Վեհափառ Եղբայր, որ եպիսկոպոսական ժողովներ, հանդիպումներ, հավաքություններ հաճախ տեղի ունեցած են անցյալին մեջ թե Մայր Աթոռ ա. Էջմիածնի մեջ և թե Մեծի Տանն Կիլիկիո կաթողիկոսարանիս մեջ:

Բայց ոչ մեկ ատեն Մեր ս. Աթոռի եպիսկոպոսական ժողովները Հայց. եկեղեցվո թարեկարգչական հարցերու շուրջ որոշումներ առած են. անոնք զբաղած են այլազան հարցերով, որոնք կապ ունեցած են կաթողիկոսարանի հոգևոր, կրթական և ազգային գործունեության հետ և ըրած են որոշ կարգադրություններ ընթացիկ հարցերու շուրջ, միշտ խորհրդակցական բնույթ կրելով: Մեր ծանոթության սահմանին մեջ, կրնանք ըսել որ նույնն է եղած նաև Մայր Աթոռ ս. Էջմիածնի մեջ:

Ուստի, ըստ Մեր համոզումին, ս. Էջմիածնի մեջ ծրագրված հառաչիկա ժողովի նպատակը ըլլալու է ուսումնասիրել հարցերը և կարելի լավագույն լուծումներու մասին ընել որոշ թելադրություններ, շատ հավանաբար որոշ հարցերու շուրջ ծրագրելով նաև հառաչիկային կատարելիք նոր ուսումնասիրություններ: Այս եզրակացությունները ապա պետք է որ քննարկվին եկեղեցվո վերին իշխանությանց կողմէ, Մայր Աթոռ ս. Էջմիածնի և Մեծի Տանն Կիլիկիո կաթողիկոսության մեջ և ապա վերջնական բանաձևումով հղվին ազգային-եկեղեցական ընդհանուր համագումարին առ ի պատշաճ տնօրինություն:

Մենք այսպես կհասկնանք բնույթն ու դերը ս. Էջմիածնի մեջ գումարվելիք եպիսկոպոսական ժողովին: Այսպես է եղած ավանդությունը Հայց. ս. եկեղեցվո դարերու ընթացքին. ավանդություն՝ որուն մեջ Հայց. եկեղեցին իր գերագույն հեղինակությունը կտեսնէ իր լրությանը մեջ, ներկայացուցչական ձևով արտահայտված և մասնակցությամբ հոգևորականներու և եկեղեցվո աշխարհական անդամներու, ինչ որ է պարագան ազգային-եկեղեցական ընդհանուր համագումարին: Պետք է անխախտ պահել այս սկզբունքը և ոգին Հայց. առաք. ս. եկեղեցվո:

2. Ժողովի մը մասնակցության հարցը բնականորեն կապված է այդ ժողովի օրակարգի հետ: Մեր 22 մայիս 1969 թվակիր նամակին մեջ, կհիշեք Վեհափառ Եղբայր, որ դիտել տված էինք որ Ձեր առաջադրած օրակարգի ինը կետերեն երեքը առնչություն չունեին մնացյալ վեց կետերուն հետ, որոնք ծիսական-եկեղեցական-հոգևոր բնույթ կկրեին, միշտ եկեղեցվո բարեկործան սկզբունքեն դիտված:

Ստորև կուտանք Ձերդ Վեհափառության հավելյալ բացատրություններ.

ա. Հայ եկեղեցվո ներքին միության ամրապնդման հարցը ըստ Մեզի շատ անորոշ կերպով դրված հարց մըն է օրակարգի վրա իր բանաձևված հակիրճ պատկերին մեջ: Նախ, կուզեինք հայտնել Ձերդ Վեհափառության որ Մեզի համար նման հարց ըստ էության գոյություն չունի, որովհետև Հայց. եկեղեցին միշտ մի եղած է, մի է այսօր և մի պիտի մնա հավիտյան: Մեր անխախտ հավատքն ու համոզումը այն է որ անոր ներքին միությունը չէ խախտած երբեք որպեսզի կարոտի ամրապնդումի:

Բայց այնպես ինչպես Ձերդ Վեհափառությունը կմեկնէ օրակարգի այդ հարցը Ձեր 19 հուլիս թվակիր նամակի Դ կետով, հատկապես ակնարկելով Ձեր 21 նոյեմբեր 1968 թվակիր նամակին, անոր տակ դրված կըլլան ներկայիս Հայց. եկեղեցվո երկու կաթողիկոսական Աթոռներու միջև գոյություն ունեցող ինչ-ինչ տարակարծություններ և կարգ մը դժվարություններ վարչական բնույթ կրող հարցերու շուրջ: Բնականորեն այդ դժվարությունները պետք է որ հարթվին: Նման դժվարություններ անցյալի մեջ ալ հառաջ եկած են երբեմն-երբեմն և միշտ լուծված են փոխադարձ խորհրդակցություններով և հասկացողությամբ: Ներկայիս գոյություն ունեցող տարակարծություններն ալ

պետք է որ փարատին. այդ կպահանջեւ մեր ժողովուրդին և եկեղեցւո շահը: Մեր արժողը պատրաստ է զանոնք հարթելու համար խորհրդակցություններ ունենալու Մայր Աթոռ ու Էջմիածնի հետ: Լավագույն միջոցը պիտի ըլլար որ ու Էջմիածնի և Կիլիկիո կաթողիկոսությանց կողմէ մերկայացուցիչներ նշանակվելին որոնք հանդարտ մթնոլորտի տակ, Եվրոպայի խաղաղ կեդրոնի մը մեջ, հարմար ժամանակի մը ընթացքին, եղբայրական ոգիով և մղված համագային եկեղեցական շահերէն, արտացոլեն քննարկելի խնդրո առարկա հարցերը և հանգեին փոխադարձաբար ընդունելի եզրակացությանց: Ինչ երջանիկ պահ պիտի ըլլար Մեզի համար այդ պարագային, այցելել Ձեզ, անգամ մը ևս ողջագործվիլ Ձեզ հետ ու Էջմիածնի դարավոր կամարներուն տակ և մեր հայրենի սուրբ հողին վրա առավել ևս խորացնել ու գեղեցկացնել մեր եղբայրությունը, կաթողիկոսական Աթոռներու միջև: Որքան պիտի հրճվեր մեր ժողովուրդը վայելելով նման գեղեցկագույն ու պատմական պահ մը իր կյանքին մեջ:

Ահավասիկ այդ հարցերու լուծման համար ամենէն դրական, խոհեմ և ապահով ճանփան: Անոնց ներառումը եպիսկոպոսական ժողովի օրակարգի մեջ, իրատես քայլ մը չէ: Նախ, ոչ մէկ խորհրդակցություն տեղի ունեցած է անոնց մասին. հետո, եպիսկոպոսներու հավաքույթի մը մեջ քննարկվիլիք հարցեր չեն անոնք երբ մանավանդ այդ հավաքույթը նպատակ ունի քննարկել այնքան կարևոր այլ հարցեր՝ զոտ ծիսական-եկեղեցական-հոգևոր-քարեկարգչական բնույթ կրող:

Ահավասիկ թե ի՞նչ մտածումներով և ի՞նչ նախաձեռնախնդրությամբ առաջնորդված՝ Մենք առաջարկեցինք, և այս նամակով անգամ մը ևս կատաշարկենք, որ այդ առաջին հարցը «Հայ եկեղեցու ներքին միության և ամրապնդման հարց» չորրի օրակարգի վրա: Թե ըստ էության անհարիր, և թե գործնական տեսակետէ անօգտակար քայլ մը կրնա ըլլալ ժողովի քարեկարգչական գործին համար:

բ. Բնականորեն քրիստոնէական եկեղեցիներու մերձեցման և գործակցության շարժումը, «Էկումենիզմ» բառին տակ հասկցված, կարևոր երևույթներ են մեկն է արդի քրիստոնէական աշխարհին: Մեր եկեղեցին իր երկու կաթողիկոսական Աթոռներով լիովին կմասնակցի այդ շարժումին, անդամ ըլլալով Եկեղեցիներու համաշխարհային խորհուրդին: Այդ շարժումի նկատմամբ այնքան պարզ է մեր եկեղեցւո տեսակետը որ զայն օրակարգի նյութ դարձնելը, դարձյալ քարեկարգչական բնույթ կրող այս ժողովին, կնկատենք ոչ անհրաժեշտ: Մեր տեսակետը այդ մասին շատ մեկին է—անխախտ պահել մեր եկեղեցւո առանձնահատուկ ոգին, նկարագիրը և հիմնականուցը, երբեք չշեղիլ Հայց. եկեղեցւո դարերով նվիրագործված դավանաբանական ողողափառութենէն, անաղարտ պահել մեր եկեղեցւո ազգային դիմագիծը ու շունչը, միանգամայն հաղորդ ըլլալով արդի եկեղեցական շարժումներուն հետ և օգուտ քաղելով փորձառություններու այն հանդիպումէն, որ Էկումենիկ շարժումն է ըստ էության: Մի՞թե կարելի է այլ կերպ մտածել այս մարզին մեջ:

Ուստի, անհրաժեշտ չենք նկատեր այդ հարցին ներառումը եպիսկոպոսական այս ժողովի օրակարգին մեջ:

գ. Խաղաղության և արդարության հարցը անշուշտ քրիստոնէական եկեղեցւո ինչպէս և մեր եկեղեցւո համար կենսական հարց է ըստ էության: Բայց դարձյալ ընդհանուր հարց է այդ: Իսկ այնպէս ինչպէս բանաձևված է օրակարգի վրա և մեկնաբանված է Ձեր 19 հուլիս 1969 թվակիր նամակին մեջ, այդ ընդհանուր հարցը դրված է այնպիսի ըմբռնումով մը որ մասնակի հաս-

կացողություն է և կրնա դուր բանալ անհարկի վիճաբանությանց: Նկատի պետք է ունենալ նաև այն կարևոր պարագան որ եպիսկոպոսներու այս ժողովը զուտ բարեկարգչական նպատակ ունի և արդար չէ որ զբաղի այլ հարցերով, որոնք առանձնապես կրնան արժեք և այժմեականություն ունենալ, բայց տեղ չգտնել ծրագրված եպիսկոպոսական ժողովի օրակարգի վրա, որովհետև արդեն իսկ ծանրաբեռնված է այդ օրակարգը և պետք է ջանալ խտացնել զայն փոխանակ տարածելու:

Ի վերջո, աշխարհի խաղաղության համար ցանկություն կարելի է հայտնել ունէ ատեն, ինչպես հաճախ Ձերդ Վեհափառությունը և Մենք անձամբ կընենք տոնական օրերուն և այլ առիթներով: Իսկ եթե օրինակ պիտի ունենանք Ուիսալայի համագումարին աշխատանքները այս ուղղությամբ կամ Հովհաննես ԻԳ և Պողոս Ջ սրբազան Պապերու հռչակավոր կոնդակները այս մարզեն ներս, զորս առանձնապես կհիշատակեք Ձեր նամակին մեջ, օրերով պետք է նստիլ և ուսումնասիրել աշխարհի այնքան բարդ հարցերը, որոնք ունին քաղաքական, ընկերային, տնտեսական և այլ հարակից այնքան բազմերանգ երեսներ և հանգամանքներ:

Ինչպես կտեսնեք, սիրեցյալ Եղբայր ի Քրիստոս, Մեր միակ մտահոգությունն է և խորագույն բաղձանքը որ եպիսկոպոսներու խորհրդակցական այս ժողովը ունենա զուտ բարեկարգչական բնույթ, սահմանափակե դաշտը իր աշխատանքներուն որպեսզի կարելի ըլլա խորապես և հանգամանորեն քննարկել առաջադրված հարցերը: Փորձառաբար գիտենք որ ինչքան քիչ ըլլան հարցերը և լայն ըլլա ժամանակը անոնցմով զբաղելու, այնքան արդյունավոր կըլլան խորհրդակցությունները: Բնականորեն Ձերդ Վեհափառությունն ալ կանդորադառնա թե մնացյալ վեց հարցերը որքան էական և այլազան կողմերով խճողված հարցեր են—հայ ծիսարանի կրճատումը, պահոց օրերու, պասկի արգիլյալ օրերու վերաբնության խնդիրները, կուսակրոնության այնքան վիճաբանված և խճնված հարցը, հայ նահատակաց սրբացման պարագան, Զատկի թվականի փոփոխության խնդիրը, նզովքներու վերացման հարցը, Աստվածաշունչի աշխարհաբար թարգմանության ծրագրումի պարագան և այլն: Ահավասիկ այնքան ընդարձակ դաշտ մը զոր նվաճել մեկ շաբթվան խորհրդակցություններով Մեզի համար կթվի գրեթե անկարելի:

Քաջատեղյակ եք անշուշտ որ նման հարցերով զբաղելու համար քանի ամիսներ հատկացվեցան, քանի տարիներով և ինչ տքնաջան նախապատրաստություններ տեղի ունեցան գիտնական անձերու կողմե, Վատիկանի պարագային: Ուրիշ եկեղեցիներ և միջեկեղեցական կազմակերպություններ որքան ջանք և որքան աշխատանք կտանին ամբողջական ու խոր մտեցումով քննարկելու նման հարցեր և որոշ եզրակացությանց հանգելու անոնց մասին: Այս բոլորին վրա երբ ավելցնենք նաև մեր եկեղեցվո ապա-պարագային զուտ հոգևոր, ծիսական, աստվածաբանական, կրոնագիտական ազդակներու շարքին նաև ազգային մտահոգությունները, հատկապես ազգապահպանումի համահայկական և հրամայական պարտավորության տեսակետեն, այն ատեն շատ ավելի ըմբռնելի կդառնա թե այս հարցերը կկարոտին ամենախոր և բազմակողմանի ուսումնասիրության:

Բնականորեն շատ հարցեր կան մեր եկեղեցվո ներկայի առաքելության համար: Բայց այդ բոլոր հարցերը եպիսկոպոսներու խորհրդակցական մեկ հավաքույթի մեջ լուծելի հարցեր չեն: Որպես օրինակ միայն կուզեմք նշել այստեղ այն պարագան թե մեր եկեղեցվո առաքելության հիմնական գիծերին մեկը, կրոնական-հոգևոր էական ծառայության կողքին, հայապահպանումի

իր բերելիք նպատակն է, մասնավաճող սփյուռքի ցիրուցանված և ամեն ջր ձուլումը վտանգի ենթակա մեր սիրելի ժողովուրդին համար: Արդյո՞ք օգտակար պիտի չըլլար Հայց. եկեղեցվո եպիսկոպոսներու ժողովին մեջ բննարկել այն հարցերը որոնք կապված են եկեղեցվո այս կենսական դերին հետ: Ի՞նչ պետք է ընել որպեսզի մեր եկեղեցին ամենուրեք, մասնավաճող ուժացումի ամենն ավելի արագ և դյուրին ենթակա սփյուռքյան շրջաններում մեջ, տարածեն հայ լեզուն, մեր տոհմիկ դպրությունը և ազգային մշակույթը: Վերջին չորս ամիսներու Մեր հովվապետական այցելության առթիվ Հյուսիսային Ամերիկայի և Կանադայի մեջ, Մենք հուզումնալից սիրտով և արտասովալից աշքերով դիտեցինք ու տեսանք մեր պաշտելի ժողովուրդին ծարավը մնայուպատեղծ հայ գիրին, ոսկեղենիկ մեր լեզվին և հազարազանն մեր մշակույթին: Ո՞ր մեկ ատեն մեր պատմության մեջ հայ ժողովուրդը այսքան խոր կարիքն է գգացեր հայ եկեղեցվո ծառայության՝ հայ տոհմիկ կրթության և մշակույթի տարածման մարզերե՞ն ներս: Երբ Հայց. եկեղեցվո իշխաններ ի մի հավաքվին, կրնա՞ն անտեսել այսքան կենսական և հայ ժողովուրդի գոյության հետ սերտորեն կապված հարց մը: Մի՞թե՞ հայկական դպրոցներ բանալու և հայ լեզուն, գրականությունը, պատմությունը և առհասարակ մշակույթը տարածելու հարցը միակ կարևոր հարց է հայ եկեղեցվո համար քան «Մեր օրերի մարդկությունը հուզող հարցերի և հատկապես աշխարհի խաղաղությունը ամրապնդելու հայ եկեղեցվո կեցվածքը և աշխատանքի բաժինը հագուտ նրանց արդար լուծման Ավետարանի պատվիրանների լույսի տակ» բանաձևումով դրված հարցը:

Բայց հասկնալի է որ եկեղեցվո ծիսական բարեկարգչական հարցերով զբաղելու համար հրավիրված եպիսկոպոսներու ժողով մը իր օրակարգին վրա չունենա «Հայ եկեղեցվո նպատող հայապահպանման գործին» կամ «Իպրոցաշինության շարժումը և հայ եկեղեցին» խորագիրներու տակ տարագելի հարցեր, որքան էլ որ էական ըլլան անոնք:

Ուստի, սիրեցյալ Եղբայր ի Քրիստոս, Մենք ի սեր մեր եկեղեցվո բարեկարգության և ի սեր առ այդ գումարելի ժողովի աշխատանքներու բարվոր և ատոք պատկումին, պիտի խնդրենք որ հառաջիկա սեպտեմբեր 25-են հոկտեմբեր 2 ս. Էջմիածնա մեջ գումարելի եպիսկոպոսական ժողովը ունենա գուտ խորհրդակցական հանգամանք և իր խոսակցությանց և խորհրդակցության որպես նյութ կամ բովանդակություն նկատի առնե այն վեց հարցերը, զորս վերև թվեցինք առնելով Ձեր առաջադրած օրակարգի ինը կետերեն: Այն ատեն այս ժողովը կունենա հստակ դիմագծություն, որոշ ուղղություն և կրնա դառնալ տոկուն և բարերար սկիզբ մը բարեկարգչական շարժումին՝ Հայց. եկեղեցվո ծոցին մեջ: Այն ատեն մեր Աթոռն ալ իր ներկայացուցիչ եպիսկոպոսներով պիտի մասնակցի անոր: Այս ձևով նաև իսկական գործակցության գեղեցիկ քայլ մը առնված կըլլա կաթողիկոսական երկու Աթոռներու միջև, ինչ որ նոր և առավել ևս հուսալից հորիզոններ կրնա բանալ հայ եկեղեցվո ապագային համար:

Ահա այս հույսով և վստահությամբ կկնքենք Մեր խորհրդածությունները և կհավատանք Առաքյալին բառերով թե «լույս ոչ երբեք ամաչեցուցանէ»: Այս տեսակետեն Մենք զՄեզ հուսադրված կզգանք նաև այն պատճառով որ Դուք Ձեր 19 հուլիս 1969 թվակիր մամակին մեջ տրամադրություն կհայտնեք ի հարկին փոփոխության ենթարկելու եպիսկոպոսական ժողովի օրակարգը: Վստահ ենք որ վերև արտահայտված տեսակետներն ու խորհրդածությունները լիովին կհիմնավորեն Մեր առաջարկած փոփոխությունները, ինչ որ մե-

ծապես օգտակար կհանդիսանա նաև ժողովի արդյունավորումին համար և կարելիություն կստեղծե մեր Աթոռի մասնակցության համար:

Առաջնորդված նույն սիրո, լուսի և նախաձեռնողության ոգիեն՝ փափագեցանք այս նամակը ուղարկել Ձերդ սիրեցյալ Եղբայրության՝ մեր Աթոռի դրան եպիսկոպոս և Ազգային կեդրոնական վարչության կրոնական ժողովի ատենադպիր՝ գերշ. տ. Գարեգին ս. եպիսկոպոսի և Ազգային կեդրոնական վարչության անդամներն և ս. Աթոռիս նվիրյալ զավակներն տիար Ոսկեբերան Արզումանյանի միջոցով, թելադրելով իրենց որ անձամբ փոխանցեն Ձերդ Վեհափառության Մեր այս գիրը, և ի հարկին, տան հավելյալ բացատրություններ Մեր մտածումներու և տեսակետներու մասին այս առընչությամբ: Վստահ ենք որ Մեր պատվիրակները հայրական սիրով կընդունվին Ձերդ Վեհափառության կողմն և կվերադառնան Ձեր դրական պատասխանով: Այն ատեն Մենք հեռագրով կհայտնենք Ձեզի անունները այն եպիսկոպոսներուն, որոնք պիտի ըլլան ներկայացուցիչները Կիլիկիո մեր ս. Աթոռին՝ եպիսկոպոսներու ժողովին համար:

Այս առթիվ, անգամ մը ևս ի խորոց սրտի կաղոթենք առ Բարձրյալն Աստված որ Ձեր սիրելի Եղբայրության պարզևե կատարյալ առողջություն և հոգեկան անսպառ կորով որպեսզի կարենաք առավելագույն արդյունավորությամբ պսակել Ձեր հովվապետական առաքելությունը ի պայծառություն Հայց. ս. եկեղեցվո և ի բարգավաճումն մեր պատվական հայ ժողովուրդին:

Մնամ եղբայրական սիրո ողջումիվ,

Աղոթակից՝

Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Էջմիածին, 31 օգոստոս 1969 թ.

Ն. Ա. ՕԾՈՒԹՅՈՒՆ

Տ. Տ. Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Ա Ն Թ Ի Լ Ի Ա Ս

Շնորհագարդ Եղբայր Մեր,

Հայրական սիրով ընդունեցինք Ձերդ Սրբության պատվիրակները՝ գեր. տ. Գարեգին եպիսկոպոս և տիար Ոսկեբերան Արզումանյան, որոնք Մեզի բերին Ձեր եղբայրական ողջունը բարի մաղթանքներով հանդերձ և հանձնեցին Մեզի Ձեր 26 օգոստոս 1969 թվակիր կարևոր նամակը:

Կարդալով Ձեր գիրը համակվեցանք գոտեպնդիչ զգացումներով, զի հաստատեցինք թե Մեր մտահոգությունները Դուք ևս կբաժնեք և այժմ պատրաստ եք Ձեր կարելիս ի գործ դնելու որպեսզի կարճ ժամանակի ընթացքին, վերջ գտնեն բոլոր թյուր հասկացողությունները և անբնական կացությունները սխլուրքի մեր եկեղեցական կյանքն ենք և վերահաստատվի օրինականությունը, խաղաղությունը և դարավոր եղբայրական գործակցությունը մեր նվիրապետական Աթոռներու միջև, հայ եկեղեցվո միության և հայ ժողովուրդի միասնության նվիրական ոգիով:

Կողջունենք Ձեր առաջադրանքը որ եպիսկոպոսական ժողովին հետ Մայր Աթոռն և Ձեր Աթոռեն երկու պատվիրակություններ քննարկեն մեր Աթոռներու միջև առկա և անլուծ մնացած ցավոտ հարցերը, որ Մեր այ բաղձանքը եղած է երկար տարիներե ի վեր, թե Երուսաղեմի Մեր ողջագործումն առաջ և թե հետո: Արդ, Մենք վստահ ենք թե այս առաջադրանքով, եպիսկոպոսական ժողովի օրակարգին վրա դրված հարցը՝ «Հայ եկեղեցվո միության ամրապնդումը» այլևս վիճելի չի դառնար և ոչ իսկ քննարկման կարոտ: Եպիսկոպոսական ժողովը պարզապես գոհմանակությամբ կարձանագրն այդ առաջադրանքը, իբրև եզրափակում օրակարգի հիշյալ հարցի:

Մենք նույնպես հույժ ողջունելի կգտնենք Ձեր խոհերը և մտահոգությունները արտասահմանի հայապահպանման հարցի առնչությամբ: Տարբեր չեն նաև Մեր մտածումները և ծրագիրները ապագայի նկատմամբ: Սփյուռքի մեջ, մեր պանդուխտ զավակներուն հաշվական հոգիին և գիտակցության պահպանումը, մեր առաջ դրված սեպտիս խնդիրն է, որու մասին Մենք այ շատ հաճախ արտահայտված ենք կենդանի խոսքով և գրով, թե Մեր արտասահման ուղևորությանը ընթացքին և թե Ձեզի հետ ունեցած Մեր թղթակցությանը մեջ: Եվ այս նվիրական գործը առավել ամուր հիմներու վրա դնելու, և բոլոր կենդանի ուժերը համատեղ օգտագործելու մտադրությամբ է՝ որ Մենք կենսունակորեն անհրաժեշտ և անհետաձգելի կնկատենք մեր եկեղեցականներին միության և մեր նվիրապետական Աթոռներու միջև հաստատված գործակցության վերահաստատումը: Ձերդ Սրբության ուղղած Մեր նամակներու մեջ քանիցս ընդգծած ենք Մեր ապրումները և իղձերը, այս ոգիով:

Գոհ ենք հետևաբար որ այս նույն ոգիով պատրաստ եք ուղարկելու Աթոռիդ պատվիրակությունը, բաղկացած սրբազան եպիսկոպոսներե, որոնք պիտի մասնակցեն եպիսկոպոսական ժողովին որ պիտի գումարվի, ս. Էջմիածնի մեջ, հառաջիկա սեպտեմբեր 25-են հոկտեմբեր 2:

Այս առիթով անհրաժեշտ կնկատենք ընդգծելու և հավաստիացնելու Ձեզ, թե եպիսկոպոսական ժողովի պարտականությունը պիտի ըլլա օրակարգի հարցերը բազմակողմաձորեն քննարկել, ուսումնասիրել և եզրակացությանը հասնելու և զանոնք հանձնել հայրապետական նկատումնս ի կանոնական տնօրինում: Եվ եթե, տվյալ հարցերու վերաբերյալ եպիսկոպոսական ժողովի եզրակացությունները և բանաձևումները բավարար չափով հիմնավորված և ընդունելի նկատվին, պիտի մտածենք զանոնք գործադրության դնելու մասին, ի հարկին մոտ ապագային հրավիրելով ազգային-եկեղեցական ժողով, ինչպես Դուք ևս կնախատեսեք: Ժողովի եզրակացությունները և բանաձևումները բնական է պիտի ներկայացվին Ձերդ Սրբության, ժողովին մասնակից Աթոռիդ եպիսկոպոսներուն կողմե:

Իսկ ինչ կվերաբերի Ձեր մտահոգություններուն, օրակարգի Ձեր հիշած երեք հարցերու առնչությամբ, կկամենանք Ձեզ վստահեցնել թե որևէ անպատեհ կացություն չի կրնար ստեղծվիլ Ձեր Աթոռին համար: Անհրաժեշտ հավաստիացումները և լուսաբանությունները գոր տվինք Ձեր ներկայացուցիչներուն, կխորհինք թե լիովին պիտի բավարարեն զՁեզ:

Ուրեմն հղելով Ձեզի Մեր սիրո ողջույնը, կպատենք որ Ձեր ներկայացուցիչները Աթոռիդ եպիսկոպոսական դասեն, ներկա գտնվին հառաջիկա եպիսկոպոսական ժողովին և գործոն կերպով մասնակցին բոլոր աշխատանքներուն իբրև լիիրավ անդամները ժողովին և հարազատ որդիները երանելի Հորը մեր՝ ս. Գրիգոր Լուսավորչին և ս. Էջմիածնին:

Մենք առավել գոհ պիտի ըլլանք, եթե Ձեր սրբազան եպիսկոպոսները,

հասանի ժողովո հանդես գան նախօրոք պատրաստված զեկուցումներով, օրակարգի այն հարցերուն վերաբերյալ, զոր Դուք հարմար պիտի դատեք:

Եվ բնականաբար, սիրով կհրավիրենք՝ Ձեզ ներկայացնող եպիսկոպոսները որ մասնակցեն մյուտուօրհանության սրբազան արարողություններուն և հանդիսություններուն, որոնք պիտի տևեն հոկտեմբեր 5—12 ներսույալ: Կներփակենք հանդիսությանց ծրագրի նախագիծը:

Վերջացնելէ առաջ հրավերի Մեր այս գիրը, կփափագինք Ձեզի հայտնել Մեր ցանկությունը, որ հաճիք Ձեր Աթոռեն ուղարկելու նաև երկու-երեք աշխարհական ներկայացուցիչներ, մասնակցելու մյուտուօրհանության հանդիսությանց իբրև Մեր թանկագին հյուրերը:

Մեծի Տանն Կիլիկիո Աթոռիդ եպիսկոպոսներու մասնակցությունը առաջիկա եպիսկոպոսական ժողովին, բնականորեն երջանիկ առիթ մը պիտի հանդիսանա որ սկիզբ առնէ նոր շրջան մը մեր օրերու հայ եկեղեցւո կյանքի մէջ, և Մենք մխիթարված ենք նաև որ Ձերդ Վեհափառությունը իր բարի իղձը կհայտնէ, մոտ ապագային այցի գալու Մեզի Մայր Աթոռ սուրբ Էջմիածին, որ է և միշտ պիտի մնա Ձեր ալ հարազատ ապահով Տունը:

Թող Աստված անասան պահէ մեր սուրբ եկեղեցին, հավետ ամբողջ ու անխտով:

Քրիստոսավանդ սիրո ողջունիվ և անենաբարի մաղթանքներով՝

Վ Ա Զ Գ Ե Ն Ա

ԿԱԹՈՂՈՂԻԿՈՍ ԱՄԵՆԱՏՆ ՀԱՅՈՑ

Տ. Խորեն կաթողիկոսի Բոստոնում արտասանած ճառը, վերահրատարակված Բեյրութի «Չարթոնք» թերթի օգոստոսի 14-ի համարում, ստացված է Մայր Աթոռում սեպտեմբերի 6-ին: Այս առթիվ Հայաստանի մամուլի գործակալության թղթակիցը դիմում է հետևյալ հարցերով Վեհափառ Հայրապետին:

Հարցում—Անթիլիասի կաթողիկոս Խորեն Առաջինը հուլիս ամսում նախագահել է Բոստոնում գումարված «Դաշնակցություն» կուսակցության տարեկան համագումարի բացման նիստին և արտասանել է մի ուշագրավ ճառ: Ձերդ Վեհափառությունը ծանոթ է արդյոք այդ ճառին և ի՞նչ կարծիք կարող է հայտնել նրա մասին:

Պատասխան—Չորս օր առաջ է որ ծանոթացանք այդ ճառի բովանդակության, արտասահմանի հայ մամուլից: Կարդալով այն, Մենք ախրեցինք և մտահոգվեցինք: Պետք է ասել, թե հայ իրականության մէջ, երբեք չի պատահել որ բարձրաստիճան մի եկեղեցական, պաշտոնապես և հրապարակով, կուսակցական մի համագումարում, այնքան շեշտված և ամբողջական կերպով, իր անձը և իր հոգևոր առաքելությունը նույնացրած լինի մի քաղաքական կուսակցության ծրագրի և գործունեության հետ:

Հոգևոր կոչումի գիտակցությունը ունեցող որևէ եկեղեցու սպասավոր, և առհասարակ որևէ քաղաքական-հասարակական լուրջ գործիչ, չեն կարող հաշտվել՝ մի հոգևոր պատասխանատու ղեկավարի, նման հայտարարությունների հետ:

Այլ բան է քաղաքական կյանքի բնույթն ու սապարեզը, և բոլորովին այլ բան՝ եկեղեցու առաքելության բնույթն ու էությունը և եկեղեցականի կոչումը: Քաղաքականը անհրաժեշտորեն՝ պարագայական է, փոփոխական ու հատվածական: Իսկ եկեղեցին, հավիտենական հաստատություն է, իր էությանը անփոփոխ, իր առաքելությամբ՝ մայր դաստիարակը ժողովրդի բոլոր զավակներին անխտիր, հավասարապես, վեր կուսակցական, հատվածական հակամարտություններից:

Այո, եկեղեցին, հոգևորականը պետք է ներկա լինեն հասարակական, ազգային կյանքի մեջ, սակայն որպես՝ միարար, հաշտարար և խաղաղարար գործո՞ւմ, ազգի և հայրենիքի գերագույն շահերի գիտակցությամբ:

Մեզ մնում է ափսոսանք հայտնել այս անապատելի ելույթի ստեղծիչ և եղբայրորեն հորդորել Անթիլիասի գահակալ Խորեն կաթողիկոսին, որպեսզի պատշաճ մի ձևով, հետո կոչե հիշյալ իր հայտարարությունները, այլապես անօրինակ մի նոր կացություն կստեղծվի Իր և Իր Աթոռի համար, հայ եկեղեցու և ժողովրդի ծոցում:

Հարցում—Մի հարց ևս, Վեհափառ:

Անթիլիասի Աթոռի միաբանները մասնակցելո՞ւ են եպիսկոպոսական ժողովին, որ գումարվելու է ս. Էջմիածնում:

Պատասխան—Ինչպես հայտնի է, Մենք վաղուց ենք հրավերներ ուղղել Տանն Կիլիկիո կաթողիկոսին և եպիսկոպոսներին, սակայն տակավին վերջնական պատասխան չենք ստացած նրանց մասնակցության մասին:

10 սեպտեմբեր 1969 թ.

Հեռագիր

Տ. Տ. ԽՈՐԵՆ Ա

ԿԱԹՈՂԻԿՈՍԻՆ ՄԵԾԻ ՏԱՆՆ ԿԻԼԻԿԻՈ

Լիբանան, Բեյրութ, Անթիլիաս

Ի հետևանս Մեր տասը սեպտեմբերի հայտարարության՝ Ձեզի ուղղված 31 օգոստոս Մեր նամակին, այժմ անհրաժեշտ կգտնենք, որ հառաջիկա եպիսկոպոսական ժողովը հանգամանորեն քննարկե մեր եկեղեցվո մերքին միության ամրապնդման հարցը Ձեր Աթոռի եպիսկոպոսներուն հետ միատեղ: Կհաստատենք Ձեր 12 սեպտեմբերի հեռագիրը Ձեր հինգ եպիսկոպոսներու մասնակցության մասին եպիսկոպոսական ժողովին:

ՎԱԶԳԵՆ ԿԱԹՈՂԻԿՈՍ

13-9-69

Հեռագիր

S. S. ՎԱԶԳԵՆ Ա.
ԿԱԹՈՂԻԿՈՍԻՆ ԱՄԵՆԱՅՆ ՀԱՅՈՑ

Մեծ ուրախությամբ ստացանք Ձեր օգոստոսի 31 թվակիր նամակը ի պատասխան մեր եղբայրական գործակցության փափագին: Խորապես ցավում ենք Ձեր սեպտեմբերի 14 թվակիր հեռագրի և ռադիո թղթակցին արած Ձեր հայտարարությունների առթիվ, որոնք հրապարակվեցին որոշ թերթերում և որոնց համար մենք ոչ մի արդարացում չենք գտնում: Դրանք հիմնված էին սխալ տեղեկությունների վրա: Մենք ոչ մի պատճառ չենք տեսնում օրակարգի առաջին կետի վերաբերյալ Ձեր դիրքի փոփոխության մասին և անկեղծորեն հույս ենք հայտնում, որ Դուք կվերադառնաք Ձեր 31 օգոստոսի թվակիր նամակի ոգուն: Այն հոգեկան կապերը, որոնք միացնում են մեր ս. եկեղեցու երկու մեծ Աթոռները, ինչպես նաև եկեղեցական կարգերի բարենորոգման վերաբերյալ ընդհանուր ուսումնասիրության համար մեր յնդրանքը չպետք է ազդվի նման պատահականություններից: Խնդրում ենք Ձեզ հստակաստիացնել մեզ, որ օրակարգի առաջին կետը առարկա չի դառնա ոչ քննարկման, ոչ բանավեճերի և ոչ էլ որոշումների, որպեսզի մենք կարողանանք մեր Աթոռը ներկայացնող եպիսկոպոսներին շտապ ուղարկել:

ԿԱԹՈՂԻԿՈՍ ԽՈՐԵՆ Ա.

23 սեպտեմբեր 1969 թ.

Հեռագիր

S. S. ԽՈՐԵՆ Ա.
ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Անթիլիաս, Բեյրութ, Լիբանան

Այսօր ստացանք Ձեր հեռագիրը լրիվ ընթեռնելի: Մենք վերստին կհրավիրենք Ձեր եպիսկոպոսները Էջմիածին ժողովի: Ձեզ անհանգստացնող հարցը այստեղ կլուծենք համախորհուրդ Ձեր եպիսկոպոսներու հետ: Ձեզ կվստահեցնենք թե որևէ անհարմար կացություն չստեղծվիր Ձեր Աթոռին համար: Եպիսկոպոսական ժողովը սեպտեմբեր 27-ին:

ՎԱԶԳԵՆ ԿԱԹՈՂԻԿՈՍ

24-9-69

Հեռագիր

Անթիլիաս, 27 սեպտեմբեր 1969 թ.

Ն. Ս. ՕԾՈՒԹՅՈՒՆ

Տ. Տ. Վ Ա Զ Գ Ե Ն Ա

ԿԱԹՈՂԻԿՈՍԻՆ ԱՄԵՆԱՅՆ ՀԱՅՈՑ

Ս. Է Զ Մ Ի Ա Ծ Ի Ն

Ստացանք Ձեր 24 սեպտեմբերի հեռագիրը: Կցավինք հայտնելու որ այնտեղ չգտանք վերահաստատումը Ձեր 31 օգոստոսի նամակին ոգիին և տառին: Կմաղթենք որ հառաջիկայիս ավելի նպաստավոր պայմաններ թույլատրեն միասնաբար ուսումնասիրելու եկեղեցական բարեկրթությանը հիմնական հարցը ի խնդիր մեր ս. եկեղեցվո առավել մեծ բարիքին:

ԽՈՐԵՆ, ԿԼԹՈՂԻՈՍ

Էջմիածին, 30 հոկտեմբեր 1969 թ.

Ն. Ս. ՕԾՈՒԹՅՈՒՆ

Տ. Տ. Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿՎՈ

Ա Ա Ք Ի Ի Ա Ա

Աստուծո՛ր օգնականությամբ մեր սուրբ եկեղեցվո եպիսկոպոսաց ժողովը, գումարված Մայր Աթոռ ս. Էջմիածին Մեր նախագահությանը, իր աշխատանքը բարի արդյունքներով ավարտեց, օրակարգի վրա նախատեսված հարցերը քննարկելն հետո՝ 29 սեպտեմբեր—2 հոկտեմբերին:

Այսու կհաստատենք եպիսկոպոսաց ժողովի 6 հոկտեմբեր 1969 թվակիր Գիվանիս հաղորդագրությունը որ ուղարկված է մաս Զևրդ Սրբության ի գիտություն:

Սույն Մեր գրով խղճի պարտք կզգանք, սրբալան ժողովականներու հետ մեկտեղ՝ հայտնելու Մեր վիշտը որ Ձեր Աթոռի եպիսկոպոսները չմասնակցեցան վերոհիշյալ ժողովին, որովհետև օրակարգի մեջ նախատեսած էինք քննարկումը «Հայ եկեղեցվո միության ամրապնդման» հարցի, որ մեր 'եկեղեցվո արդի կյանքի ամենացալիտ ու ամենաանհետաձգելի հարցը կհանդիսանա:

Ձեր ներկայացուցիչներ՝ տ. Գարեգին եպս. Սարգիսյանի և տիար Ռուկեբերան Արզումանյանի ժամանումը Մայր Աթոռ, անցյալ օգոստոսի վերջերս, Մեզի ներշնչած էր հույսը թե Ձեր եպիսկոպոսներու մասնակցությամբ՝ Հաստատակյաց եկեղեցվո եպիսկոպոսաց ժողովին սկիզբ պիտի առնե հոր շըրջան մը Մայր Աթոռիս և Ձեր Աթոռին հարաբերությանց մեջ:

Այդ էր պատճառը որ Մենք ընդառաջելով Ձեր և Ձեր ներկայացուցիչներու պնդումներուն, համաձայնություն տվինք Մեր 30 օգոստոս 1969 թվակիր

նամակով, որ եպիսկոպոսական ժողովի օրակարգի վրա պահելով հանդերձ «Հայ եկեղեցվո միության ամրապնդման» հարցը, լայն քննարկման առարկա չդառնա ան, այլ ժողովի որոշումով այդ քննարկումը փոխանցվի՝ Մայր Աթոռիս և Ձեր ներկայացուցիչներն կազմված հանձնաժողովի մը, որ պետք է գումարվեր եպիսկոպոսական ժողովեն անմիջապես հետո:

Այս և այլ կարևոր հարցերու մասին լսելով Ձեր երկու ներկայացուցիչներու հավաստիացումները, Մենք առավել լավատես դարձանք և տպավորությունը ունեցանք, թե Ձեր Աթոռեն ներս կգարթե՞նի կամեցողությունը կյանքի կոչելու՝ 1963-ի Երուսաղեմի մեր ողջագործումի ոգին: Այս հավաստիացումներեն մեկն էր, որ ս. Էջմիածնեն անջատված թեմերեն ներս պաշտոնավարող Ձեր Աթոռի եպիսկոպոսները, ժողովին պիտի մասնակցե՞նի իբրև Տանն Կիլիկիո միաբան եպիսկոպոսներ և ոչ թե իբրև թեմակալ սուաջնորդներ: Ինչպես քաջ գիտեք, արդեն Մեր պաշտոնական հրավերներն ալ 4 ապրիլ 1969 թվակիր, ուղղյալ Ձեր եպիսկոպոսներուն, այդպես էին հասցեագրված: Մեր այս օրինակոր պահանջին վրա, տ. Գարեգին եպիսկոպոս պաշտոնապես խոստացավ հարգել այս պայմանը, որ Մայր Աթոռիս համար սկզբունքային վճռական նշանակություն ուներ: Եվ մեծ եղավ Մեր հուսախաբությունը, երբ Ձեր ներկայացուցիչներու վերադարձեն տաար օր անց, 14 սեպտեմբերին, «Այգ» օրաթերթին մեջ կարդացիք Ձեր հայտարարությունը թե Ձեր եպիսկոպոսները՝ Մարտիրոսյան, Հունաստանեն, Միացյալ Նահանգներեն, ժողովին պիտի մասնակցին հիշյալ երկիրներու թեմակալ սուաջնորդներու հանգամանքներով, ինչ-որ բացահայտ խախտում էր մեր միջև գոյացած համաձայնության: Ուրեմն հագիվ առաջին քայլը առնելու կպատրաստվե՞նիք դեպի մերձեցում և համերաշխ գործակցություն, ահա Դուք կփորձե՞նիք օգտագործել այս առաջին պահն իսկ, կերպով մը «օրինականացնելու» անօրինական վիճակներ, ճիշտ այն վիճակները, որոնք քննարկման և լուծման ենթակա պետք է ըլլային կազմվելիք ապագա հանձնաժողովին կողմէ: Դուք շատ լավ կըբըրնեք թե անհնար էր որ Մենք համաձայնե՞նիք որ՝ օրինակի համար Արտավազդ եպիսկոպոս Թրթրյանը Մայր Աթոռ պաշտոնապես ընդունվեր իբրև «հարավային Ֆրանսայի և Մարտիրոս առաջնորդ» ինչպես կհայտարարե՞նիք: Այսպիսով Մենք հստակորեն տեսանք թե վերստի կգտնվե՞նիք դեմ հանդիման այն նույն ոգիին և գործելակերպին, որ Անթիլիաս ցուցաբերեց նաև 1963-ի ողջագործումեն հետո, այն խաբկանքի մը վերածելով:

«Այգ» օրաթերթի մեջ Ձեր անպասելի հայտարարությունը և խախտումը Ձեր ներկայացուցիչներու խոստումին, առաջինն պատճառը հանդիսացավ, որ Մենք ալ անդրադառնանք Մեր 30 օգոստոս թվակիր նամակին, և անհրաժեշտ գտնենք որ եպիսկոպոսաց ժողովին մեջ քննարկման առարկա հանդիսանա «Հայ եկեղեցվո միության ամրապնդման» հարցը, Ձեր Աթոռի եպիսկոպոսներու հետ միասին:

Մեր վրա ծանր ազդեց նաև Ձեր անպասելի ճառը խոսված Բոստոնի մեջ և հրապարակված «Հայրենիք» օրաթերթի 11 հուլիս 1969 թիվին մեջ, որ Մեր ձեռքը հասավ սեպտեմբերի 6-ին, Ձեր ներկայացուցիչներուն Մայր Աթոռնս մեկնելեն քանի մը օր հետո:

Ձեր ճառը, խոսված քաղաքական կուսակցության մը համագումարի բացման հանդիսության և մանավանդ անոր բովանդակությունը իրոք որ աննախընթաց և անօրինակ կացության մեջ դրավ Ձեր անձը և Ձեր Աթոռը, շփոթեցնելով ու մտահոգելով Մեզ և բոլոր պատասխանատու հասարակական

գործիչները, վստահ ենք՝ ներառյալ նաև վերոհիշյալ կուսակցության լուրջ ղեկավարները:

Այսու, Մենք անգամ մը ևս կհորդորենք Ձեզ, պատշաճ ձևով մը հետս կոչել Ձեր այդ հայտարարությունները:

«Այգ»-ի մեջ Ձեր հայտարարութենեն և Բոստոնի Ձեր ճառեն հետո, Մենք այդ՝ անդրադարձանք թե այլևս կարելի չէ եպիսկոպոսաց ժողովին չխոսիլ Ձեր եպիսկոպոսներու հետ, այս հարցերուն, և Մայր Աթոռիս ու Ձեր Աթոռին փոխհարաբերությանց մասին: Մենք այլևս չէինք կրնար չարտահայտել Մեր այս մտահոգությունները և չլսել Ձեր ներկայացուցիչներուն լուսաբանությունները: Եվ ի վերջո անոնք ինչո՞ր այդքան պիտի խուսափեին խոսքի նստելի և բացատրություն տալէ, մանավա՞նդ որ Մեր վերջին, 24 սեպտեմբերի հեռագրով կկրկնեինք Ձեզի Մեր հրավերը սա խոսքերով՝

«Այսօր ստացանք Ձեր հեռագիրը լրիվ ընթեռնելի: Մենք վերստին կհրավիրենք Ձեր եպիսկոպոսները Էջմիածին ժողովի: Ձեզ անհնազանդացնող հարցը այստեղ կլուծենք համախորհուրդ Ձեր եպիսկոպոսներուն հետ: Ձեզ կվստահեցանք թե որևէ անհարմար կացություն չստեղծվիր Ձեր Աթոռին համար: Եպիսկոպոսական ժողովը կհետաձգենք սեպտեմբեր 27-ին»:

Այսպիսով Մենք չհասկցանք, թե իրապէս ինչո՞ր չկամեցաք որ Ձեր եպիսկոպոսները Մայր Աթոռ ու Էջմիածին գան, մասնակցելու եպիսկոպոսաց ժողովին և ս. մյուռոնի օրհնության սրբազան արարողությանց, երբ սքանչելի առիթ մը կհանդիսանար որ եղբայրական սերը աճեր մեր և ձեր եպիսկոպոսներու միջև, և չափով մը գոնէ պարզաբանվելին մեր ցավոտ հարցերը ի խնդիր ապագա բարվոք և օրինավոր լուծման:

Ի սեր Աստուծո սիրելի Եղբայր, այլևս կարելի չէ այս կերպ շարունակել: Այս բոլորը պետք է արմատեն իսկ դարմանվին: Ինչպէս հստակորեն անձամբ հայտարարեցինք տ. Գարեգին եպիսկոպոսին և տիար Ռ. Արզումանյանին, Անթիլիասս պետք է անկեղծորեն և վճռականորեն մեկ անգամ ընդմիջտ հրաժարի՝

ա. Ս. Էջմիածնի Մայր Աթոռին հավասարազոր ըլլալու իր ձգտումեն, որ հրապարակ քերվեցավ և շեշտվեցավ 1964-են սկսյալ:

բ. Արտասահմանի թեմերը և եկեղեցիները ս. Էջմիածնէն բաժնելու և իրեն միացնելու քաղաքականութենեն:

գ. Իր նոր կանոնադրության 32 և 33-րդ հոդվածներեն, որոնք Անթիլիասս տեղական հարձակողական դիրքի մեջ կպահեն ընդդէմ ս. Էջմիածնի:

Այս կացությունը պետք է վերջ գտնէ հանուն մեր եկեղեցվո և մեր պանդուխտ զավակներու ազգային գերագույն շահերուն և ներքին խաղաղության:

Կխնդրենք հավատացեք, թե Մեր մեջ չխոսիր ոչ մեկ անձնական փառասիրության կամ անբարյացակամ զգացում Ձեր անձին և կամ ձեր շրջանակներուն հանդէպ:

Մեր բոլոր արտահայտություններուն, Մեր բոլոր գործերուն առանցքը կկազմեն միմիայն Մեզ տանջող մտահոգությունները, մեր եկեղեցվո և մեր պանդուխտ ժողովուրդի ապագային նկատմամբ: Եվ հուշս ունինք թե վերջ ի վերջո Ձերդ Սրբությունը և Անթիլիասի մեր բոլոր եղբայրները պիտի հասկընան Մեր հոգին և պիտի չմերժեն Հայոց Ընդհանրական Հայրապետության հրավերը՝ օրինականության, միության, խաղաղության և համերաշխ գործակցության: Օրինականություն, խաղաղություն և գործակցություն իրարմէ անբաժանելի են:

Ահա այս սպասումով է որ Մենք ընթացք տալով եպիսկոպոսաց ժողովի առաջադրանքին, և ի նկատի ունենալով Ձեր 26 օգոստոս թվակիր նամակի առաջարկը, կհրավիրենք որ նշանակեք 3—5 ներկայացուցիչներ Ձեր Աթոռին, որ Ձեր կողմն լիազորված ըլլան գալու ս. Էջմիածին, քննարկելու համար սփյուռքի մեջ մեր եկեղեցիներն ներս ստեղծված տագնապալի կացությունները, և օրինավոր լուծման հանգեղու Մեր նշանակած ներկայացուցիչներուն հետ միասին:

Մայր Աթոռիս և Ձեր Աթոռի ներկայացուցիչներեն կազմված հանձնաժողովը, կխորհինք թե կրնա ս. Էջմիածին գումարվիլ հառաջիկա տարվան հունվար կամ ամենաուշը փետրվար ամսվան ընթացքին:

Ձեր ներկայացուցիչները Մենք պիտի ընդունեինք հայրական սիրով, իբրև Մեր ցանկալի հյուրերը:

Լավատեսությամբ, Մենք կսպասենք Ձեր պատասխանին, բարի հույսով թե Մեզի պիտի հաղորդեք նաև անունները Ձեր լիազորներուն, որ պիտի մասնակցին վերոհիշյալ հանձնաժողովի աշխատանքներուն:

Մաղթելով Ձերդ Սրբության լիակատար ու տևական քաջառողջություն, մնամք եղբայրական սիրո ողջունիվ՝

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ծնթ.—Սույն հրավեր-նամակը մնացել է ցարդ անպատասխան:

Էջմիածին, 29 դեկտեմբեր 1969 թ.

ԳԵՐԱԾՆՈՐՀ

Տ. ԳԱՐԵԳԻՆ ԵՊԻՍԿՈՊՈՍ ՍԱՐԳՍՅԱՆԻՆ

ԴՌԱՆ ԵՊԻՍԿՈՊՈՍԻՆ ՏԱՆՆ ԿԻԼԻԿԻՈ ԿԱԹՈՂԻԿՈՍՈՒԹՅԱՆ

Ա Ա թ ի ի ա ս

Սրբազան եղբայր,

Վերջերս մեզանում համառ լուրեր են տարածվել առ այն, որ Երևանի ս. Սարգիս եկեղեցվո նախկին ծխատեր քահանա Սարգիս Անդրեասյանը, որը քահանա էր ձեռնադրվել 1948-ին, հրամանավ երջանկահիշատակ Տ. Տ. Գևորգ Զ կաթողիկոսի, և որը, սակայն, հետագային անազնվաբար դրժելով իր ուխտը, լքեց ծովսն ու մայր հայրենիքը, որի համար կարգալուծ հռչակվեց Արարատյան թեմի որոշումով և հայրապետական վճռով, իբր թե արժանացել է Մեծի Տանն Կիլիկիո կաթողիկոսության բարյացակամ հովանավորությանը: Մեր ունեցած տեղեկությունների համաձայն, նա իբր թե վերադարձվել է իր քահանայական կարգի մեջ, արժանացել ավագության աստիճանի և նշանակվել, որպես Չիկագոյի եկեղեցվո հովիվ, Աթոռիդ միաբան տ. Հրանտ արք. Խաչատրյանի կարգադրությամբ:

Ամենայն Հայոց Հայրապետի հրամանով դիմում ենք Ձեզ պարզելու հա-

մար այս բոլորը, Ձեզանից սպասելով ճշգրիտ տեղեկություններ վերահիշյալ կարգալույծ և անարժան Սարգիս Անդրեասյանի մասին:
Ընդունեցեք մեր եղբայրական ողջույնները և բարի մաղթանքները:
Մնամ աղոթակից՝

ՀՈՒՍԻԿ ԵՊԻՍԿՈՊՈՍ ՍԱՆԹՈՒՐՅԱՆ
ԱՆԴԱՄ ԳԵՐԱԳՈՒՅՆ ՀՈԳԵՎՈՐ ԽՈՐՀՐԳԻ

Ծեթ.—Սույն նամակի պատասխանը չի ստացվել:

Էջմիածին, 12 փետրվար 1970 թ.

Ն. Ս. ՕԾՈՒԹՅՈՒՆ

Տ. Տ. Խ Ո Ր Ե Ն Ա

ԿԱԹՈՂԻԿՈՍ ՄԵԾԻ ՏԱՆՆ ԿԻՎԻԿԻՈ

Ա ն թ ի ի ա ս

Ծանոթ է Ձերդ Սրբության թե Երևանի և Սարգիս եկեղեցվո նախկին քահանա Սարգիս Անդրեասյանը, ձեռնադրված լուսահոգի Տ. Տ. Գևորգ Զ կաթողիկոսի հրամանով, լուսարարապետ տ. Սահակ արքեպիսկոպոսի ձեռամբ, դրժելով իր եկեղեցվո համայնքին ծառայության ոլստը, և չանապով Արարատյան թեմի եպիսկոպոսի և թեմական խորհուրդի կարգադրությանց ու բազմաթիվ մասնագուշացումներուն այլև արհամարհելով Մայր Աթոռի Գերագույն հոգևոր խորհուրդի հորդորները, առանց ուէ բանավոր պատճառի, ոտնակոխ ըրավ եկեղեցական կարգապահությունը և լքեց իր հոտը և իր եկեղեցին, մեկնելով արտասահման:

Արարատյան թեմակալ եպիսկոպոսի և թեմական խորհուրդի առաջադրանքով և համաձայն մեր եկեղեցվո կարգապահական կանոններուն, հալրապետական վճռով Մենք կարգալույծ հռչակեցինք Սարգիս Անդրեասյանը, զինք դատելով ի շարս աշխարհականաց: Մեր այդ վճիռը հրապարակվեցավ Մայր Աթոռի Դիվանի կողմե 9 հունվար 1968-ին, որ ինչպես գիտեք լույս տեսավ Մայր Աթոռի «Էջմիածին» պաշտոնաթերթի և արտասահմանի թերթերուն մեջ:

Վերջերս տեղեկացանք թե Ձեր որոշումով, Սարգիս Անդրեասյանը վերահաստատված է քահանայական իր կարգին մեջ և Աթոռի միաբան տ. Հրանտ արք. Խաչատուրյան հոգևոր հովվի պաշտոն վստահած է անոր Չիկագոյի մեջ:

Ստուգելու համար այս լուրի ճշտությունը, տ. Հուսիկ եպս. Սանթուրյան, Մեր հանձնարարությամբ 29 դեկտեմբեր 1969 թվակիր մամակով հարցում կատարեց Աթոռիդ դրան եպիսկոպոս տ. Գարեգին եպիսկոպոսին, առանց սակայն պատասխան ստանալու:

Նոր լուրեր զոր ստացանք Նյու-Յորքի մեր առաջնորդարանեն, դժբախտաբար կհաստատեն Մեր ունեցած տեղեկությունը Սարգիս Անդրեասյանի մասին, այն ինչ որ պահ մը Մեզի անհատլատալի կթվար:

Այս կացության առջև, Մենք Ձեզ կհրավիրենք որպեսզի Ձեր վճռական և շուտափույթ մեկ կարգադրությամբ, առաջքը առնեք այս գայթակղության, հեռացնելով Սարգիս Անդրեասյանը եկեղեցական պաշտոնեն, քանի որ ան Մեր հայրապետական վճիռով՝ է և կմնա կարգագուրկ և ոչ ոք իրավասու չէ Մեր վճիռը խախտելու:

Մեր այս նախանձաբույզ վերաբերմունքը և պահանջը կհիմնվին ոչ միայն եկեղեցական կարգ ու կանոնի վրա, այլ նաև Մեր մտահոգության, շտկարացնելու մեր մայր երկրի հոգևոր կյանքը, եկեղեցականներու թվի նվազումով:

Երևանի մեր եկեղեցիներու քահանաներու թիվը ոչ միայն պետք չէ նվազի, այլ անի և մեծնա, բավարարելու համար մեր հավատացյալ ժողովուրդի հոգևոր կարիքները: Այս առիթով Ձեզի կկամենայինք հայտնել նաև թե խրախուսված Սարգիս Անդրեասյանի նկատմամբ Ձեր Աթոռի ցուցաբերած վերաբերմունքեն, Երևանի մեջ պաշտոնավարող երկու քահանաներ ևս կպատրաստվին լքել իրենց ժողովուրդը ու իրենց եկեղեցին, և մեկնել մայր հայրենիքեն:

Նման դասալիքներ քաջալերելով, Ձեր Աթոռը հարված կհասցնե Հայաստանի մեր եկեղեցիներուն և կրոնական կյանքին:

Պարզ է թե Մենք ամեն միջոց ի գործ պիտի դնենք խափանելու համար այս չարագործությունը, և ուխտադրուծ, դասալիք քահանաները կարգագուրկ պիտի հռչակենք հրապարակավ, վստահ ըլլալով թե արտասահմանի ամբողջ հայությունը անխտիր պիտի դատապարտե զանոնք:

Սույն գրով ուրեմն, կդիմենք Ձեզի սիրեցյալ Եղբայր, որ անդրադառնաք այս ծանրակշիռ հարցին և հաճիք հրամայել որպեսզի հեռացվի Սարգիս Անդրեասյանը իր քահանայական պաշտոնեն ու դիրքեն, իբրև աշխարհիկ անձ, հաղորդելով Մեզի այդ մասին շուտափույթ կերպով:

Հույս ունինք որ պիտի ստանանք Ձեր պատասխանը մինչև այս ամսույս վերջը:

Այս առթիվ կհաստատենք Մեր 30 հոկտեմբեր 1969 թվակիր կարևոր նամակը, որուն պատասխանը մինչև այժմս սուսցած չենք:

Եղբայրական սիրով ի Քրիստոս՝

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ծեթ.— Հայրապետական սույն նամակը մնացել է նույնպես անպատասխան:

Անթիլիաս, 20 փետրվար 1970 թ.

ՆՈՐԻՆ Ս. ՕԾՈՒԹՅՈՒՆ

Տ. Տ. Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Է Զ մ ի ա ծ ի ն

Վեհափառ Եղբայր ի Քրիստոս,

Ամերիկայի Նյու-Ճորձի նահանգի մեջ վերջերս պատահեցավ խիստ գայթակղալից և տգեղ արարք մը: Կուսակրոն վարդապետ մը ամուսնացավ ներ-

կայությանը և կնքահայրությանը եպիսկոպոսներու և տասնյակ մը քահանաներու: Հայց. եկեղեցվո մեջ աննախընթաց այս սպօրհնությունը ստատ կյոք հայրայրեց մեր մամուլին, բողոքն ալ անխտիր և միահամուռ կերպով դատուպարտեցին այս եղածը որպէս խախտում Հայց. եկեղեցվո դարավոր ալանություններուն և կանոններուն:

Մեր հովվապետական շրջապտույտի ընթացքին ի Միացյալ Նահանգս, սրտի խոր մնումով նկատեցինք Ամերիկայի երկու հատվածներուն մեջն ալ մեր ժողովուրդին ընդվզումն ու խռովքը կատարված հակակառնական և հակաօրինական այս արարքին նկատմամբ:

Այդ օրերուն, Մեզի հատուկ պատճառներով չուզեցինք խնդրո ստարկա դարձնել այս պարագան, մանավանդ՝ իրազեկ դատնալէ հետո Չեր ծանօթ հայտարարության ձևին ու ոգիին:

Մենք սպասեցինք, որ Չեր նախագահությանը ի ս. Էջմիածին գումարելի Հայց. եկեղեցվո եպիսկոպոսներու ժողովը պիտի ըսեր իր դատասպարտության խոսքը՝ նվազագույն դադարեցնելով եկրական հետ ալնո քահանայագործելու իրավունքե:

Ափսոս որ իզուր անցան Մեր և բազմահազար հայերու սպասումներն ու ակնկալությունները Չեզմե և Չեր եպիսկոպոսական ժողովէն: Եվ Մեզի համար իրական անակնկալ մը եղավ երբ լսեցինք որ հակառակ եպիսկոպոսական ժողովին մեջ գեկուցագրողի այս հարցի մասին բերած դատասպարտման առաջարկության և ժողովական եպիսկոպոսներու մեծամասնության արդար բողոքին, Նյու-Ճըրզիի այս նորակերպ եկեղեցականը ցարդ կմնա պաշտոնի վրա և կշարունակե եկեղեցականի գործ կատարել:

Արդ, առաջնորդվելով Հայց. եկեղեցվո գերագույն շահերեն և անոր դարավոր կարգերն ու կանոնները անխախտ և անխաթար պահելու ու պահպանելու նախանձախնդրութենեն, ներկա գրով պիտի փափագեինք որ Չեր հայրապետական վճռով մի անգամ ընդ միշտ վերջ տայիք Հայց. եկեղեցվո ծոցին մեջ ստեղծված այս անկերպարան և վրդովեցուցիչ վիճակին՝ իսպառ դադարեցնելով խնդրո ստարկա անձը քահանայագործելու իրավունքե և դատելով զինքը ի շարս աշխարհականաց՝ յօրինակ այլոք:

Եթե Մեր այս նախանձախնդրությունը պահանջի կվերածենք, պատճառը այն է որ վաղը նույն բանը կրնա պատահիլ Մեր իրավասության եկրակա թեմերուն մեջ՝ Մեզ դնելով ծանր կացության մը առջև: Ահա թե ինչու համար կփափագինք որ այս խնդիրը օր առաջ վերջնական հանգամանք ստանա և որպէս նախընթաց չճառալէ:

Կսպասենք որ Մեր այս սրտցալ և իրավ բողոքին ձայնը չի մնար անլսելի Չեր Եղբայրութենեն:

Մնամ եղբայրական սիրո ջերմ ողջունիլ,

Աղոթակից՝

Խ Ո Ր Ե Ն Ա,

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Էջմիածին, 9 մարտ 1970 թ.

Ն. Ս. ՕՇՈՒԹՅՈՒՆ

Տ. Տ. ԽՈՐԵՆ Ա.

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈ

Ա Ն թ ի լ ի ա ս

Այսու հաստատում ենք Ձեր 20 փետրվար 1970 թվակիր նամակը և Ձեզ ի գիտություն հայտնում ենք, թե Ամենայն Հայոց կաթողիկոսը իր ժամանակին, հայրապետական որոշումով, մեր եկեղեցու ավանդական կարգի խախտում է նկատել անցյալ տարի Միացյալ Նահանգների Նյու-Ճըրզիի հայոց եկեղեցու հովիվ, կուսակրոն քահանայի ամուսնության պարագան:

Ի նկատի ունենալով, սակայն, Միացյալ Նահանգների թեմակալ առաջնորդի և թեմական խորհրդի բացատրագրերը և խմբակները, ի նկատի ունենալով, որ Տ. Տ. Գևորգ Ե կաթողիկոսի կանոնական կոնդակով մեր եկեղեցում թույլատրված է այրիացած քահանաների կրկնամուսնությունը, այլև ի նկատի ունենալով նախընթաց նման պարագամեր Տ. Տ. Գևորգ Չ կաթողիկոսի օրոք, Վեհափառ Հայրապետը ներողամտությամբ է վերաբերվել վերոհիշյալ խախտումի նկատմամբ «ոչ յօրինակ այլոց» հայրապետական Իր վճիռով, հրապարակված 12 ապրիլ 1969 թվականին:

Թույլ տվեք նաև Ձեր նկատածնան հանձնել, թե անցյալ սեպտեմբերին, Մայր Աթոռում գումարված եպիսկոպոսաց ժողովը չի զբաղվել սույն խնդրով և որևէ վերաբերմունք չեն ճշտել ժողովականները, հայրապետական վճիռով հարցը փակված նկատելով:


Այս առթիվ պիտի կամենայիք Ձեզ հիշեցնել, թե Ամենայն Հայոց Հայրապետը սպասում է Ձեզանից պատասխան՝ 30 հոկտեմբեր 1969 և 12 փետրվար 1970 թվակիր կարևոր Իր նամակներին:

Հանեցեք ընդունել մեր ջերմագին մաղթանքները Ձերդ Սրբության քաջատոջության և արևշատության համար:

ՀԱՅԿԱԶՈՒՆ ԱՐՔԵՊԻՍԿՈՊՈՍ

ԱՏԵՆԱՊԵՏ ԳԵՐԱԳՈՒՅՆ ՀՈԳԵՎՈՐ ԽՈՐԶՐԴԻ





Հ Ա Ղ Ո Ր Դ Ա Գ Ր Ո Ւ Թ Յ Ո Ւ Ն

Նորին Ա. Օծություն Տ. Տ. Վազգեն Ա կաթողիկոսը Ամենայն Հայոց, մեկնելով Մայր Աթոռ և Էջմիածնից մայիսի 3-ին 1970 թ., պաշտոնական այցելություն տվեց Հոռոմ, Նորին Սրբություն Պավղոս Զ Պապին, եղբայրական սիրո ողջագործմամբ, լինելով հյուրը Սրբազան Քահանայապետի մայիսի 8—12-ը, Երուսաղեմի և Կ. Պոլսի հայոց սրբազան պատրիարքների և վեց արքեպիսկոպոսների ու եպիսկոպոսների հետ: Պատմական այս այցելությունը տեղի ունեցավ փառաշուք հանդիսավորությամբ, որի ավարտին Նորին Սրբություն Պավղոս Զ Պապը և Ամենայն Հայոց Հայրապետը ստորագրեցին մի հաղորդագրություն՝ ի խնդիր եկեղեցիների միջև սիրո և միության ամրապնդման ու գործակցության և ի խնդիր աշխարհի խաղաղության:

Ապա Տ. Տ. Վազգեն Ա կաթողիկոսը այցելություն տվեց Վենետիկի Մխիթարյան միաբանության ի ս. Ղազար, Գերապայծառ Արքանոր մասնավոր հրավերով:

Ամենայն Հայոց կաթողիկոսը հետ այնու, Արևմտյան Եվրոպայի հայրապետական պատվիրակ գեր. տ. Սերովյե արքեպ. Մանուկյանի որդիական հրավերով, շարունակեց Իր հովվապետական ողևորությունը՝ Իր հայրական օրհնությունները բաշխելով Միլանոյի, Փարիզի, Լիոնի, Վալանսի, Դեպի, Մարսելի, Մոնակոյի, Նիսի և Ալֆորվիլի հայ եկեղեցական համայնքներին:

Վեհափառ Հայրապետը Իր օրհնաբեր այցելությունը տվեց Գալուստ Կյուպենկյան հիմնարկությանը, հարգարժան նախագահի հրավերով, հունիսի 8—11-ը:

Տ. Տ. Վազգեն Ա կաթողիկոսը Իր շքավաճառով վերադարձավ Մայր Աթոռ և Էջմիածին 1970 թ. հունիսի 20-ին:

ԴԻՎԱՆ ՄԱՅՐ ԱԹՈՒՆ

22 հունիս 1970 թ.,

Ա. Էջմիածին



Պ Ա Շ Տ Ո Ն Ա Կ Ա Ն

ՎԵՀԱՓԱՌ ՀԱՅՐԱՊԵՏԻ ԱՅՑԵԼՈՒԹՅՈՒՆԸ ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ՍՈՎԵՏԻ ՆԱԽԱԳԱՀ ԲԱԴԱԼ ՄՈՒՐԱԴՅԱՆԻՆ

Հուլիսի 11-ին, շաբաթ օրը, առավոտյան ժամը 11-ին, Վեհափառ Հայրապետը Երևանում, Կառավարական տանը, այցելություն ավեց Հայկական ՍՍՀ Մինիստրների սովետի նախագահ Բադալ Մուրադյանին:

Ամենայն Հայոց Հայրապետի և Հայկական ՍՍՀ Մինիստրների սովետի նախագահի միջև տեղի ունեցավ ջերմ գրույց՝ արտագին մթնոլորտում:

Զրույցին ներկա էին՝ Հայկական ՍՍՀ Մինիստրների սովետի գործերի կառավարիչ Հ. Մելքոնյանը և Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը:





Հ Ա Յ Տ Ա Ր Ա Ր Ո Ւ Թ Յ Ո Ւ Ն

Մայր Աթոռիս Դիվանը լիազորված է հայտարարելու, թե Ամենայն Հայոց կաթողիկոս Վազգեն Ա Հայրապետի նախագահության ներքո գումարված Գերագույն հոգևոր խորհուրդը 30 ապրիլ 1970 թվականի իր նիստում, երկրորդ անգամ քննարկելով նախկին եպիսկոպոս Վազգեն Օհանյանի պարագան և նկատի ունենալով հիշյալի 30 հունվար և 22 ապրիլ 1970 թվակի կարգաթողության գրերը՝ ուղղված Վեհափառ Հայրապետին, ցավով արձանագրեց, որ նա, հոգևոր ծառայության իր ուխտը դրժելով, կարգաթող է եղել և, հետանալով եկեղեցուց, արդեն 15 փետրվար 1970 թվականից սկսած, ապրում է որպես աշխարհական:


Գերագույն հոգևոր խորհուրդը խնդրեց Տ. Տ. Վազգեն Ա կաթողիկոսին, Հայրապետական Իր վճռով՝ Վազգեն Օհանյան եպիսկոպոսին կարգալուծ հռչակել:

Նորին Սրբությունը ընթացք տալով Գերագույն հոգևոր խորհրդի միջնորդությանը, 2 մայիս 1970 թվակի հայրապետական Իր վճռով կարգալուծ արեց նախկին եպիսկոպոս Վազգեն Օհանյանին, դասելով նրան աշխարհականաց շարքը, իր նախկին աշխարհական Գեորգ անունով, գրկելով նրան եկեղեցական որևէ արարողության, եկեղեցական կամ եկեղեցուն առընթեր որևէ կազմակերպության վարչական գործունեությանը մասնակից լինելու իրավունքից, նվազագույնը տասը տարի իր կարգաթողության օրվանից:

ԴԻՎԱՆ ՄԱՅՐ ԱԹՈՒԻ

3 մայիս 1970 թ.,
Ս. Էջմիածին





**ՀՈԳԵՎՈՐԱԿԱՆԱՑ ՀԱՄԱԳՈՒՄԱՐ ԱՄԵՐԻԿԱՅԻ ՄԻԱՑՅԱԼ
ՆԱՀԱՆԳՆԵՐԻ ՀԱՅՈՑ ԱՐԵՎԵԼՅԱՆ ԹԵՄԻ**

Վեհափառ Հայրապետի բարեհաճ կարգադրությամբ և հրավերով Ամերիկայի Միացյալ Նահանգաց Արևելյան թեմի առաջնորդ տ. Թորգոմ արք. Մանուկյանի, ապրիլի 29—30 օրերին հոգևորականաց տարեկան համագումարին մասնակցեցին Մայր Աթոռից տ. Հովհաննես քին. Մարությանը, Մայր տաճարի քահանաներից և հոգեվոր ճեմարանում հայոց լեզվի և գրականության դասախոս, և Երևանի ս. Սարգիս եկեղեցուց՝ տ. Ռուբեն քին. Մարտիրոսյանը:

Տարեկան համագումարը տեղի է ունեցել 1970 թվականի ապրիլի 29-ին և 30-ին, չորեքշաբթի և հինգշաբթի օրերը, Ջելտենհեմի (հարավային Ֆիլադելֆիա) ս. Երրորդություն հայոց եկեղեցու մոտ:

Ապրիլի 29-ին տեղի է ունեցել ժողովի բացումը և դիվանի ընտրությունը՝ նախագահությամբ թեմակալ առաջնորդ տ. Թորգոմ արք. Մանուկյանի, որը և կարդում է Վեհափառ Հայրապետի ողջույնի հետևյալ գիրը՝ ուղղված համագումարի մասնակիցներին.

**Գերազնորհ տ. Թորգոմ արքեպիսկոպոս
Մանուկյանին**

**Առաջնորդին Հյուսիսային Ամերիկայի
արևելյան թեմի**

Նյու-Յորք

Փրկչի Իջման սուրբ սեղանեն և սուրբ գրական Հայաստանեն, այսօր, Մեր մտածումը հուզումով գեղուն, կողովի դեպի ձեր

հեռավոր ասիերը, բերելու հայրական սիրո ողջույն և օրհնություն Ձերը Սրբազնության և տիրախնամ թեմիդ հոգևորականաց համագումարին:

Սիրելի Սրբազան և նույնքան սիրեցյալ հոգևոր որդիներ Մեր, վստահ եղեք թե Հայոց Հայրապետը որ, հաճախ մտահոգությանց բեռան տակ կզուգնվի, խորապես կըմխիթարվի ու կհրճվի ամեն անգամ, երբ կըտեսնե մեր եկեղեցիին ծոցին մեջ, անը՝ հավատքի գործերու շինարար աշխատանքի, կարգապահ ոգիի ու հավատարիմ գործելակերպի:

Մենք կհավատանք թե նույն այս ոգիով համակված, դուք բոլորդ, այժմ ի մի հավաքված եք, որպեսզի առավել անեցնեք ու գորացնեք ձեր մեջ և ձեր ժողովուրդին մեջ, մեր նախնյաց սուրբ հավատքը, որպեսզի առավել նպատակասլացությամբ կազմակերպեք Ձեր հոգեշեն աշխատանքը և առավել կարգապահությամբ ու հավատարմությամբ գործեք, միշտ նեցուկ հանդիսանալով ձեր սրբազան Առաջնորդին որ բոլորանվեր ջանքերով նվիրված է իր պատասխանատու առաքելության, գոր վստահ ենք թե պիտի շարունակե կենսագործել հեռզհետև ավելի արդյունավետությամբ:

Գիտենք թե ձեր օրակարգի վրա ունիք ուշադրության արժանի հարցեր, բոլորն ալ կարևոր և կարոտ բարի և շինարար լուծումներու: Մենք ձեր աշխատանքներուն լիակատար հաջողություն կմտախոսենք: Սակայն ամեն բանե վեր, հայրաբար կհորդորենք ձեզ որ սիրով միանաք և սիրով գործեք, փոխա-

դարձ հարգանքով և փոխադարձ գնահատանքով: Ու նաև սիրով հիշեք ձեր հավատքի մայր կեդրոնը ի սուրբ Էջմիածին, ուր ձեր Հայրապետը տիվ և գիշեր կադորե ձեզի համար, համայն մեր եկեղեցիին ու ազգին համար:

Մեր գործությունը և մեր հաղթության գրավականը՝ սիրո մեջ է, միության մեջ է, անբաժանության մեջ է:

Հրավեր կկարդանք ձեզի ամենուղ, «Հնագանդ ըլլալու մեկդ սյուսին, երկյուղովը Քրիստոսի» (Եփս. Ե 22):

Շնորհք Տեառն Մերոյ Յիսուսի Քրիստոսի եղիցի ընդ ձեզ ամեն:

ՎԱԶԳԵՆ ԱՌԱՋԻՆ
ԿՈԹՈՂԻԿՈՍ ԱՄԵՆԱՅՆ ՀԱՅՈՅ

Համագումարին ներկա էին 30 հոգևորական պատգամավորներ:

Երկու օրվա մեջ, ըստ ծրագրի կարդացվեցին հետևյալ դասախոսությունները.

ա) «Նոր սերնդի կրոնական և հայեցի դաստիարակության հարցը սփյուռքի մեր պայմաններում»

(տ. Հովհաննես քնն. Մարության)

բ) «Հայաստանյայց եկեղեցին և արդիական հարցերը»

(տ. Ռուբեն քնն. Մարտիրոսյան)

գ) «Սուրբ Գրոց սերտողության և անձնական հոգևոր փորձառություններ»

(տ. Գրիգոր քնն. Հայրապետյան):

Ձեկուցումը կարդաց Հովհաննես սրկ. Գասպարյանը):

դ) «Սողը սիբյուրիտի և ինքեմ տեքս հոգեվորականների համար»

(Անգլերեն լեզվով: Պրն. Հրապրթ Ս. Շոֆֆ)

Առաջին զեկուցման մեջ նոր սերնդի կրոնական և հայեցի դաստիարակության համար շեշտվում էին հիմնական չորս կետերի անհրաժեշտությունն ու միասնությունը.

ա) Եկեղեցին իր գլովս ունենալով ս. Էջմիածինը և Ամենայն Հայոց Հայրապետությունը:

բ) Դպրոց և հայ մշակույթ:

գ) Ընտանիք և դաստիարակություն:

դ) Հայրենասիրություն. վերածնված Մայր Հայաստանի պայծառ իրականությունը:

«Սուրբ Գրոց սերտողության և անձնական հոգևոր փորձառություններ» զեկուցման մեջ հետևյալը հայտնեց այն միտքը, որ ծեսերի կատարման հետ (պատարագ, մկրտություն, պսակ) անհրաժեշտ է նաև ս. Գրոց սերտողությունը հավատացյալի համար: Անհրա-

ժեշտ է նաև սուրբ Գրոց սերտողություն կազմակերպել նաև եկեղեցիներում: Ուրիշներ առաջարկեցին այդ միացնել ծեսերի բացատրման և ուսուցման ժամանակ, որպեսզի ավելի ամբողջական ստացվի ավետարանական ուսուցումը հավատացյալի մոտ:

Հաջորդ օրը տ. Ռուբեն քնն. Մարտիրոսյանը կարդաց «Հայաստանյայց եկեղեցին և արդիական հարցեր» զեկուցումը, տվեց հայ եկեղեցու պատմականը, մատուցած ծառայությունները՝ հայ ժողովրդին, մշակույթի, լուսավորության, քրիստոնեական ոգու պահպանման գործում, ապա նշեց այն հարցերը, որոնք այսօր ծառայել են մեր եկեղեցու առաջ և սպասում են լուծման:

Չորրորդ զեկուցումը, որ անգլերեն էր, նվիրված էր ամերիկյան օրենքի բացատրմանը, ըստ որի քահանաները ևս կարող են հետագայում առանալ թոշակներ և, դժբախտության դեպքում՝ սահմանված օժանդակություն:

Համագումարը փակվեց եղբայրական սիրավիր մթնոլորտում և տերմնական աղոթքով:

Ժամը 5-ին տեղի ունեցավ երեկոյան ժամերգություն:

Տ. Թորգոմ սրբազանի կազմած ծրագրով մեր քահանա հայրերը եղան հետևյալ քաղաքներում, որտեղ նրանք պատարագեցին և քարոզեցին.

Տ. Ռուբեն քնն. Մարտիրոսյան.

Մայիսի 8-ին՝ Ֆիլադելֆիայի հայոց ս. Սահակ և ս. Մեսրոպ եկեղեցում (հովիվ՝ տ. Եղիշե վրդ. Կիզիրյան):

Քարոզ՝ «Ձի որք ոչն տեսանեն, տեսցեն և որք տեսանեն, կարասցին» (Յովհ. գլ. Թ՝ 39):

Մայիսի 10-ին՝ Նյու-Յորքի Նյու-Ճորձի շրջանի Ֆերյունի հայոց ս. Ղևոնդ եկեղեցում (հովիվ՝ տ. Գառնիկ քնն. Հալաչյան):

Քարոզ՝ «Մայր սուրբ... աղաչեա վասն մեր զի լոնեցին պատերազմուք, դադարեցին յարձակմունք յջնամեաց, տնկեցի սր և արդարություն ի յերկրի. աղաչեմք»:

Մայիսի 17-ին՝ Նյու-Յորքի Մայր տաճարում (հովիվ՝ տ. Կարեն քնն. Կտանյան):

Քարոզ՝ «Կեանք և կենդանարար յոյս և գոյացուցիչ լուսոյ, ինքն բարի աղբիւր բարութեան հոգի ուզիչ առաջնորդական» (շարական):

Մայիսի 24-ին՝ Գլիվլենդ քաղաքի հայոց ս. Գրիգոր Նարեկացի եկեղեցում (հովիվ՝ տ. Արշակ վրդ. Խաչատրյան):

Քարոզ՝ «Ի վերայ Աջոյն և Էջմիածնի ամենայն ազգն հայոց կապեալ կան» (Ա. Գավրիիժեցի):


Մայիսի 31-ին՝ տօն կաթողիկէ ս. Էջ-

միաձնի, Ուտտերթաուի հայոց ս. Հակոբոս եկեղեցում (հովիվ՝ տ. Տաճատ քհն. Իս-պիրյան)։

Քարոզ՝ «Եկայք շինեցուք սուրբ գիտ-րանն լուսոյ, քանզի ի սմա ծագեաց մեզ լոյս ի Հայաստան աշխարհի» (շարական)։

Անգլերեն քարոզ՝ «Ողորմութիւն և ճշ-մարտութիւն պատահեցին, արդարութիւն և խաղաղութիւն համբուրեցին»։

Մայիսի 17-ին՝ Վաշինգտոնի ս. Մարիամ Աստվածածին եկեղեցում (հովիվ՝ գեր. տ. Բարգեն եպս. Վարժապետյան)։



ԱՄՆ-ի հայոց արևելյան թեմի 68-րդ պատգամավորական ժողովի խմբակցար

Տ. Հովհաննես քհն. Մարության

Մայիսի 8-ին՝ Նորդի Ֆիլադելֆիայի Զեյ-թընհամի ս. Երրորդություն եկեղեցում (հո-վիվ՝ տ. Զավեն վրդ. Արզումանյան)։

Հայերեն քարոզ՝ «Ողորմութիւն և ճշմար-տութիւն պատահեցին, արդարութիւն և խա-ղաղութիւն համբուրեցին» (սաղմոս)։

Անգլերեն քարոզ՝ «Զօրութիւն ս. խաչի քո Քրիստոս որ կանգնեցեր ի փրկութիւն աշ-խարհի սա պահեցէ գմեզ յամենայն փոր-ձութենէ» (շարական)։

Մայիսի 10-ին՝ Նյու-Յորքի ս. Վարդան Մաշ տաճարում։

Հայերեն քարոզ՝ Տօն Համբարձման. «Ամ-բարձեալ զձեռս իր օրհնեաց զնոսա եւ վերանայր յերկինս» (Ղուկ. ԻԴ 50)։

Հայերեն քարոզ՝ Տօն Հոգեգալստեան. «Ես աղաչեցից զհայր և այլ մխիթարիչ տա-ցէ ձեզ, զի ընդ ձեզ բնակեցէ ի յաիտեան» (Յովհ. ԺԴ 16)։

Մայիսի 24-ին՝ Դետրոյտի ս. Հովհաննես եկեղեցում (հովիվ՝ տ. Տիրան քհն. Փափազ-յան)։

Հայերեն քարոզ՝ «Առաքեա, Տէր, զլոյս քո և զճշմարտութիւն քո, զի առաջնորդեցեն ինձ և հանցեն զիս ի Լեառն Ս. և ի յարկս քո» (սաղմոս)։

Մայիսի 31-ին՝ Ուստրի հայոց եկեղեցում (հովիվ՝ տ. Մյուռն վրդ. Կրճիկյան)։

Հայերեն քարոզ՝ «Էջ Միածինն ի Հօրէ և լոյս փառաց ընդ նմա» (շարական)։

Պատարագներից հետո ճաշկերույթներ


էին տեղի ունենում եկեղեցիներին կից դահլիճներում, որտեղ մեր քահանա հայրերը միշտ էլ մեր հավատքի, եկեղեցու, ս. Էջմիածնի, հայրենիքի և մեր աշխատասեր ժողովրդի մասին էին խոսում, պատասխանում հարցերին և շեշտում, որ սփյուռքը կարող է գոյատևել ս. Էջմիածնով և իր հայրենի երկրի հանդեպ իր սիրով և հավատարմությամբ:

Բացի այն եկեղեցիներում, որտեղ մեր քահանա հայրերը պատարագեցին, քարոզեցին, նրանք ներկա եղան նաև Սառուհի Միվոքիում (հովիվ՝ տ. Վազգեն վրդ. Քեշիշյան) մայիսի 7-ին տրված թեյասեղանի և Ռոտերթաունում (հովիվ՝ տ. Տաճատ քին.

Դավթյան) կազմակերպված մայիսի 28-ին «Հավատքը Հայաստանում» զեկուցմանը: Երկու վայրերում էլ տրվեցին համարյա միևնույն հարցերը, և քահանա հայրերը տալիս էին պատասխաններ՝ Հայաստանի բնակչության, եկեղեցիների, հոգևորականների և դպրոցների քանակի, գիտության, արվեստի, տնտեսության վերելքի մասին:

Ամերիկահայ ժողովուրդը ծարավի է հայրենի ջերմացնող շնչին ու ս. Էջմիածնի օրհնությանը:

Հունիսի 3-ին մեր քահանա հայրերը իրենց պարտականությունները կատարած վերադառնում են Մայր Աթոռ:





Մ Ա Յ Ր Ա Թ Ո Ռ Ո Ւ Մ

Մայիսի 24-ին, կիրակի.—Ա կիրակի զկնի Հոգեգայտեան: Սկիզբն Յարութեան կիրակեից: Յիշատակ Եղիայի մարգարէին.

Մայր տաճարում պատարագ է մատուցում տ. Հակոբ քին. Հակոբյանը:

* * *

Մայիսի 25-ին, երկուշաբթի.—Տօն սրբոց կուսանացն Հռիփսիմեանց.

Ա. Հռիփսիմեի տաճարում պատարագ է մատուցում տ. Ծնորհք վրդ. Գասպարյանը և քարոզում «Անձինք նուիրեալք սիրոյն Քրիստոսի... Եւ կուսանք իմաստունք» բնաբանով:

Հավարտ ա. պատարագի տեղի է ունենում հոգեհանգստյան արարողություն՝ ա. Հռիփսիմեի տաճարի բարեբար, միլանաբնակ Երվանդ Հյուսիսյանի գերդաստանի բոլոր ննջեցյալների հոգիների համար:

* * *

Նույն օրը, երեկոյան ժամը 5.30-ին, Փափզից Մայր Աթոռ է վերադառնում տ. Հակոբյանը արքեպ. Աբրահամյանը, որը որպէս հայրապետական շքախմբի անդամ ուղեկցել էր Վեհափառ Հայրապետին դէպի Հոռն:

Սրբազան հորը դիմավորելու էին գնացել օրանավակալան տ. Մամբրե վրդ. Մարգարյանը և Արարատ սրկ. Գալստյանը:

* * *

Մայիսի 26-ին, երեքշաբթի.—Տօն սրբոց կուսանացն Գայիանեանց.

Ա. Գայանեի տաճարում պատարագում է տ. Նշան քին. Բելլերյանը և քարոզում՝ տ. Ծնորհք վրդ. Գասպարյանը՝ «Ո՛վ զգաստութեան իմաստուն կուսանացն... ինքեանք ելին և այլոց ցուցին զճանապարհս ցանկալի» բնաբանով:

Հավարտ ա. պատարագի տեղի է ունենում հոգեհանգստ՝ եկեղեցու բարեբարների ննջեցյալների հոգիների համար:

* * *

Մայիսի 28-ին, հինգշաբթի.—Տօն սրբոցն Հովհաննո Կարապետին և Աթանագիեակայիսկոպոսին.

Ա. Ծղակաթի եկեղեցում պատարագ է մատուցում տ. Ծնորհք վրդ. Գասպարյանը և քարոզում «Նա էր ճրագն որ լուցեալ էր և ծագէր, և դուք կամեցարուք ցնծալ առ ժամանակ մի ի լոյս նորա» բնաբանով:

Հավարտ ա. պատարագի տեղի է ունենում հոգեհանգստ՝ երանաշնորհ Տ. Տ. Նահապետ կաթողիկոսի և եկեղեցու բարեբար Ա. Գալեմտերյանի գերդաստանի ննջեցյալների հոգիների համար:

* * *

Մայիսի 30-ին, շաբաթ.—Տօն սրբոցն Գրիգորի Լուսաւորչին մերոյ ելն ի Վիրապէն.

Մայր տաճարում, Իջման ա. սեղանի վրա, պատարագ է մատուցում տ. Մկրտիչ ալագ քին. Քամաղեյանը:

* * *

Մայիսի 31-ին, կիրակի.—Բ կիրակի զկնի Հոգեգայտեան: Տօն Կաթողիկէ Էջմիածնի.

Մայր Աթոռի մեծ տոնի առիթով Մայր տաճարում, Ավագ սեղանի վրա, պատարագ է մատուցում տ. Գևորգ վրդ. Սերալդարյանը:

Հավարտ ա. պատարագի Իջման ա. սեղանի առաջ քարոզում է տ. Հակոբյանը արքեպ. Աբրահամյանը՝ «Քանզի ի սմա ծագեաց մեզ լոյս ի Հայաստան աշխարհի» բնաբանով:

Ապա տեղի է ունենում հայրապետական հանդիսավոր մաղթանք՝ հավատացյալների հոծ բազմության ներկայությամբ:

բարերարներ Հ. և Թ. Ղազարոսյան և Պ. Ա. լեքսյան գերդաստանների ննջեցյալների հոգիների համար:

Հունիսի 7-ին, կիրակի.—Գ կիրակի գկնի Հոգեգալստեան.

Մայր տաճարում ս. պատարագ է մատուցում տ. Մուշեղ վրդ. Պետիկյանը:

Հունիսի 21-ին, կիրակի.—Ե կիրակի գկնի Հոգեգալստեան: Գիտ տփոյ Սրբուհոյ Աստուածածնի.

Մայր տաճարում ս. պատարագ է մատուցում տ. Ծնորհք վրդ. Գաապարյանը:

«Հայր մեր»-ից առաջ քարոզում է Վեհափառ Հայրապետը՝ Իր՝ Հոռոմ, Ֆրանսիա և Լիսաբոն կատարած այցելությունների հոգևվոր, պատմական նշանակության մասին:

Հունիսի 8—11 օրերին հոգևոր ճանարանի ուսանողները, տեսչի և դասախոսական կազմի գլխավորությամբ, քառօրյա ուխտագնացություն կատարեցին դեպի Սևանի, Հաղարծնի, Գոշավանքի վանքերը:

Հունիսի 8-ին, երկուշաբթի.—Այսօր Մայր Աթոռ ժամանեցին արժ. տ. Հովհաննես քհն. Մարությունը և տ. Ռուբեն քհն. Մարտիրոսյանը, որոնք Վեհափառ Հայրապետի կարգադրությամբ մասնակցել էին Ամերիկայի Միացյալ Նահանգների արևելյան թեմի հոգեվորականց համագումարին:

Հունիսի 22-ին, երկուշաբթի.—Այսօր ա-

նավորյան ժամը 12-ին Մայր տաճար են այցելում Իսպանիայի Կարմիր խաչի պրեզիդենտ Քեյզյո Դե Լյանոնին, փոխ-պրեզիդենտ Վիլյանուս Ադիլյունին և Մադրիդի Կարմիր խաչի պրեզիդենտ Գեներալո Մոլա Ի Արտագոնին:

Ապա Վեհափառ Հայրապետը Վեհարանում ընդունում է այցելուներին և զրույց ունենում՝ ջերմ մթնոլորտում:

Հունիսի 14-ին, կիրակի.—Դ կիրակի գկնի Հոգեգալստեան.

Մայր տաճարում ս. պատարագ է մատուցում տ. Հակոբ քհն. Հակոբյանը:

Հունիսի 24-ին, չորեքշաբթի.—Երեկոյան

ժամը 19-ին Վեհարանում տեղի է ունենում հավաքույթ, որին մասնակցում են Գերագույն հոգևոր խորհրդի և միաբանության անդամները, «Էջմիածին» ամսագրի խմբագրական կազմը: Վեհափառ Հայրապետի 9-րդ ողևորության ժամանակ շքամբի անդամ և Մայր Աթոռի միջնկեղեցական հարաբերությունների բաժնի վարիչ Պարզև Ծահրազյանը շուրջ 50 րոպե խոսում է Հայոց Հայրապետի Հոռոմ, Ֆրանսիա և Լիսաբոն կատարած այցելությունների հոգևոր, պատմական և հայրենասիրական նշանակության մասին:

Հավաքույթը եզրափակում է Վեհափառ Հայրապետը՝ շեշտելով նման ողևորության մեծ նշանակությունը մեր եկեղեցու և մեր ժողովրդի համար:

Նույն օրը, երեկոյան ժամը 8.30-ին, հոգևվոր ճանարանի հանդիսությանց դահլիճում տեղի է ունենում հավաքույթ. տ. Հովհաննես քհն. Մարությունը ուսանողությանը պատմում է ԱՄՆ կատարած իր այցելությանն սպավորությունների և հուշերի մասին:

Հունիսի 18-ին, հինգշաբթի.—Սրբոց Թարգմանչացն մերոց Սահակայ և Մեսրոպբայ:

Հանդիսավոր ս. պատարագ է մատուցում Օշականի եկեղեցում Արարատյան թեմի առաջնորդական փոխանորդ տ. Վահան Էպս. Տեղյանը և քարոզում՝ ս. Սահակի և ս. Մեսրոպի կատարած մշակութային-հայրենասիրական մեծ գործունեության մասին:

Հավարտ ս. պատարագի տեղի է ունենում հոգեհանգիստ՝ եկեղեցու վերանորոգության

Հունիսի 29-ին, երկուշաբթի.—Երեկոյան

ժամը 19-ին, Վեհափառ Հայրապետի նախագահությամբ, Վեհարանում գումարվում է Գերագույն հոգևոր խորհրդի հերթական նիստը:

* * *

Հունիսի 29-ին, երկուշաբթի.—Այսօր ուխտավորաբար Մայր Աթոռ ժամանեց Մելքունի հայոց հոգևոր հովիվ տ. Ոսկան վրդ. Գալբակյանը:

* * *

Հուլիսի 5-ին, կիրակի.—Վարդավառ: Պաշտականերպության Տեառն մերոյ Յիսուսի Քրիստոսի.

Մայր տաճարում, Ավագ սեղանի վրա, պատարագում է տ. Ոսկան վրդ. Գալբակյանը և քարոզում՝ «Որ ի լերիսն ալլակերպեալ ցուցեր գաստուածային Քո գօրութիւնը» բնաբանով:

Ս. պատարագին ներկա էր Վեհափառ Հայրապետը:

* * *

Հուլիսի 6-ին, երկուշաբթի.—Մեռելոց.

Մայր տաճարում ս. պատարագ է մատուցում տ. Խորեն վրդ. Էլչունյանը: Հավարտ պատարագի տեղի է ունենում հոգեհանգրստյան արարողություն՝ համորեն ննջեցյալների համար:

Ս. պատարագի երգեցողությունը կատարում են հոգևոր ճեմարանի սաները:

* * *

Հուլիսի 7-ին, երեքշաբթի.—Ռոստովի հայոց եկեղեցու հոգևոր հովիվ տ. Գրիգորիս արեղա Բունիաթյանը Մայր Աթոռ ժամանեց՝ եկեղեցական-համայնքային հարցերով:

* * *

Հուլիսի 12-ին, կիրակի.—Բ կիրակի.

Մայր տաճարում պատարագում և քարոզում է Ռոստովի հայոց եկեղեցու հոգևոր հովիվ տ. Գրիգորիս արեղա Բունիաթյանը:

Ս. պատարագին ներկա էր Վեհափառ Հայրապետը:

* * *

Հուլիսի 15-ին, չորեքշաբթի.—Այսօր Լոնդոնի հայոց ս. Սարգիս եկեղեցու հոգևոր հովիվ տ. Արսեն վրդ. Բերբերյանը ուխտավորաբար ժամանում է ս. Էջմիածին:

* * *

Հուլիսի 20-ին երկուշաբթի.—Գ կիրակի.

Մայր տաճարում պատարագ է մատուցում Լոնդոնի հայոց ս. Սարգիս եկեղեցու հոգևոր հովիվ տ. Արսեն վրդ. Բերբերյանը և քարոզում՝ «Զի ուր գանձք ձեր են, անդ և սիրոք ձեր եղիցին» բնաբանով:

* * *

Հուլիսի 21-ին, երեքշաբթի.—Երեկոյան

ժամերգությունից հետո, Վեհափառ Հայրապետի բարեհաճ արտոմությամբ, Մայր տաճարի լուսարարապետ տ. Հայկազուն արքեպ. Աբրահամյանը Իջման ս. սեղանի առաջ ծայրագույն վարդապետական իշխանություն շնորհեց Մելքունի հայոց հոգևոր հովիվ տ. Ոսկան վրդ. Գալբակյանին՝ խարտավիականությամբ տ. Գևորգ վրդ. Սերայդարյանի:

* * *


Հուլիսի 21-ին, երեքշաբթի.—Այսօր Մայր

Աթոռ այցելեց Հայաստանում հյուրընկալվող Ավստրիայից մի պատվիրակություն, որին գլխավորում էր Ֆորալթերգի երկրամասի պրեմիեր-մինիստրի տեղակալ Հերոլդ Ռատցը:

Էջմիածնում ավստրիացի հյուրերը եղան Մայր տաճարում և եկեղեցական արվեստի թանգարանում:

Այնուհետև Վեհաբանում հարգարժան հյուրերին ընդունեց Ամենայն Հայոց Վեհափառ Հայրապետը և ջերմ գրույց ունեցավ նրանց հետ:





ԱՄՍՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Հունիսի 6-ին, շաբաթ օրը, առավոտյան ժամը 11-ին, հոգևոր ճեմարանի հանդիսությունների դահլիճում, նախագահությամբ Մայր տաճարի լուսարարապետ տ. Հակոբյան արքեպ. Աբրահամյանի, տեղի ունեցավ հոգևոր ճեմարանի 1969—1970 ուսումնական տարվա ամսվերջի հանդիսությունը, որին ներկա էին Մայր Աթոռի միաբանությունն ու պաշտոնեությունը, Գերագույն հոգևոր խորհրդի անդամները, ճեմարանի դասախոսական կազմը, ուսանողների ծնողներից ոմանք և բազմաթիվ հրավիրյալներ:

Հանդեսը սկսվում է Հայկական ՍՍՀ պետական հիմնով և ճեմարանի ուսանողական երգչախմբի կատարած «Ճեմարանի քայերոգ» խմբերգով:

Հանդիսությունը բացում է «Էջմիածին» ամսագրի խմբագիր և հոգևոր ճեմարանի ավագ դասախոս Արթուր Հատիտյանը՝ շեշտելով օրվա հավաքույթի նշանակության կարևորությունը ճեմարանի անցնող ուսումնական տարեգրության մեջ:

Այս Բ լսարանի ուսանող Խաչիկ Խաչատրյանը արտասանում է Արշակ Չոպանյանի «Գեղուն ի պատիվ հայ լեզվի»-ն, Ա լսարանի ուսանող Սեզար Գոնտրայանը՝ Վահան Թեքեյանի «Հաշվեհարդար»-ը, Գ դասարանի ուսանող Վրեժ Նաջարյանը՝ Հովհ. Թումանյանի «Լուսավորչի կանթեղը», Բ դասարանի ուսանող Գևորգ Առաքելյանը՝ ուսներեն լեզվով մի ոտանավոր՝ աշխատանքի և խաղաղության նվիրված:

Հոգևոր ճեմարանի ուսանողական կրթատեսակետը, եվրոպական երաժշտության դասախոս Խորեն Մելիսանեջյանի ղեկավարությամբ, ոգևորությամբ կատարում է կոմիտասյան «Քաղհան», «Հոյ նար», Է. Հովհաննիսյանի «Էրեբունի» խմբերգերը և մի հատված Վազգենի «Դան Հոյգեր» օպերայից:

Հոգևոր ճեմարանի ողջ ուսանողության, մասնավորապես Գ լսարանի շրջանավարտ սարկավագների անունից երախտագիտության և շնորհակալության ողերձով հանդես է գալիս Գ լսարանի ուսանող բարեշնորհ Վարդան սարկավագ Տեղեքյանը:

«Ամսվերջի հանդեսի այս պահը որսախության, հուզման ու քաղցր ներշնչանքի մի պահ է մեզ համար, որովհետև պատմության և հավերժի գիրկն ենք ողարկում բազում հուշերով ու հուզերով լեցուն աղոթքի, աշխատանքի, ուսման մի տարի ևս, որը բոլորեցինք այս նվիրական հաստատության լուսաշող կամարների տակ:

Այժմ թույլ տվեք ամենից առաջ ողջ ուսանողության ու շրջանավարտ սարկավազների անունից արտահայտել մեր հոգու խորունկ ալքերից բխող որդիական անհուն սերն ու երախտագիտական շնորհակալությունները Նորին Ա. Օծություն Տ. Տ. Վ. Կ. Գեև Ա. Հայոց Հայրապետին՝ մեզ ընձևած անգնահատելի հայրական գորգուրանքի և բազում բարիքների համար:

Մրտագին շնորհակալության խոսք ունենք նաև շատ սիրելի տ. Հայկազուն արքեպ. Աբրահամյանին՝ իր հոգատարության ու բարի խորհուրդների համար:

Միտո անկեղծ զգացումներով երախտապարտ ենք նախկին տեսուչ Ներսես Տ. վրդ. Պոգապալյանին, որ երեք երկար տարիներ հանդիսացավ մեր անմիջական դաստիարակն ու հոգևոր եղբայրը՝ մեզ առաջնորդելով դեպի ազգօգուտ և եկեղեցաշեն նվաճարահներ:

Երախտագիտության ու շնորհակալության հատուկ խոսք ունենք մեր շատ սիրելի տեսուչ տ. Շնորհք վրդ. Գասպարյանին, որ նույնքան մեզ սիրեց ու մեզ աջակից ու ապավեն եղավ փորձությանց ու դժվարությանց պահերին, եղավ մեր արտագին երեք եղբայրը՝ հավասարապես բաժանելով մեր ուրախություններն ու դժվարությունները:

Շնորհակալության արտագին խոսք ունենք նաև մեր վերակացուներին՝ տ. Նշան քին. Բեյլերյանին և պրն. Բ. Թաշճյանին:

Այս հանդիսավոր պահին մեր ամենախորին շնորհակալությունն ենք հայտնում մեր դասախոսներին, որոնք, որպես հավատքի, լույսի և գիտության բարի սերմնացաններ, առատորեն բաշխեցին մեզ իրենց մտքի և հոգու շնորհները, որպեսզի դրանք աճեն ու պտղաբերվեն Աստուծո օգնականությամբ, այս նվիրական մթնոլորտում, մեր ս. եկեղեցու, վերածնված հայրենիքի և հավատավոր ժողովրդի հոգևոր սպասավորության համար՝ «ընդ միոյ երեսուն, ընդ միոյ վաթսուն, և ընդ միոյ հարիւր»:

Այնուհետև հոգևոր ճեմարանի 1969—1970 ուսումնական տարեշրջանի մասին իր հաշվետու զեկուցումով հանդես է գալիս ճեմարանի տեսուչ հոգ. տ. Շնորհք վրդ. Գասպարյանը:

«Մտավորապես մի տարի ասոջ էր, որ Ամենայն Հայոց Վեհափառ Հայրապետի հրավերով կանչվում էի Հջմիածին՝ ստանձնելու համար հոգևոր ճեմարանի տեսչությունը: Հայրապետական այդ բարձր հրավերը նույն ինքն ձայնն էր հայոց սուաքելական մեր սուրբ եկեղեցու. և ահա թե ինչու էս թողեցի իմ հովվական համեստ պաշտոնը և եկա այստեղ՝ միասին աշխատելու այս

սուրբ հաստատության մեջ, մեր եկեղեցու մեծ բարիքին համար:

Այսքանը ուզում եմ ասել այս առթիվ՝ պարզապես շեշտելու համար մի անգամ ևս Մայր Աթոռիս հեղինակությունը արտասահմանի մեր եկեղեցական, ազգային կյանքի վրա և այստեղ կատարվող գործի հիմնական իմաստը, ընդհանրապես մեր եկեղեցիին և ժողովրդին համար: Եթե անցյալին մեծ դեր է կատարած ս. Հջմիածինը, պետք է շարունակի նաև այսօր, որովհետև շատ գործ կա կատարելիք, և հայ ժողովուրդը շատ բան է սպասում Մայր Աթոռից: Ս. Հջմիածինը իր նախախնամական-պատմական առաքելությունը կարող է կատարել միայն հոգևոր ճեմարանի միջոցով, որովհետև այստեղ՝ ս. Հջմիածնի մեջ է, որ բաբախում է հայ եկեղեցու սիրտը և որքան ատոյջ բաբախի այս սիրտը, այնքան ավելի զորավոր ու կենսունակ կլինի հայ եկեղեցու ընդհանուր մարմինը:

Այս հաստատ համոզումով է, որ հեռավոր ԱՄՆ-ից մինչև ս. Հջմիածին ահա քալլ առինք ու կմանք փարած այս սուրբ գործին և կշանանք մեր համեստ ու տկար ճիգերը միացնել բոլոր այն երախտավոր մշակների աշխատանքներին, որոնք այս հաստատության լուսեղեն կամարից անցել են:

Ամբողջովին վստահելով Աստուծո նախախնամական առաջնորդության և օրհնությանը Հայոց Հայրապետի՝ գլուխ անցանք պատասխանատու այս գործին: Մեծ եղավ մեր հրճվանքը, երբ լարված այս աշխատանքին մեջ ունեցանք մի խումբ ազնիվ հոգիներ, որոնք պրկված ջիղերով գործի լրծված էին: Դրանք ճեմարանի դասախոսներն էին, որոնցից ոմանք երկար տարիներ աշխատում էին, և ուրախ ենք ասելու, որ նրանք սիրով մեզ շրջապատեցին իբր նոր անդամը այս աշխատող ընտանիքին: Դասախոսները մեր անմիջական աջակիցներն ու լծակիցներն են: Հարգանք ու պատիվ միտ սիրելի դասախոսական կազմին:

Մեր գործի ընթացքում մեր անմիջական խորհրդատուն և հայրը եղավ ազգիս Վեհափառ Հայրապետը, որ ամեն առիթով պատրաստակամությամբ և հոգատարությամբ ցույց տվեց մեզ՝ օգնելու և առաջնորդելու մեր առաջին քայլերը:

1969—1970 ուսումնական տարվա ընթացքում ունեցել ենք 35 ուսանողներ՝ բաժանված 6 դասարանների վրա.

- Գ լսարան՝ 3 ուսանող
- Բ լսարան՝ 5 ուսանող
- Ա լսարան՝ 5 ուսանող
- Գ դասարան՝ 5 ուսանող
- Բ դասարան՝ 9 ուսանող
- Ա դասարան՝ 8 ուսանող

Ուսանողության այս թվի մեջ են հաշվվում նաև արտասահմանից հոգևոր անմարան ուսանելու եկած 12 աշակերտներ՝ 5 զանազան երկրներից:

Ծեմարանից երեք ուսանողներ այս տարի շրջանավարտ են եղել որպես սարկավազներ. Հազարոս սրկ. Կյուրեղյան, Վարդան սրկ. Տեղեբյան և Կարպիս սրկ. Գալստյան, որոնք հաջողությամբ հանձնեցին ավարտական քննությունները և այժմ աշխատում են իրենց դիպլոմների վրա:

Հոգևոր անմարանի դասախոսական կազմը հիմնականում մնաց նույնը: Այս տարի էլ դասախոսական կազմը բարեհասնել է գլխավորել ազգիս Վեհափառ Հայրապետը:

Այս տարի դասախոսելու հրավիրված են՝ աշխարհագրական գիտությունների թեկնածու, դոցենտ Կամսար Ավետիսյանը (հայրենագիտություն), Հակոբ սրկ. Նալբանդյանը (գրաբար) և Երվանդ Մելքոնյանը (գրաբար):

Վերակացության սյաշտունները այս տարի բարեխղճությամբ կատարեցին տ. Նշան քհն. Բեյլերյանը և Բ. Թաշճյանը, որոնց այս առթիվ հայտնում ենք մեր շնորհակալությունները:

Կրթական որևէ հաստատության մեջ ուսման մակարդակը որոշվում է որակավոր դասախոսական կազմով: Ուրախ ենք նշելու, որ հոգևոր անմարանը այս տարի էլ սպասելիք էր որակյալ դասախոսական կազմով: Առանց դասախոսների նվիրյալ աշխատանքի տեսչությունը առանձինն անգոր պիտի լիներ ուսումնա-դաստիարակչական իր այս ծանր գործին մեջ: Ծնորհակալություն և բյուր օրհնություն, սիրելի դասախոսներ, Ձեր ազնիվ աշխատանքների համար:

Տրված լինելով, որ անմարան հոգևոր տիպի մի հաստատություն է, և ոչի նպատակն է հոգևոր ապրումով ու գիտակից հավատքով մարդիկ պատրաստել մեր ժողովրդի հոգևոր ծառայության համար, այս պատճառով ջանք չենք խնայել կյանքի վերածելու համար Ավետարանի խոսքերն ու պատգամները մեր ուսանողության ապրումների և խոհերի մեջ:

Ուսանողները ամեն առավոտ և երեկոյան գործոն մասնակցությամբ ներկա են եղել ժամապաշտության: Սեղանատանը հաստատեցինք բարոյալից գիրքերի ընթերցումը: Իսկ երեկոները մասնավոր ժամանակ ենք հատկացրել Ավետարանի ընթերցման և բացատրության, աղոթքի և խորհրդածության և հարցազրույցի: Միշտ քաջալերել ենք ուսանողների ազատ կերպով մեզ մոտենալու և արտբաց խոսակցություն ունենալը: Միրով բաժանել ենք նրանց դժվարություններն ու մտահոգությունները: Հաճախ խո-

սափած ենք պատժելուց, բայց միշտ խրատել ենք՝ ջանալով գիտակից դարձնել նրանց ատելու շարն և ձգտելու բարիին: Եթե հարկ է եղել պատժել, ապա ցավով կատարած ենք այդ: Ծատ անգամներ փորձել ենք ներել, սակայն երբեք չանտեսել, այլ ուսանողության մեջ արթնացնել ինքնագիտակցության և պատասխանատվության զգացում:

Ս. հաղորդություն ստանալու պարագային ջանացած ենք գիտակից համոզումով առաջնորդել տղաքը Աստուծո՛ւ սեղանին՝ բացատրելով ս. հաղորդության անհրաժեշտությունը հոգևոր կյանքի աճման համար, և հոգեկան ուրախությամբ նշմարած ենք հոգեվոր զգացումների ինքնաբոխ ծաղկումը նրանցից շատերի մեջ:

Ծեմարանի դասախոսները և տեսչությունն ձեռք-ձեռքի տված լծված ենք գիտական պաշարով օժտելու մեր ուսանողները, այն հաստատ համոզումով, որ 20-րդ դարի հոգեվորականը պարտավոր է զինված լինել նաև ընդհանուր զարգացման գիտելիքներով լավագույնս ծառայելու համար ժողովրդին, քայլ պահելով ժամանակի վրա: Մենք համոզված ենք, որ միայն հոգևոր անմարանի հարկի տակ կպատրաստվեն եկեղեցու ս. գործին նվիրված արժանավոր սպասավորներ, որոնք կարժանանան նաև մեր ժողովրդի վստահության և հարգանքին:

Այս մտահոգությամբ և Վեհափառ Հայրապետի առաջարկով և թեղադրությամբ անմարանիս կրթական ծրագիրը այս տարի ենթարկվել է վերանայման՝ կարող դասախոսներից բաղկացած մի հանձնաժողովի միջոցով: Նկատի առնելով օրական դասերի վեցժամյա բեռնածությունը, կազմակերպել ենք արտադասարանական բանախոսություններ, կրոնական, պատմական, գիտական, բարոյական նյութերի շուրջ: Դասախոսությունները կարդացել են Կամսար Ավետիսյանը (2 անգամ), Գր. Գյուլյանը, Ս. Անթոնյանը, Ռոբերտ Աթայանը (3 անգամ), Ամերիկացից՝ դոկտ. Ծ. Սևունքյանը, Ֆրանսիացից՝ վերապատվելի Հարություն Հելվանյանը, Հոմից՝ հայր Ներսես վրդ. Սեթյանը, Վենետիկից՝ Մուրադ-Ռաֆայելյան վարժարանի տեսուչ հայր Սերովբե վրդ. Աքյանը, Կ. Պոլսի հայր պատրիարք Ծնորհք արքեպ. Գալստյանը, Ամերիկացից՝ Մեսրոպ վրդ. Սեմեդյանը (7 անգամ), վերապատվելի Ս. Կոնստյանը, Հայկազուն արքեպ. Արրահամյանը և անմարանի տեսուչը (5 անգամ): Ունեցանք նաև օտար հյուրեր, որոնք ևս դասախոսեցին իրենց այցելության առթիվ. ս. Գրոց ընկերության կողմից երկու հոգի, Վատիկանից՝ 2 հոգի: Կարդացված դասախոսությունների ընդհանուր թիվը եղել է 30:

Ծեմարանի հարկին տակ կազմակերպված

հանդեսները ևս իրենց գեղարվեստական բնույթով ունեցել են դաստիարակչական նշանակություն: 1969—1970 ուսումնական տարում ունեցել ենք հետևյալ հանդիսությունները. Վարդանանց տուն (բանախոսեց՝ Սիմոն Հովհիվյան), նոյեմբերի 29 (բանախոսեց՝ Բարսեղ Թաշճյան), Կոմիտաս վարդապետի 100-ամյակ (բանախոսեց՝ Գր. Գյուլյան), Գալուստ Կյուլպենկյանի ծննդյա՝ 100-ամյակ և Առաքել Դավրիժեցու մահվան 300-ամյակ (բանախոսեց՝ Արթուր Հատիսյան), բանաստեղծ Գևորգ Հմիկի մեծարարքի երկեր (բանախոսեց՝ Արամ Սահակյան):

Կրթական ծրագրին առընթեր, որպես դաստիարակչական միջոց, կազմակերպել ենք նաև խմբական պտույտներ դեպի Ծիծեռնակաբերդ՝ Եղեռնի հուշարձան, Հրեբունի, Մատենադարան, պատկերասրահ, արդյունաբերական թանգարան, Թումանյանի տուն-թանգարան, Մ. Սարյանի պատկերասրահ: Երեք անգամ գնացել ենք թատրոն և չորս անգամ էլ՝ համերգ, երկու անգամ՝ կրկես:

Այս բոլորից զատ շարքա երեկոները ճեմարանի հարկի տակ շարժապատկերի ներկայացումներ են դիտել տղաքը: Միօրյա պտույտներ և ուխտագնացություններ ենք կատարել դեպի Սաղմոսավանք, Մուղնու ս. Գևորգ, Հովհաննավանք, Գեղարդ և Արզնի: Ամսի 8-ին կմեկնենք քառօրյա ուխտագնացության դեպի Սևանի վանքերը, Հաղարծնի վանքը, Գոշավանք՝ կենտրոն ունենալով Իլիիջան քաղաքը:

Հանելի նորություններ եղան ուսանողության համար «Ձուարթ երեկոյի» և պատի թերթի ձեռնարկների կազմակերպումը:

Մեր ուշադրությունից չվրիպեց նաև սպորտի և մարմնակրթանքի բաժինը: Տղաները սիրով և հաճախակի կազմակերպել են ֆուտբոլի, բասկետբոլի և սեղանի թենիսի մրցումներ:

Ուսանողների ֆիզիկական առողջությունը եղել է մեր գլխավոր մտահոգություններից մեկը: Բարեբախտաբար այս տարի էլ ճեմարանում չենք ունեցել ծանր հիվանդության որևէ դեպք: Հունվար ամսի վերջերին գրիպի պատճառով ստիպվեցանք երկու շաբաթով դասերն ընդհատել:

Ուսանողության առողջության վիճակի ապահովության համար մասնավոր ուշադրություն ենք դարձրել մաքրության: Այս տարի ճեմարանի կողքին միշտ գործեց մեր սեփական քաղցիքը:

1969—1970 ուսումնական տարում գումարել ենք ութ մանկավարժական ժողովներ և դասախոսների հետ գլոխ-գլխի տված խորհրդակցել, ծրագրել ենք անհրաժեշտը՝ ճեմարանում ուսումնա-դաստիարակչական

աշխատանքներն էլ ավելի արդյունավոր դարձնելու միջոցների վրա: Մեր ծրագրերի մեջ է առաջին հերթին ճեմարանի շենքին ընդհանուր նորոգությունը, որն արդեն սկսվել է:

Կրկին գոհություն Աստուծո, որ մեզ պարգևեց առողջություն և կարողություն՝ կատարելու մեր համեստ ծառայությունը այս նվիրական գործին մեջ: Սրտագին երախտագիտության խոսք՝ ազգիս Վեհափառ Հայրապետին, որ մեզ վստահեց այս ծանր պաշտոնը և Իր բարձր հովանավորությունը չզլացավ:

Շնորհակալություն Գերագույն հոգևոր խորհրդի անդամներին՝ իրենց բացառիկ ուշադրության համար, որ տածում են դեպի այս պատմական հաստատությունը: Շնորհակալություն Մայր Աթոռի միաբանության անդամներին, ճեմարանի ազնիվ բարեկամներին և ձեզ բոլորիդ: Մենք ջանացինք կատարել մեր լավագույնը, «Անախտան ծառայք ենք, զոր ինչ պարտ էաք առնել արարաք»:

Ապա տեսուչ հայր սուրբը ներկայացնում է այն ուսանողների անունները, որոնք ուսման, վարքի, եկեղեցասիրության, մարմնամարզության և արտադասարանական այլ օգտակար աշխատանքների համար արժանացել են մրցանակի:

Ուսման մեջ առաջադիմության համար Գլխարանից՝ Ղազարոս Կյուրեղյան՝ առաջին, Վարդան Տեղեքյան՝ երկրորդ:

Բլխարանից՝ Կտրին Ներսիսյան՝ առաջին, Խաչիկ Խաչատրյան՝ երկրորդ:

Ալխարանից՝ Սեզար Գոնտրալյան՝ առաջին, Պետրոս Վարդանյան՝ երկրորդ:

Գ դասարանից՝ Վրեժ Նաջարյան՝ առաջին, Սամվել Պետրոսյան՝ երկրորդ:

Բ դասարանից՝ Ավետիս Արթինյան՝ առաջին, Միսաք Մարգարյան, երկրորդ:

Ա դասարանից՝ Կիրակոս Հովհաննյան՝ առաջին, Հարություն Զատիկյան՝ երկրորդ:

1969—1970 ուսումնական տարվա ողջ ճեմարանի ուսման առաջադիմության մրցանակը շահում է Գ դասարանի ուսանող Վրեժ Նաջարյանը, իսկ երաժշտության մրցանակը շնորհվում է Վարդան սրկ. Տեղեքյանին:

Գերագույն վարքի համար պարգևատրվում են՝ Նորայր Ավագյանը (Գ դասարան), Հարություն Սարգսյանը, Միսաք Մարգարյանը, Պետրոս Քեսապյանը (Բ դասարան) և Տիգրան Բուլանիկյանը (Ա դասարան):

Նկարչության մեջ ցուցաբերած իր հառաջդիմության համար պարգևատրվում է Գևորգ Առաքելյանը (Բ դասարան): Սեղանի թենիսի մեջ առաջնության համար՝ Ստեփան Գրլընյանը (Բ դասարան) և Տրդատ Ծամյանը (Բ լսարան): Ֆուտբոլի մեջ ա-


ուջնություն շահածներից՝ Բարգեն Ծմալոնյանը, Կիրակոս Հովնանյանը, Արրահամ Դուկասյանը և Օնիկ Ալոյանը (բոլորն էլ Ա դասարանից):

Մրցանակակիրները ներկաների բուն ծախահարությունների ներքո մոտենում են հանդիսավոր սեղանին և, համբուրելով տ.

Հայկազուն արքեպ. Արրահամյանի աջը, ստանում իրենց նվերները:

Հանդեսը վերջանում է սրբազան հոր՝ ուսանողներին տված պատգամներով, հորդորներով ու «Պահպանիչ»-ով ու խմբովին երգված «Հայր մեր»-ով:





ԳԱՐԵԳԻՆ ՎՐԴ. ՀՈՎՍԵՓՅԱՆ

ՀԱՅՐԵՆԱՍԻՐՈՒԹՅՈՒՆ ԵՎ ՔՐԻՍՏՈՆԵՈՒԹՅՈՒՆ

Երուսաղէ՛մ, Երուսաղէ՛մ, որ կոտորէր զմարգարէս
և քարկոծ առնէր զառաքեալսն առ ճա: Քանի՛ցս ան-
գամ կամեցայ ժողովել զմանկունս քո, զոր օրինակ
ժողովէ հաւ զձագս իւր ընդ թևովք, և ոչ կամեցա-
րուք: Ահա թողեալ լիցի ձեզ տունդ ձեր աւերակ:
(ՄԱՏԹ. ԻԳ 57—58)

Ա.

Հայրենասիրությունը մի բնական զգացում է հաստատված մեր սրտի խորքերում: Ինչպես բնական է սերը դեպի ծնողները և դատապարտելի այն որդու վարմունքը, որ անարգանքով է վարվում նրանց հետ, նույնչափ բնական է սերը և դեպի հայրենիքը և դատապարտելի դեպի նորա շահերը ցույց տված ապերախությունը: Մենք ոչ միայն մեր ծնողների զավակներն ենք, այլև մեր

հայրենիքի: Մեր կյանքի առաջին վայրկյանից կապված ենք հայրենիքի հետ, նորա օդն ենք շնչում, նորա ջուրը խմում, նորա բերքերով կերակրվում: Բնական է նույնպես և մարդու սերը դեպի յուր բնիկ ժողովուրդը: Մեր երակների մեջ նույն արյունն է վազում. նույն վարք ու բարքով, սովորություններով, նույն անցյալով և ապագայի հույսերով կապված միմյանց հետ: Ամենքիս բերանում նույն լեզուն է հորջորջում և հարյուրավոր ու հազարավոր տարիների պատմություն, անցյալի հիշողության ուրախություն և վիշտ, հաջողություն և ձախորդություն ընդհանուր է ամենքիս համար:

Այսուհետև «Էջմիածին» ամսագրի էջերում պարբերաբար տեղ կտանեն «Արարատ» ամսագրում հրատարակված կրոնական, ազգային, հայրենասիրական, հաչագիտական և այլ բովանդակություն ունեցող այժմեական հոդվածներ, քարոզներ: Ամսագրի սույն համարում հրատարակվում են Գարեգին վրդ. Հովսեփյանի «Հայրենասիրություն և քրիստոնեություն» և «Ս. Էջմիածնի խորհուրդը» հոդվածները:

Հայրենասիրության սաղմը հայրենի տունն է, ընտանիքը: Մարդը հասարակության քաղաքացիության համար է ստեղծված, ասել է Պլատոնը և այդ խմբակցության ամենահին ձևը ընտանիքն է: Նորա անդամները

միացած են իրար հետ պարտքի և իրավանց մի սրբազան կապակցությամբ, փոխադարձ սիրո և պաշտպանության բնական զգացմունքով: Վայրենի ցեղերի մեջ իսկ, որոնց համար օտարի կյանքի և գույքի սեփականության գաղափարը սրբություն չէր, այլ սեփական բազկի և սրի քնահաճույք, անձեռնմըխելի էր մերձավորի կյանքն ու ստացվածքը: Բնական կյանքի գոյության կոիվը համախմբել է մարդկանց մի տեղ, և նոքա զգացել են, որ անհատական բախտավորությունն ու երջանկությունը կախված է իրենց շրջապատից: Մի ձեռքը ծափ չի տալիս, իսկ հագարավոր ձեռքեր են հարկավոր կյանքի բարոյ անիվը առաջ տանելու համար: Մարդիկ կարիք են զգացել՝ փոխադարձաբար օգնել միմյանց, թեթևացնել կյանքի ծանր բեռը, հարթել երկրավոր կյանքի խոպան ճանապարհը և անհատական շահերի ապահովությունը ընդհանուրի շահերի պաշտպանության մեջ տեսնել: Այս բնական պայմանների մեջ, ընտանիքի նեղ շրջանից հետզհետե ծագել և զարգացել է ցեղի, ազգության և վերջապես հայրենասիրության գաղափարը:

Սկզբում այդ գաղափարը մի բնագոյ էր գուցե, բայց մարդկային հոգու զարգացման հետ, դառնում է այն մի զորեղ գիտակցություն: Նյութական շահերի պաշտպանության հետ միանում է և հոգևոր շահերի պաշտպանության գաղափարը. անձնական փառքի, պատվի, ապահովության և բարօրության հետ զարգանում է ազգի ու հայրենիքի փառքի, ապահովության և բարօրության գաղափարը: Եվ այս գիտակցությունից է բխում հին ազգերի ամենաբարձր առաքինությունը՝ քաղաքացիության և հայրենասիրության զգացումը: Ազգության գաղափարը այն առանցքն էր, որի շուրջն էր պտտում հին ազգերի պատմությունը անհիվը: Հումաց և Հոովմայեցվոց պատմությունը լի է, դեռևս առողջ և բարոյական շրջաններում, հայրենասիրական առաքինությունների նկարագրություններով: Բայց այդ շրջաններում իսկ զորեղ եսական մի դրոշմ է կրում այն, որ հատուկ է հին հեթանոսության: Քաղաքակիրթ արվեստի և գիտության պտուղներով ուռճացած հույնի համար իսկ անձանոթ է մարդասիրության և մարդկային արժանապատվության ընդհանուր գաղափարը: Պատվո և հարգանքի արժանի է միայն հույնը, իսկ մյուս ազգերի ճակատին դրոշմած է «քարքարոս» անունը, որ միևնույն ժամանակ արհամարհանքի և անարգանքի արտահայտություն էր: Հռոմայեցին կոչված էր նվաճելու աշխարհը և մյուս ազգերի ազատության ավերակների վերս կանգնել յուր փառքի և նյութական ճոխության նոր տաճարը: Նվաճված ազգերի հարստությունն ու երիտասարդ ուժերը որ-

պես գերիներ փոխադրվում էին Իտալիա պատրիկների հարստությունն ու զեխության միջոցները դյուրացնելու: Հռոմայեցի գորպայետների հաղթական ընթացքը նվաճված ազգերի շրթայակապ թագավորների, արքայազունների, հափշտակված գանձերի և արվեստի արտադրությունների ցուցադրություններով ինչպե՛ս բնորոշ է այս եսական հպարտ զգացման և դեպի անգորները տաճած արհամարհանքի: Այս զգացման և հաշացքի արդյունքն էր Հոովմի այս աննկարագրելի անբարոյականությունը, բառննկի զեխությունը, ամոթի և պատկառանքի կատարյալ բացակայությունը, որ նկարագրում են ժամանակի պատմիչները քրիստոնեության ծագման օրերին: Բայց նույնիսկ Հրեա ժողովուրդը, որ կրոնական և բարոյական գաղափարներով այսքան գերազանց էր դասական ազգերից՝ ազատ չէր ազգային ամբարտախանության զգացումից: Աստուծո ընտրյալ ժողովուրդը միայն հրեությունն էր: Բոլոր հեթանոս ազգերը պիղծ են և ատելի: Միայն բարձր հոգիներն են՝ նշանավոր մարգարեներն ու աստվածամերձ բարեպաշտները, որ երբեմն բողոքում են այս թյուր և սխալ հասկացողության դեմ:

Բ.

Քրիստոնեությունը, որ աշխարհ եկավ բարոյական հեղափոխություն հառաջ բերելու կյանքի մեջ, բնականաբար ստանց ազդեցության չմնաց և հայրենասիրության գաղափարի վերաբերությամբ: Նա մարքեց հայրենասիրությունը եսական և բարբարոսական տարրերից և մի բարոյական զգացմունք դարձրեց այն: Մինչդեռ հին աշխարհի քաղաքակիրթ ազգերի հայրենասիրությունն ու ազգասիրությունն ամբողջապես եսական և շահասիրական խարխալների վերս էր հաստատված, քրիստոնեությունը այստեղ ևս կամենում է ստաջնորդող սկրզբունքը բարոյականը դարձնել: Հին ազգերի մեջ առաքինություն էր ոչ միայն բարեկամին սիրել, այլև թշնամուն վնասել, ոչնչացնել: Թշնամու արյուն խմելը շատ ազգերի մեջ պատմական իրողություն էր: Նույնիսկ սաղմունների մեջ թշնամական զգացման աչպիսի խիստ արտահայտություններ և անեծքներ կան դեպի հակառակորդները, որ քրիստոնեյան և բարեկիրթ մարդն առանց սարսափի կարող չի կարող: Որպիսի՛ խորին և անսահման ատելություն կարող էր զգալ հրեան դեպի յուր թշնամին, և այդ ոչ միայն դեպի նորս անձը, այլ դեպի նորս կինը, անմեղ որդիքը, նորս ամբողջ սերունդը (Սաղմ. ԾԼ 6—16): Բայց քրիստոնեությունը գթության, կարեկցության և սիրո կրոնն էր,

հայրենասիրության «բնական» զգացումն էլ պիտի ցողվեր այդ կենդանաբար գորությանը և ուրիշ կերպարանք ստանար:

Նոր Կոստանտնուպոլսի մեջ իսկապես հայրենասիրության և ազգասիրության մասին խոսք չկա: Եթե մենք պարտավոր ենք սիրել ոչ միայն մեր բարեկամին, այլև թշնամուն, եթե մեր «ընկերն» է, ոչ միայն մեր ազգակիցը, այլև ամենայն ոք, որ կարող է օգնության, կարեկցության, եթե բոլոր մարդիկ եղբայրներ են, միևնույն երկնավոր Հոր երկրավոր որդիք, ապա ուրեմն ի՞նչ խոսք կարող է լինել սովորական մտքով, մասնավաճ հին աշխարհի հասկացողությանը, ազգասիրության և հայրենասիրության մասին: Ո՛չ, քրիստոնեությունը խորտակել է հին աշխարհի կուրքը, եսական բուրգերը, և անձնվիրության ու սիրո լուսեղեն կամարը կանգնել: Այս է պատճառը, որ կյանքի և գրականության մեջ հազվագյուտ չեն այնպիսի ձայներ, որոնք պնդում են, թե քրիստոնեությունը հայրենասիրության և ազգասիրության հակադրությունն է:

Արդարև, բոլորովին անհիմն չէ այս դատողությունը, թեև սխալ է հանած եզրակացությունը: Քրիստոնեությունը հայրենասիրության գաղափարը ոչնչացնել չէր կարող, նա ոչնչացնում է միայն հին աշխարհի միակողմանի և սխալ հասկացողությունն այդ մասին և նոր գնահատություն տալիս, սրբելով այն անբարոյական, եսական, շահասիրական կամ նոր լեզվով խոսելով, նեղ, շոփհիստական տարրերից: Ծշմարիտ հայրենասեր և ազգասեր լինելու գաղափարը ոչ միայն դեմ չէ քրիստոնեության, այլ վերջինս է, որ ազնվացնում է և բարձր առաքինություն դարձնում այն: Նա կապում է բազմալեզու և բազմատեսակ ազգերը միմյանց հետ, առանց ոչնչացնելու նրանց հերձուրունությունն ու առանձնահատկությունները: Հայրենասիրությունը քրիստոնեական հասկացողությամբ մարդասիրություն է, ո՛չ անհայրենիք և անազգ համաշխարհային քաղաքացիություն, այլ այն մարդասիրությունը, որ կապված է հայրենիքի և ազգության գաղափարի հետ: Հայրենասիրություն է մաքառել սեփական ժողովրդի սոցիալության, անբարոյականության, աղքատության, հիվանդությունների և այլ բազմատեսակ նյութական և բարոյական կարիքների դեմ: Հայրենասիրությունն է փարատել նորա մտքի խավարը, լուսավորել մարդկային հոգու բարձր արտադրություններով և պաշտպանել նորա ժառանգությունները բարոյական բոլոր միջոցներով: Համաշխարհային քաղաքացիությունը մի խոսք է առանց խորին և թանձրացյալ բովանդակության: Անշուշտ, քրիստոնեական սիրո գաղափարը

պարտավորեցնում է մեզ կարեկից լինել դեպի օտարազգի թշվառը, բայց մեր սերը կապվում է նախ բնականաբար մեր շրջապատի և ազգի հետ: Քրիստոնեությունը ոչ մի պատճառ չունի դատապարտելու այն թանկագին կապերը, որ մարդուն միացնում է յուր ազգի և հայրենիքի հետ: Նա հատուկ չէ շեշտում այս գաղափարը, որոշ սկզբունքներ չէ տալիս գարգացնելու այն, որովհետև նորա բերած հեղափոխությունը հոգևոր էր, ներքին, բայց հենց այդ պատճառով հայրենասիրության և ազգասիրության գաղափարն էլ բարեփոխության պիտի ելնարկվեր իբրև մեկը մարդկային հոգու լավագույն զգացմունքների:

Դեռևս քրիստոնեության ծագման օրերին հրեամիտների մեջ զարթնել էր այն միտքը, թե արդյո՞ք նոր ուսումը հակազգային և հակահայրենասիրական չէր, հեթանոսաց առաքյալը յուր ազգի դավանանք չէ՞, որ ուրանում է նրա ավանդություններն ու օրենքները, սրբությունը: Բայց Հռովմայեցյոց թղթից, երևում է, թե ինչպես ստաքյալը ստավություն է տալիս յուր ազգին, ցավում է յուր ժողովրդի բարոյական անկման վերա և կրկանեմար մինչ իսկ «նզով լիձել ի Քրիստոնե վասն եղբարց և ազգականաց ըստ մպրմնոյ, որ են Իսրայելացիք»: Նորա իղձն է միայն, որ յուր ժողովուրդը վերածնվեր այն հոգևոր փրկության համար, որ բերել էր յուր Տերը: Ավետարանների մեջ ավելի պարզ ցուցումներ կան այս խնդրի համար. Հիսուս գործում է յուր ժողովրդի մեջ և եկել էր Իսրայելի կորուսյալին գտնելու. յուր աշակերտներին ևս նախ Իսրայելի քաղաքներն է ուղարկում: Ինչպիսի՞ թախիժ է պատում Տիրոջ սիրող Ջիթենյաց սարի գլխից տաճարի և հիմնավորք սրբազան քաղաքի շքեղությունը դիտելիս: Քաղաքի բարձր ապարանքներն ու աշտարակները, տաճարը յուր գմբեթով և ոսկեգօծ գեղեցիկ դարբասներով փայլում էին ուրախ արևի պայծառ ճառագայթների տակ, բայց մահվան դրոշմն էին կրում արդեն իրենց ճակատին, քարը քարի վերա չպետք է մնար այդ հոյակապ շենքերից... ուստի և լալիս է Տերը յուր հայրենիքի կործանման նախազգացման տպալորության տակ: Այն հայրենիքը և ժողովուրդը, որ Աստուծո ազդարար ձայնը չէր լսում, որ մոլեգնությամբ կոտորում էր յուր մարգարեներին և առաքյալներին, խեղդում է յուր որդոց մեջ արդարության և ճշմարտության բողոքի ձայնը, խեղդում և սպանում է ինքն իրան: Ժողովրդի մտքի և հոգու անբարոյականությունը նորա կործանման նախանշան է: Այս գաղափարն է փայլում Մատթ. ԻԳ գլխի մեջ, ուր Տերը քննադատում է յուր ժամանակի առաջնորդների բարոյական արժանիքը և նո-

րա հետ կապում Երուսաղեմի կործանման գաղափարը: Գողգոթայի ճանապարհին իսկ, երբ կանաչք լալիս են Նորա վերա, Նա պատասխանում է. «Դատե՛րք Երուսաղեմի, մի լայք ի վերայ իմ, այլ լացե՛ք ի վերայ անձանց և ի վերայ որդւոց ձերոց»: Ծշմարիտ հայրենասիրի խորին գիտակցությունից և սրտից քիսած ողբն էր այս յուր անգիտակից և բարոյական անկման խորխորատի վերա կանգնած ժողովրդի համար: Այս խոսքերն ու դեպքերը, որ կապված են Հիսուսի անձնավորության հետ, առաքելական և հետառաքելական շրջանի հայացքն էր, և լավագույն ապացույցը, թե քրիստոնեությունը հայրենասիրությունը չի ոչնչացնում, այլ սրբում, մաքրում և կամենում է, որ նորա հիմքը բարոյական լինի: Քրիստոնեության համար հայրենասիրությունը նախ բարոյական վերածնության գործ է:

Բայց այսպես չէին մտածում Հիսուսի ժամանակի փարիսեցիներն ու նախանձահույզները. նոքա ուրիշ ճանապարհ էին ընտրել՝ առաջնորդվելով մարդկային սխալ հասկացված ինքնավստահությամբ և կույր մոլեռանդությամբ: Հրեից մի բուն ժողովրդի մեջ ստեղծվել էր արհեստական կերպով այնպիսի մի տրամադրություն, որից ամենայն հեշտությամբ օգտվում էին ստության և կեղծիքի հերոսները: Սուտ մարգարեներն ու քրիստոնեները հանդես են գալիս այստեղ և այնտեղ և արյան նախճիրներ պատրաստելու անմեղ ժողովրդի համար: Հիսուսի ապաշխարության և հոգևոր թագավորության բարոզները արձագանք չգտան ժողովրդի մեծամասնության մեջ: Առաքյալների հրեղեն լեզուները չկարողացան ջերմացնել սատույց և քար դարձած ժողովրդի սիրտը: Ծակատագրական մի օրհաս, սև՝ փոթորկալից ամպերով, կախված էր այդ մի բուն ժողովրդի գլխին, իսկ նորա կույր առաջնորդները աչք չունեին տեսնելու այն:

Վաթսուհական թվականների վերջերից հրեական փոքրիկ ժողովրդի մեջ մի գարմանալի շարժում սկսվեցավ, որի նպատակն էր հռովմեական հզոր արծվի թևերը խորտակել: Բայց այդ շարժումը մի սրտամկիկ և վերին աստիճանի խրատական ողբերգության փոխվեցավ: Մոլեռանդությունն ու կատաղությունը միշտ հայտարար չէ ներքին ոգեվորության և սրբազան ու վսեմ գաղափարի կենդանության. Աստուծո կենդանարար հոգին փոթորիկների և ամպրոպների մեջ չի երևում, այլ խաղաղ գեփյուղների մեջ: Նախանձահույզների առաջնորդությամբ գլուխ բարձրացած ժողովուրդը ստիպեց հռովմալեցիներին դուրս գալ քաղաքից, բայց դուրս փոխարեն այստեղ սարսափի և արհավիրքի մի կտառվարություն սկսվեց: Վեսպասիան

հռովմեական լեգեոնների գլուխն անցած՝ մի մեծ ջարդ էր տվել արդեն ապստամբներին, 40 հազարի չափ հրեաներ ընկել էին առաջին մեծ ճակատամարտի մեջ, իսկ նորանից հետո Տիրոս պաշարել էր քաղաքը: Եվ մինչդեռ Երուսաղեմի պարիսպները հետըզհետե տապալվում էին թշնամիների առաջ, իսկ քաղաքի ներսում ժանտախտն ու սուլը հազարավորների կյանքն էր հնձում պատմության մեջ քիչ անգամ տեսնված սաստկությամբ, հարազատ մայրը յուր զավակի միսն էր ուտում... հրեա կուսակցությունները իրենց գորապետներով կատաղի կոխվ էին մղում միմյանց դեմ և հայրենի քաղաքի փողոցները ներկում հարազատ ժողովրդի արյունով: Իզուր չէր երգել նույն ժողովրդի սաղմուտեբզուն. «Եթէ ոչ Տէր շինէ գտուն, ի նանիր վաստակին շինողք նորա, եթէ ոչ Տէր պահէ զքաղաք, ընդունայն տքնին պահպանք նորա»: Հրեա ժողովրդի ինքնասպանությունն էր այդ, յուր անբարոյականության պատիժը: Այն ժողովուրդը, որ Հիսուսի նման անձնավորությունը իբրև մահապարտ խաչել կարող էր և հայրենիքի ակնհայտի կործանման ժամանակ իրար խողխողել, արժանի չէր անկախ և ազատ հայրենիք ունենալու: Քաղաքն ու տաճարը հրո ճարակ դարձան, բնակիչները տասնյակ հազարներով ընկան ահեղ թշնամու գորության առաջ, իսկ մնացածները մետաղներն աքսորվեցան կամ գերի տարվեցան Հռոմ: Այս պատերազմը մի միլիոն կյանք նստեց հրեաներին, որոնք երկրորդ ապստամբությունից հետո՝ Ադրիանոսի ժամանակ թողին իրենց ավերակ և անբախտ հայրենիքը և ցրվեցան աշխարհի ամեն կողմերը, ազգերի ստեղծության արժանացած:


Ինչ որ նկատեցինք հրեից պատմության մեջ, կարելի է ցույց տալ և ուրիշ ազգերի կյանքում: Ի՞նչ էր Հունաստանի պատմությունը մակեդոնական և հռովմեական իշխանության ժամանակ: Երկպառակության զոհ դարձած լավագույն քաղաքացիները՝ ստիպված էին թույլ խալել: Զգայական վայելքները, գեփյուղունն ու անամոք անբարոյականությունը սպանեցին արվեստի և քաղաքակրթության Մայր Աթենքի ստեղծագործող գորությունը. Պերիկլեսի հետագա քաղաքացիների մեջ մեռել էր ոչ միայն սերը դեպի ազատությունը, այլև դեպի հզորները ցույց տված շողոքորթությամբ մինչև իսկ մարդկային արժանապատվության զգացմունքը: Իզուր էին աքայական դաշնակցության ջանքերը երկպառակված քաղաքների և ցեղերի մեջ միություն ստեղծելու, ազգային անկախությունն ու ազատությունը պահելու համար: Նախանձը, հափշտակության և ավազակության զգացումը ավելի գորավոր էր


մյուս ցեղերի մեջ: Աքայան դաշնակցությունն էլ արյունաքամ եղավ անվերջ ներքին երկպառակություններից և պատերազմներից, մինչև հռովմեական արծիվը այստեղ էլ տարածեց յուր թևերը, որպես թե ի պաշտպանություն ընդդեմ Մակեդոնացիների: Ազատության, արվեստի, քաղաքակրթության հայրենիքը երկպառակության, ավազակների և վայրենի բնագոյների արտահայտության վայր էր դարձել: Կյանքի և գույքի ապահովությունը իսպառ վերացած էր խուժանապետների շնորհիվ: Չնայելով հռովմայեցիների դեպի Հույները ցույց տված զիջողության ու մեղմության, չկարողացան նոքա պահել իրենց ազատության վերջին մնացորդները, որովհետև անբարոյական, կուսակցության և կրթի գզացմունքներով կուրա-

ցած ազգն այլևս անկարող էր վայելել այն: Մատնությունը, նենգությունն ու երկպառակությունը վերջ տվին նրանց անկախության վերջին մնացորդներին, և այնուհետև անվեհեր քաջության հայրենիք Սպարտայի որդիքը վարձկան զինվորներ դարձան, իսկ Աթենացիք՝ որպես արվեստագետներ, ուսուցիչներ, դերասաններ կամ պարողներ՝ զբաղեցնում էին հռովմայեցիներին ենթարկված նրանց արհամարհանքին:

Այսպես է պատմության անողորմ դատաստանը բարոյական օրենքների հակառակ ընթացող ազգերի համար և վա՛յ այն ժողովրդին, որ չի կամենում տեսնել և ճանաչել այն:

(«Արարատ», 1907, էջ 616—625):





Ս. ԷԶՄԻԱՇՆԻ ԽՈՐՀՈՒՐԴԸ

Ասած է. «Ծառն արմատով է ծառ և տունն հիմամբ է տուն»: Եթե ուզում ենք, որ ծառն աճի, գորանա, յուր նյութերն ու տերևներն էլ զարգացնեն, պետք է նորա արմատի զորացման վերա հոգանք, ժամանակին ջուրն անպակաս անելով և նրան շրջապատող հողն պարարտացնելով: Եթե ուզում ենք, որ մեր շինած տունն ամուր լինի, հեղեղից և փոթորկից երկյուղ չկրե, պետք է նորա հիմն ամուր ձգենք, ոչ ավազի այլ ժայռի վերա նրան դնենք: Այս անժխտելի ճշմարտություն է մարդկային կյանքի համար, ոչ թե միայն նյութական իրերի վերաբերությամբ, այլև հոգևոր ու քարոջական հաստատությանց վերաբերմամբ: Մարդու բոլոր կյանքի ղեկավարն է նորա դաստիարակության հիմն, եթե նա խախտու է և անհաստատ, այնպիսի մարդու կենցաղավարությունը կներկայացնեն տատանվող և փոփոխվող, ամեն բանից խոտվող և ամեն կողմից շարժվող վիճակ. այնպիսին յուր գործունեության մեջ անհաստատ, յուր ուղղության մեջ փոփոխվող կլինի և ոչ միայն իրան անօգուտ, այլև այլոց վատ օրինակ կդառնա և գործքերին վնասակար, մանավանդ երբ նա որևէ հասարակական գործի գլուխ անցած է և ըստ բերման հանգամանաց ղեկավար իրանից ավելի ստոր մտավոր կարողություն ունեցողների, որոնք անգիտակցաբար հետևելով ի-

րանց սուաջնորդին ի վնաս անձանց կգործեն: Այսպիսի դեպքերի օրինակներ նկատելի են ամեն հասարակությանց կյանքի մեջ և մանավանդ այնպիսյաց մեջ, որոնք դեռևս սակավ զգացումն ունին և դատապարտված են միշտ հետևելու սուանց կշռադատության նորակիրթ, անփորձ, թերուս և անձնապատան ղեկավարների ցուցմանց:

Այսպիսյաց շարքում են մեծ մասամբ ներկայումս և մեր հայ հասարակությունը, որոնք ամենուրեք նոր սկսում են զարգացման ճանապարհի վերա կանգնիլ, բնագոյաբար զգալով կարևորությունը, փոխվելու մտավորապես և հոգևորապես, որպեսզի վերածնեն և ներկայիս հարկավոր ուժն ու խաղաղությունն ստանան և մարդկության ստոյջ ու գորեղ անդամաց կենակցեն և սոցա նման և սոցա պես գործեն ինքնուրույնությամբ: Այսպիսի ձգտման ժամանակ, երբ մարդս տեսնում է յուր ունեցածի ոչնչությունն և ձեռք բերելիք անհրաժեշտ պիտոյից անհունությունը, գործում է հափշտակությամբ, առանց խիստ կշռադատության և ընտրության. ուստի և հաճախ ընկնում է սխալմանց մեջ, և եթե ինքը այլոց էլ ղեկավարող է, քարշում է յուր հետ և սոցա ու սխալանաց մեջ ձգում: Որպեսզի մեր հասարակական գործիչք բարեմտության և բուն ցանկության հետևանք եղող հափշտակությունից չղեկավարվին և

չսխալին և կամ որքան հնար է սակավ սխալին, պետք է միշտ հիշեն վերոհիշյալ «ծառն արմատով է ծառ և տունն հիմամբ է տուն» խոսքերն և իրանց պատվաստելիքը հայ ծառի բնի վերա պատվաստեն և իրանց հանձնելիք տան հիմն հայ ժայռի և ոչ ավազի վերա դնեն: Ամենքի ցանկությունն էլ բարի է. բայց այդ ցանկության իրագործման համար ընտրած միջոցներն են միայն սխալ որով և ցանկությունն էլ անկատար է մնում և վնասն էլ վերա է գալիս:

Հայ ազգի մտավոր և հոգևոր կյանքի արմատն և հիմնն է Հշմիածինն է յուր հաստատություններով, առանց սորա հայությունն երեվակալելը ցնորք է, այնպես ինչպես առանց Վատիկանի ու պապության՝ կաթոլիկությունն երևակալելը: Հայ եկեղեցյաց մայրը, արմատը, Միածնաիջի տաճարն է, ամենայն բարեկարգությունը այստեղից պիտի տարածվին բոլոր հայ եկեղեցյաց մեջ, հայ մտավոր հաստատությանց հիմնն է. Աթոռույս ճեմարանն է, որ պիտի պատրաստե այլ դպրոցների համար, հնար եղածի չափ, ավելի զարգացած, հոգևոր և աշխարհիկ գիտությամբ զարդարված և որ ամենանշանակավորն է, հայ հոգվով դաստիարակված, իսկական մոր կաթամբ սնված, ուսուցիչներ և դեկավարներ: Նա պիտի տա և բանիբուն և ընդունակ եկեղեցական բարձրաստիճան և բարոզիչ պաշտոնյաներ, որոնք թե՛ ժողովրդոց հոգևոր պիտույքն պիտի հոգան, և թե՛ նրանց համաձայն հայ եկեղեցվո՝ անցա մոր ոգվույն հոգեպես դեկավարեն:

Այսպես ուրեմն է. Հշմիածինն յուր հաստատություններով գոյով հայ ծառի արմատն՝ իրավունք ունի հոգացողության հայ ազգի հաստատությանց կողմից, որոնք նորա ճյուղերն են, ամեն մարդ ինքը կարող է կշռել և որոշել, որովհետև յսնդիրն և տղայոց համար պարզ է:

Եթե ծառի արմատը թույլ է, չունի բավականաչափ կերակուր, հողի անպարարտ լինելու պատճառով, զհա՛րդ կարող են նորա ճյուղերը սաղարթալից ու տերևալից լինել, բազմաթիվ ծաղկներով զարդարիլ և բերել պտուղ առատ և անուշահամ: Զէ՛ որ նորա արմատից կարևոր սնունդը չստանալով, կլինին մկազ և տակավ առ տակավ կչորանան: Հշմիածնից՝ հայ ծառի արմատից հեռացած հայությունն երևակալելը ցնորք է, ասացինք, և այդ անուրանալի պատմական փաստ է. ապացույցներ չե՞ն միթե այդ ճըմարտության բազմաթիվ հայ գաղթականությանց կորուստն ու անհետանալն աշխարհիս ամեն ծայրերում. և ինչիցն էր դոցա կորուստն, եթե ոչ ս. Հշմիածնից՝ իրանց բնական արմատից անջատվելովը. վասնզի ծառն արմատովն է ծառ, առանց արմատի՝ կտրած


ծառի թարմությունը վաղանցուկ է, ինչպես և պատահեցավ հայ ազգի այն հասարակությանց, որոնք անջատվեցան իրանց արմատից՝ ս. Հշմիածնից և շուտով բոլորովին չորացան, խոիլ դարձան ու կոխան լինելով փշրտեցան: Ծառ հեռու կերթայինք եթե մենք այս մասին մի առ մի փաստեր սուսջ բերելու լինեինք, անամանավանդ որ այդ ավելորդ էլ է, որովհետև այդ փաստերն ամեն իսկ աշակերտի հայտնի են, որ յուր ազգի պատմությունը ունել է կամ ամեն հայի, որ հայ գրքերի ընթերցանությամբ զբաղվել է:


Ուրեմն եթե հայ ազգը կամենում է իբրև առանձին հայ հոգևորապես և մտավորապես ապրել. բայց ապրել, ինչպես ապրում են մարդկության ընտիր անդամները կազմող ազգերն, նպաստելով յուր և ընդհանուրի բարօրության հոգևոր դաստիարակությամբ և մտավոր զարգացմամբ, պետք է նա՛ հայ ազգն, առանձին ուշադրություն դարձնե ս. Հշմիածնա՛ յուր արմատի վերա. հոգա սորա, ամեն միջոցները զորացնելու, կազարելու իբրև արմատի, որպեսզի սա էլ կարողանա հայ ազգի մասերին իբրև յուր ճյուղերին առատ և առողջարար կաթը ջամբել, զորացնել նրանց, ծաղկեցնել և առատ ու անուշահամ պտուղներ բերել տալ: Այս մասին որքան պարտք կա մտածելու և հոգալու հայ եկեղեցական դասի վերա, կրկնապատիկ ավելի պարտք կա հոգալու այդ մասին և ամբողջ ազգի վերա և ձգտումն դեպի այս գաղափարի իրագործումն ոչ թե կենտրոնացումն է բոլոր միջոցների մի տեղում, այլ միայն զորացնում է այն աղբյուրը, որ յուր առատ և զովարար վճիտ ջրով պիտի զովացնե բոլոր ազգի հոգևոր ծարավը: Ազգի տվածը աղբյուրում չպիտի մնա, այլ էլի տոկոսույթ պիտի վերադառնա դեպի նա, բայց ավելի հարմարեցրած մորա ճաշակին և իբրև սրճընդարար կերակուր և դյուրամարս նորա ստամոքսի համար: Ի՞նչ է հայ ազգի ներկա ամենակարևոր պահանջն, եթե ոչ դաստիարակությունն ազգային-կրոնական հոգվով և գիտությունն: Նրան հարկավոր են բարոզիչներ հայ եկեղեցու հոգվով զարգացած և գիտությանց ներկուր ուսուցիչներ, նույն ուղղությամբ: Երկուսի աղբյուրն էլ պիտի լինի ս. Աթոռու յուր հաստատություններով: Իրավ է գիտությունը ամենուրեք մի են. նոքա ընդհանուր մարդկության սեպհականությունը են և ամեն ազգերի, մտավոր, բարոյական և նյութական կյանքի բարօրության ծառայելու համար են: Բայց նոքա լոկ միջոցներ են, որոնք յուրաքանչյուր ազգ պիտի գործ դնե յուր առանձնահատկությունը կազդուրելու, իր գոյությունն ապահովելու՝ համար և ոչ ի կորուստ սոցա: Գիտությունը և արհեստը ամեն բարեկիրթ երկիրներում նույնն են և

գրեթե միևնույն զարգացման աստիճանի վերա են գտնվում, բայց ֆրանսիացին նույն գիտություններով ապրում է իբրև ֆրանսիացի, ուսը նույն գիտությունով ապրում է իբրեւ ուս և գերմանացին՝ իբրև գերմանացի, ուստի և հայն էլ նույն գիտությունները ստանալով պետք է ապրի իբրև հայ: Ֆրանսիացին գերմանական գիտություն ուսանելով, չէ դառնում գերմանացի և ընդհակառակն, որովհետև ևնցանից յուրաքանչյուրն ունի առանձնահատկություն, որոց հիման վերա դաստիարակվում է և որոց զարգացման նպաստում են գիտությունք. յուրաքանչյուրն ունի յուր հայրենիքն, որ սուրբ է նորա համար և որ նորա հոգացողության և խնամոց ստարկան է, նորա հոգվով, նորա կյանքով է նա ապրում: Հայի հայրենիքն էլ այսօր իբրև կրոնական ազգի, ս. էջմիածինն է, ստանց սորա հայությունն չկա, առանց սորա հայ ազգի գոյությունն այսօր անհասկանալի է: Հայրենիքից զրկված ֆրանսիացին և գերմանացին օտարանում է հաճախ յուր ազգից

և օտարի մեջ ձուլվում, էջմիածնից զրկված հայերն էլ օտարաց մեջ ձուլվել են և կորել: Գիտությանց հետ և ազգայնության ոգին պետք է տիրե մարդուս սրտին, որ միայն հայրենիքումն է և նորա հիշատակաց մեջ: Այսօր հայի հայրենիքն յուր եկեղեցին է. սորա կեդրոնը ս. էջմիածինն. այստեղ է նորա հոգին սավառնում: Ուստի և այն հայն որ յուր սրտի զգացմանց ստարկա չէ անում էջմիածինն և յուր պարտքը դեպի նա չէ ճանաչում, լինի նա թե եկեղեցական թե աշխարհական, շեղվում է հայությունից, իսկ նա, ով անտարբերությամբ, չենք ուզում անել թշնամությամբ է նայում ս. էջմիածնա վերա, այդպիսին մայրատյաց զավակ է. հայ ազգի անդամությունից դուրս է: Հայ ազգը դարավոր հիվանդ է. ս. էջմիածինն է նորա Պրոպատիկե ավազանը: Այստեղ է նորա հոգեվոր բժշկության աղբյուրը: Այսպես պիտի մտածե հայ ազգն և նրան բարի կլինի աշխարհիս երեսին:

(«Արարատ», 1888, էջ 216—220):





ԳՐԻԳՈՐ ՀԱԿՈՒՅԱՆ

ՍԱՀԱԿ ՊԱՐԹԵՎԻՆ ՎԵՐԱԳՐՎՈՂ ՇԱՐԱԿԱՆՆԵՐԸ

Գրիգոր Լուսավորչի թոռան թոռը, Ներսես Մեծի որդին՝ Սահակ Պարթևը, ծնվել է Կեսարիայում: Կրթությունը ստացել է Բյուզանդիայում, լավ հելլենագետ էր: Հայաստան գալուց հետո ամուսնացել էր, բայց երբ կինը վախճանվեց, դարձավ եկեղեցական: Ուներ 60 աշակերտ, որոնց հետ վարում էր մեկուսի կյանք: Խոսքով Գ-ի օրով ընտրվեց կաթողիկոս՝ իբրև Ասպուրակեսի հաջորդ (387): Ամբաստանվեց պարսից թագավորի առաջ և իբրև հունասեր՝ գահընկեց արվեց: Վրամշակույթի գահակալությունից հետո գնաց Պարսկաստան, ներկայացավ Վրամ թագավորին, արդարացավ և նորից նստեց հայրապետական գահին (390 թ.): Հայոց Վրամշակույթի թագավորի աջակցությամբ Մեսրոպ Մաշտոց վարդապետի հետ միասին հիմքը դրեցին հայոց գրի ու գրականության: Թարգմանել է ս. Գիրքը և ուրիշ գործեր: Պարսկասեր կուսակցությունը դժգոհ լինելով Արտաշես Գ թագավորից, ուզեց գահընկեց անել նրան, ջնջել հայոց Արշակունի թագավորությունը և փոխարենը պարսիկ մարզպան դնել: Սահակ Պարթևը բողոքեց այդ որոշման դեմ, որի համար գրկվեց կաթողիկոսական գահից և մնաց Պարսկաստանում մինչև 432 թիվը, երբ վերադարձավ Հայաստան, հաստատվեց Բագրևանդում, զբաղվեց գրականությամբ և վախճանվեց 438 թվին:

Թաղվել է Աշտիշատում: Բացի թարգմանություններից Սահակ Պարթևին են վերագրվում կանոններ, թղթեր, աղոթքներ և շարականներ:

*
*

387 թվականին Հայաստանը բաժանվեց բյուզանդական և պարսկական աշխարհակալ պետությունների միջև: Թեպետ արևելյան Հայաստանում դեռ մնում էր Արշակունիների թագավորությունը, բայց գրեթե միայն անունով, որովհետև նա չէր կարող առաջվա պես հանդես գալ իր ազգային ու պետական շահերը պաշտպանելու դիրքերում:

Ժամանակի հասարակական-քաղաքական պայմաններն իրենց հետ անհրաժեշտորեն բերել էին պայքարի նոր բնագավառներ ու ձևեր: Երբեմնի քաղաքական պայքարին այժմ փոխարինելու էր գալիս մշակութային պայքարը: Թեև գաղափարական, կրոնական պայքարը Արշակունիների թագավորության անկումից առաջ էլ տեղի ուներ հայերի ու պարսիկների միջև՝ քրիստոնեության սկզբնական շրջանից, բայց այն առանձնապես սուր կերպարանք ստացավ Շապուհ Բ-ի օրով (310—379) և քանի գնաց՝ ավելի սաստկացավ: Ստեղծված քաղաքական դրությունը

ստիպում էր պարսիկներին Հայաստանում քրիստոնեությունը վերացնել և նրա տեղ տարածել գրադաշտական կրոնը՝ բյուզանդացիների ազդեցությունը վերացնելու նպատակով: Բայց Արշակունիների թագավորության անկումից հետո հայ եկեղեցին ոչ միայն չըուլացավ, այլև նա հանդես եկավ որպես համազգային հեղինակավոր, կենտրոնական մի իշխանություն: Ահա թե ինչու այդ ժամանակ պարսիկները այնքան խոշոր նշանակություն էին տալիս քրիստոնեական կրոնի ու հայ եկեղեցու դեմ մղվող պայքարին և ամեն կերպ աշխատում էին եթե ոչ վերացնել, գոնե չեզոքացնել այն, պարսկական քաղաքականության գործիք՝ Սուրմակների և Բրքիշունների միջոցով: Բայց հայ ժողովրդի քաղաքական նգնաժամի հետ միասին պատմության հրապարակի վրա հանդես է գալիս աննախընթաց մտավոր մի վերածնություն, մի գործող մշակութային շարժում, որ դարձել շարունակ բախտորոշ պիտի լիներ հայ ժողովրդի համար և փրկեր նրան մեծ ազգերի մի կու գնալուց ու ոչնչանալուց: Այդ շարժումը գլխավորել էին Սահակ-Մեսրոպը և Արշակունյաց իշխանությունը: Եվ քանի որ այդ շրջանում ազգի ինքնությունը պաշտպանելու նպատակով ամենամոծել միջոցներից մեկը հայ եկեղեցին էր, ուստի անհրաժեշտ եղավ կատարելագործել այդ հոգեկան գեները: Թեև հայերի քրիստոնեություն ընդունելու օրից շուրջ հարյուր տարի էր անցել, բայց քանի որ ժամասացությունը կատարվում էր հունարեն և ասորերեն անհասկանալի լեզուներով, այդ կրոնը ժողովրդի մեջ դեռ չէր արմատացել: Ուստի, գրերի գյուտի հետո առաջին հերթին անհրաժեշտ էր «ազգայնացնել», «հայացնել» եկեղեցին: Այդ գործի համար հարկավոր էր ունենալ նաև հայերեն հոգևոր երգեր: Ինչպես գրի ու գրականության, այնպես էլ մեր ազգային առաջին շարականների հիմնադիրները հանդիսանում են Սահակ Պարթևը և Մեսրոպ Մաշտոցը:



Սահակ Պարթևն ու Մեսրոպ Մաշտոցը ոչ միայն մեր առաջին շարականագիրներն են, այլև հոգևոր երգի եղանակների հեղինակները: Երբ բաց ենք անում մեր Ծարակնոցը, «Յօրինողը շարականաց» առաջաբանում կարդում ենք.

1. «Մեձն Մեսրոպ ասաց զկարգն սպաշխարություն...».
2. «Եւ սորբն Իսահակ զԱւագ շարաթուն»¹:

¹ «Ծարական», Երուսաղեմ, 1936, էջ 5:

Սահակ Պարթևի գրած շարականներն երկու տասնյակից ավելի են, որոնց մի մասը վերաբերում է Ծաղկազարդին, մի մասը՝ Ավագ հինգշաբթի, ուրբաթ և շաբաթ օրերին, և մի մասն էլ՝ Ղազարի հարությանը: Բայց այստեղ մենք քննության ենք տնել Սահակ Պարթևի գրած ոչ միայն այդ կանոնական շարականները, որոնք ընդունված են ժամակարգության մեջ և կան մեր Ծարակնոցում, այլև նրա գրչին պատկանող, ժամակարգությունից ու Ծարակնոցից դուրս մնացած «Ծարականներ», որոնց մի մասը նույնպես նվիրված է Ծաղկազարդին և մի մասն էլ՝ Ղազարի հարությանը: Սահակ Պարթևը գրել է յոթ շարական, որոնցից չորսը կանոնական² են («Թագատր գուրվ», «Յորժամ եկն Յիսուս», «Զգալուտ քո Քրիստոս աշուօր», և «Ի յարություն աուր»), իսկ երեքը՝ պարականոն³ («Որ զերիս մանկունսն ի հնցիցն ապրեցուցէր», «Ուրախ լեր մայր լուսոյ» և «Բարեբանեալ»):

Ծաղկազարդի տոնին վերաբերվող բոլոր շարականների հիմնական գաղափարը, բովանդակությունն այն է, որ ըստ Ավետարանի, Քրիստոսը համեստորեն, նստած ավանակի վրա՝ մտնում է Երուսաղեմ՝ որպես «Նոր Դավիթ»: Այս շարականները համակված են ցնծության զգացմունքներով ու բացականչություններով: Ամբողջ Երուսաղեմը ջերմ ոգևորությամբ է դիմավորում ավանակի վրա նստած Փրկչին: Ի պատիվ Փրկչի, ծերունիները նոր ծաղկած ձիթենու ճյուղերով, իսկ տղաները՝ արմավենու ոստերով ընդառաջ են ելնում և բոլորը միաբերա՛մ փառաբանության երգեր են ասում.

Ծերքն ոստովք ձիթենեօք,
Եւ տղայքն ոստովք արմաւենեօք,
Եւ երամ-երամ դասուքն տղաղակէին՝
Ովսաննա, օրհնեալ, եկեալ ի յանունըն՝
Տեանն⁴:

Ուրախության մեջ են ոչ միայն մարդիկ, այլև բնությունը: Մարդկանց, ողջ քաղաքի հետ միասին ցնծության մեջ է նաև Երուսաղեմի Սիոն լեռը.

Ցընձացաւ սուրբ Սիովն,
Բերկրեցան սուրբ եկեղեցիք,
Եւ խնդութեամբ բազմաւ ելին ընդասաջ,
Օրհնէին զգալուստ քո Փրկիչ յաշխարհ⁵:

Ամենից շատ ուշախացել են նաև մանուկները:

² Անդ, էջ 313—315:
³ Ս. Վ. Ամատունի, Հին և նոր պարականոն շարականներ, Վաղարշապ., 1911, էջ 88—91:
⁴ «Ծարական», էջ 313: Այս և բոլոր մեջբերված շարականները մեր կողմից չափատողված են:
⁵ Անդ, էջ 314:

Ի լեռնէ Զիթենեաց մանկունքն
 Տարածանէին զհանդերձս իրեանց...
 Ոստոյք և տերևօք ձիթենեօք՝
 Երբայեցոց մանկունքն օրհնէին⁶։
 Յնծության մեջ են նաև Երուսաղեմն ու
 առաջին քրիստոնեական եկեղեցին.
 Ուրախ լե՛ր Երուսաղէմ քաղաք,
 Եւ ցընծա՛ Սիովն՝ մայր եկեղեցի՛։
 Ուրախությունը խորանալով ու ծավալվե-
 լով վերածվում է հանդիսավոր տոնախմբու-
 թյան, որին տարերայնորեն մասնակցում են
 բոլորը՝ անկախ հասակից ու սեռից։
 Ի ծերոց բըղխեալ օրհնութիւն,
 Եւ ի տղայոց փառաբանութիւն⁸։
 Այս տոնին նվիրված պարականոն երեք
 շարականներից երկուսը «երգաբանեալ»
 փառաբանություն են՝ ուղղված Փրկչին,
 «վեցթեկյան սերովբեներին» և «զուարթունք
 երկնից» հրեղեններին։ Այստեղ արտա-
 հայտվում են նաև բանաստեղծի հույզերը։
 Նա ևս հրճվում է երուսաղեցիների հետ՝
 Փրկչի գալստյան առթիվ.
 Ընդ նոսին և մեք երգեսցուք,
 Ովսաննա Բարձրելոյն, որ փրկեաց
 զմեզ⁹։

Ավելի քնարական ու գեղեցիկ է պարա-
 կանոն Մեծացուցեն։ Եթէ Երուսաղեմի
 բնակիչները ցնծության հորդոր էին ուղղում
 իրենց հայրենակիցներին, քաղաքին և նույն-
 իսկ լեռներին, ապա այս շարականում հե-
 ղինակը այդ նույն զգացմունքներով ու հոր-
 դորներով դիմում է Տիրամորը.
 Ուրախ լե՛ր մայր լուսոյ, Աստուածածին,
 Քանզի ի քէն մարմնացաւ Աստուած,
 Այսօր ի վերայ յաւանակի նստել հաճե-
 ցաւ¹⁰։

Տոնի և Քրիստոսի Երուսաղեմ գալու մա-
 սին խոսելուց հետո, հեղինակը շոշափում է
 Փրկչի մարդկության խորհուրդը և նպատա-
 կը՝ ներդնելով այդտեղ նաև դավանաբա-
 նական գաղափարներ.
 Որ ի Հօրէ առաքեցաւ Բանն,
 Եւ յորովայնի քում բնակիլ հաճեցաւ.
 Որ ի յերկրի երևեցաւ,
 Եւ ընդ մարդկան շրջեցաւ,
 ...Ի դասուց երբայեցոց բարեբանեցաւ¹¹։
 Ծաղկազարդին վերաբերող կանոնական
 և պարականոն վերոհիշյալ բոլոր շարական-

ները գրված են պարզ ու մատչելի լեզվով,
 խոր հուզականությամբ, որտեղ պարզ երե-
 վում է Դավթի սաղմունների թողած ազդե-
 ցությունը։ Սահակ Պարթևի գրած շարա-
 կանների երկրորդ խումբը վերաբերում է
 Ղազարի հարությանը, որը նույնպես մտնում
 է Ավագ շաբաթի կանոնի մեջ։ Այս շարա-
 կանների գաղափարն ու թեման հեղինակը
 վերցրել է Հովհաննեսի Ավետարանի ԺԱ
 գլխից, ուր խոսվում է Ղազարի հարության
 մասին։

Ղազարի հարությանը վերաբերող շարա-
 կանները հետևյալներն են՝ «Այսօր գոլով ի
 Բեթանիա» (օրհնութիւն), «Որ ի չորեք-
 կերպեան կենդանեաց փառաբանիս» (Ո-
 ղորմեա), «Աղբիւր անմահութեան» (Տեղ
 յերկնից), «Որ ի յերկնից իջեր» (Ծաշու) և
 մի պարականոն Մեծացուցե «Տուն տնօրե-
 նութեան» սկսվող բաներով։

Սահակ Պարթևի այս կարգի շարական-
 ներն ավելի ևս աչքի են ընկնում իրենց
 պարզությամբ ու լեզվով։ Վերոհիշյալ հինգ
 շարականների մեջ տարբեր ձևերով ու տար-
 բեր խոսքերով ներկայացվում է Ղազարի
 հարության հրաշքը, Քրիստոսի պարզու-
 թյունն ու մարդասիրությունը։ Եթէ Ծաղկա-
 զարդի տոնի շարականներում երբայեցի
 մարդիկ, մանավանդ փոքրերը, դիմավորում
 էին Երուսաղեմ մտնող Հիսուսին՝ ձիթենու
 և արմավենու նոր, կանաչած ոստերով, ցըն-
 ծության երգերով ու փառաբանությամբ,
 ապա այստեղ բեթանիացիները, դարձյալ
 մեծ մասամբ մանուկները, «սքանչացեալ»
 պատմում են բոլորին Քրիստոսի կատարած
 հրաշքը, փառաբանում Նրան և իրենց հա-
 մար էլ երկար կյանք խնդրում.

Այսօր գոլով ի Բեթանիա,
 Երբայեցոց մանկունքըն,
 Սքանչացեալ ասէին՝
 զՄարիամու զեղբայրըն
 Ի թաղմանէ յարուցեալ՝
 Որդոյն Մարիամու.
 Կենդանարար Քրիստոս
 Կեցո ըզմեզ¹²։

Այս փոքրիկ շարականում միաժամանակ
 ցույց է տրվում, որ Փրկչի ամենազոր հրա-
 մանով «դողացաւ մահը», «պարտեցաւ դը-
 ժոխքը» և «լուծաւ սպականությունը» մի ան-
 պատում հրաշագործությամբ, այն է՝ չորս
 օրվա մահացած ու թաղված Ղազարի հա-
 րությամբ։ Ըստ շարականի, Ղազարի հարու-
 թյան ցնցող դեպքը ունեցել է մի ուրիշ՝ ավե-
 լի մեծ ու սքանչելի խորհուրդ ևս։ Դա այն է,
 որ Ղազարի հարությամբ, Քրիստոսը կամե-
 ցել է նախապես նշել Իր էլ հարության դեպ-

⁶ Անդ, էջ 314:
⁷ Անդ, էջ 314:
⁸ Անդ, էջ 315:
⁹ Ս. վ. Ամատունի, նշված աշխատությունը, էջ 88—
 89:
¹⁰ Անդ, էջ 91:
¹¹ «Ծարական», էջ 91:

¹² Անդ, էջ 305:

քը, այսինքն, որ ինքն էլ է մեռնելու և հա-
րություն մահը հաղթելու.

Այսօր գոյով ի Բեթանիա,
ԶՔո գաշխարհակեցոյց
Սուրբ յարութիւնը
Յառաջագոյն ծանուցեր¹³:

Այս շարականներից մեկի մեջ էլ հեղինակ-
ը Քրիստոսի կատարած աստվածային գոր-
ծերի կողքին ներկայացրել է Նրա նաև
մարդկային ու մարդասիրական գծերը: «Որ
ի շորեքկերպեան կենդանեաց» բառերով
սկսվող շարականում աչքի է ընկնում Քրիս-
տոսը Իր կարեկցող և զգայուն սիրով: Նա
սովորական մարդու պես լալիս է՝ Մարիա-
մի, Մարթայի և մյուսների հետ ու առաս-
արցունք թափում Ղազարի մահվան առի-
թով:

Մյուս շարականի մեջ բնորոշվում է Հիսու-
սը որպես՝

Աղբիւր անմահութեան,
Բղիխեալ ի Բեթանիա¹⁴:

Այն Փրկիչը, ասում է շարականը, «յորմէ
որդան դասք հրեշտակաց», այսօր եկել է իր
մեռած բարեկամի ու նրա քույրերի մոտ
նրանց մխիթարելու, սփոփելու համար.

Մարդասիրապէս արտասուեցեր՝
Ողբակցելով ընդ Մարթայի,
Եւ ընդ Մարիամու¹⁵:

Այս մի քանի փոքրիկ շարականների մեջ
Սահակ Պարթևը, կարողացել է ներկայացնել
Քրիստոսի ոչ միայն աստվածային զորու-
թյունն ու գործերը, այլև ընդգծել է նրա
մարդկային, զգայուն և մարդասիրական
կողմերը:

Առանձնապես ուշագրավ է Ղազարի հա-
րությանը նվիրված «Տուն տնօրէնութեան»
բառերով սկսվող պարականոն Մեծացու-
ցեն: Այստեղ, սովորաբար ինչպես և բոլոր
Մեծացուցների մեջ, գովերգվում ու փա-
ռաբանվում է Տիրամայրը՝ նաև նրա համար,
որ աշխարհի համար ծնել է այնպիսի մի
Փրկիչ, որը մեռածներին անգամ կյանքի է
կոչում: Ըստ շարականի, Տիրամայրն է փըր-
կության աղբյուրն ու կյանքի ակունքը:

Տուն տնօրէնութեան և տաղաար՝
Բանին կենաց Բարձրելոյն¹⁶:

Եվ վերջապես Տիրամայրը իր հավասարը
չունեցող, անզուգական է ու պանծալի, մայր
է, ավելի բարձր՝ քան երկինքը, քանի որ նա
կարողացել է իր արգանդում կրել «անբաւե-
լին երկնի և երկրի»:

Մարիամ, մայր պանծալի,
Եւ քան զերկինս բարձրագոյն.

¹³ Անդ, էջ 305:
¹⁴ Անդ, էջ 305:
¹⁵ Անդ, էջ 306:
¹⁶ Ս. Վ. Ամատունի, նշված աշխատությունը էջ 87:

Որ բարձր գբարձողըն բոլորից,
Եւ հանգուցեր ի գիրկըս քո¹⁷:

Այնուհետև իրենց պարզ բովանդակու-
թյամբ և հուզականությամբ աչքի են ընկնում
մի քանի ուրիշ շարականներ՝ Փրկչի մատ-
նությանը, խաչելությանն ու թաղմանը նվիր-
ված: Թեև այս շարականները մի քանի հատ-
են, բայց բոլորի էլ հիմնական գաղափարը
նույնն է, որոնց ընդհանուր հանգույցն սկըս-
վում է «Սորհրդալոր ընթրիքի» ժամանակ,
զարգանում և ապա հասնում իր գագաթնա-
կետին ու լուծվում Քրիստոսի մահվամբ ու
թաղմամբ:

Ավագ շաբաթի հինգշաբթի օրն է: Երեկո
է: Վերջին ընթրիքի խորհրդալոր ու սրտա-
ուռչ պահն է: Ծարականը ասում է.

...Այսօր Տէրն մեր լուանայր գոտս աշա-
կերսուցն,

Եւ պատուիրէր զայս ասելով՝
Մի ոմն ի ձէնջ, եղբարք,
Զիս մատնելոց է առ ի մահ...¹⁸:

Այս հայտարարությունը ճնշող ազդեցու-
թյուն է թողնում առաքյալների վրա: Հուզ-
վում, ապա հետաքրքրվում են, թե ո՞վ է
արդյոք այդ մատնիչը: Տիրում է ծանր դու-
թյուն, որովհետև

Բանն զոր ասաց Յիսուս,
Տրամեցոյց զիր զաշակերսան,
Եւ խոովեցան ամենեքեան¹⁹:

Ապա պարզվում է, Ավագ ուրբաթ օրվա
շարականներից, որ՝

«Արծաթսիրութեամբ մոլեալ Յուդա,
Զիր ըզմեծ վարդապետըն,
Ընդ երեսուն արծաթոյ հրեիցն մատ-
նէր»²⁰:

Խիստ խոսքերով է բնութագրված մատ-
նիչը, որը դադարել է ոչ միայն Քրիստոսի
աշակերտը լինելուց, այլև որպես վատնողի
և անարգ, արդեն կորցրել է մարդկային դեմ-
քը և դարձել ասատևա:

«Մերկացաւ յինքննէ զաստուածային
սուրբ հոգին,

Եւ զգեցաւ զաստանայ, որպէս հանդերձ
արկաւ զիրեալ»²¹:

Մանկունք անունը կրող շարականում
հատկապես փառաբանվում է Քրիստոսի
համբերատարությունն ու երկայնամտությու-
նը: Թեև Նա մատնվում է իր մոտիկ մարդու
ձեռքով, ապերախտաբար, անարդար դա-
տապարտվում է, գանակոծվում ու խաչվում
է, բայց Նա էլի մնում է անհիշաչար, մար-
դաւեր: Նա այդ բոլոր շարչարանքները

¹⁷ Անդ:
¹⁸ «Ծարական», էջ 337—338:
¹⁹ Անդ, էջ 338:
²⁰ Անդ, էջ 341:
²¹ Անդ:

համբերությամբ ու սիրով է տանում՝ հանուն մարդկության, հանուն մեղսագործ աշամորդու և աշխարհի փրկության: Այսպես.

Որ մարդասիրապես վասն ամենեցուն.

Ամենայնի համբերեցեր,

Եւ ի մահու գմահ կոխեցեր²²:

Ավագ շաբաթ օրվա նշանավոր շաբախանը նկիրված է Քրիստոսին՝ խաչատիպտից իջեցնելուն և թաղմանը: Այդ շաբախանն ըսկրվում է «Պարգևատուն ամենեցուն» բառերով: Փրկիչը, որ դեռ երեկ և մյուս օրը մեռելիս հարություն էր տալիս, ամենքին կյանք պարգևում ու սիրում, այսօր այդ նույն Փրկիչը գրկվել է կյանքից և խաչատիպտի վրա՝ մահացել: Նա, որ Ինքը անճառ լույս էր և ողջ աշխարհն էր լույսով ողողում, այսօր Հովսեփի ձեռքով պատանքվում է՝ գերեզմանի մեջ դրվելու համար: Ավելին. պիտի մարդիկ խնդրեն Պիղատոսին, որ նա թույլ տա Փրկչի մարմինը թաղելու համար:

Պարգևատուն ամենեցուն,

Այսօր խնդրի պարգևս ի Պիղատոսէ...

Կենդանատուն ամենեցուն,

Այսօր դնի ի նոր գերեզմանի...²³:

Եթե Ղազարի հարության, Ծաղկազարդի և Ավագ հինգշաբթի տոների շաբախաններն աչքի են ընկնում պարզությամբ, հուզակալանությամբ, ապա Քրիստոսի խաչելության և թաղման վերաբերող այս շաբախանները վերոհիշյալ հատկանիշների հետ միաժամանակ ունեն պատկերավորություն, հալիարդություն և արտահայտչականություն.

Կենդանին յաիտենից Քրիստոս,

Այսօր խնդրի որպէս մեռեալ ի Պիղատոսէ²⁴.

Անմահութեանց տրող Քրիստոս,

Այսօր ի հող մահու խոնարհեցաւ...

Արեգակն արդարութեան Քրիստոս.

Այսօր եղաւ ի գբի ստուերականի...²⁵:

Ամբողջ շաբախանի ընթացքում մի դրությունը, վիճակը պատկերավոր հակադրվում է մի ուրիշ դրության: Կուսածին կյանքը դրվում է գերեզման. արթունը ննջում է, ցնծությունը վերածվում է սգի, արեգակը մթնոնում է գբի ստվերների մեջ, ճառագայթի՛ն փոխարինում է խավարը և այլն:

Ծարականագիրը խաչելության շուրջ ստեղծում է ուժեղ պատկերներ և ինքն էլ ընկնում ծանր ապրումների մեջ: Այստեղ արդեն հեղինակը Ավետարանի նյութը միայն մշակող կամ երգաբանող չէ: Ինքն էլ է հանդես գալիս, որպես խաչելության ներկա, տառապող անձնավորություն և շաբախանի մեջ արտահայտում նաև իր ներքին հույզերը.

Ով սքանչելի տեսիլ և ահառոր,

Ջարարիչըն երկնի և երկրի,

Այսօր տեսաք ի խաչի²⁶:

Բանաստեղծի մոտ խաչելության երևույթը այնքան ահեղ է ու մեծ, որ այն ցնցել է ամբողջ տիեզերքը.

Տեսեալ ըզՏէրն ի խաչին,

Խաարեցաւ արեգակն,

Եւ վարագոյր տաճարին,

Յելոյր վերուստ մինչ ի վայր²⁷:

Սահակ Պարթևի գրած բոլոր շաբախանները վերաբերում են Ծաղկազարդի կիրակին և Ավագ շաբաթի խորհրդին: Ծարականագիրը ավետարանական պատումները ենթարկել է ստեղծագործական, ինքնատիպ վերամշակման: Այս ամենի հետ զուգընթաց, այդ շաբախանները արտահայտել են նաև բանաստեղծի ապրումները: Այս շաբախաններով ս. Սահակ Պարթևը հիմք է դնում մեր ազգային, հոգևոր երգին: Հետագայում նրան հետևեցին շատ բանաստեղծներ ու շաբախանագիրներ, ինչպես՝ Մ. Մաշտոցը, Մ. Խորենացին, Հ. Մանդակունին, Կոմիտասը, Ստեփանոս Սյունեցին, Ն. Ծնորհալին, Լամբրոնացին և ուրիշները:

²² Անդ, էջ 345:
²³ Անդ, էջ 366:
²⁴ Անդ, էջ 366—367:
²⁵ Անդ, էջ 367:

²⁶ Անդ, էջ 344:
²⁷ Անդ:





Ն. ԹԱՀՄԻԶՅԱՆ

ՀՈԳԵՎՈՐ ԵՂԱՆԱԿՆԵՐԻ ԿՈՄԻՏԱՍՅԱՆ ԿԱՆԽԱԳՈՒՅՆ ԳՐԱՌՈՒՄՆԵՐԻ ՎԵՐԾԱՆՈՒԹՅՈՒՆԸ

- 12. «Եւ ևս խաղաղութան» (քարոզ).
- 13. «Եղիցի անուն Տեան օրհնեալ» (չափաւոր).
- 14. «Թագաւորեացէ Տէր յախտեան» (չափաւոր, ԳԶ).
- 15. «Փառք յարութեան քո Տէր» (չափաւոր, ԱԿ և ԱԶ).
- 16. «Ամէն, և ընդ հոգւոյ քում» (ծանր, ԳԿ).

Այս երգերի եղանակները ելևէջային տարրեր, բայց յորովի գեղեցիկ, ձևերի մեջ ժամանակին ձայնագրել է նաև Ն. Թաշճյանը:

«Եւ ևս խաղաղութան» քարոզը, որ երգվում է «Յառաջ քան զիդարերից անտարանն», Ն. Թաշճյանը ձայնագրել է երկու տեսակ. «Ի հասարակ կիրակէս»¹ և «Ի մեծահանդէս կիրակէս»²: Կոմիտասի գրառածը երկրորդից էլ ավելի լայնաշունչ ու հանդիսավոր է:

«Եղիցի անուն Տեան օրհնեալ»-ը (որ է՝ «Երգ իւղարերից անտարանին»), դարձյալ երկու տեսակ է ձայնագրել Թաշճյանը. «Վասն կիրակէից մեծի պահոց»³ և «Վասն կիրակէից Յարութեան»⁴: Չայնեղանակով վերջինիս հետ է համաձայնվում Կոմիտասի գրառածը, բայց ելևէջը ավելի ոլորուն է և կշռույթ՝ տրոհված:

«Թագաւորեացէ Տէր յախտեան»-ը (իդարերից) Թաշճյանը գրառել է նույնիսկ երեք տեսակ. «Վասն կիրակէից մեծի պահոց»⁵, «Վասն հասարակ կիրակէից յարութեան»⁶ և «Վասն հանդիսաւոր սուրբ»⁷: Հյուսվածքի ճոխությամբ ու ձայնեղանակով վերջին երկուսն են մոտիկ Կոմիտասի ձայնագրածին: Սակայն, սա ավելի լայնաշունչ է բնույթով և նրանում ելևէջի երկարաձիգ ոլորումները գրական խոսքի այլ վանկերի վրա են:

*Շարունակված «Էջմիածին» ամսագրի 1970 թվականի №№ Բ—Դ-ից:

¹ Տե՛ս Երգը ձայնագրեալք ի ժամագրոց Հայաստանեայց ս. եկեղեցւոյ, Վաղարշապատ, 1877, էջ 277—278:

² Անդ, էջ 276—277:

³ Անդ, էջ 287—288:

⁴ Անդ, էջ 281:

⁵ Անդ, էջ 288:

⁶ Անդ, էջ 286—287:

⁷ Անդ, էջ 283—284:

Ընդհակառակը, «Փառք յարութեան քո Տէր»-ը Կոմիտասի գրչի տակ ավելի ճկուն ու գնալուն երգի նկարագիր է նեղք բերել⁸:

Վերջապես՝ «Ամէն, և ընդ հոգւոյ քում»-ի մասին: Դատելով ձայնեղանակից ու բնույթից, այն՝ մի հատված է «Ի պէտս Տաղասարաց» պատարագից, Թաշճյանի ձայնագրած համեմատությամբ ավելի ևս զարդորուն հյուսվածքով⁹: Հատվածիս ասումաններն են՝ «Ստամենայնի»-ից հետո, մինչև «Միայն սուրբ», որ բաց են թողնված սարկավագի՝ մեջ ընդ մեջ կատարվող երգամասերը («Ամէն, և ևս խաղաղութեան և այլն»), ու երկու «խմբովին» երգ. «Տէր ոլորմեա, քեզ Տեանդ յանձն եղիցուք» և «Հայր մեր»:

Սրանով ավարտում ենք հայկական հոգևոր եղանակների կոմիտասյան 1893 թվակիր ժողովածուի նյութերի հրապարակումը: Եվ այս կապակցությամբ հարկ է նշել հետևյալ կետն էլ:

Կոմիտասի կատարած սույն գրառումներում երբևէ հանդիպում են, այսպես կոչված, զարտուղի (կամ անկանոն) ամանակներ՝ չափական միավորի տևողությունից պակաս, անկախ խմբավորումներ, ինչպես՝ հինգ 32-ականներից կազմված «Երկուսուկներ» («Հաիկ», «Դասարըն հրէական»), երկու 16-ականից բաղկացած կշռույթային ինքնուրույն գծագիր («Ամէն, և ընդ հոգւոյ քում») և այլն:

Ուշադիր քննությունը ցույց է տալիս, որ դրանք պատահական սխալմունքի արդյունք չեն, այլ՝ տակալին միջնադարում կիրառված ու, ամենայն հավանականությամբ, նաև իսլամական գրություններում ժամանակին արտացոլված երաժշտա-տաղաչափական նրբություններ (մե՛տն հայոց ձայնեղանակների ելևէջային մանրամասնըներին):

Եվ սակայն, հարմար դատեցինք դրանք վերածել չափական կանոնավոր միավորների՝ հաշվի առնելով, որ հիշյալ զարտուղություններն այսօր գործնական նշանակություն չեն կարող ունենալ երգիչների համար, այլ միայն ավելորդ դժվարություններ կատարման ընթացքում:

⁸ Հմմտ.՝ անդ, էջ 284:

⁹ Հմմտ.՝ Չայնեղեալ երգեցողութիւնք սրբոյ պատարագի, Բ տպագրութիւն, Վաղարշապատ, 1878, էջ 88—91:

ԵՒ ԵՒՈՒ ԽՈՂ ԱՂՈՒԹՅԱՆ

(Զարույ)

Չափաւոր-միջակ



Եւ ե - լըս խա - ղա - ղու - թեան ըզ -



Տէր

ա - ղա -



չես - ցուք




Տէր

ո -



- ղոր - մեա՛ն



Վա - սըն սուրբ

տեղ - տյս



շի - նու - թեան եւ բա - ռե -- կար - գու - թեան:



Վա - սըն ժո - ղո - վըր-դեան որք



մը-տա - ճեն ընդ-դրու - նըս սըր - բոյ ե - կե - ղեց - տյ:



Վասն ըն - դու - Յե - լոյ

զպա - դա -




- տա - Երս տո - ցա ըստ մե - ծի



ո - դոր - մու - բեան

իւ - թում



եւ ե - լրս մի - ա - բան

վա -



- սըն Երջ մա - թիտ եւ սուրբ հա - ա - տոյս մե - թոյ



Զան - ծի - Երս մեր

եւ ըզ - մի - մեա - Երս



տեառն Աս - տու - ծոյ ա - մե - Եա - կա - լին յան - ծըն



ա - թա - ցուք



Բեզ Տեառնոյ

յանձն ե -



- դի - ցուք:



Ո - դոր - մեաց մեզ Տեր Աստուած




մեր. ըստ մե - ծի ո - դոր - մու - քեան Քում ա -



- սաս - ցուք ա - մե - նե - քեան մի - ա - բա -



- նու - քեամբ:



Տեր ո - դոր - մեա. Տեր



ո - դոր - մեա. Տեր ո - դոր - մեա.

ԵՂԻՑԻ ԱՆՈՒՆ ՏԵԱՌՆ ՕՐՆՆԵԱԼ

Չափադր

Ե - ղի - ցի ա - ցունց Տեառն օրի - ցեալ ի

յայ - սըմ րե - ստ մից -

- չեւ ի յա - լի - տեան:

Օրի - ցե - ցեք ման - կունք ըզ - Տեր եւ օրի -

- ցե - ցեք զա - ցունց Տեառն: Ե - ղի - ցի

ա - ցունց Տեառն օրի-ցեալ ի յայ - սըմ րե - ստ


մից - չեւ ի յա - լի - տեան, Յա - րե -

- սե - լից մից ի մուտս ա - րե - տու օրի-ցեալ

է ա - ցունց Տեառն ի



Փառք եւ եր - կըր - պա - գու - թիւն շօր



եւ Որդ - լոյ եւ սըր - բոյ շոգ -



- լոյն եւ այժմ եւ միշտ եւ յա - ւի - տեանս յա - ւի -



- տե - նից ա - մեն. ի

ԹԱԳԱՒՈՐԵՍՅԷ ՏԵՐ


Չափաւոր ԳՁ



Թա - գա - լո - թես - ցէ



Տէր յա - ւի - տեան



Աս - տը - ուած Թո Սի - օն



յազ - գէ - յազգ:



Օրհ - նեա աճճն իմ ըզ Տէր

որն - Յե - ցից ըր - Տէր

ի կեճ - դա - ճու - րեանց

ի - մոյ

Օր - րի:

եւ ընդ հոգ-ւոյդ քում:

եր-կիւ - դաժու-րեամբ Ը - ուա - րուք


Փառք քեզ Տէր Աստ-ուած մեր:

Պոս - խու - մէ:

Ա - ստ Աստ - ուած:

ՓԱՌԻ ԶԱՐՈՒԹԵԱՆ ՔՈՍՏԵՐ

Չափադր ԱԿ և ԱԶ



Փառք յա ըու - թեան քո Տէր. ոչ դա-դա-րե - ցայց Քրիս -
 Փառք յա ըու - թեան քո Տէր. ոչ դա-դա-րե - ցայց Յի -



- սոս օրի - ցել ըզ - թեզ զա-մե-նայն
 - սուս գո - վել ըզ - թեզ զա-մե-նայն



ա - տուրս կեճ - դա - նու - թեան ի - մոյ:
 ա - տուրս կեճ - դա - նու - թեան ի - մոյ:



ես ոչ դա - դա - ը - րե - ցայց. Փըր - կիչ. փա -



ոա-տո - ըել ըզ - թեզ զա - մե - նայն



ա - տուրս կեճ - դա - նու - թեան ի - մոյ:

ԱՄԸՆ ԵՒ ԸՆԴ ՀՈԳԻՈՅԻ ՔՈՍՏԵՐ

Ծանր ԳԿ

5



Ա - մեճ եւ ընդ հոգ տոյդ քում 12



Տէր ո - ղոր - մեա:

Տէր 10 ո - ղոր - մեա:

Տէր ո - ղոր մեա:

Տէր ո - ղոր - մեա:


Կե - ցո Տէր եւ ո - ղոր - մեա: 6

Յի-շեա Տէր եւ ո - ղոր - մեա:

եւ ընդ հոգ - ւոյ քում:

Ա - ու - ջի քո

Տէր:



ՍԱՀԱԿ ՎՐԴ. ԱՄԱՏՈՒՆԻ

ՀՈԳԵՒՈՐ ԵՐԳՔ ՍԱՀԱԿԱՅ ԵՒ ՄԵՍՐՈՊԱՅ՝

Անցեալ 1915 դժնդակ տարում օսմանեան գարհուրելի արից կենդանի մնացած տանկահպատակ մեր դժբախտ հայ եղբայրները ինչպէս որ իրենց հայրենակամ տանից-տեղից փախուստ տալով գունդագունդ չունցին եկան ու թափուեցին Սուրբ Էջմիածին իբրև ի գիրկս մօր խնամակալութեան, այնպէս էլ թափուեցին Սուրբ Էջմիածին իբրև ի գիրկս մօր գրականութեան և նրանց մխիթարութեան հոգևոր պաշարները, այն է, Տանկատանում գտնուած վանքերի, անապատների, եկեղեցիների բոլոր Ձեռագիրները, որոնց մէջ կիմ անապատից բերուած կայ մի հագուագիտ Ձեռագիր որ միմիայն պարունակում է իւր մէջ Սրբոյն Սահակայ և Մեսրոպբայ միւնչեւ այժմ գրականութեան անծանօթ, **Երգք հոգևորք**, մի գիրք, որն Ե դարում սրբազան վաստակատէր հայրերիս ձեռքով գրուելոց լնտոյ, իբրև օրհներգութիւն միոյն Աստուծոյ գործ է դրուել մեր եկեղեցում ի տեղի. այժմեան շարականի և շարականների:

Տանք այժմ այս հոգևոր երգերիս գրքի գրութեան նկարագիրը, և այսա յառաջ բերե-

լով բովանդակ գիրքը, իրագեկ լինենք քաջապէս այն բանի մասին, թէ ինչո՞ւ է տարբեր այս նշանավոր հին գիրքը, այժմեան շարականից և Սուրբ Սահակն ու Մեսրոպը իրենց կեանքի ո՞ր օրերումն են գրել այս աստուածային տառը:

ա. Հոգևոր երգերս գրել է ոմն **Ա.ՂԱՆԱ՝** հաստ, կոկած, դեղնատուն թղթի վերայ, գրելով տեղ-տեղ երգերի վերնագիրը մանր, գեղեցիկ բոլորագրով. երգի առաջին տողը երկաթագրով, այսա գրութիւնը գեղեցիկ միջակ բոլորագրով (թղ. 19բ, 24ա):

Մէն միայն իւր անունը երկաթագիր փակագրով պահել է նա Մեծի Չորեքշաբթի երգերի խորագրի տակ ըստ այսմ՝ — **Կանոն Դ շաբաթին Ա.ՂԱՆԱ** (թղ. 72ա) իսկ եկեղեցւոյ ընդհանուր մանկանց համար ստ փրկիչն արած իւր կարճ աղերսը ամփոփել է նա փրկչի ծննդեան՝ «Ը զարք վերինք հիացեալ զարմանալին» երգի տակ և ընդհանուր գրութիւնից ջոկելու համար, գրել է մանր բոլորագրով, — «Եւ զաղաթս յաշուեալ զմանկանց մեր» (13բ):

Երկրորդ, երգի միայն առաջին բառը՝ երկաթագրով, այսա գրութիւնը գեղեցիկ բոլորագրով (46բ, 100բ, 115բ):

Երրորդ, երգի վերնագիրը խոշորագոյն բոլորագրով, իսկ գրութիւնը խոշոր սիրուն

¹ Մ. Մաշտոցի անվան Մատենադարան. Արխիվ Անգլերեթիմ Տեր-Հակոբյանի, թղթ. 74, վաւ. 77:

Սույն հոդվածը հրատարակութեան է պատրաստել Ա. Թ. Անդրեանը:

բոլորագրով (56բ, 60բ, 67ա, 72ա, 74ա, 77ա, 81ա, 82բ, 137բ):

Ի նկատի առնելով Չեռագրիս գրութեան այս հանգամանքները, Չեռագիրս գրուած է ԺԳ կամ ԺԲ դարում:

1836 թուին Վենետիկ տպուած նշանաւոր Հայկագեան բառարանը ունի հետևեալ բառերից, բայց է որ միակ օրինակը այս գրքից է:

1. **Չորօրինակ հարցնափառ**, որ և Փոքր Հարց կոչի, փառ, և փառեր հարցիցն որ են ի հին ժամագիրս կամ յերգարանս որպէս համառօտ շարականք ի տեղի այժմու ընդարձակ հարցներոյն. Չորօրինակ «հարցնափառեր ապաշխարութեան:

Հայր երկնատր որ առաքեցիր զմիածին որդիդ քո փրկիչ աշխարհի և այլն. տես Չեռ. թղ. 46բ:

Է որ բառը տարբեր ձևով, Չորօրինակ 2. Հ Բ ունի **երկթերթի**, առանց հոլովման, որ մեզ թուում է թէ երկթերթ բառի սեռական հոլովն է որն ունի այս գիրքը, — թղ. 4բ — «Ի ծնանել ձայնի ամոյն ծնա զբարբառ Զաքարիաս, քանզի մինչև բացեալ էր զշրթունս երկթերթ»:

Է որ բառը չունի և է որ բառերի օրինակները ունի տարբեր ձևով. ՀԲ չունի անբունակ. «Որ կամա եկիր ի չարչարանս մտեր ի գերեզման անբունական Ած» 89ա. 3. Նըռիիաբար (չունի), բարեհաճոյ, վերականարկեմ. թղ. 21 — «Որ զմարմնացեալն նորրաբար յածածնէն յերրորդութեանէն խոստովանեալ հաւատացեալ ի սիրոս մեր ընկալցոյք զնա որպէս ի գիրկս իւր Սիմեոն, Քանզի Ած բանն՝ թէ ողղափառ հաւատ ցուցար և բարեհաճոյ գործս, տաճար գոցոյք հոգևորական (ունի ՀԲ. — եթէ ողղափառ հաւատս ցուցցոյք և բարեհաճոյ...): Թղ. 29ա—29բ. Ապաշ. ԲԶ. Որպէս յուխից ի ծիսանաց կենցաղոյս... (վերջին տունը): «Այլ յուսով վերականարկեմ քեզ, որպէս Պետրոսի ձգեցեր զձեռն քո յազնականութիւն, գթայ ի յիս և ողորմեայ որպէս զմարդասէր: (Ունի ՀԲ — Որ Պետրոսի ձգեցեր յօգնութիւն զձեռն»:

Է որ բառի միակ օրինակը թեպէտ հին է, բայց ունի այս գիրքը: 4(ՀԲ) «Արհամարիցէ որ զհրապարակախօսն. Ոսկ. Յհ. ա. 34: Թղ. 29բ. ապաշ. ԲԶ. Յորժամ զմտաւ ածեմ... (վերջին տունը). Աւգնեայ ինձ ի քում հրապարակախոսաւ առեմին, և կեցոյ որպէս զմարդասէր:

Հոգևոր երգերիս դասատրութիւնը նման է ձեռագիր և տպագիր շարականների դասատրութեան, և ունի միայն բոլոր տերմուական տօները, բացի շարականի մէջ գտնուած **Տօն ծննդեան Ածածնի և Տօն Յովակիմայ և Աննայի ծնողաց Ածածնի**, որոնք սահմանուել են ԺԳ-րդ դարում և **Տօն աւետեաց** սբ.

Ածածնի և վերափոխման (սա աւոր), որոնք սահմանուել են Է-րդ դարում, կամ այս դարից առաջ:

Իսկ սրբոց տօների կարգից ունի միայն «Կանոն Յովհաննու Կարապետի» «օր ի Գրիգորէ և Տրդատայ... կարգեալ էի» և միահամուտ սրբոց հիշատակի համար՝ «Կանոն մարտիրոսաց»:

Չեռագիրս պակաս լինելով վերջից, յիշեալ կանոնից անթերի ունի ԱԶ-ից մինչև ԴԿ ձայնի Զ-րդ երգի միայն առաջին տունը, — «Պայծառացեալ ցնծայ այսաւր կաթողիկէ. կրկ. Տաւնելով զյաղթող ճգնութիւն սրբոց մարտիրոսաց» (թղ. 154բ):

Մարտիրոսաց կանոնի յաջորդ կանոնը ըստ օրինի պիտի լինէր «Կանոն յաժօրէն ննջեցեղոց», որը տարաբախտաբար պակաս է:

Դ. Չեռագիրս գրուած է 21 քառածայ տետրակների վերայ, որոնցից յորաքանչիւրը բաղկացած է 8 թերթից և այբբենով իրարից բաժանած, այբբենի ամէն տառը գրած տետրակի առաջին և վերջին երեսների վերայ՝ ըստ այսմ՝ ա—ա ք—ք և շարունակաբար այսպէս գրած ու հասցրած մինչև յ:

Այս տետրակներից պակաս են. սա տետրակի սկզբից 5 թերթ, միջից՝ 1 թ (2—3)

է տետրակի	»	1 թ (26—27)
ը	»	» 1 թ. (55—56)
լ	»	» 3 թ. (84—85)
հ	»	» 2 թ. (110—111)

և են ընդամենը 54 երգ ըստ այսմ՝ ԱԶ—10, ԱԿ—9, ԶԲ—13, ԲԿ—5, չունի ԳԶ, ԳԿ ձայները. ԶԴ—10, ԴԿ—Ը:

Հոգևոր երգերիս մէջ ոչ մի երգ չունի իւր բառերի վերայ ըստ օրինի երածշտական խազեր կամ ձայնանիշեր:

Յայտնի է ամենքիս, որ երգի առատելութիւնը կայանում է իւր խազերի մէջ, որոնք տխոր կամ ուրախ գեղգեղանք, դայլայլիկք յառաջ բերելով, ընկնում են մարդիս հոգին իրենց տխոր կամ ուրախ անմարմին թևերի տակ, և այնուհետև լինում է մարդս տխոր կամ ուրախ:

Արդ, անկարելի է որ սքն. Սահակ և Մեսրոպ չհասկանային երածշտական գիտութեան այս յայտնի և զլխատր օրենքը և հետևապէս իրենց գրած երգերն էլ գրէին ու կարդային առանց երածշտական խազերի:

Մեծ հաջրերիս համար այսպիսի տկար մտածմունք մեր մտքովն անցնելն անգամ մեծ մեղանշականութիւն է մեր կողմից: Մեղանշականութիւն է այն պատճառով, որ եթէ կայ մի յայտնի երգ կամ եղանակ, նա անպատճառ պիտի ունենայ և իւր յայտնի ու յատուկ խազերը, — երգին կամ եղանակին կենդանութիւն տուող այդ անմարմին էակ-

ները, որոնք հայելով, միանալով երգի հետ, իրենց ուրախ կամ տխուր թոխչքներով ցույցնում են նրա իսկական պատկերը ճիշտ այնպես, ինչպես մեր ապականացու մարմնի մէջ լինթացս կենաց անապական մնալով հոգի և շունչ, իրենց պարզևած զգայական շնորհքներով գատում որոշում են մեզ անզգայ տարրերից, և յայտնում քարոզում մեր բանատր արարած լինելը: Կրկնում ենք, մի երգ թէ շունի մեր հոգու կամ սրտի վերայ տխուր կամ ուրախ գեղգեղանք փշող սիրո և գգուանաց ցուրտ կամ ջերմ սիրոյ հովեր շնչող խազեր, նա երգ չէ, այլ երգի շնորհքներից գուրկ հասարակ գրուածք, մինչդեռ ակնկալտի տեսնում ենք, որ Սուրբ Սահակի և Մեսրոպի յօրինածները հասարակ գրուածքներ չեն, այլ «Հոգևոր երգեր» և յօրինուած միայն այն նպատակով, որ հոգի Աստծուն խմբովին հողեղեն լեզուով բարեբանելու և փառաբանելու դէպքում, ընդ միշտ պիտի բարեբանել և փառաբանել «աֆի և դողութեամբ» (քգ. Զարթ), «արթուն մտօք և անզբօս խորհրդով» (քգ Զ ժամ) և լալով «հոգևոր երգով», որպիսիքն տեսնում, կարդում ենք թէ իրենց նուիրական այս նոր երգերի մէջ և թէ սուրբ ժամագրքում:

Իսկ ո՞ր ուսան երկու սուրբ թարգմանիչներս իրենց այլ և այլ բարձր գիտութեանց հետ երածշտութեան դասն ու ուսումը, և յրենց ուսածները անփոփոխ բերին թողին մեր աշխարհի մէջ, և անփոփոխ մատակարարեցին մեր աշխարհի ուսումնաստենչ որդւոց, ըստ չափ ու կարողութեան պարզելք այս խնդիրը, դիմելով մեր պատմական գրուածքներին:

Իսկ հոգևոր երգերս այսպէս անխնայ յայտնի բարի նպատակով իրենց ճոխ հին խազերից փետրահան արած ու թողած ի ծոց եկեղեցւոյ՝ նրա Կրօնասէր որդւոց համար իբրև մի գուտ դասնաբանական գիրք նրա երգասէր որդւոց համար շարականներ յօրինելու իբրև անվրէպ ձեռնարկ և ուղեցոյց, նրա գրականասէր որդւոց համար իբրև վայելչագեղ գրութեան գեղեցիկ օրինակ ու նմուշ, որին ծարաւ հոգով դիմել են թուած որդիքս, այս պատահել է հաջորդ դարերում, և կպարզենք իրենց տեղում:

Հոգևոր երգերիս մէջ տեղ տեղ ցոլում են այլաբանական ակնարկներ, որոնք ցույց են տալիս թէ սքն. Սահակ և Մեսրոպ այս ոգեշունչ երգերը իրենց կեանքի ժամանակի ո՞ր օրերումն են գրել, և երկրորդ, արդէօք Հայոցս աշխարհի խաղաղութեան և անդորրութեան՞ ժամանակ են գրել թէ նրա վրդովման, երկպառակութեան և անմիաբանութեան ժամանակ:

Յայտնի է պատմութիւններից, որ Ե-րդ դարում Սք. Սահակի օրով Հայոցս Արտաշիր

թագաւորի նախարարները՝ Արտաշիր ի գեղիս, անառակ, անկարգ ու անկանոն վարք ու բարքից տաղտկացած, դիմեցին սք. Սահակին միաբանել իրենց հետ, և գահընկեց անել Արտաշիրն՝ պարսից Վուամ թագաւորի ձեռքով: Մեծն Սահակ իհարկէ երբ չհամաձայնեց նախարարների այս դավաճան խորհրդդին ասելով նախարարներին «Ինձ քաւ լիցի մատնել գայլոց զիմ մոլորեալ ոչխար (Խոր. Գ. ԿԳ)... զիս՝ որ լինիցի այդ, փոխանակել զիմ ախտացեալ ոչխար ընդ առողջ գազան» և թող այս, երբ մեծ քահանայապետս իր հայրական խրատներով ու յորդորներով չկարողացաւ զսպել, մեղմացնել նախարարների կատաղի բարկութիւնը, և յետ կասեցնել նրանց իրենց տիրանեց խորհրդից, այն ժամանակ նախարարները — այս ապերախտ հայերը անպատկառաբար ասացին սք. Սահակին երեսն ի վեր. «Վասն զի ոչ կամեցար մեզ՝ զթագաւորել նմս, արդ մեք ոչ կամեցուք և քեզ զքահանայանալ մեզ» (Խոր. Գ. ԿԳ):

Եւ իրօք դիմելով Վուամին խնդրեցին «Ի բաց ընկենույ զթագաւորն իրեանց և պարսիկ անել ունող աշխարհիս» — պարսիկ կառավարիչ նշանակել մեր աշխարհի վերայ (Խոր. Գ. ԿԳ): Եւ խորամանկն Վուամ ըստ առաջարկութեան նախարարների ոչ միայն գահընկեց արեց Արտաշիրն և յարքունիս գրաւեց նրա բոլոր ունեցածը — «զամենայն ինչս» կարգելով Արտաշիր տեղ պարսիկ մարզպան Վեհմիհրշապուրհին, այլև միաժամանակ գահընկեց արեց և սուրբ Սահակի, յարքունիս գրաւելով մեծանուն հայրապետիս վարթամ հայրապետանցը, — «զտունն կաթողիկոսական» (Խոր. Գ. ԿԳ), կարգելով մեծ Քահանայապետիս տեղ քաւ և սնափառ արծկեացի երեց Սուրմակին որն այս բոլոր նորանոր չար գործողութեանց և փոփոխութեանց մածունն ու մէխանն, հեղինակն և աղբիւրն էր, որովհետև երբ Վուամը Արտաշիրի և սուրբ Սահակի գործերը հրապարակաւ քրքրում քննում էր, անելի կարևորութիւն տուեց միայն Սուրմակի՝ այս անարժան հոգեւորականի խօսքերին, «Յօժարութեամբ լսէր չարախօսացն, առաւել ևս յոյժ աղտեղութեան բանիցն Սուրմակայ» (Խոր. Գ. ԿԳ):

Բայց Սուրմակը ինչո՞ւ համար էր աղտեղի խօսքեր խօսում, որովհետև «զաթոռ եպիկոպոսութեանն էր նմս նախարարացն խոտացեալ» (Խոր. ԿԴ):

Արդ, Արտաշիրից յետոյ երբ «բարձաւ Հայոցս թագաւորութիւնը, և Սուրմակի, Բրքիշոյի և Ծմուշի վարած անարժան կաթողիկոսութիւնից յետոյ երբ միաժամանակ բարձաւ և «Հայոցս արժանատր կաթողիկոսութիւնը» որոց համար Խորենացին սսում է լալով —

«Ողբամ զբեզ Հայոց աշխարհ, զի բարձաւ թագաւոր և բահանայ» (Խոր. Գ. ԿԸ. ԿԴ). այս երկու թանկագին կորուստները հայոց նախարարները ի նկատի առնելով, ուստի մի կողմ դնելով սուրբ Սահակին ցույց տուած իրենց ապաշնորհ և անպատկառ վարմունքը, խորին պատկաստանքով և կորագլուխ մտնեցան Քահանայապետիս, աղաչեցին, որ վերստին ընդունէ կաթողիկոսութիւնը «զմեղանս յանձն ատեալ՝ աղաչէին զնա բարձեալ ունել զԱթոռն» (Խոր. Գ. 42), բայց մեծ քահանայապետն երբ յանձն չտուալ, «այլ նա ոչ առնոյր յանձն (անդ) խորին խոցուած այն դառն հանգամանքից, որ այս կողմ և անմիաբան նախարարները ոչ միայն Հայոց թագաւորութեան ու քահանայապետութեան անկման պատճառ դարձան, այլև Հայաստան մի այնպիսի օրորոց շինեցին պարսից ձեռքին, որի մէջ այլևս դժուարին էր աստուածային խաղաղութեան և անդորրութեան օրօրների անուշ ձայն լսել և խաղաղ և անվրդով քնել»:

Ըստ իս, այս խոսվալոյզ հանգամանքները եղան պատճառ, որ իմաստուն մեծ քահանայապետս Վաղարշապատից փոխադրուեց հագրասնդ, և այս նոր քաղաքի կաթողիկէից—Էջմիածին (ՀԲԲԵ), սկսեց «զհոգևոր կաթն դիեցուցանել մանկանց եկեղեցու հանդերձ Մեսրոպա գործողեալ խարքսխեաց յեկեղեցուցն կաթողիկէ ի Վաղարշապատ քաղաքի» (Խոր. Գ. ԿԶ): Արդ մասամբ ի իր հաւանական է, թէ երկու հայրերս իրենց հոգևոր երգերը յօրինել են այս խոսվալոյզ ժամանակ, որովհետև սուրբն Սահակ մութ ակնարկութեամբ՝ իր գրած **Ծննդեան** մի երգի մէջ յառաջ է բերում այն դառնավարամ անցքերը, որոնք եկան դարձան մեր դժբախտ ազգի, նրա եկեղեցու և նոյնիսկ իր մեծ հայրապետիս զխոսով, և անցքերը պատշաճում են անելի Վոսմի ժամանակ պատահած անցքերին՝ քան ուրիշի:

Իսկ այս ցաւալի անցքերը ցաւագին սրբտով սուրբ հայրապետս սուրբ կոչս Մարիամ Աստուածածնի տեսութեան առաջ դնելով, «Աղաչում է աստուածամօրս, բարեխօսել սո Փրկիչն աշխարհի «փրկել զեկեղեցիս ի Հարաւային բռնութենէ», իմա՝ Պարսից պետութիւնից, կամ անելի պարզ՝ Վոսմից», «և չբթողնել արա աղախնին հանել իր տիկինը (մեր աշխարհի մէջ ի գբօսանս), և աղախնը իր որդիքներով (իր ընկեր նաժիշտներով) փախչել յանապատ աստուածամօրս երեսից»․ անաւասիկ երգը.

«Որպիս լեր աշխարհի մայր և կոչս ... Որպիս լեր աստուածային խորհրդանոց, գրբի՛ պատմել ոչ բաւեմք, այլ միայն աղաչեմ՝ բարեխաւսեալ, որում զկուսականդ արբուցիլ զկաթն, փրկել զեկեղեցի ի հարաւային բռն

նութենէն և մի թողացուցանել յաղախմուն հանել զտիկինն: Այլ գառաջինս խորհրդաբար ի մեզ կատարել, զի միս անգամ աղախնին որդեալն (որդովքն) իրովք փախիցէ յանապատ յերեսացո տիկնոջ և մեր խաղաղացեալք ընդ հրեշտակապետին գոչեացուք զերգս. Որպիս լեր անթաւամ աշխարհի պատկ»: Հոգերգ. Ծբ:

Սուրբ Սահակի մրմունջի պէս ու ձայնով և ազդրութեամբ նրան հաւատար այլպէս էլ սուրբ Մեսրոպն է մութ ակնարկութեամբ իր աղերսը սիտում առ ոտս երկնատը Հօր՝ իր գրած ապաշխարութեան մի երգի մէջ, աղաչելով երկնատը Հօրը, ի դէպ ժամո «Աղորմութեամբ խրատել իր ժողովրդեան և իր սրբութիւնները կործանող, իր հաւատացեալներին անարգող անօրէնների ձեռքը չմատնել»․ անաւասիկ այդ երգը.—

— Զի թեպէտ և բազում անգամ մեղանչեմ, դու ես Աժ մեր բայց ի քէն զայլ ոք ոչ գիտեմք սբ. երրորդութիւն. ողորմութեամբ քո խրատեալ մեզ, և անօրինաց մի մատնիլ. Զսրբութիւն քո կործանեցին և գհաւատացեալս ի քեզ անարգեցին. Ահայ մեծարանել հեթանոսք ուր է Աժ նոցայ. յամենայնի կարող և նախանձոտ տէր լոյր մեզ և ողորմեալք: ՀՈԳԵՐԳ. 35ա:

Բիզ. Ե. դպ. Դ. «Եւ սբն. Ներսէս գրագուկան համբարձեալ յերկինս խնդրէր ի տեսունէ... մի տալ գծողովորդսն ի ձեռս հեթանոսաց, զի մի երբէք ասիցեն ի հեթանոսս թէ ուր է Աժ նոցա»:

Այսպէս էլ անհաւանական չէ, թէ երկու տօնելի հայրերս իրենց այս աստուածային պատգամները գրել են մեր աշխարհի անդորրութեան ժամանակ և այն ժամանակ երբ խաղաղ սրտով ու հոգով իրենց սիրասուն աշակերտների հետ գբաղում էին Ս. Գրոյ թարգմանութեամբ և ժամակարգութեան պաշտամունքների կարգաւորմամբ: Եթէ այսպէս ընդունենք, ուրեմն երկու սրբերիս յառաջ բերած վերոյգրեալ դառն ակնարկները՝ կվերաբերեն ոչ թէ Վոսմի ժամանակին, այլ նրա գարշելի պապերի և հաւերի, որոնք ըստ սրբոյն Մեսրոպայ բանի, Աստուծոյ «սրբութիւնները կործանելու, նրա հաւատացեալներին անարգելու» և մեր թագաւորներին ու քահանայապետներին անգոսնելու և արհամարհելու կողմից, պակաս չէին անօրէն Վոսմից և այս կարգի թագաւորներից՝ պարսից մէջ, սուսջինը եղաւ Ծապոնի հսկ վերջինը՝ Վոսմ և իր յաջորդները: «Վոսմի սս (Ծապոն) ... սուսջին ի կարգս հալածչաց եկեղեցուցն Հայոց (ՊԷԵԶ թղ. 9բ):


Եւ այսպէս. որ ժամանակ էլ որ գրուած լինեն հոգևոր երգերս, ասկայն նոքա ուրիշ դարի և մարդոց գրչի արդիւնք չեն, այլ պատկանում են սուրբ Սահակի և Մեսրոպի


արդիւնատր գրչին, որպէս ցոյց են տալիս իրենց ակնյայտի պատուական լեզուն, ակնյայտի Աղօթից եօթը նախնական ժամերի լինելը, ակնյայտի Սաղմոսների՝ մանաւանդ ութ կանոնների տակ դրուած Մարգարէից օրհնութեանց և Երից մանկանց երգի (օրհնեալ եւ տէր Ած հարցն մերոց) և սրայաչորդ երգերի կամ սաղմոսների ձևով, ոճով և իմաստով գրած հետևողութիւնները. ակնյայտնի՝ սբ. Գրքի օրհնակները՝ մանաւանդ Սբ. Աւետարանի առակները և խրատները զուգահաւասար խօսքերով վերընծայելու. ակնյայտնի՝ խորին հնութեան կնիք կրող ութ ձայների այժմեանից տարբեր գրութեան ձևը և նրանց անունները, որպիսիք են ՁԲ, ՁԳԿ, ՁԴ, ԿԶԴ, ԳԿ և Կ. ակնյայտնի խորին հնութեան կնիք կրող երածշտական գիտութեան վերաբերեալ կանոնները, որոնք նըմարում են ձայնատր տառերի վրայ, որպիսիքն են ա, ե, է, ը, ի, ո, որոնք դրուած են տեղ տեղ բառերի սկիզբը և տեղ տեղ բառերի մէջ՝ բառը կազմող գրերի հետ կից, երգի տաղաչափական կարճ ոտը կամ լանգը տեղը բերելու-լրացնելու համար. ակնյայտնի՝ խորին հնութեան կնիքը կրող և սօների դա-

աստրութիւնը և սօները և այլն, որպէս ցոյց տուաք վերևում:

ՅՈՒՑԱԿ

- Համառօտ և Արձակ ձեռագիր և տպագիր գրքերի, որոնցից օգտուել ենք աշխատութիւնս կազմելիս.
- Բիւզ. Փատոտսի Բիզանդացոյ Պատմութիւն Հայոց ի չորս դպրութիւնս. Վենետիկ, 1892.
- Խոր. Մովսիսի Խորենացոյ Պատմութիւն Հայոց ի Վենետիկ, 1827.
- ՀԲԲՆ. Հայոց Բառ ու Բան. աշխատասիրեց Սահակ վրդ. Ամատունի, միաբան Մայր Աթոռոյ ս. Էջմիածնի, Վաղարշապատ, 1913.
- ՀՈԳԵՐԳ. Հոգևոր երգք սրբոյն Սահակայ և Մեսրոպայ, ձեռագիր Լիմ անապատի, բերուած սբ. Էջմիածնի մատենադարանի 1916 թոի օգոստոս.
- ՊԷԵԷ ձեռագիր. Պատմութիւն հալածչաց եկեղեցոյն Հայոց. գրեաց Աբել արքեպ. Մխիթարեան. գտնուում է իմ՝ Սահակ վարդապետիս մոտ:





ՎՐԹԱՆԵՍ ՔԵՐԹՈՂԸ ԵՎ ՊԱՏԿԵՐԱՄԱՐՏՈՒԹՅՈՒՆԸ

1. ԸՆՐԺՈՒՄԸ ԵՎ ՀԱՅ ԵԿԵՂԵՑԻՆ

Ընդհանուր եկեղեցու պատմության մեջ պատկերամարտությունը Ը դարում ծնված երևույթ է: Այս ավելի քան եկեղեցական-դավանաբանական վեճը առընչություն ունի նաև արվեստի պատմության հետ: Պատկերամարտները դեմ էին նկարներին, որովհետև, ըստ նրանց, կուսպաշտություն էր և սրբապղծություն Քրիստոսին ու նրա առաքյալներին նկարելը:

Եարժույթը կապվում է Բյուզանդիայի Կոնստանդուպոլսի կազմեր անվան հետ, որը 726-ին հրովարտակ է հանում բոլոր եկեղեցիներից պատկերների վերացման մասին. «Առ ազատելոյ զեկեղեցի ի կուսպաշտութեան մոլորութենէ»¹:

Պատկերների դեմ շարժումը սակայն կա քրիստոնեական ստաջին դարերից:

Երբ եկեղեցական հայրերը արգելեցին պատկերների հարգանքը, ստեղծվեցին Քրիստոսին, Սուրբ Հոգուն ներկայացնող զանազան խորհրդանկարներ՝ աղավնի, քնար, ձուկ, խարիսխ, և հատկապես խաչ²: Միայն Գ և Ե դարերին է, որ խորհրդանկարները տեղի են տալիս նկարներին: Վերերը իր «Ընդհանուր պատմություն»³ աշխատության մեջ ասում է. «Քրիստոնեության հետ Հռոմեական նահանգներում մուտք գործեց նաև պատկերներ ու սրբերի նշխարներ հարգելու սովորությունը»: Դեռևս 306 թ. Իսպանիայում գումարված (հավանաբար գաղտնի) Իլլերիսի ժողովի 36-րդ կանոնը հրամայում էր. «Պետք չէ, որ եկեղեցիներում պատկերներ լինեն, և Նա, ով պաշ-

տեղի ու երկրպագելի է, նկարվի պատերի վրա»⁴: Բայց անշուշտ նկարների թիվն ու հարգանքի աստիճանը միակերպ չէր քրիստոնյա աշխարհի ամբողջ տարածքին: Մեծ դեր էր խաղում տեղական սովորությունը՝ հեթանոսական կրոնի թանձրությունը և եկեղեցական ազդեցիկ պետերի հակումը: Դեռ Գ և Ե դարերում նեստորականները լայն կերպով հակադրվում են պատկերամարտության: 488-ին Մաքունի և պիսկոպոս Փիլոկսենուսը գրում է. «Հարկավոր է գիտենալ, թե Աստված ընդունում է միայն հոգավոր ու ճշմարտությամբ երկրպագելը: Միայն է մարմնավորել հրեշտակներին, Քրիստոսին, և Սուրբ Հոգուն աղավանակերպ ներկայացնելը»: Չ դարավերջում Մարսիլիայի եպիսկոպոս Սերենուսը մեծ եռանդով նկարները դուրս է գցում եկեղեցուց, որպես կուսպաշտության տարրեր: Իսկ այլ տեղերում հավատացյալները երկրպագում են փայտին, հրճվանքով հարգում այն տեղերը, ուր շրջել է Քրիստոս, նստել կամ երևացել: Հարգում են սուկ տեղը՝ քաղաքը, քարերը⁵: Ահա թե թժ դարում ինչ է գրում Կակազ Միքայել Բ կապրը արևմուտքի Լուդովիկոս կալսեր. «Նրանք (պատկերամարտները—Ե. Մ.) հետագրել են եկեղեցիներից սուրբ խաչը և նրա տեղ դրել պատկերներ, որոնց ստաջ կան կանթեղներ: Այդ պատկերների ստաջ խունկ են ծխում, սաղմոսներ երգում, երկրպագում և հատկապես նրանցից սպասում օգնություն... Քահանաներից և կղերականներից ոմանք պատկերների ներկերը քերում են և խառնում Հաղորդության հետ»: Ուրեմն շարժումը կա դեռևս քրիստոնեական վաղ դարերից, բայց Ը դարում ավելի բուռն ձև է ստա-

¹ «Պատմություն տիեզերական ժողովոց եկեղեցույ, որք յարևելս գումարեցան», Վիեննա, 1847 թ., էջ 470—471:

² Երվանդ Տեր-Մինասյան, «Ընդհանուր եկեղեցական պատմություն», Էջմիածին, 1908 թ., Ա հատոր, էջ 198—199:

³ Մոսկվա, 1887 թ., Ե հատոր, էջ 220:

⁴ Հեֆլիկ «Տիեզերական ժողովների պատմություն», Փարիզ, 1869—1873, Ա հատոր, էջ 149:

⁵ Լեբեդև, Вселенские соборы VI, VII, VIII веков, Մոսկվա, 1897, Բ հատոր, էջ 131—135:

նում⁶։ Ը դարից մինչև ԺԱ դար պայքարը ընթանում է շատ լարված և հանգեցնում հույն և հռոմեական եկեղեցիների բաժանման։ Օրինակ. 754-ին Պոլսում գումարված պատկերահարգության դեմ վճիռ արձակող ժողովին մասնակցում են 338 եպիսկոպոսներ և հրամայում. «Ով որ այսուհետև համարձակվի պատկերներ հորհնել, կամ պատվել, կամ դնել եկեղեցում, կամ մասնավոր տան մեջ, կամ ով որ համարձակվի ի ծածուկ ունենալ այդպիսի պատկերներ, կկարգալուծվի և կբանադրվի»։ 787 թվականին սակայն, Իրինե կայսրուհու հրավերով Նիկիայում գումարված ժողովին մասնակցող 367 եպիսկոպոսները որոշում են. «Սուրբ և անարատ պատկերների նույն երկրպագությունը մատուցել, ինչ որ սուրբ և կենարար խաչի նշանին, թե՛ դեղով ներկված, թե՛ մոզաիկից և թե՛ որևէ այլ նյութից շինված»⁷։

Հայ եկեղեցին որոշ չափով կողմնակից է եղել պատկերահարգությանը, բայց, պետք է նշել, խուսափել է կուտակումից, պահելով չափի զգացողությունը։ Այնուամենայնիվ, եղել են ծայրահեղ հոսանքներ, որոնց ներկայացուցիչները հեռացել են եկեղեցուց և հերված առաջացրել։ Հայաստանում էլ պատկերամարտների շարժումը տարածվել է հիմնապես աղանդավորների՝ այդ թվում մծղնեականների, պավլիկյանների մոտ։

Հովհան Մայրագոմեցին իր Դավիթ Մեծ կողմանց եպիսկոպոսին ուղղած թղթում գրում է որ պատկերամարտները կոսպաշտություն և Ս. Գրոց պատվիրաններից դուրս էին համարում նկարների հարգանքը. «Մեք ոչ պագաններ երկիր պատկերաց, զի ոչ ունինք հրաման ի գրոց»։ Նա պատմում է, որ Հեսու, Թադեվոս և Գրիգոր քահանաները բաժանվելով եկեղեցուց անցնում են Սոթք գավառ և սկսում են քարոզել «Ի ռաց ջնջել» նկարները եկեղեցուց։ Մովսես Նիկիարդեցի կաթողիկոսը (574—604) կանչում է նրանց իր մոտ, բայց մերժում են գալ։ Հեսու Գարդմանա տերը ձերբակալում է նրանց, ուղարկում կաթողիկոսարան, ուր և համոզելով դարձի են բերում՝ «Ձթիրություն նոցա ուղեցաք»⁸։ Հովհան Օձնեցին իր «Հնդդեմ Պաղիկեանց» ճառում դատապարտելով պավլիկյանների մուլար գաղափարները՝ անդրադառնում է նաև նկարներին և ասում որ պավլիկյանները «Ի պատկերամարտութենէ ի խաչամարտութիւն և ի քրիստոսատեցութիւն և անդուստ յանասուածութիւն և ի դիւսպաշտութիւն» են հասել։

Հատ մեր եկեղեցական պատմության վկայության և դավանության մենք ոչ թե պատկերներն ենք պաշտում, այլ նրանց վրա նկարված սրբերին ենք փառավորում և նրանցից բարեխոսություն խնդրում։ Կորաքամակ պիտի չընկնել նրանց առաջ և միայն նրանց վրա չդնել հույսը, ինչպես հեթանոսներն էին անում։ Մենք խաչին և նկարներին երկրպագում ենք որպես միջնորդի՝ Աստծու օգնությունը խնդրելու համար⁹։

Չափի այս զգացողությունը առանձնահատուկ է հայ եկեղեցու բոլոր հայերին։ ԺԱ դարում ապրած Անանիա Սանահնեցին գրում է. «Այլ մեք նկարեմք զպատկեր Քրիստոսի և զսուրբելոց և զմարգարեից և հայեցեալ տեսանեմք և պաշտեմք, այլ ոչ հրամայեմք տխմարաց և տգիտաց ժողովոյոց առանէլ քան զպահն պատիւ և պաշտոն մատուցանել, զի մի տգիտութեամբ զայթակղեալ ի կոսպաշտութիւն անկանիցին»¹⁰։ Մրենը, Աղթամարի ս. Խաչը, Անհի ս. Գրիգոր Լուսավորիչը ունեցել են որմնանկարներ ու որմնաքանդակներ, որոնք, թեև, բացատրվում են տեղի եպիսկոպոսի անհատական նախասիրությանը։

Մեր եկեղեցական մատենագրության մեջ Մայրագոմեցու վերոհիշյալ թղթից բացի մեզ հասել է վերջինս հերթողի «Յաղագս պատկերամարտից» նշանավոր թուղթը։ Բայց նախ՝ ով է վրթանես հերթողը։

2. Հ Ե Ղ Ի Ն Ա Կ Ը

Վրթանես հերթողը հայ եկեղեցական պատմության ակնաավոր դեմքերից է։ Նրա տեղապահության օրով են սկիզբ առնում հայ-վրացական եկեղեցական վեճերը, որոնք հանգում են բաժանման։

Նրա կյանքի մանրամասնությունները անծանոթ են։ Ժ դարի պատմիչ Ուխտանեսը նրա մասին գրում է. «Վրթանես այս վարդապետ եղեալ հայոց՝ սնեալ և ունեալ ի տան կաթողիկոսարանի»¹¹։ Մաղաքիս արք. Օրմանյանը հենվելով նրան տրված քերթող մակդիրի վրա, նրան համարում է Տաթևի Սյունյաց դպրոցի աշակերտ։ Այդպես է գրված նաև «Սիոն»-ում ներկա թղթի հրատարակության առթիվ գրված ծանոթության մեջ¹²։ Նրա քերթող մակդիրը ամենայն հավանականությամբ տրված է իր ուսումնական կարողությունների համար։ Թղթերից երևում է, որ լավ ծանոթ է հունարեն լեզվին և հույն հեղինակներին։

Իրեն ուղղված թղթերի մեջ ծանոթ է Քչկանդղի մականունով. «Փառաւորելոյ Տերանց Վրթանեսի Տե-

⁶ Լեբեղևի խոսքերով. «Դիմադրությունը (պատկերամարտությունը Ե. Մ.) Դ դարում մահանում է վտանգավոր կայծի պես մինչև Ը դար, երբ բորբոքվում է և դառնում մեծ հրդեհ»։

⁷ Լեբեղև, անդ, էջ 192—203։

⁸ Մայրագոմեցին այս կերպ է բացատրում պատկերամարտության ծագումը. նկարիչները հպարտանում են և իրենց բարձր դասում գրիչներից, որովհետև իրենց ամեն մարդ է կարողում իսկ գրիչներին միայն քշերը. նկարիչներին դատապարտում են և հալածում։ «Հանդես Ամսօրեայ», 1910, էջ 38։

⁹ Հ. Գ. Զարբհանաչյան, «Յաղագս Բարեխոսությանց Սրբոց», Վենետիկ, 1852, «Յանելում»։

¹⁰ Ա. Սեդրակյան, «Հայ եկեղեցու պատկերահարգությունը», Ս. Պետերբուրգ, 1904, էջ 128։ Օտար հեղինակներից բերված նյութերի մի մասը քաղել ենք այս գրքից։

¹¹ Ուխտանես, «Պատմություն հայրապետաց և թագաորացն հայոց և բաժանման վրաց», Էջմիածին, 1871, Բ—59։

¹² «Սիոն», 1927, էջեր 23—25 և 61—63։

բանց նուիրակի վարդապետի Բշկանորդու»¹³։ Իր հասար գործածված են նաև **Շաղհասար և Տերանց նուիրակ** մակդիրները։ Առաջինը, ըստ Հ. Ն. Ակինյանի (մանրամասն տես՝ «Հանդես ամսօրեայ», 1910, էջ 9, Բ պլանակ, ճնթ. 1) նշանակում է արբունուտ նշանակված տեղապահ, իսկ Օրմանյանը անհասկանալի է նկատում բառը։ Երկրորդը՝ **տերանց զինվոր** է թարգմանում Ակինյանը, այսինքն՝ քաղաքական մակդիր, մինչդեռ Օրմանյանը ավելի տրամաբանորեն ասում է, որ Սորմենու Սորասելյանը Վրթանիսին ուղղած իր թղթում («Գիրք Թղթոց», 90—92) այդ անվանը գործածում է, որովհետև Վրթանեսը Գրիգոր անունով մի վարդապետի հետ մասնակցում է Վ. Պոլսում 589-ին գումարված ժողովին, որպես Մովսես Եղիվարդեցի կաթողիկոսի նուիրակ, ներկայացուցիչ¹⁴։

Վրթանես Քերթոզը Մովսես Եղիվարդեցի կաթողիկոսի մահից հետո 604-ին տեղապահ է ընտրվում մինչև Աբրահամ Աղաթանից կաթողիկոսի ընտրությունը՝ 607։

Շատ մեծ է եղել Վրթանես Քերթոզի դերը «Գիրք Թղթոցի» կազմության գործում։ Չանազան եկեղեցական հայրերի թղթեր ու նամակներ է ուղարկում բուն կազմող՝ Գուգարաց Ցուրտավ քաղաքի եպիսկոպոս Մովսեսին։ «Գիրք թղթոցում» կան նաև Վրթանեսի բազմաթիվ թղթակցությունները քաղկեդոնականության դեմ։ Իր մի նամակում Մովսես եպիսկոպոսը գրում է. «Զգիր երանելոյն Տիմոթեոսի բովանդակ ստացայ, և թողոթք, որ ի սուրբ եկեղեցուդ և առ ձեզ գտան, զամենայն գրեցի։ Հասին առ իս և այլ թողոթք բովանդակ տեղեաց երանելի վարդապետացն, որք լանդիմանեն և նզովեն զծողով երկարնակացն»։ («Գիրք թղթոց»—140)։ Մեծ է եղել նրա ազդեցությունը նաև ժամանակակից եկեղեցականների վրա։ Ահա թե ինչպես է ընդունվել նրա թողոթք. «Որպէս երկիր ծարաի՝ ի բազում երաշտութենէ պաքքալ, ընդունելով անծրև շահեկան գուարճացեալ ինքեան ցուցանէ զամոլորութիւն, զանուշահոտ ծաղիկն երեւեցուցանելով տեսողացն»¹⁵։

Բայց Վրթանեսի մտտեհագրական վաստակում մեծ տեղ է գրավում «Յաղագս Պատկերամարտից» թողոթքը։

3. ԹՈՒՂԹԸ ԵՎ ԱՐԺԵՔԸ

Վրթանես Քերթոզի վերոհիշյալ թողոթքը առաջին անգամ 1852 թվին հրատարակել է հայր Գարեգին Զարբխանյանը իր «Յաղագս բարեխօսութեանց արքոց» գրքի հավելվածում, որ կան նաև ուրիշ թղթեր նկարների ու արքերի նշխարների պաշտամունքի մասին։ Հրատարակված է մեկ ձեռագրի հիման վրա, բայց կատարված են ուղղումներ ուղղագրության և բնագրի քերականական կատուցվածքի մեջ։

Երկրորդ անգամ այն հրատարակել է մեծ բանա-

ներ Եղիշև Պատրիարք Իուրյանը Երուսաղեմի «Սիոն» ամսագրում, 1927 թվին (էջեր 23—25 և 61—65)։ Հրատարակվել է մեկ ձեռագրի օրինակով, բայց համեմատելով նախորդ հրատարակության հետ։ Նշված են տարբերությունները և երբեմն՝ այս կամ այն օրինակի ճիշտ լինելը։ Որոշ տողեր ներս են առնված նախորդ հրատարակությունից։ Սիրարսի Տեր-Ներսիսյանը 1945-ին այն թարգմանում է ֆրանսերեն և ընդարձակ ծանոթագրություններով հրատարակում առանձին գրքուկով։ Այժմ այն հրատարակում ենք 4 օրինակների համեմատությամբ։ Տպագիր օրինակներից վերցրել ենք առաջինը։ Մյուս երեք օրինակները Մաշտոցի անվան Մատենադարանի ձեռագրերն են։ Հեկվել ենք 3062 ձեռագրի վրա (նշված Ա, 192թ—194թ), որովհետև այն ավելի ամբողջական է, քան մյուսները։ Երկրորդ՝ այս օրինակը արտագրված է շատ գիտակ գրչի կողմից (Խաչատուր Վ. Պոլսցի, 1765—1767 թվերին, էջմիածնում, ստացող՝ Աբրահամ Աստապալանցի), որովհետև բանալերի հնտությամբ լուսանցքներում նշված են Աստվածաշնչից կատարված մեջբերումների տեղերը։ Օրինակ՝ երբ բնագրում խառնվում է տևուտես կնոջ ապաքինման մասին և ասում «գոր ուսար ի սուրբ Աետարանէն», գրիչը լուսանցքում նշում է տեղը երեք ավետարաններում «Մատթ. 9. 18, Մարկ. 5. 22, Ղուկ. 8. 43»։ Այս վերջին փաստը խոսում է ձեռագրի ճշգրտության մասին, ուստի և այն ընտրեցինք որպես մաքր օրինակ։ Աշխարհաբար բնագրի տակ կտանք այս օրինակի լուսանցքներում արված նշումները, գրաբար բնագրի տողատակերը չիճճողելու համար։

Երկրորդ ամբողջական օրինակը 2966-րդ ձեռագիրն է (նշված Դ երես 112թ—116ա)։ Ընդօրինակված է 17-րդ դարում, գրիչն է Ղուկաս երևցը։ Զարբանալի նույնություն կա Դ և Ա ձեռագրերի միջև, նույնիսկ սխալները նույնությամբ կրկնվում են։ Սա մեզ մղում է ենթադրելու, որ Ա օրինակը ընդօրինակված է Դ օրինակից։ Բայց Դ օրինակը չունի լուսանցքային ծանոթությունները։

Երրորդ օրինակը 4381-րդ ձեռագիրն է, ընդօրինակված 19-րդ դարում։ Բնագիրն սկզբից թեթի է, բացակայում է մի երկար պարբերություն։ Ընթացքում էլ հանդիպում են պակասող բառեր և նախադասություններ։ Օրինակը թեթի է նաև վերջից, այն էլ բավական երկար։ Բայց այս բնագիրն էլ օգնեց որոշ ուղղումներ և լրացումներ կատարելու բնագիրն ամբողջացնելու համար։ Ձեռագիր այս երեք օրինակներից համեմատել ենք հայր Զարբխանյանի հրատարակած օրինակի հետ և նշել տարբերությունները։

Դեռ 1892-ին հայտնի արվեստագրան Սարժիզովսկին կասկած է հայտնել թղթի հեղինակի հավաստության վերաբերյալ. «Կարծում եմ, որ Վրթանես նրա համար չի կարող գրվածքի հեղինակը լինել, որովհետև խոսակցության նյութը հայտնապես պատկերամարտությունն է՝ ապա ուրեմն ամենաշատ Ը դարի կեսից կարող է լինել»։ Դեռևս 1910-ին Հ. Ն. Ակինյանը կասկածից դուրս է համարել հեղինակի վավերականությունը։

Այս թողոթք մեծ արժեք է ներկայացնում և՛ ընդ-

¹³ «Գիրք թղթոց», Թիֆլիս, 1901, էջ 90։
¹⁴ Մ. Օրմանյան, «Ազգապատում», Ա հատոր, Բ գիրք, էջ 580։
¹⁵ «Գիրք թղթոց», էջ 132։

հանուր եկեղեցվո, և՛ հայ պատկերամարտության պատմության համար:

Ա.—Հայր Ն. Ակիմյանը, Մ. Աբեղյանը և Ս. Տեր-Ներսիսյանը վերջնականապես հաստատել են, որ սա պատկերամարտության դեմ գրված առաջին թուղթ է ընդհանուր եկեղեցական գրականության մեջ, որ հասել է մեզ: Կարևոր է հատկապես այն իմաստով, որ հաստատում է այն ենթադրությունը, ըստ որի պատկերամարտության շարժումը եղել է Հայաստանում մոտավորապես մեկուկես դար առաջ, քան արևմուտքում:

Բ. Այս թուղթը շատ կարևոր է նաև հայ նկարչության պատմության համար: Հեղինակը խոսում է եկեղեցիներում իր տեսած նկարների ու որմնանկարների մասին: Կարևոր է հատկապես այն, որ հեղինակը նշում է այնպիսի սրբերի նկարներ, որոնք միայն հայ եկեղեցու են պատկանում, ուստի և խոսք չի կարող լինել Բյուզանդիայից բերվելու մասին: Ս. Գրիգոր Լուսավորիչը, ս. Գալանեն և Հռիփսիմեն նկարված պիտի լինեին միայն հայ նկարիչների կողմից, իսկ սա ենթադրում է, որ դեռևս 5—6-րդ դարերին կա նկարչական հայկական դպրոց: Ավելին. հեղինակը գրելով հեթանոսական տաճարների մեջ և բրիտոնական եկեղեցիներում նկարված նկարների մասին, խոսում է Անահիտի և Աստղիկի նկարների ու քանդակների մասին իրենց «արքեպիսկոպոսներով» և «անտակոթյուններով» կարծես ականատեսի վկայությամբ: Արդյոք խոսքը հայ հեթանոսական տաճարների մասին չէ՞: Եթե նույնիսկ մի պահ ենթադրենք, որ նա չի տեսել տաճարը կանգնած վիճակում, անհավանական չէ սակայն, որ նա խոսում է գոնե ավերակների հիման վրա կամ որևէ աղբյուրից՝ բաղված ծաբար: Հայ հեթանոսական տաճարներում էլ եղել են մեծ չափով նկարներ և քանդակներ: Հեղինակը խոսում է նաև ոսկյա և արծաթյա ավետարանի տուփերի, ինչպես նաև փղոսկրյա և կարմիր մորթուց սարքված կազմերի մասին: Հեղինակը դատապարտելով պատկերամարտների առարկությունները ի միջի այլոց գրում է. «Որ գրեալն է, թե զպատկերս յեկեղեցիս Պապ տարաւ, այդ ամենեցուն յայտնի է, թե սուտ խօսիք, քանզի ի Հայս պատկերս ոք չգիտեր առնել մինչև ցայժմ, բայց ի հոռոմոց բերէին»: Ստորժողովակին հիմնվելով վերոհիշյալ տողերի վրա եզրակացնում է, որ «Չկա ուրեմն Հայաստանում մանրանկարչության (հետևաբար և նկարչության—Ե. Մ.) ինչնակա դպրոց և ոչ ընդօրինակողներ, այլ ամեն պիտույք հոգացվում էր բյուզանդական ներածությանը»¹⁶:

Սիրարփի Տեր-Ներսիսյանը փորձում է մեղմացնել այս տողերը, ասելով, որ վրթանեւի խոսքը վերաբերում է մասնավոր և բացառիկ դեպքերին: Անհավանական չէ այս կարծիքը: Հնարավոր չէ՞ արդյոք այլ ընթերցում: «Այդ ամենեցուն յայտնի է, թե սուտ խօսիք» նախադասությունը միջանկյալ է, իսկ «տարաւ»-ին իմաստային տեսակետից անմիջապես հաջորդում է «քանզի»-ով սկսված նախադասությունը:

¹⁶ «Հանդես Ամսօրեայ», 1892, էջ 200:

որով ստացվում է այսպես. «Որ գրեալն է թե զպատկերս յեկեղեցիս Պապ տարաւ, քանզի ի Հայս պատկերս ոք չգիտեր առնել մինչև ցայժմ, բայց ի հոռոմոց բերէին». սա կիևի պատկերամարտների առարկությունը, որին հակադրվում է հեղինակը ասելով. «Այդ ամենեցուն յայտնի է թե սուտ խօսիք»: Միթե՞ կարող էր որմնանկարները և նկարները իր աչքով տեսած հեղինակը այդ կարծիքի լինել, չէ՞ որ մասնում է այնպիսի սրբերի, որոնց նկարները չէին կարող Բյուզանդիայից բերվել, ինչպես նշեցինք:

Գ.—Թուղթը արժեքավոր է նրանով, որ հեղինակը թղթի վերջում տալիս է ներկերի՝ «Բեղերի» բաղադրությունը, որով իմանում ենք, թե դեռևս 2—3 դարերում (և ինչու չէ՞ ավելի առաջ) ինչից էին պատրաստում այն հրաշալի ներկերը, որոնց նկարները մինչև հիմա դիմացել են բնության հակազդեցության և պահել իրենց պայծառությունը:

Վրթանես Քերթոզի այս թուղթը նրան պատվավոր տեղ է հատկացնում նաև մեր արվեստի պատմության մեջ:

Այժմ ներկայացնում ենք համեմատական բնավորը և աշխարհաբար թարգմանությունը:

ՅԱՂԱԳՍ ՊԱՏԿԵՐԱՄԱՐՏՈՒՅՑ*

Ի կենսաբեր լուսոյն զարդարին ամենայն շարածք, և ի **ճառագայթ նորս**՝ նորոգ պայծառացեալ բերկրին երկինք և երկիր, քանզի լիչսն Տըշմարտութեան կից լուսով զամենայն տիեզերս, 5 **փարատեաց զմեզ խաւարպիւն** ի ստուերամած և թանձրացեալ սրտից և լցաւ աշխարհ Աստուածածնօք՝ վարդապետութեամբ: Իսկ մթաւորական **ուսմանն խորհօղք**, որք շրջին յաղջամուղջ **խաւար ընդվարածք շաղեալք**՝ աստանն, զամնիս 10 **թեթս** պատրեն **զմիտս** անմեղաց և մուծանն հերձուածս յեկեղեցի: Ոչ է արժան, ասեն, նկարս և պատկերս յեկեղեցիս առնել, և բերեն վկայութիւն ի հնոց կտակարանաց, զոր վասն հեթանոսաց կոսապաշտութեան էր ասացեալ, վասնորս 15 և ամբաստան լինէին մարգարէքն: Բայց մերս ոչ նմանի նոցա, որ յաղագս Քրիստոսի և ընտրելոց իւրոց: Եւ ոչ եթէ ի բանից, ճարտարութենէ այլ գրոց վկայութեամբ ասացուք, որպէս և պատմիչք պատուիրանացն **ուսուցին**՝ մեզ **ստուգա-** 20 **պէս**:

Քանզի զպատկերացն օրինակ նախ Մովսէս արար ի խորանին հրամանան Աստուծոյ ք: **բերովբէս** ոսկիս, **ճախարակեալս**, թևաորս,

* 2966-ը ունի «Յաղագս ընդդիմամարտաց», 3062-ը ունի «Ընդդէմ ընդդիմամարտից», 4381-ը ևս Գ...նեն «Յաղագս Պատկերամարտից»:

Մնթ.—Բ օրինակը չունի սկզբից մինչև «ստուգապէս»

2 Ա. և Գ. ունեն **Անճառ օրինօք**: 8 Գ. ունի **ուսմանց խոհայք**: 9 Պակասում է Ա.-ում, իսկ Գ. ունի **շաղեալք**: 10 Գ. զսիրտս: 19 Ա. Գ. ասացին. Գ. չունի: 20 Բ. չունի: 23 Բ. **բերուքս Գ. բերուքս**: 24 Ամ-

մարդակերպս ի վերայ բարութեանն, յորոյ միշտ
 25 խօսէր Տէրն տէրանց, զոր և առաքեալ ի վկա-
 յութիւն հաստատ' թերութեքն փառաց որք հո-
 վանի ունէին ի վերայ բարութեանն, որ ի մեծի
 խորհրդոյ օրինակ: Նոյնպէս և զվարագոյրն զոր
 30 Տէրն ասաց աննդ նարօտով, նկարուք ի պէս-
 30 պէս յօրինածեալ զարդիւք, որ է բեմեզ և ծի-
 բանի, կարմիր և կապտակ: ոչ աւաքէն ուշիւք
 էին երանգք նկարուց վարագորին' և նկարք
 վարագորին' թերօքքս: Այնպէս և Սողոմոն ար-
 35 և պատեաց ոսկով և ոչ միայն որ ի դարբին
 էին թերօքքս այլ ի յորման և ի դրունս և ի
 սեանս թերօքքն այլ և յորման' շորջաշակի
 գրեաց գրչաւ թերօքս և արմաննիս և թոռցեալ
 թիթեղունս, և ոչ խստեաց Աստուած այլ կոշ-
 40 եաց Տաճար անուան իւրոյ: Եւ հոգեկիր մար-
 գարէն Եզեկիէլ, տեսիլն զոր ետես, ոչ իբրև զայլ
 որ ի մարգարէիցն և կամ պատգամախօսք' այլ
 աստուածատես գուշակմամբ բարբառեալ ասէր.
 «Եղ զիս Տէր ի վերայ լերին միոյ' բարձոյ յով.
 45 և ի վերայ նորս իբրև զշինուած' քաղաքի և
 տարաւ զիս ի ներքս և տեսի ի մնա Տաճար և
 այր մի ի մնա անեղ և զարմանալի, և փայլա-
 տակունք հատանէին ի մնանէ' իբրև ի պղծնոյ,
 և կայր ի վերայ դրանն և ի ձեռին իւրում ունէր
 50 լար շինողաց և ձող չափոյ և սակ ցիս. «որդի
 մարդոյ տես և ի միտ առ զամենայն ինչ, որ ի
 սմա է, զի վասն ցուցանելոյ թեզ եկի այս» և
 տեսի զՏաճարն նկարեալ շորջանակի ներքոյ և
 արտաքոյ թերօքք և արմաննիք ի յատակէն
 55 մինչև ցլերնայարկն և ոչ միայն Տաճարն էր
 նկարեալ այլևս պատշգամբն' և դրունք և սեղանն
 Տաճան: Եւ էին թերօքքն մարդակերպք ք: ք:
 ամենեկին և արմաննի ի մէջ երկոցունց, որ է
 մեծի սքանչելեաց նորս ցոյց:
 60 Արդ զինչ ասիցես յաղագս սորս, ով մարդ, որ
 հիւանդ ես մտօք, զի վասն Մովսէսի և Սողոմոն-
 նի յօրինուածոյն և թերօքքիցն ասացեր թէ ձեռա-
 գործք են, իսկ զաս զինչ համարիցես, զոր

բողջ հատվածը բացակայում է Բ.-ում, իսկ Գ.-ում
 սկսած Տէրն-ից: 28 Ա. խորհրդոց: Գ. Սոյնպէս: 29
 Բ.—նարօտաւ: Ա.—նկարովս: 30 Գ.—յօրինածեալք
 զարդարեալ, իսկ Դ. ունի յօրինուածովք զարդարեալ:
 31 Ա. և Դ. չունեն: 32 Բ. չունի, իսկ Գ.-ում կա նա-
 բօտուց: 33 Գ. և Դ. ունեն սոյն օրինակ: 34 Բ.—
 կիսապարիս: 35 ունի Ա.-ն միայն: Ըստ Աճառյանի եր-
 բայական փոխառություն է և նշանակում է տաճարի
 ներքին մաս, հավանաբար զոհարան: Բ.—ի դարբի-
 արն: Գ.—և: 37 կա միայն Ա.-ում և Դ.-ում 38 Բ.—
 գրչով: 38 Գ.—կոշեաց գնա: 42 Բ. ունի ոչ ի մարդս:
 43 Ա. Գ. Դ.—բարբառէր: 44 Բ. չունի: 45 Գ. չունի,
 Բ.—զինան: 47 Ա. և Դ. չունեն: 48 Ա. Գ. Դ. չունեն:
 51 Բ. չունի: 55 Բ. և Գ. չունեն: Բ ունի ի: 56 Դ. ունի
 պատշգամբն: 57 Գ. չունի: 59 Բ. և Գ. ունեն տա-
 բացոյց: 60 Բ.—ասացեր: Ա և Դ ունեն ով դու: 63
 Գ.—էին: Գ ունի անիմաստ շինել: Ա ունի հրամայես,

Աստուծոյ իւրոյ' է ցուցեալ: Ամս յայտ եղև զի
 65 որ յառաջնցն պատկերք էին, ի պատիս և ի
 սպասաւորութիւն]՝ երկրպագութեան փառաց
 Աստուածութեան: Այս ի հնոց գրոց ասացեալ:
 Իսկ ի նորոց Կտակարանաց սակ Պօղոսն ցկե-
 նացիսն. շրեալ և տեսեալ զպաշտամունս ներ.
 70 գտի բազին մի, յորում գրեալ էր. «անմաճօրի
 Աստուծոյ». զոր դուք յանմաճօք պաշտէք, ես
 զնոյն պատմեմ ձեզ: Միթէ Աստուած էր բա-
 զինն. բայց զի յանուն Աստուծոյ պատուէին,
 զնոյն և Պօղոս վկայեաց: Եւ մեր ոչ եթէ ճշմա-
 75 րիտ Աստուած անմք զպատկերս և զնկարս,
 այլ յանուն Աստուծոյ նկարեմք որպէս երեւցան,
 զոր Եսայի սակ զճաննելն, Երեմիա՝ զընդ մարդ-
 կան շրջելն, և Դաւիթ՝ զշարշարանացն և զթաղ-
 ման, և Եզեկիէլ և Ովսէլ՝ զՅարութեանէն, Դանիէլ
 և Զարթրիա՝ զերկրորդ զպատկերէն, Նաւում և
 80 Մաղաքիա՝ զդաստատանէն, քանզի նորս նշա-
 նակա պատմեցին մեզ և է որ եղև և է որ լինե-
 լոց է, և մեր զնոյն նկարեմք, զոր ի գիրսն
 գրեալ է, զի և գիրն դեղ է և նիւթք պատկերաց:
 85 Նաև վարդապետք եկեղեցոյ յիշատակեն յա-
 դագս պատկերաց, որպէս Յոհաննէս Կոստանդը-
 նուպոլսի Եպիսկոպոս յայն ճառի, որ սակ առ
 լուսաւորեալսն, մի փոքր յառաջ մատուցեալ
 սակ. «զորօրինակ պատկերք պղնձիք թագաւո-
 90 բակմանք անշունչք են և անզգայք, որ փայ-
 չին ի նոսա մարդիկ ապրեցուցանեն ոչ զի
 պղինձն է, այլ վասն զի թագաւորաց է»: Եւ դու
 ըստ այնմ օրինակի իմացիր ով հերետիկոսդ:
 Եւ դարձեալ յայն ճառի, որ սակ «ոչ է պարտ
 95 անցանել զԱստուածային գրով. ապա սակ ոչ
 տեսանէք ի թագաւորական պատկերսն, զի ի
 վեր անդ կայ պատկերն և ըզթագաւորին զիր
 ունի գրեալ և ի խնամք խարսիսին գրեալ են
 թագաւորին նահատակութիւնք, յաղութիւնք,
 100 իրաց ուղղութիւնք. նոյնպէս և ի մաշկսն է տե-
 սանել թագաւորական պատկերն ի վերայ և ի
 ստորին տարիներութիւնք, յաղթութիւնքն անե-
 նայն»:

Կամ զինչ արդօք ասիցես զպատկերն Տաճան
 105 զոր Անան հաւատարիմ թագաւորին Արգարու
 նկարեաց յանդիման Բրիստոսի, տեսութեամբ
 իսկ. զոր և այժմ ասեն զոյ ի մեծ եկեղեցոցն
 Ուռնայի:
 Եւ Սևերիանոս եպիսկոպոս սակ. «զորօրինակ
 110 թագաւորի ի բացեալ եղելոյ պատկերն նորս

իսկ Դ ունի համարեցիս: 64 Բ չունի: 66 Բ և Գ չու-
 նեն: 67 Բ.—գրեաց: 70 Բ չունի: 73 Բ ունի զանուն:
 75 Ա Գ և Դ ունեն Աստուած ճշմարիտ: Ա և Դ ունեն
 զպատկերաց նկարս: 82 Ա ունի պատմէին: Բ չունի:
 86 Գ վասն: Բ և Դ Յօհանն: 87 Բ չունի: 90 Բ.-ում
 կրկնվում է: 91 Ա Գ Դ չունեն: 92 Բ ունի ի պղնձէ:
 97 Բ չունի: Ունի միայն Բ: 100 Գ չունի: Բ ունի ան-
 իմաստ ի մշական: 102 Բ չունի: 105 Բ չունի, իսկ Գ
 ունի աստուածային: 106 Գ ունի նկարեալ: 110 Ա
 ունի ի բաց: Ա և Գ ունեն և պատկերն: 112 Բ ունի

լնու գտնողի թագաւորին և երկիրպագանէն իշխանք և գտօնս ամսոյ կատարեն. պետք հանդիպին և ռամիկք երկիրպագանէն ոչ ի տախտակէ հայելով այլ ի պատկեր թագաւորին, ոչ ի քնու-
 115 թին հային այլ որ գրովն տպաւորեալ է. և եթէ մահկանացու թագաւորի պատկեր այնքան գորանայ որչափ ևս առաւել անմահի թագաւորին կերպարան և պատկերն»: Այդպէս իմա գոր ասենս, զի և տքա վարդապետք էին եկեղեցւոյ,
 120 և եթէ զոցա գիրս կամիս ուսանել զնոյն պատմեն: Այսպէս և սուրբն Գրիգոր հայոց Լուսաւորիչն ասէ յարօթսն իրոմս՝ «Բոխանակ դրօշկոցն փարտից զԹաշն իր կանգնեաց ի մէջ տիեզերաց և զի սովոր էին մարդիկ երկրպագանել պատկերացն մեռելոց եղաւ ինքն մեռեալ պատկեր ի վերայ Խաչին, մեռաւ և անճշացաւ զի հաստատեցնէ խաչին փայտի երկիրպագանել և որ ի վերայ նորա պատկերն և մարդաղէմն իցէ զի զպատկերագործսն և զպատկերասէրսն և զպատկերապաշտսն յիւր պատկեր Աստուածութեանն հնազանդեսցուցէ»: Արդ եթէ մերոցս բանից ոչ հաստատայք զգիրս պարտ է քննել և ի վերայ հասանել. բայց դուք ի գրոց այնչափ հեռի էք որպէս երկինք յերկր:»
 135 Բագում և այլ վկայութիւնք են ի Գրոց Սրբոց, քանզի ամենայն ինչ տեսանելի է, որ միտս ունին զի **ականքք** լսեն և միտք իմանան և առանց մտաց աչաց մարմնոյ աչք կորացեալ գտանին: Բայց զարմանք մի այս է, որ զպատգամսն ընդունիք և զիշխանն հալածէք, նշանին երկիրպագանէք և ի թագաւորն քարածիզ լինիք, զխաչն պատուէք և զԹաշեղեակն թշնամանէք: Այսպէս Մանիքեցիքն և Մարկիոնացիքն առ աչօք համարին զճշմարտութեամբ մարմնանալ Փրկչին, և
 140 յորժամ տեսանեն զպատկերս գծմանին զայրագնեայք և մատուցեայք թշնամանէն: Զի թէ մեր չիցէ տեսեալ զմարգարէսն, տեսեալ է և քննեալ, զի նոքա վասն կոսապաշտութեանն աղաղակէին ըստ այնմ թէ կուռք հեթանոսաց դէք են, բայց ոչ ուրեք գտանեմք գրեալ եթէ պատկերք եկեղեցւոյ կամ քրիստոնէից ասեն դէք այլ զկոռցն ամբաստան լինին մարգարէքն: Նաև յեկեղեցական պատմութեանն ասէ, զոր Եւսեբի ժամանակագրի հաստատեալ էի եօթերորդ դրպ-
 150 յութեանն ի եօթն և տասներորդ ճառին, վասն

սքանչելի նշանացն որ եղեն, ասէ, ի Պեննադայ ի քաղաքի մեծամեծ գործոցն վասն Փրկչին մերոյ: «Այլ քանզի զայս քաղաք յիշեցաք մեք, ասէ, ոչ է արժան անցանել զսորա պատմութեամբ, զի
 160 արժանի է սա յիշատակաց այնոցիկ որ զայցեն զկնի մեր, վասն կնոջն տնտատեսի որոյ բղիտումն արեան խաղացեալ ելանէր, գոր ուսաք մեք ի Սուրբ Աւետարանէն, որ թժշկեցաւ ի ցարտ անտի ի Փրկչէն մերմէ յայնմ քաղաքի որ ասեն թէ
 165 էր նա և տուն նորա յարսնի է անդէն ի քաղաքին և շնորհք ողորմութեանն որ եղեն ի կննն՝ նշան սքանչելեացն Աստուծոյ, զի առաջի որաց տանն նորա կայ ի վերայ բարձր վիմի պատկեր պղնձի կնոջ մարդոյ իջեալ ի ծուճաւ իւր և սփռեալ զձեռս իւր աղաչէ ըստ նորա նմանութեան, և ընդդէմ նորուն կայ դարձեալ պատկեր պղնձի առն մարդոյ որ կանգնեալ է և կայ արկեալ զիւրս մեկնոց և կարկառեալ ունի զձեռն իւր առ կննն և ի կողմանէ ոտից նորա
 175 ի վերոյ քան զհանդերձն բուսեալ է արմատ: ինչ բոյս որ օտար է յամենայն արմատոց տեսեալք իւրով և ելանէ մինչև ի դրօշակ հանդերձի նորա և է նա դեղ ամենայն ցարտ, այս անդրի ի նմանութիւն Փրկչին մերոյ է, որպէս և ասեն կայ մեայ մինչև յատուրս մեր, և տեսաք մեք զնա աչօք մերովք ի ծամանակի իբրև չոգաք մեք ի քաղաքն յայն»: Բայց ոչինչ է սա մեծ քան զայն որ հաստատցին ի Քրիստոս յարանց հեթանոսաց և նկարեցին դեղով զպատկերսն Պօղոսի և Պետ-
 180 րոսի և զնորուն իսկ զՔրիստոսի և կայ, մինչև ցալսօր ծամանակի:
 Եւ արդ չիցէ ձեր տեսեալ զգիրս զայս ով ընկեր որ հակառակ կայք պատմիրանացն Աստուծոյ: Ընկեր ասեն, ոչ վասն ուղղափառութեան հաստոյ ասեն ընկեր, այլ ըստ այնմ որ լուսան ի տեսանէ մերմէ Յիսուսէ Քրիստոսէ թէ ընկեր, վասն որոյ եկիրդ»: Զի թէ ընթերցեալ էք և ոչ գիտէք ապա առ ձեզ կատարի քան առաքելոյն որ ասէ: «Որոց Աստուած աշխարհիս այստիկ կուրացոյց
 190 զմիտս անհաստիցն զի մի ծագեցի ի նոսա լուսաւորութիւն Աւետարանի փառացն Քրիստոսի». այլովք հանդերձ. ապա թէ չէ ընթերցեալ ձեր յնդրել արժան է և քննել և գիտել զբարիքն

ամսոց: Բ ունի թէ պետք: 118 Բ ունի հանդիպի: 115 Բ ունի հօրն: 117 Բ ունի անմահ: 120 Ա Գ Դ ունեն իմաստը չարասնայտող զիրս: Ա Բ Դ ունեն տեսանել: 122 Ա Գ Դ ունեն սրբոյն Գրիգորի հայոց Լուսաւորիչին: 124 Ամբողջ հատվածը չկա Ա-ում և Դ-ում: 127 Դ ունի հաստատացեն: 128 Բ չունի: 132 Բ ունի թեպէտ և մեր քանիցս չհաստատայք: 137 Ա Բ Դ ունեն միտք: 139 Ա Գ Դ ունեն են: 142 Գ ունի զԹաշեղեակն: 145 Գ ունի դժգոմանն: 147 Բ ունի միթէ մեր չիցէ, իսկ Գ ունի միթէ ոչ իցէ: 147 Գ ունի հերկեալ: 150 Բ չունի: 153 Բ չունի: Ա Գ Դ չունեն:

157 Գ ունի մեծագործոցն: 159 Բ չունի, իսկ Ա և Դ ունեն անցանել զայս: 164 չունի: 164—68 Գ և Բ չունեն: Գ և Դ շարունակում են ի Փրկչէն մերմէ նշան սքանչելեաց սոցա մինչև ցալսօր ծամանակի: 168 Ա և Դ չունեն: Գ ունի վերնաքարձք: 170 Ա Բ Գ չունեն: 170 Բ չունի: 172 Ա և Գ ունեն անիմաստ և: 173 Գ ունի կրկնոց, իսկ Ա և Դ ունեն մերկնոց: 175 Բ ունի ի վերայ: 175 Ա Գ Դ չունեն: 176 Ա չունի: 182 Գ ունի ոչ ինչ է: 185 Բ ունին: 188 Գ ունի կաս: 188 Այստեղ ընդհատվում է Բ-ն՝ 4381 ձեռագիրք: Ամբողջ շարունակությունից կան միայն մի քանի անկապ բառեր: 191 Գ չունի: 193 Դ ունի ավելորդ մարգարէի: 195 Գ զսիրտս Գ առ: 198 Գ ունի միայն

և գշարն և ընտրել զաստուածայինսն և զդիւս-
200 կանսն:

Եւ գիարդ ոչ գիտք, զի ի մեհեանս կոտցն է
դրոշմեալ Որմիզդ, որ է Արամազդ և պոռնկու-
թիւնք իւր և կախարդութիւնք, իսկ յեկեղեցիս
Աստուծոյ տեսանենք նկարեալ զսուրբ Կոյճ
205 Աստուածածին և ի գիրկս իւր ունելով զՔրիս-
տոս իբրև յայնժամ զարարիչն իւր և զորդի և
զստեղծիչն ամենայնի: Իսկ մեհեանս կոտցն
Անահիտ և պղծութիւնք իւր և պատիրք: Իսկ յե-
կեղեցիս քրիստոնէից և ի յարկս վկայից Աս-

տուծոյ տեսանենք նկարեալ զսուրբն Գրիգոր և
210 աստուածամանոյ չարչարանք իւր և սուրբ առա-
քինութիւնք և **զսուրբն** Ստեփաննոս Նախավկայն
ի մէջ **քարկոծողացն**, զերանելի և **զսուրբ կա-**
նայն գԳայանէ և զՀովսիսիմէ Քանդերձ ամենայն
215 սուրբ ընկերօք և յարթոյ **նահատակութեանք**
նոյնպէս, և զայլ առաքինիս և զպատուա-
կանս և զհրեշտակակրօնս զորս ոչ **բաւենք** ընդ
համար **արկանել**: Ի մեհեանս սնտոիցն Աստղիկ
և **Ափրդդիտէս**, զոր մայր ցանկութեանց կոչեմ

220 **ամենայն** հեթանոսք, և արբեցութիւնք նոցա և ա-
նատակութիւնք, իսկ **յեկեղեցիս** Աստուծոյ Խաչն
տերունական և խաչակիր **գունդք** առաքելոց և
մարգարէից, որք բարձին ի միջոյ **զկոսապաշտու-**
թիւն ամենեցուն և ածին զտիեզերս յաստուածա-

225 պաշտութիւն և յամօթ արարին զաստանայ և
զգօրս նորս: Քանզի յեկեղեցիս Աստուծոյ **տե-**
սանենք նկարեալ զամենայն սրանչեղագործու-
թիւնս **Քրիստոսի** զոր արար, որպէս և ի գիրս
գրեալ է, որպէս և յառաջն սասցաք զոր **գուշա-**
կեցիցն մեզ մարգարէքն զճնանելն ասեմ և զմկրք-

230 տելն, զշարչարանն, զխաչելութիւնն, զթաղումն,
զյարութիւն, **զհամբառնալ** յերկինս. զայդ ամենայն
նկարեն յեկեղեցիս, զոր գիրք սուրբք պատմեն:
Ոչ ապաքէն դեղով զրեալ և զգիրս և զնոյն բան

235 դեղովք նկարեալ է յեկեղեցիս. ի գրոցն սկանջք
միայն լսեն իսկ զնկարսն աչօք տեսանեն և ա-
կանջօք լսեն և **սրտիք հաւատան**:

Անա յայտ է զի չէ արտաքոյ Գրոց պաշտել
զպատկերսն, և եթէ խորհրդի ոք ըննէ ճշմարիտ
240 գայ և վրիպեալ զտանին հերետիկոսքն որ հա-
կատակարանեն և ասեն. «վասն այսորիկ խտտան
համարիմք զի անխօսք են և անբանք»:

Արդ միթէ Տապանակն Աստուծոյ խօսէր յոր-

ձեր ընթերթեալ: 202 ունի դրօշեալ: Ա և Դ ունեն
զՈրմիզդ: 212 Գ չունի: 213 Գ ունի **քարկոծչացն**:
214 Գ ունի **զվառատր կոյսն Սուրբ Գայանէ...**: 215
Գ ունի **նահատակօք**: 218 Գ ունի **անցուցանել**: 219
Ա և Դ ունեն **Շարսփորդիտէս**: 220 Ա և Դ չունեն:
221 Գ-ում միշտ կա **յեկեղեցոջ**: 222 Ա և Դ ունեն
զրեալքն **յառաքելոց** և ի **մարգարէից**: 223 ունի **զամ-**
բարբշտութիւն: 227 չունի: 228 Ա և Դ ունեն **Աստու-**
ծոյ: 229 Ա և Դ ունեն **գուշակն եղեն**: 232 Գ ունի
զհամբարձումն: 234 Գ չունի: 236 Ա և Դ ունեն
մտացն: 237 Գ ունի որ **սրտիք** իմանան՝ **հաւատան**:

ժամ **գԴագովն** բերանեալ կործանեաց և զԱ-
245 զովտոս և զԳէթ և **զԱսկողովնա** զբաղար այլ-
ազգեացն **եհար** հարուածովք մինչև բոլոք բարձ-
եալ ասկողովնացիքն ասէին. «ընդէ՛ր դարձաւ
տապանակոյ աստուծոյ իսրայէլի առ մեզ **սպա-**
նանկ զմեզ և զծողովորդս մերս: Միթէ Խաչն

250 Քրիստոսի խօսեցաւ, որ ի քաղաքին **զմտեալսն**
կենդանացոյց և հրաշագործութիւնս քազունս է
արարեալ մինչև **յաւորս** մեր, որ է պարծանք
հրեշտակաց և փրկութիւն մարդկան և արեալիքք
դիւսաց: Եւ արդ **զուզատրեալ** շարամանին՝ նոր

255 պատիրքսնք ըստ հնոցն և մեզ վկայեն **շնոր-**
հիւն Քրիստոսի բանզի և **զտուփս** Անտարանին
տեսանենք նկարեալ, ոչ միայն յոսկոյ և յարժա-
թոյ այլ և **յոսկերաց** փղաց և կարմիր **մորթոց**
կազմեալ և մեք յորժամ երկիրպագանենք սրբոյ

260 Անտարանին կամ համբոյրենք ոչ եթէ փղին
ոսկերացն մատուցանենք զերկրպագութիւն կամ
լայքային, որ յաշխարհէ բարբարոսացն է եկեալ
ի վաճառ, այլ հանի **Փրկչին** որ ի մագաղաթին
գրեալ է: Այսպէս և Տէրն Փառաց նստեալ ի յա-

265 ւանակի և ի մարձեմալ ի քաղաքն եկին ընդ **ա-**
ռաջ ձերք և տղայք **սոսօք ձիրենեօք** և **սոսօք**
արմաւենեօք և օրհնէին զովէին և երկիրպագա-
նէին. ոչ եթէ իշոյն երկրպագանէին այլ Քրիստո-
սի Որդոյն Աստուծոյ որ ի վերայ **նորս** նստեալն

270 էր: Այսպէս և պատկերացն երկրպագանել ոչ
վասն դեղոցն է այլ վասն Քրիստոսի յորոյ անուն
նկարեցան: Այլ արդ զինչ նմանութիւն է աստ-
ուածային **պատկերացն** հեթանոսաց սրժու-
թեանն. վասն որոյ հերետիկոսք բիծս կարկատեն

275 և հերձուածս մտմանն ի կորուստ անձանց և
բնա լսողաց զոր **տալոց** և հատուցանելոց են
զանանցակամ վրէժս տանջանաց զեհեհին հան-
դերձ ամենայն կամակցօք **իւրեանց** և **զործակ-**
ցօք, որում յիրսի և ի դէպ սասց երջանիկ մար-

280 գարէն Ովսէէ. «որոզայք զայթակողութեան ի նա-
նապարհս նոցա վասն զի մոլոթիւն ի տան
Աստուծոյ տնկեցին և միտաւ. «վայ որ արքու-
ցանէ ընկերին իրում հրապոյրս պղտորս»: Եւ
արդարև իսկ հրապոյրանօք և **հաղբիք** մեղաց

285 շաղապատին որ **ըստ երեքեալ** են յուղիդ հաւա-
տոյ, և **հեղեալ** տապալեցան յուղիդ խորհրոց:
Բայց ասեմ և ոչ լուսն: Զոր օրհնակ եթէ գիրս ու-

244 Գ ունի **գԴագոն**: 245 Գ ունի **զԱսկողովնայ**: 246
Գ չունի: 249 Գ ունի **սպականել**: 250 Գ ունի **զմե-**
ռեալն: 252 Գ ունի **յօրս**: 254 Գ չունի: 255 Գ ունի
շնորհօք: 256 Գ ունի իմաստք չարտահայտող **զտի-**
պլս: 258 Ա ունի **յոսկերց**: Գ ունի **մորթոց**: 262 Ա
չունի, իսկ Դ ունի **դարպիցն**: 263 Ա, չունի: 264 Ա և
Դ ունեն **զրեցաւ**: 265 Ա ունի **յառաջս**: 266 Գ ունի
ստոյվք ձիրենեաց և **ստոյվք արմաւենեաց**: 269 Ա և
Դ չունեն: 272 Գ չունի: 273 Գ ունի **պատուիրանաց**:
276 Գ չունի: 277 Գ ունի **վրէժ**: 278 Ա և Գ չունեն:
280 Գ-ում անիմաստ է **որոց**: 284 Գ ունի **խարից**:
285 Գ ունի **ստերիլեալ**: 286 Ա և Դ ունեն **եղեալ**:

րուք խնդրեալ յարկեղաց և **սահցէ** զառաքեալդ տուր, կամ թէ զԷսայի, կամ զԵրեմիա, միթէ Ե-
 290 սայի ինքն իցէ և կամ առաքեալն ինքնին, ոչ
 ապաքէն պատգամք աստուածայինք ընդ մինն և
 քանք նոցա: Եւ մեր պատկերաց նկարուք զնոսա
 յիշեմք և **զառաքողսն նոցա և ոչ ասեմք** թէ սա
 իցէ Աստուածն այլ յիշողութիւնն Աստուծոյ և
 295 ծառայից նորա:

Եւ որ գրեալն է թէ զպատկերս յեկեղեցիս
 Պապ տարաւ. այդ ամենեցուն յայտնի է թէ տուտ
 խօսիք. քանզի ի **Հայս** պատկերս որ չգիտէր առ-
 նել մինչև ցայժմ քայց ի հոռոտնոց բերիւն, և մեր
 300 ուսմունք անտի էին եթէ նոքա չէին կորուսեալ.
 և քան զՊապ յառաջ այլ թագաւորք էին և պատ-
 կերս և նկարս տանէին յեկեղեցիս յամուն Բրիս-
 տոսի, և դարձեալ զկնի Պապայ և այլք թագա-
 ւորք եղևն ի **Հայս** և հայրապետք որպէս երանե-

305 լի Սուրբն Սահակ և Մաշտոց և Եզնիկ և Արձան
 և Կորիւն և ընկերք **նոցա** որ և ի ձեռն իսկ
 նոցա հայոց դպրութիւն շնորհնցաւ ի տեանն
 Աստուծոյ և ոչ որ ի ընցանէ վասն պատկերաց և
 նկարոց եկեղեցոյ բաւն ինչ որ արար. քայց
 310 միայն **Շմուէլ** և Թադէոս և Եսայի և ընկերք նո-
 ցա որ և զլուովս ընդ իրեանս ի յետս կացուցին
 որպէս և զձեզդ, զի թէպէտ առ ժամանակ փայլէ
 կողմն հերձուածողաց այլ ստեպ խամրի վասնզի
 զատութիւն խօսին. զի և մեղք իսկ առաջին ի

315 ստութեանն ծնան որպէս առ Ադաման: Քանզի ոչ
 եթէ իմ են քանք, այլ Գրոց սրբոց, հնոց և նորոց
 Կտակարանաց. եթէ կամիք Բրիստոսի Աստուծոյ
 ծառայել և սիրել զպատուիրանս Նորա զնոյն
 գիրս, զորոց անուանս ի սմա գրեալ է, յուզեցէք

320 և յորժամ **գտանիցէք, նոքա** ցուցանեն զճշմա-
 րիտ ճանապարհն Աստուծոյ:

Եւ վասն պատկերացն այսչափ ևեթ բաւական
 լիցի՝ որ միտս ունի:

Իսկ զդեղոցն, որ ասեն թէ պիղծ են, որք յան-
 325 դիմանին իսկ ի յինքեանց բերանոց, քանզի դեղ
 Գրոցն է արջասայ և գիտոր և կոիզ, զոր և ճա-
 շակել իսկ մարթի, և միթն պատկերաց կաթն և
 ձու, զառիկ, լածուարդ, ժանգատ, բուռ, կիր և
 որ այլ ինչ է զոր ի պէտս կերակրոց մարթի ճա-
 330 շակել կամ ի պէտս բժշկութեան: Բայց ոչ ասեմք
 պիղծ զոր եղ Աստուած ի վայելչութիւն երկրի և
 ոչ անգուսնեմք իբրև զազիր ինչ որ ասէքդ թէ

հոտ գալ ի դեղոցն: Արդ իբրև այդպէս **անաղտը**
էք և հոգևորք պարտ է ձեզ ի **ժամ** աղօթիցն
 335 հերձուլ զորովայնս ձեր և **եռանդամք** ջրով լուս-
 անալ զաղիս ձեր և ապա մտանել յեկեղեցի, ով
 չարք և անհնարին չարք, որ մերթ դեղոցն անոկ
 դնէք և մերթ պատկերացն և նկարոց և ասէք
 թէ ձեռագործք են և մեզ չեն արժանի. նա և ե-

340 կեղեցիք ձեռագործք են և կոչին Տաճար Աստու-
 ծոյ: Չոր և Պաղոս ասէր առ Տիմոթէոս. «զի գի-
 տացես, ասէ, որպէս պարտ իցէ քեզ ի տան
 Աստուծոյ շրջել, որ է եկեղեցի Աստուծոյ կեն-
 դանոյ սին և հաստատութիւն ճշմարտութեան»:

345 Արդ առ այս զինչ սահցէք, զի և սա ձեռագործ
 է քանզի յայտնեօք զաներևոյթն ճանաչեմք և
 դեղքն և նկարքն յիշողութիւն է Աստուծոյ և ծա-
 նայից նորա: Բայց քանզի դուք վիսացեալ էք
 սատանայի և սուրբ կոչէք զանձիս և նմանող էք

350 զերեզմանաց բռելոց, **ապա** ճշմարիտ ասաց առ
 առակողն. «մի կարի արդար լինիր և մի ճարտա-
 րէր զի մի թիրեացիս»: Եւ դարձեալ ասէ. «ծնունդ
 չար առ արդարս ունի զանձն իր», որպէս և
 դուքդ բարձրացեալ պանծայք և անդունք բերա-

355 նով խօսիք, զոր ինչ ոչ է պիտոյ:

Այլ մեր փութացուք յեկեղեցի Բրիստոսի մը-
 տանել ի տուէ և ի գիշերի հանապազօր **կանխ-**
եալ յաղօթս որպէսզի կատարեսցուք զպանդիս-

360 նել զԱստուած զուարթագին երեսօք յառուրն
 դատաստանի, զի յախտեանց բարութիւնս հա-
 սանել կարացուք զի նմա փառք յախտեանս
 յախտեանց ամէն:

ՊԱՏԿԵՐԱՄԱՐՏՆԵՐԻ ՄԱՍԻՆ

Բոլոր արարածները զարդարվում են կենսաբեր
 լույսով, և նրա ճառագայթներով նորովի պայծառա-
 ցած բերկրում են երկինք ու երկիր, որովհետև ճըշ-
 մարտության լույսը լցրեց լույսով ողջ տիեզերքը,
 փարատեց խավար մեզը մթամած և կարծրացած
 սրտերից և աշխարհը լցվեց աստվածածանոթ վար-
 դապետությամբ: Իսկ մուլար ուսման հետևողները,
 որոնք շրջում են խավար աղջամուղջում, մանվածա-
 պատ զրախոսություններով ցնցում և անհեթեթու-
 թյամբ խաբում են անմեղների մտքերը, հերձված են
 մտցնում եկեղեցում: «Արժան չէ, ասում են, նկարներ
 և պատկերներ դնել եկեղեցում»: Հին Կտակարանից
 վկայություն բերում են ինչ որ հեթանոսների կուս-
 պաշտության համար է ասված, որի դեմ և բողոքում
 էին մարգարեները: Բայց մեր (նկարները) նման չեն

288 Գ ունի եթէ ի գիրս խնդրեալ: Գ ունի ասացէ:
 293 Ա չուցի: 298 Գ ունի ի հայք, ի հայս: 305 Գ
 ունի Մեսրոպ: 306 Ա ունի նոցուկ: Ա և Դ ունեն
 իսկ դպրութիւնից առաջ: 307 Ա ունի ի Բրիստոսէ:
 310 Գ ունի պիղծն մոլին՝ պխալ: Ա և Դ ունեն Եսա:
 311 Ա և Դ ունեն միայն յետ: 312 Գ ունի առ ժա-
 մանակ մի փայլած: 315 Ա և Դ չուցեն: 319 Ա և Դ
 ունեն ի սմայս: 320 Գ ունի գտանէք: Ա ունի նոցա:
 325 Գ չուցի: 326 Ա և Դ ունեն ասպնջակն. իմաստ
 չի արտահայտում: 328 Գ ունի բուռկիր: 329 Գ ունի
 և այլ որ նման է սոցին: 331 Գ ունի ետ: 333 Ա և Դ

ուրնն անաղտը էք: 334 Գ ունի ի ժամու: 335 Գ
 ունի եռանդամք: 350 Գ ունի ուրեմն: 353 Գ ունի
 ունիցի: 354 Ա և Դ ունեն պանծացեալ բարձրանայք:
 357 Գ կանխել, Դ կանխեալ: 362 Գ ունի կարիցեմք:
 363 Գ չուցի:

նրանց (նկարներից)¹, որովհետև Քրիստոսի և նրա ընտրեալների համար են (արվում)։ Ոչ թե ճարտար խոսքերից վկայություն պիտի բերենք, այլ գրքերի վկայությամբ պիտի խոսենք, ինչպես ստուգապես տվորեցրին մեզ պատվիրանների մեկնողները։ Որովհետև նախ Մովսէսը պատկերների օրինակը շինեց խորանի վրա, Աստծու հրամանով, երկու ոսկյա, մարդակերպ, թևավոր ու ճախրող քերովբեներ² քավության (խորանի) վրա, որի միջից խոսում էր տերերի Տերը։ Նույնը Առաքեալը վկայաբերելով հաստատում է. «Փառքի քերովբեները հովանի էին քավության վրա», որը մեծ խորհուրդի օրինակ էր։ Նույնպես և վարագույրը, որ Տերը պատվիրեց պատրաստել մարտով, նկարներով և զանազան ձեռագողձ զարդերով³, բեհեզյա, ծիրանի, կարմիր և կապույտ։ Դեղ չէի՞ն արդյոք վարագույրի նկարների երանգները, իսկ նկարները՝ քերովբեներ։ Այնպիսի արեց նաև Սողոմոնը Տաճարում։ Կիպարիս⁴ փայտից քերովբեներ պատրաստեց և ոսկով պատեց։ Բայց ոչ միայն դաքիբում⁵ քերովբեներ կային, այլև պատերի վրա, դռներում և շենքերին։ Պատերի վրա գրիչով շուրջանակի գծեց քերովբեներ, արմավենիներ⁶ և թռչող թերթիկներ, բայց Աստված չհանդիմանեց այլ տաճարը իր անունով կոչեց։ Եվ հոգեկիր Եզեկիել մարգարեն, տեսիլքը⁷, որ տեսավ մարգարեներից և պատգամախոսներից ոչ մեկի նման այլ աստվածատես գուշակումով ասաց. «Տերը ինձ դրեց մի շատ բարձր լեռան վրա, ուր քաղաքի կառույցներ կային։ Ինձ տարավ ներս և նրա մեջ տեսա մի տաճար, որի մեջ կար մի անեղ և զարմանալի մարդ, որից փայլատակումներ էին ցայտում կարծես պղնձից, կանգնած էր դրան վրա և ձեռքում ուներ արմնադրի լար ու չափաձող։ Ինձ ասաց. «Մարդու որդի, տե՛ս և հիշի՛ր այն ամենը ինչ կա այստեղ, որովհետև քեզ ցույց տալու համար եկա»։ Եվ տեսա Տաճարը շուրջանակի նկարված՝ ներսից և դրսից քերովբեներ, արմավենիներ հատակից մինչև առաստաղ։ Բայց ոչ միայն Տաճարն էր նկարված, այլև պատշգամբներն ու դռները և Տիրոջ սեղանը։ Քերովբեները մարդակերպ էին, երկուս-երկուս և նրանց միջև արմավենի։ (Այս բոլորը) նրա մեծ սքանչելիքների ապացույցն է»⁸։

Արդ, ինչ կասես սրա համար, ո՛վ մարդ, որ մտքով հիվանդ ես, որովհետև Մովսէսի և Սողոմոնի հորինածների և քերովբեների համար ասացիր, որ ձեռագործ են. իսկ սա ինչ կհամարես, որ Աստված ինքն է ցույց տվել։ Ահա պարզ է, որ սկզբից պատկերները Աստվածության փառքի պատվի և երկրպագության ապաստարանության համար էին։

1 Բնագրում չկա նկարներ բարդ։
 2 Աստծուն ուղեկցող հրեշտակներ։
 3 Ելից ԻԶ. 31, ԼԶ. 8 և 35։
 4 Նոճի։
 5 Սրբություն սրբոց վայր, խոստովանավայր (Անտայան Արմատակյան բառարան)։
 6 Գ. Թագավորաց Զ. 23—35։
 7 Ա ձեռագիրը ունի լուսանցքում. Եզեկիել 40.2։
 8 Եզեկիել Խ. 2—4 և ԽԱ. 18—20։

Այսքանը Հին Կտակարանից ասված։
 Իսկ Նոր Կտակարանում Պողոսը ասում է արեւանցիներին. «Շրջելով և տեսնելով ձեր պաշտամունքը, գտա մի բազին, որի վրա գրված էր «Անձամոր Աստծուն»։ Ում դուք առանց ճանաչելու եք պաշտում, ես ձեզ նույնն եմ քարոզում»⁹։ Մի՞թե բազինը աստված էր. բայց որովհետև հանուն աստծու էին պատվում, Պողոսն էլ նույնը վկայեց։ Իսկ մենք ոչ թե ճշմարիտ Աստված ենք ճանաչում պատկերներն¹⁰ ու նկարները այլ աստծու անունով ենք նկարում, ինչպես երևեցավ մեզ. Եսային խոսում է Նրա ճննդյան մասին, Երեմիան՝ մարդկանց մեջ շրջելու, Դա՛վիթը՝ շարչարանների և թաղման, Եզեկիելն ու Ովսեւեն՝ հարության, Դանիելն ու Զաքարիան՝ երկրորդ գալլստյան, Նավումն ու Մաղաքիան՝ դատաստանի մասին։ Եվ որովհետև նրանք նշաններով պատմեցին մեզ, (որոշ բաներ) եղան, (ուրիշներ) կկատարվեն։ Իսկ մենք նկարում ենք այն, ինչ գրված է գրքերում, որովհետև գիրն էլ դեղ է՝ ինչպես պատկերների Ելութը։

Եվեղեցու վարդապետներն էլ խոսում են պատկերների մասին։ Ինչպես Հովհաննես Կ. Պոլսի եպիսկոպոսը՝ այն ճառում, ուր խոսում է լուսավորյալներին¹¹, մի փոքր առաջ գնալով ասում է. «Օրինակ, թագավորական պղնձյա արձանները անշունչ են և անզգա, բայց նրանց ապավինող մարդիկ փրկվում են, ոչ թե պղինձն է (փրկում), այլ որովհետև թագավորինն է»։ Եվ դու, հերետիկոս, այսպես իմացիր։ Եվ դարձյալ այն ճառում, ուր ասում է «Պետք չէ զանց առնել աստվածային Գիրքը», շարունակում է. «Ձե՛ք տեսնում թագավորական նկարների վրա, որ վերևում պատկերն է, որ թագավորը ստորագրել է, իսկ ներքևում, խարխուլի վրա գրված են թագավորի պատերազմները, հաղթանակներն ու կյանքի դեպքերը։ Նույնպես և գրքերի վրա կարելի է տեսնել թագավորի պատկերը, իսկ վերևում և ներքևում բոլոր բաշտություններն ու հաղթանակները»։

Կամ ինչ կասես արդյոք Տիրոջ այն նկարի մասին, որ Աբգար թագավորի հավատարիմ Անանը նկարեց Քրիստոսի դեմ հանդիման իսկ տեսնելով, որ այժմ մեռնում է, ասում են, Ռոմայի եկեղեցում։

Սևերիանոս եպիսկոպոսը ասում է. «Օրինակ, երբ թագավորը բացակա է, նրա պատկերն է գրավում տեղը և իշխանները երկրպագում են նրան, ամսվա տոները կատարում։ Պետերն ու ռամիկները երկրպագում են ոչ թե տախտակին նայելով, այլ թագավորի պատկերին, ոչ թե նյութին են նայում, այլ գրով այնտեղ որոշվածին։ Իսկ եթե մահկանացու թագավորի պատկերը այդքան է մեծարվում, որքա՞ն ավելի պետք է մեծարվի անմահ թագավորի կերպարանքն ու պատկերը»։ Լսի՛ր, ինչ որ ասում են, որովհետև սրանք էլ եկեղեցու վարդապետներ էին, որոնց գրքերը էլ, եթե ուզեմաս կարդալ, նույնը կպատմեն։ Այսպես. Հայոց սուրբ Գրիգոր Լուսավորիչը ասում է

9 Գործք Առաքելոց ԺԷ. 23։
 10 Հավանաբար ունի որմնանկար իմաստը։
 11 Նկատի ունի նոր մկրտված քրիստոնյաներին։

իր աղոթքներում. «Փորագրված փայտերի փոխարեն իր խաչը կանգնեցրեց տիեզերքում, և որովհետև մարդիկ սովոր էին երկրպագել մահացածների պատկերներին, Ինքը մտածի պատկեր դարձավ խաչի վրա: Մեռավ և անշնչացավ, որպեսզի հաստատեն խաչափայտին երկրպագելը, նրա վրա գտնվող պատկերին կամ մարդադեմքին, որպեսզի պատկերագործներին, պատկերասերներին և պատկերապաշտներին իր աստվածության պատկերին հնազանդեցնի»¹²:

Իսկ եթե մեր խոսքերին չեն հավատում, պետք է գրքերը քննել և վերահասու լինել. ասկայն դուք գրքերից այնքան հեռու եք, որքան երկինքը երկրից: Բազմաթիվ այլ վկայություններ կան Ս. Գրքից: Ամեն ինչ տեսանելի է նրանց, ովքեր միտք ունեն: Ականջները լսում են և մտքերը ըմբռնում. առանց մտքի աչքերին՝ մարմնի աչքերը կույր են: Բայց զարմանալին այն է, որ պատգամը ընդունում եք, իսկ իշխանին հալածում, նշանին երկրպագում եք, իսկ թագավորին քարկոծում, խաչը պատվում եք ու խաչային թշնամանում: Այսպես. մանիքեականներն ու մարկիոնականները առ աչռք են համարում Փրկչի ճշմարտապես մարմնանալը, բայց երբ տեսնում են պատկերները, սաստիկ զայրացած, դժվարակրում են և մոտենալով թշնամանում: Եթե մենք մարգարեներին չենք տեսնել ու քննել, որ նրանք կուսպաշտության համար էին ասում, թե հեթանոսների կուռքերը դևեր են¹³, սակայն ոչ մի տեղ գրված չենք գտնում, որ ասեն թե եկեղեցու կամ քրիստոնյաների պատկերները դև են, այլ՝ մարգարեները կուռքերին էին դատապարտում: Եկեղեցական պատմության մեջ էլ նույնն է ասվում, ինչպես Եվանգելիոս ժամանակագիրը հաստատում է 7-րդ գլխի 17-րդ դպրության մեջ, ուր խոսում է Փրկչի մեծամեծ գործերի հրաշալի նշանների մասին, որոնք կատարվեցին Պեննադա քաղաքում: «Բայց որովհետև այս քաղաքը հիշեցինք—ավելացնում է—չարժե գանց առնել արա պատմությունը (որովհետև հիշվելու արժանի է նրանց կողմից, որոնք պիտի գան մեզին հետո) տեղատես կնոջ մասին, որի արյան բոլխումը հոսում էր, ինչպես ուսանում ենք սուրբ Ավետարանից, և թժշկվեց իր այդ ցավերից մեր Փրկչի կողմից այն քաղաքում, որտեղ, ասում են, ապրում էր նա: Եվ նրա տունը հայտնի է այդ քաղաքում իբրև գրավական Աստծու հրաշքների, նշան՝ այն ուղորմության շնորհքներին որ կատարվեցին կնոջ վրա: Նրա տան դռների առաջ մի բարձր քարի վրա կա պղնձյա քանդակը ծուռկի իջած կնոջ, որը ձեռքերը առաջ մեկնած աղաչում է նրա նման: Դրա դիմաց կա տղամարդու պղնձակերտ արձան, որ կանգնած է, մեկնոց ունի զգած, ձեռքը կարկատել է դեպի կինը: Իսկ արա ոտքերի կողմից, զգեստից բարձր, մի բուսարմատ է աճել, որ իր տեսքով տարբեր է բոլոր արմատներից ու բարձրանում է մինչև գոտկատեղը. սա դեղ է բոլոր ցավերին: Այս արձանը մեր Փրկչի նմանությունն է, ինչպես ասում են, և կանգուն է մինչև

մեր օրերը. մենք էլ այն տեսանք մեր աչքերով, երբ գնացինք այդ քաղաքը»: Բայց սա ոչնչով մեծ չէ քան այն, որ հեթանոսներից մարդիկ հավատացին Քրիստոսին և դեղով նկարեցին Պողոսին, Պետրոսին և նույնիսկ իրեն՝ Քրիստոսին, և մնում է մինչև այսօր:

Արդ չե՞ք տեսել այդ գրքերը, ով ընկեր, որ հակառակում եք Աստծու պատվիրաններին: Ընկեր եմ ասում ոչ թե հավատքի ուղղափառության համար, այլ այն բանի համար որ լավեց մեր Հիսուս Քրիստոսից թե «Ընկեր, ինչի համար եկար»: Որովհետև եթե ընթերցել եք ու չգիտեք, ապա ձեզ համար ասված կլինի առաքյալի խոսքը, որ ասում է. «Աստված կուռացրեց այս աշխարհի անհավատների միտքը, որպեսզի նրանց մեջ չծագի Քրիստոսի փառքի Ավետարանի լույսը»¹⁴, և այլ բաներ: Իսկ եթե չեք կարդացել, պետք է փնտրել, քննել ու իմանալ բարին ու չարը, տարբերել աստվածայինն ու դիվականը:

Եվ ինչու չգիտեք, որ կուռքերի մեհյաններում քանդակված է Որմիզը՝ Արամազդը, և իր պոռնկություններն ու կախարությունները, իսկ Աստծու եկեղեցիներում նկարված ենք տեսնում սուրբ Կույս Աստվածածնին՝ իր գրկի մեջ ունենալով Քրիստոսին, որպես և՛ իր արարիչը և՛ իր որդին և՛ բոլորի ստեղծիչը: Կուռքերի մեհյաններում Անահիտն է իր պըղծություններով ու պատրանքներով: Իսկ քրիստոնյաների եկեղեցիներում և Աստծու վկաների հարկերում նկարված ենք տեսնում ս. Գրիգորին իր աստվածահաճո չարչարանքներով ու սուրբ առաքինություններով, ս. Ստեփանոս Նախավկային՝ իրեն քարկոծողների մեջ, երանելի և սուրբ կանանց՝ Գայանեին և Հովիտիսին իրենց հաղթական նահատակությամբ և սուրբ ընկերներով, ուրիշ առաքինների, պատվականների և հրեշտակակրոնների, որ չենք կարող թվել այստեղ: Կուռքերի մեհյաններում կան Աստղիկն ու Ափրոդիտեն, որին ցանկությունների մայր են անվանում բոլոր հեթանոսները, նրանց արբեցությունն ու անառակությունները, իսկ Աստծու եկեղեցիներում տերունական խաչը և առաքյալների ու մարգարեների խաչակիր գնդերը, որոնք վերացրին ամբողջ կուսպաշտությունը մեջտեղից և տիեզերքը բերին դեպի աստվածապաշտություն՝ ամաչացնելով աստանային և իր գործերին: Աստծու եկեղեցիներում նկարված ենք տեսնում Քրիստոսի (կատարած) բոլոր սքանչելագործությունները, ինչպես Գրքերում է գրված, ինչ որ նախապես ասացինք, թե մարգարեները մեզ գուշակեցին ծնունդը, մկրտությունը, չարչարանքները, խաչելությունը, թաղումը, հարությունը և երկինք համարաճալը: Եկեղեցիներում նկարում են այս բոլորը, ինչ որ Սուրբ Գիրքն է պատմում: Դեղով չե՞նք գրված գրքերը. նույն բանն էլ դեղով նկարված է եկեղեցիներում: Գրքերից միայն ականջներն են լսում, իսկ նկարները աչքով են տեսնում, ականջներով լսում և արտով հավատում: Ահա պարզ է, որ Գրքերից շեղում չէ պատկերների պաշտամունքը: Եթե որևէ մեկը (խորը) քննի, ճշմարտության կհասնի, իսկ հերետիկոսները մխավում են հակաճանտելով. «Նրա համար

12 Ագաթանգեղոս, «Հայոց Պատմություն», Վենետիկ, 1930, էջ 67-68:

13 Հիշեցնում է 96-րդ Սաղմոսի 5-րդ համարը:

14 Բ. Կորնթացուց Դ. 4:

ենք խոտան համարում (նկարները), որովհետև անխոս են և անշունչ: Բայց մի՞թե Աստծու տապանակը խոսում էր երբ բերանսփայլը կործանեց Դագովը, Ազովտան, Գեթը, և այլազգիների քաղաք Ասկոդով-ճան այնքան հարվածեց, մինչև որ ասկոդովացիք բողոքեցին ասելով. «Ինչու Իսրայելի աստծու տապանակը (վերա) դարձավ մեզ սպանելու համար, մեզ և մեր ժողովրդին»¹⁵: Միթե Քրիստոսի խաչը, որ հրեշտակների պարծանք է, մարդկանց փրկությունը և դևերի սարսափը, խոսեց, երբ քաղաքում կենդանացրեց մեռյալներին և մինչև մեր օրերը կատարել է բազմաթիվ հրաշագործություններ:

Ահա նոր պատվիրանները շարվում են հեղինակների և մեզ պատմում Քրիստոսի շնորհի մասին: Ավետարանի տուփերն էլ նկարված ենք տեսնում, ոչ միայն ոսկուց ու արծաթից պատրաստված, այլև փղդերի ոսկորներից և կարմիր կաշուց: Իսկ մենք, երբ երկրպագում ենք սուրբ Ավետարանին կամ համբուրում, ոչ թե փղի ոսկորներին ենք երկրպագություն մատուցում կամ լացքային¹⁶, որ բարբարոսների երկրից է վաճառքի բերվում, այլ Փրկչի խոսքին, որ գրված է մագաղաթի վրա: Միշտ նույնպես, երբ Փառաց Տերը ավանակի վրա նստած մոտեցավ քաղաքին, նրան ընդատաչեց ելան ձերերն ու մանուկները ձիթենու և արմավենու ուտերով. օրհնում էին, գովաբանում և երկրպագում: Ոչ թե էշին էին երկրպագում, այլ Քրիստոսին՝ Աստծու Որդուն, որ նրա վրա էր նստած: Այսպես էլ պատկերներին երկրպագելը ոչ թե դեղերի համար է, այլ Քրիստոսի համար, որի անունով նկարված են: Արդ, աստվածային պատկերների անմոռությունը ինչ է հեթանոսների պղծության և սեռ, որի համար հերետիկոսները թծեր են կարկաստում և հերձված մտցնում անձերի և բոլոր լսողների կորստի համար: Իրենց բոլոր կամակիցներով ու գործակիցներով վրեժ պիտի գտնեն տանջանքների դրժոխքում: Այսպիսիների մասին դիպուկ է ասել Ուլանե իջանիկ մարգարեն. «Գաղթակոթյան որոգայթները նրանց ճանապարհին են, որովհետև մոլություն արեցին Աստծու տան մեջ»¹⁷, իսկ մի այլ տեղ՝ «Կայ նրան ով ընկերոջը զգլխում է պղտոր հրապույրներով»¹⁸: Ել իսկապես. մեղքերի հրապույրներով ու որոգայթներով են պատված նրանք, որոնք տատանվում են ուղիղ հավատի մեջ և շեղվելով տապալվում ուղիղ խորհրդից: Բայց կխոսեն և չեն լռի: Օրինակ, խոսեցին որևէ գիրք որոնի արևելներում և ասի առաքյալը սուր կամ **Նապին** կամ **Նրեմիան**, մի՞թե Նապուն է խնդրում կամ առաքյալին, թե նրանց զբոքեցրում գտնվող աստվածային պատգամներն ու խոսքերը: Իսկ մենք պատկերներով հիշում ենք նրանց և նրանց առաքողներին, և չենք ասում թե սա (նկարը) Աստված է, այլ Աստծու և նրա ծառաների հիշեցնողը:

15 Ա. Թագավորաց Ե. 10:
 16 Մաղխապան բարտարան—«Ռեռնային կես թափանցիկ հյութ, որ կաթի պես ծորում է ծառերից»:
 17 Ուլանե Թ. 8:
 18 Ամբակում Բ. 15:

Իսկ որ գրված է թե Պապը եկեղեցի մտցրեց նկարները¹⁹, բոլորին հայտնի է, որ սուտ էր խոսում, որովհետև Հայաստանում ոչ ոք նկարել չգիտեր մինչև հիմա, այլ հոռոմներից (հույներից) էին բերում, ինչպես մեր ուսումն էր այնտեղից, երբ դեռ նրանք չէին մոլորվել: Ե՛վ Պապից առաջ ուրիշ թագավորներ կային, որոնք պատկերներ ու նկարներ էին դնում եկեղեցում Քրիստոսի անունով, և՛ Պապից հետո ուրիշ թագավորներ եղան Հայաստանում և հայրապետներ՝ ինչպես երանելի ս. Սահակն ու Մաշտոցը, Եզրնիկը, Արձանը, Կողոմը և նրանց ընկերները, որոնց միջոցով իսկ Աստված դպրություն շնորհեց հայերին:

Բայց նրանցից ոչ մեկը եկեղեցու պատկերների ու նկարների դեմ որևէ բան չգրեց, այլ միայն Օմուրը, Թադեոսն ու Նապին և նրանց ընկերները, որոնք շատերին իրենց հետ շեղեցին (ուղիղ ճանապարհից) ինչպես և ձեզ: Թեև ժամանակախորապես հերձվածողների կողմը փայլում է, սակայն, անմիջապես խամբում է, որովհետև սուտ են խոսում, իսկ առաջին մեղքերը ստեղծելուց ճնշեցին, ինչպես Ադամի մոտ: Այս խոսքերը իմը չեն, այլ Սուրբ Գրքերինը՝ Հին և Նոր Կտակարաններինը: Եթե ուզում եք Քրիստոսին ծառայել ու սիրել նրա պատվիրանները, նույն գրքերը, որոնց անունը այստեղ գրված է, որոնեցեք, և երբ գտնեք, նրանք ձեզ Աստծու ճշմարիտ ճանապարհը ցույց կտան:

Նկարների մասին այսքան էլ բավական է նրանց, ովքեր խեղք ունեն:

Իսկ դեղերի մասին, որ ասում են թե պիղծ են, հանդիմանվում են իրենց իսկ բերանով, որովհետև գրքերի դեղն է արջապա, գլտոր և կոիզ, որ կարելի է ուտել նույնիսկ, իսկ պատկերների նյութն է կաթ, ձու, գառիկ, լածվարդ, ժանգոտ, բոտ, կիր և այլ բաներ, որոնց մի մասը կարելի է ուտել որպես կերակուր, կամ բժշկման համար գործածել: Բայց պիղծ չենք համարում այն, որ Աստված տվեց երկրի վալեկոթյան համար, և իրրև զագրելի բան չենք արհամարհում, երբ ասում եք թե հոտ է գալիս դեղերից: Իսկ եթե այդքան անաղտ էր և հոգևոր, պետք է աղոթքի ժամին պատուեք ձեր որովայնները, եռացրած ջրով լվաք ձեր աղիքները և հետո միայն մտնեք եկեղեցի, ո՛վ չար և անչափ չարեր, որ մերթ դեղերն էք պատճառ բռնում և մերթ՝ պատկերներն ու նկարները, և ասում եք, որ ձեռագործ են ու մեզ ոչ արժանի նաև: Եկեղեցիներն են ձեռագործ և կոչվում են Աստծու Տաճար, ինչպես Պողոսն էր ասում Տիմոթեոսին. «Որպեսզի իմանաս, ասում է, որ ինչպես

19 Հավանաբար պատկերամարտները գործածել են Փ. Բյուզանդի հետևյալ խոսքերը. «Նրա (Ներսեսի) այս աշխարհից գնալուց հետո, շատ մարդիկ դարձան նախկին կոապաշտության. Հայաստանի շատ տեղերում կուռքեր կանգնեցրին Պապ թագավորի թույլտվությամբ, որովհետև չկար մեկը, որ հանդիմաներ, չկար մեկը, որից բաշվեին, այլ ամեն մարդ համարձակ գործում էր, ինչ որ կամենում էր. շատ արձաններ էին կանգնեցրել և նրանց երկրպագում էին» (Փ. Բյուզանդ, Երևան, 1968, էջ 269—270):

պետք է քեզ շրջել Աստծու տանը, որ կենդանի Աստծու եկեղեցին է, ճշմարտության պուճուխն ու հաստատությունը»²⁰: Արդ ինչ կատարեք (այս մասին), որովհետև սա էլ (Տաճարը) ձեռագործ է, իսկ այդ հայտնիի միջոցով աներևույթն ենք ճանաչում. դեղերն ու նկարները Աստծու և նրա ծառաների հիշեցնողն են: Բայց որովհետև դուք սատանայով եք տարված և ձեր անձերը սուրբ են համարում, նման եք ապիտակացրած գերեզմանների: Ուստի ճիշտ է ասել առակողը. «Ծատ արդար մի լինիր և մի ճամարտակիր, որպեսզի չսխալվես»²¹: Դարձյալ ասում է.

20 Ա. Տիմոթեոս Գ. 15:


21 Ժողովող Է. 17:


«Չար ծնունդը արդարների մոտ է փնտրում իր անձը»²², ինչպես և դուք բարձրա(մտե)լով գոռոզանում եք և անդուռ բերանով շատախոսում այն, ինչ պետք է:

Իսկ մենք կշտապենք ստնել Քրիստոսի եկեղեցի գիշեր ու ցերեկ կանխա(պես) աղոթելով, որպեսզի ավարտենք այս պանդխտության ժամանակը և արժանի լինենք դատաստանի օրը զվարթագին դեմքով տեսնելու Աստծուն, որպեսզի կարողանանք հասնել հավիտենական բարիին, քանի որ Նրանն է փառքը հավիտյանս հավիտենից. Ամեն»:

ԵՐՎԱՆԻ ՄԵԼՔՈՆՅԱՆ

22 Առակաց Լ. 12:





ԱՐՄԻՆԵ ՔՈՇԿԵՐՅԱՆ

ՄԻ ՆՈՐԱՀԱՅՏ ԱՆՀԱՏԱԿԱՆ ԳԱՆՁԱՐԱՆ

Գանձերից, տաղերից, մեղեդիներից ու հորդորակներից բաղկացած ժողովածուները, որոնք կոչվում են Գանձարան, ընդգրկում են զանազան հեղինակներ: Վերջիններս հանդես են գալիս ոչ հավասարաչափ գանձերով կամ տաղերով: Որոշ անուններ հանդիպում են բավական հաճախ, մինչդեռ ուրիշները՝ ընդամենը մի քանի անուշներով: Օրինակ, հին շրջանի ձեռագրերում Գր. Նարեկացու, Գեորգի, Մովսեսի, Մկրտիչի, Խաչատուրի և Մխ. Այրիվանցու գանձերը կազմում են մեծ թիվ, ընդ որում, վերջին երեքի ստեղծագործությունները շարունակում են գերակշռել նաև հետագայում: Միաժամանակ նկատելի է, որ Գանձարաններում այդ հեղինակների գանձերը կամ տաղերը ներկայացված են ոչ միայն շոշափկի քանակով, այլև՝ մասամբ պահպանված տոնական շարքով: Հետևապես, միտք է ծագում, որ ստանձին անհատներ կարող էին ունեցած լինել գանձարանային ամբողջություն կազմող գանձերի կամ տաղերի խումբ: Վերևում հիշված հեղինակների մասին ձեռագրերում, այս կապակցությամբ, կան կարևոր տվյալներ, որոնք սակայն առայժմ դեռ անբավարար են և ենթակա ստանձին թմուրային: Իսկ ինչ վերաբերում է գանձերի առաջին հեղինակ Գր. Նարեկացուն, ապա հնագույն շրջանի մի քանի Գանձարաններում պահպանված նրա գանձերի, տաղերի ու մեղեդիների փոխմարտերությունն ու համադրությունը մեզ հանգեցրել է այն համոզման, որ այդ երկերն իրենց ստեղծման օրից, ըստ երևույթի, ունեցել են հեղինակային մի ամբողջական համակարգ¹: Ուրեմն հավանական է, որ սկզբնական շրջանում Գանձարանները ծագած լինեին իբրև անհատական ժողովածուներ:

¹ Նշված հարցին անդրադարձել ենք «Գրիգոր Նարեկացին և Գանձարանների սկզբնավորումը» հոդվածում, որը հանձնված է տպագրության:

Հեղինակային Գանձարանների երբեմնի գոյությունը հաստատող մի շատ կարևոր փաստ է հանդիսանում Մաշտոցյան Մատենադարանի № 6527 Գանձարանը: Վերջերս մեր ուշադրությունը գրաված այս ձեռագիրը, որ բաղկացած է գանձերից, տաղերից ու հորդորակներից, հանդես է գալիս մի հեղինակի՝ **Սուքեյ վարդապետի անունով**: Այսպիսով, շնորհիվ նորահայտ ձեռագրի, փոխվում է Գանձարանների բնույթի մասին մինչև այժմ գոյություն ունեցող պատկերացումը և տարակույս չի մնում, որ նաև առանձին անհատներ կազմել են Գանձարան-ժողովածուներ: Նորահայտ Գանձարանը հետաքրքրական է նաև այն առումով, որ նրա հեղինակ Սուքեյ վարդապետը, ինչպես կոտակներ ստորև բերված փաստերից, հանդիսանում է 15-րդ դ. բանաստեղծ **Սուքեյ Բաղիշեցին**: Վերջինիս գանձերի ու հոգևոր տաղերի ցանկը, շնորհիվ նշված ձեռագրի, հարստանում է մի քանի տասնյակ նոր նմուշներով, իսկ ինքը՝ Առ. Բաղիշեցին առաջին անգամ հայտնի է դառնում բանասիրությանը իբրև Գանձարան-ժողովածուի հեղինակ:

Մեր նպատակն է սույն հոդվածով հանգամանորեն ներկայացնել հեղինակային Գանձարանների՝ մեզ հայտնի դարձած ամբողջական և առայժմ եզակի այդ շատ կարևոր ձեռագիրը: Այդ կապակցությամբ օգտակար նյութեր են բովանդակում Մատենադարանի նաև երկու այլ Գանձարաններ (№№ 7349 և 7961), որոնց մասին խոսք կլինի իրենց տեղում:

*
* *

Նորահայտ Գանձարանը (№ 6527) ընդօրինակված է Դույթիկ գոյություն 1528 թ. Ստեփաննոս եպիսկոպոսի ձեռքով: Ձեռագիրը բաղկացած է 233 թերթից, գրված դեղնավուն թղթի վրա, միասույն, ոչ գեղեցիկ բոլորգրով, առանց մանրանկարների ու զար-

դագրերի: Վերնագրերն ու սկզբնատառերը կարմիր են: Նախկինում այն բավական վնասված է եղել, սակայն հետո վերանորոգվել է՝ ու վերակազմվել և այժմ գտնվում է բարվոք վիճակում: Սկզբում կա հինգ թերթ պահպանակ. երեքը թղթյա է՝ տպագիր («Մեկնություն աղոթասաց»), իսկ երկուսը մագաղաթ՝ Մատթեոսի Ավետարանից: Ձեռագիրն ունի ութ պրակ, յուրաքանչյուրը բաղկացած հազվադեպ պատահող 30 թերթից (բացի Ա, Բ, Ը պրակներից) այրբեմական էջակալումով՝ կատարված, հավանաբար, հենց գրչի ձեռքով: Այդ էջակալումը, սակայն, միատեսակ չէ և ունի վրիպումներ, ուստի չի համապատասխանում թերթերի քանակին: Ձեռագիրը լրիվ է, պակասում է միայն մի քանի թերթ, որի պատճառով երեք գանձ մնում են թերի (թերթ 212ա, 213ա, 230ա): Գանձերը համարակալված են ըստ սկզբնական ցանկի, որը բովանդակում է Ա—Ղէ գանձ: Նրանց ընդհանուր թիվը, սակայն, ոչ թե 97 է, այլ 95, որովհետև ԶԳ համարի գանձը, որն ըստ ցանկի պետք է նվիրված լիներ Մինաս, Երմոզիմե և Գրաբոս սրբերին, ձեռագրի ընդօրինակության ժամանակ վրիպել է գրչի ուշադրությունից²: Պակասող մյուս մտուշը նվիրված է Թեոդորոս զորավարին, որից բերված է միայն վերնագիրն ու սկզբնատողը³: Ձեռագրի բոլոր գանձերը հանդես են գալիս Առաքել վարդապետի անունով, որը հանդիպում է խորագրերում, արտահայտված է ծայրակապով և երբեմն հիշատակված է նաև ստորին լուսանցքներում: Գանձերից մեկը միայն՝ նվիրված Աստվածածնի վերափոխման տոնին (թերթ 177բ), որն իր չափով և այլ հատկանիշներով չի տարբերվում մյուսներից, ունի «Ներսէս» ծայրակապ: Այն հանդիսանում է Ներսես Ծնորհալու անհանգ ու խառն չափով գրված «Ներսէսի երգ» ծայրակապով համանուն գանձի մշակումն ու վերաշարադրումը՝ կատարված Գանձարանի հեղինակի կողմից⁴: Ինչ վերաբերում է ձեռագրում հանդես եկող տաղերին ու հորդորակներին, որոնց թիվը հասնում է 59-ի, ապա նրանց մեծագույն մասը՝ 42 տաղ ու հորդորակ ունեն Առաքելի անունը հողող ծայրակապ և կամ պահպանել են նրա անունը խորագրե-

րում⁵: Ձեռագրի վերջին թերթերում նոտրաման գրով, հավանաբար հետագայում, ընդօրինակված է շարականի մի հատված, ինչպես նաև Ն. Ծնորհալու «Աշխարհ Ամենայն»-ը, և վերջապես գալիս է Նձ 6527 ձեռագրի գրչի հիշատակարանը, որը բերում ենք ստորև փոքր կրճատումներով.

«Գրեցաւ Գանձարանս յիշատակ Նուբարին և Հատին... որ գնեցին զԳանձարանս և տուին ի գեօղն ի Ղուլթիկ ի դունս սուրբ Գեորգեայ զօրավարին և սուրբ Յոնանին և սուրբ Յովանիսին... ձեռամբ տէր Մկրտչին և տէր Մէլքէսեթին, որ հաճապազ կարդան և Աստուած ողորմի ասեն Հատին և կնօջն Նուբարին...»

Զգանձս հարցնատես արարէք և ասէք, որ ի յԱռաքել վարդապետի սուրբ աղօթից և ի յաւուր տօնի սրբոցն մասնակից լինիք և վարձք առնուք ի յԱստուծոյ և ի սրբոցն, ամէն:

Դարձեալ յիշեցէք... Հատի քորոզն Սաֆին, որ կամակից եղև գրոցս առնելոյն... չկայ հրամանք, որ գիրքս ելանէ ի գեղէն Ղուլթկայ, այլ կենայ ի սուրբ եկեղեցոյ դունս ի սուրբ Գեորգեայ զօրավարին» (թերթ 232բ—233բ):

Նձ 6527 Գանձարանում գտնվող նյութերը, ինչպես արդեն նշվեց, հանդես են գալիս Առաքել վարդապետի անունով և ձեռագիրն այսպիսով ներկայանում է իբրև անհատական մի ժողովածու: Այդ է ապացուցում վերոնշյալ հիշատակարանի «ի յԱռաքել վարդապետի սուրբ աղօթից և ի յաւուր տօնի սրբոցն մասնակից լինիք» պարբերությունը: Նշված ձեռագրի հեղինակային Գանձարան լինելու օգտին են վկայում նաև որոշ տվյալներ կապված գանձերի ու տաղերի հետ:

Ամենից սուաջ նկատելի է այդ ստեղծագործությունների ծայրակապերի ընդհանուր նմանությունը: Ծայրակապով են հանդես գալիս բոլոր գանձերն անխտիր (95 մտուշ), ինչպես նաև տաղերի ու հորդորակների մեծագույն մասը (40 մտուշ), ընդ որում, հիմնականում, արտահայտված հեղինակի անունով: Օրինակ՝ գանձերից 44-ը հողում են պարզապես «Առաքել», «Առաքելի», «Առաքելի է», «Այս յԱռաքել է», «Առաքել վարդապետի», «Այս բան յԱռաքել է» և նման այլ ձևեր են օգտագործված ինչպես գանձերի, այնպես էլ տաղերի ու հորդորակների համար: Ձեռագրում կան նաև իմաստային ծայրակապ ունեցող 13 գանձ և 7 տաղ⁶: Գանձերի և ավելի հաճախ տաղերի համար օգտագործվող ծայրակապի այս ձևը, որն ընդհանրապես արտացոլում է համապատասխան ստեղծագործության բովանդակությունը, նշված ձեռագրում հաճախ հանդես է գալիս զուգորդված հեղինակի անվան հետ: Այսպես, օրինակ. «Առաքելի է ի յարություն Ղազարոս», «Մարգարէից է ի յԱռաքել է երգ», «Վեց ատուր յԱռաքել է», «Այս գանձ վարազայ խաչին յԱռաքել վարդապետէ», «Այս յԱռաքել է»:

² Ձեռագրում գանձերից յուրաքանչյուրի համար գրիչը համապատասխան էջի ստորին լուսանցքում ունի ստուգման հատուկ նշան՝ օ, որը ԶԳ համարի վերոնշյալ գանձի համար նշանակված է խաչով՝ ⊕ Այդ նշանակում է, որ գրիչը ստուգել և նկատել է իր վրիպումը:

³ Նշված գանձի վերնագրին կից կարդում ենք «գրած է» բառերը, որոնք թերևս ցույց են տալիս, թե ձեռագրի նախօրինակում էլ «գրած է» եղել հենց այդքան:

⁴ Ակնբախ է երկու գանձերի նմանությունը մանավանդ տների սկզբնատողերում, որոնք գրեթե միատեսակ են. Նորահրաշական տօնիս կուսական..., Երրեսարում էին..., Բամեալ միայնոյ... և այլ նման բառերով են սկսվում տները ինչպես Ն. Ծնորհալու մոտ, այնպես էլ նորահայտ Գանձարանի նշված գանձում:

⁵ Ծանոյան տոնին նվիրված մի տաղ ունի «Յովանիս» ծայրակապ, այդ մասին խոսք կլինի հետո:

⁶ Ձեռագրում կա նաև մի տաղ, որն իր սկզբնատողերով հողում է այբուբենի տառերը՝ Ա—Բ:

քել վարդապետէ աւագեալ բան առ թումայ առաքեալն» և այլն:

Չնուազրում կան տաղ ու հորդորակի մի քանի մտուշներ, որոնք հանդիսանում են միևնույն ստեղծագործության առանձին մասերը: Գանձարաններում տաղերի, մեղեդիների ու հորդորակների (հազվադէպ նաև գանձերի) մասն մասնատում հաճախ է նկատվում, երբ նրանք աճատարար հանդես են գալիս այլ հեղինակների ստեղծագործությունների հետ, տեղիք տալով շփոթության: Նորահայտ Գանձարանում այդ ինքնուրույն հատվածները ներկայացված են միմյանց կից՝ իբրև տաղ ու հորդորակ և շնորհիվ իրենց շքեղմիջով ծայրակապի, կրկին անգամ հաստատում են, որ այդ երկերը կազմում են հեղինակային մի ամբողջություն: Օրինակ, հետևյալ ծայրակապերի ընդգծված մասերը վերաբերում են տաղերին, իսկ շքեղմիջները՝ հորդորակներին.

«Այս յԱռաքել վարդապետէ», «ի յԱռաքելէ վարդապետին երգ բան», «Առաքել վարդապետի է ի գալուստ հոգուն», «Առաքել վարդապետի է կուսանաց»:

Նորահայտ ձեռագրի գանձերը, տաղերն ու հորդորակներն ունեն Գանձարանի հեղինակային բնույթը հաստատող նաև այլ հատկանիշներ, ինչպես օրինակ՝ գանձերի մեծագույն մասի համար կիրառվող միատեսակ չափը⁷, որոշ նույնանման քառերի ստեղծագործությունը և գանձը կամ տաղը հաճախ միանման տողերով ավարտելու սովորությունը, երբ գրեթե միշտ հանդիպում են «եկայք ձայնին», «արհնեալ չկայք» և նման արտահայտություններ:

Նշված Գանձարանի անհատական էությունը կարող է բացատրվել մասամբ նաև այն, որ պատեղ չկան մեղեդիներ, որոնք լինում են սովորական Գանձարաններում, այլ կան միայն գանձեր, տաղեր ու հորդորակներ: Բացի այդ, խիստ սահմանափակ է յուրաքանչյուր գանձի կից հանդես եկող տաղերի ու հորդորակների թիվը. ընդ որում, գանձերի մեծ մասից յուրաքանչյուրն ունի համապատասխան մեկ տաղ ու մեկ հորդորակ և կամ ընդհանրապես գուրկ է դրանցից, մինչդեռ Գանձարաններում դրանք սուսասարակ կազմում են մեծ թիվ:

Հեղինակային № 6527 Գանձարանը, որն առայժմ մեզ հայտնի է նշված միակ օրինակով, բնականաբար, ունեցել է նաև այլ ընդօրինակություններ, որոնք թեև ոչ ամբողջապես, գեթ հատվածաբար կարող են հանդիպել գանձագան ձեռագրերում: Այս տե-

⁷ Գանձերի համար օգտագործված հիմնական չափն է յամբ-անապետայան 9 վանկանի (երկու հաստածով՝ 4+5) չափը, իսկ ութ գանձ ունեն յամբ-անապետայան 5 վանկանի չափ: Նշված երկու չափերը հանդես են գալիս նաև միապին, միևնույն գանձում: Այդպիսիք ձեռագրում երեքն են, որոնցից՝ երկուսի մոտ չափը փոխվում է մեջընդմեջ տներով, իսկ երրորդը կեսից՝ յութերորդ տնից: Այս տան լուսանցքում կարդում ենք «փոխէ զձայնն» քառերը: Նշանակում է, տարբեր չափերի կիրառությունը կարող էր պայմանավորված լինել նաև տվյալ ստեղծագործության եղանակային (երածյուական) փոփոխություններով:

սակետից ուշագրավ է Մատենադարանի № 7349 Գանձարանը, որն ընդօրինակվել է 1757—1761 թթ. Կարինում: Այստեղ, այլ հեղինակների կողմից հանդես եկող Առաքել վարդապետի ստեղծագործություններից 27 գանձ և 13 տաղ ու հորդորակ համապատասխանում են հեղինակային նորահայտ № 6527 Գանձարանի նյութերին և նման են ինչպես իրենց դասավորությանը, այնպես էլ գանձ ու տաղ և կամ գանձ, տաղ ու հորդորակ միասնական ամբողջությանը: Այսպիսով, 18-րդ դ., այդ ձեռագրով տեսնում ենք անհատական Գանձարանի րեկորներ, որոնք պահպանվել են, հավանաբար, մի այնպիսի օրինակից, որի նախատիպը հանդիսացել է № 6527 Գանձարանը: Ուշադրության է արժանի Մատենադարանում պահվող նաև մի այլ Գանձարան՝ № 7961, որն ընդօրինակվել է 1489 թ. Բաղրի Նեխրի գյուղում: Չնուազիրև սկզբից թերի է, սկսվում է 38-րդ գանձից: Նյութերի իր դասավորությամբ այն շատ նման է Առաքել վարդապետի վերոնիշյալ № 6527 հեղինակային Գանձարանին և, ինչպես երևում է գանձերին կից գտնվող համարներից, ընդգրկել է նուստիբարանն նույնքան գանձ և թերևս մի քիչ ավելի տաղ ու հորդորակ: Առաքել վարդապետի գանձերն պատեղ մյուս հեղինակների համեմատությամբ ունեն թվական նկատելի գերակշռություն: Նրա անունով հանդես են գալիս 26 գանձ, մինչդեռ Գրիգորի անունով՝ 13, իսկ ուրիշ հեղինակներ ներկայացված են շատ ավելի քիչ նմուշներով: Տաղերի հաջրում, ծայրակապի հաճախակի բացակայության պատճառով, դժվար է նման հաշվառում կատարել, սակայն պատեղ ևս Առաքել վարդապետի անունը հանդիպում է բավական հաճախ (14 տաղ): Առաքել վարդապետի նշված 26 գանձերից 23-ը, ինչպես նաև տաղերից 7-ը առկա են հեղինակի անհատական Գանձարանում: Սրանք կարող էին դիպել իբրև այդ ժողովածուից արտածված նմուշներ, բայց մեր կարծիքով պետք է լինեն հեղինակի ավելի վաղ շրջանի երկերը, որոնց հիման վրա նա հետագայում ստեղծել է իր Գանձարան-ժողովածուն: Այսպես ենք ենթադրում հատկապես այն պատճառով, որ № 7961 ձեռագիրն իր գրության ժամանակով, ինչպես նաև կառուցվածքով լինելով նորահայտ Գանձարանին շատ մոտ կանգնած մի ձեռագիր, նրանում հանդես եկող գանձերի ու տաղերի վերոնշյալ փուլերը, բնականաբար, պետք է ներկայանար առավել ամբողջական ու կոտ տեսքով: Սակայն էականն պատեղ ոչ թե այն է, որ տվյալ ձեռագրում գտնվող ստեղծագործությունների պա խումբը հաջորդել կամ նվազորդել է հեղինակի Գանձարան-ժողովածուին, այլ այն, որ նրա, ինչպես նաև № 7394 ձեռագրի միջոցով մի անգամ ևս հաստատվում է նորահայտ № 6527 Գանձարանի հեղինակային միասնակամությունը: Մնում է որոշել, թե ո՞վ է նրա հեղինակ Առաքել վարդապետը:

№ 6527 Գանձարանը, որի ընդօրինակությունն, ինչպես գիտենք, կատարված է 1528 թ., պիտի կազմված լինի 15-րդ դ. ապրամ մի հեղինակի կողմից, որովհետև ավելի վաղ շրջանի ձեռագրերում Առաքելի անունով գանձեր չեն հանդիպում: Բանասիրու-

թյանը հայտնի են 15-րդ դ. երկու Առաքելներ՝ Այունեցի և Բաղիշեցի, որոնք հաճախ շփոթվել են միմյանց հետ և մեկի ստեղծագործությունը սխալմամբ վերագրվել է մյուսին: Նշված ձեռագրի հեղինակը որոշելու հարցում Ա. Այունեցու և Ա. Բաղիշեցու կապակցությանը առաջ եկած երկընտրանքին վերջ է տրվում այն պարզ պատճառով, որ անվիճելիորեն Ա. Այունեցուն համարվող ստեղծագործություններին ոչ մեկը բնվող № 6527 ձեռագրում չի հանդիպում⁸, մինչդեռ շատ փաստեր Ա. Բաղիշեցու օգտին են խոսում:

Ձեռագրական տվյալների հիման վրա մինչև այժմ Ա. Բաղիշեցու անունով հայտնի են եղել ավելի քան մեկ տասնյակ գանձեր ու ավելի մեծ թվով տաղեր: Նշված ստեղծագործությունների ցանկը բերված է Մաշտոցյան Մատենադարանի մատենագիտակա՝ ցուցակներում (անտիպ), Հ. Անասյանի գրքում⁹, ինչպես նաև Ա. Ղազինյանի Ա. Բաղիշեցուն նվիրված մենագրության մեջ¹⁰: Ա. Բաղիշեցու գանձերի ու տաղերի մասին եղել են ակնարկներ նաև բանասերների կողմից: Օրինակ՝ Ղ. Փիրղալեմյանն ասում է. «...Առաքել վարդապետ Բաղիշեցի երգիչն, որ ունի բազում գանձա սասցեսայ»¹¹: Մ. Պոտուրյանը Ա. Այունեցուն նվիրված իր աշխատության մեջ գրում է, որ վեներտիկի ձեռագրական հավաքածուի № 604 Գանձարանը ընդօրինակված 1488 թ., բովանդակում է «Բաղիշեցու ընծայելի շատ մը գանձեր»¹². Ա. Բաղիշեցու ոչ միայն գանձերի, այլև տաղերի նմուշներ են հանդես գալիս նույն հավաքածուի № 651 (ԺԶ դ.) Գանձարանում¹³: Չգիտենք, սակայն, թե քանիսն են և կամ որոնք են այդ գանձերն ու տաղերը: Այն գանձերը, որոնք մեզ հայտնի են վերելում նշված ցուցակներից և անվերապահորեն համարվում են Ա. Բաղիշեցուն, № 6527 ձեռագրում մեծ մասամբ կան: Այստեղ առկա են նաև գանձեր, որոնք ընդհանրապես հանդիպում են լոկ Առաքել անունով, իսկ եթե որոշ ձեռագրերում պատահում են հեղինակային լրացուցիչ նշումներ, ապա դրանք դարձյալ Առաքել Բաղիշեցու անունով են: Այս հան-

գամանքն էլ հանդիսանում է նշված Գանձարանը Ա. Բաղիշեցուն համարելու առաջին և գլխավոր կոպանք: Ինչ վերաբերում է հեղինակի տաղերին, ապա նրանք մեծ մասամբ ձեռագրերում հազվադեպ նմուշներ են՝ ընդհանրապես հայտնի Առաքելի անունով¹⁴, որոնցից Ա. Բաղիշեցու անունով հանդիպում է մեկը՝ «ՅԱռաքել մըտաւք տըլմար...», իսկ Ա. Այունեցու չի հանդիպում ոչ մի նմուշ:

Նորահայտ № 6527 Գանձարանում կան տվյալներ, որոնք նույնպես Ա. Բաղիշեցու օգտին են և միաժամանակ նպաստում են ճշտելու Գանձարանի ըստեղծման վայրն ու մոտավոր թվականը: Հայտնի է, օրինակ, որ Ա. Բաղիշեցին եղել է Չմշկածագի նահանգի Յաղման գավառի Երկայն-Ընկույցաց վանքի առաջնորդ: Դրա մասին հիշվում է ձեռագրերի հիշատակարաններում, որոնք վերաբերում են 1432—1435 թվականներին¹⁵: Այդ մասին լրացուցիչ տեղեկություններ է մեզ հաղորդում Երուսաղեմի № 25 Հայամավորք-ձեռագիրը, ընդօրինակված մի քանի գրիչների ձեռքով և ավարտված 1485 թ. Երկայն-Ընկույցաց վանքում: Ձեռագրի բազմաթիվ հիշատակագրություններում հաճախակի հանդիպում է Ա. Բաղիշեցու ծնողների՝ Ներսեսի և Խությունելիքի, ինչպես նաև որդու՝ «ընտաքոյս մանուկ» տեր Հովհաննեսի անունները, իսկ գրչի գլխավոր հիշատակարանում կարդում ենք. «...Եւ արդ ես... բազմամեղ ստուանուն երեց Կարապետ, ըստ իմում տկար, անձամբս լաճճն առի և... կատարեցի... ի վանքս Երկայն Ընկույցեաց, ընդ հովանեաւ սուրբ Կարապետին և սրբունոյ Աստուածածնիս, ի հայրապետութեան տեսոն Կոստանդեայ, և յառաջնորդութեան սուրբ Ոյխտիս՝ Առաքել վարդապետի և Ստեփանոս Հայրապետի, ի թվականս Հայոց 924...»¹⁶ (1435):

Այստեղ Առաքել վարդապետի հետ հիշվում է նաև Ստեփանոս հայրապետը, այսինքն՝ եկեղեցու հայրերի պետը կամ վանահայրը: № 6527 ձեռագրում երկու անգամ գանձերի վերջին տողերում կարդում ենք՝

Նաև մերո եպիսկոպոսին
Պարիսպ լինել տեր Ստեփաննոսին... (թերթ 29ա)
Ջեպիւկոպոսն այս Գանձատերին
Ջտեր Ստեփաննոսն ի խաղաղութիւն... (թերթ 100ա)

Նշված տողերում հիշված Ստեփաննոսը, բնակավայրաբար, չէր կարող լինել ձեռագրի գրիչը, որն իր մասին անշուշտ չէր ասի «մերո եպիսկոպոսին»: Ուրեմն նա մի ուրիշ Ստեփաննոս է, թերևս վերոհիշյալ հիշատակարանում նշված և Ա. Բաղիշեցու ժամանակակից նույն Ստեփանոս հայրապետը, որը, հավանաբար, հանդիսանում է նաև տվյալ Գանձա-

⁸ № 6527 Գանձարանում գտնվող «Յորժամ որ ստեղծեաց տերն ամենայնի» սկզբնատողով տաղը Հ. Անասյանը հղում է Ա. Այունեցուն առանց որևէ հիմնավորման, հավանաբար այն պատճառով, միայն որ տվյալ ստեղծագործությունը Ա. Բաղիշեցունը համարելու բավարար հիմքեր չի ունեցել (տե՛ս Հ. Անասյան, Հայկական Մատենագիտություն, հատոր Ա, Երևան, 1959, էջ 248):

⁹ Հ. Անասյան, նշվ. աշխ., էջ 1128—1132:

¹⁰ Նշված դիսերտացիոն աշխատությունը անտիպ վիճակում հեղինակը տրամադրել է մեզ ծանոթանալու, որի համար հայտնում ենք մեր շնորհակալությունը:

¹¹ Ղ. Փիրղալեմյան, Նոտարք հայոց, Կ. Պոլիս, էջ 116:

¹² Մ. Պոտուրյան, Առաքել Այունեցի և իր քերթվածները, Վենետիկ, 1914, էջ 1:

¹³ Մ. Պոտուրյան, նշվ. աշխ. էջ 1, 2:

¹⁴ № 6527 Գանձարանի տաղերից համեմատաբար մեծ թվով նմուշներ են հանդես գալիս՝ շուրջ երկու տասնյակ, №№ 7961 և 7949 ձեռագրերում:

¹⁵ Լ. Խաչիկյան, ԺԵ դարի հայերեն ձեռագրերի հիշատակարաններ, մասն Ա, Երևան, 1955, էջ 426, 442, 449, 458:

¹⁶ Ն. Պողարյան, Մայր ցուցակ Ձեռագրաց սրբոց Յակոբեանց, հատոր Ա, Երուսաղեմ, 1966, էջ 181:

բանի պատվիրատուն, ինչպես ցույց են տալիս «զեպիսկոպոսն այս Գանձատետրին» բառերը¹⁷:

Ուշադրության է արժանի նաև ձեռագրում գտնվող Տեառնընդատաջի տունին նվիրված գանձի վերջում պահպանված հետևյալ տողերը՝

**Չտէր Առաքել տեսուչս հատի
Պահել անփորձ ի հնարից շարի... (թերթ 22թ)**

Այստեղ «տեսուչս հատի» բառերը հավանաբար վերաբերում են Երկայն-Ընկույզաց վանքում Առ. Բաղիշեցու զբաղեցրած առաջնորդական պաշտոնին: Ուրեմն, բացի այն, որ Գանձարանի հեղինակը Առ. Բաղիշեցին է, միաժամանակ պարզվում է, որ այն հավանաբար կազմված է եղել Երկայն-Ընկույզաց վանքում հեղինակի առաջնորդության տարիներին, ընդ որում, ժամանակն ավելի է ճշտվում հետևյալ փաստով:

№ 8527 ձեռագրում առկա են Առ. Բաղիշեցու անունով հայտնի ոչ բոլոր գանձերը¹⁸: Պակասող մի քանի նմուշների թվին է պատկանում Թեկղի և Վառվառե կույտերին նվիրված նրա գանձն իր համապատասխան տաղով: Այս տաղի վերջում հեղինակը հայտնում է, որ նշված ստեղծագործությունը (անշուշտ, նաև գանձը) նա գրել է 1438 թ. Մերտին քաղաքում:

**Ի յո՞ք հարիւր թվականին
Ութսուն և կթն աւելորդին
Ջբանս ասացի սուրբ Վառվառին
Տեզեր Մերտին մեծ քաղաքին¹⁹...**

Հետևապես, եթե այս գանձն ու տաղը տեղ չեն գտել վերոնշյալ Գանձարանում, ապա պիտի ենթադրել, որ Գանձարանը մինչև 1438 թ. արդեն կազմված է եղել: Արժև նկատել, որ հեղինակի անունով այլ ձեռագրերից հայտնի և տվյալ Գանձարանում բացակայող գանձերի այդ մի քանի նմուշները տեղ չեն գտել նաև № 7981 ձեռագրում, մի հանգամանք, որն ավելի հավանական է դարձնում այն ենթադրությունը, թե այդ ձեռագրում գտնվող Առ. Բաղիշեցու ստեղծագործությունները նախորդել են հեղինակային Գանձարանի ստեղծմանը:

Ուշադրության է արժանի՝ նորահայտ Գանձարանը Առ. Բաղիշեցունը համարելու մի այլ, ոչ նվազ կա-

րելոր հանգամանք, որը կապվում է Գր. Խլաթեցու անվան հետ: Վերջինս, ինչպես գիտենք, ձեռնամուխ է եղել Գանձարանների խմբագրմանը ու միաժամանակ այդ ժողովածուները հարստացրել իր հեղինակած բազմաթիվ նոր գանձերով, տաղերով, մեղեդիներով ու հորդորակներով: Հայտնի է, որ Առ. Բաղիշեցին եղել է Գր. Խլաթեցու աշակերտը, իր սիրելի ուսուցչի հանդեպ տածել ստանձին հարգանք ու նրան նվիրել մի ներքող և մի ողբ: № 8527 ձեռագրում գտնվում է մի գանձ, որի ծայրակապն է՝ «Թ խնդրոյ վարդապետին Գրիգորին»: Ըստ հավանական է, որ հեղինակն այստեղ նկատի է ունեցել իր ուսուցչին: Բացի այդ, նկատվում է Գր. Խլաթեցու անմիջական հաղեցությունը Գանձարանում գտնվող ստեղծագործություններում, որոնք աչքի են ընկնում նրա երկերին բնորոշ մի շարք առանձնահատկություններով: Օրինակ՝ գանձերի համար հեղինակի օգտագործած չափերը, նրան կից օգտագործվող հանգավոր փոքրիկ հիշատակագրությունները, որոնք սկիզբ են առնել Գր. Խլաթեցուց և նրա կողմից կոչվել կաճա, գանձի կամ տաղի վերջում իրեն՝ հեղինակին հիշելու սովորությունը և վերջապես ծայրակապի այն յուրահատուկ ձևը, երբ, բացի տեսալույս տառերից, գանձերի մեջ օգտագործվում են նաև տողերի սկզբնատառերը: Այսպես՝ «Այս բան յԱռաքել»²⁰, «Առաքել վարդապետին երգ», «Այս գանձ Վարագայ խաչին յԱռաքել վարդապետ»:

Ձեռագրում գտնվում է Գր. Լուսավորչին նվիրված մի գանձ այսպիսի ծայրակապով՝ «Առաքելի է այս խնդրեալ է Յովաննես ծաղկաղն» (թերթ 144ա): Թեև չենք կարող հաստատապես պնդել, բայց և այնպես հավանական ենք համարում, որ այս Հովհաննեսը՝ Առ. Բաղիշեցու որդին է: Վերջինս իրեն ծաղկող հիշվում է Երկայն-Ընկույզաց վանքում այդ տարիներին ընդօրինակված Երուսաղեմի վերոնշյալ Հայամալորքի հետուգայի մի հիշատակարանում՝ «Այլ և կրկին յիշեցէք զարի և քաջ քարոտնապետս զԱռաքել վարդապետն և զճեաղոսն իւր ըստ մարմնոյ զՆերսէս և զԽօրթունդիքն և զորդին իւր զՅովաննես ասրկաւաքն, որ և ծաղկեաց այլ և զի(ր)քս»²¹: № 8527 Գանձարանում, որտեղ այլ հեղինակների ստեղծագործություններ չեն հանդիպում, կա «Յոզվաննես» ծայրակապով մի տաղ (թերթ 12ա): Այս փոքրիկ տաղը, որն ուրիշ գրչագրերից մեզ հայտնի չէ, հավանաբար նույնպես Առ. Բաղիշեցունն է՝ նվիրված որդուն, եթե, իհարկե, ինքը՝ Հովհաննես ծաղկողը չի գրել այն:

Բերված փաստերն այսպիսով ցույց են տալիս, որ նորահայտ № 8527 անհատական Գանձարանի հեղինակը Առ. Բաղիշեցին է և ձեռագիրը հասել է մեզ շուրջ մեկ դար հետո կատարված ընդօրինակությամբ: Նրանում գտնվող նյութերի մի որոշ մասը, ինչպես նշվեց, հայտնի է այլ աղբյուրներից՝ կա՛մ հեղինակի անունով և կա՛մ լույս իրել ոմն Առաքելի

¹⁷ Ձեռագրի առաջին գանձի վերջում հիշվում է Տեր Սարգիս հովվապետի անունը, որը հավանաբար Ստեփաննոս գրչի կողմից կատարված ներմուծություն է և վերաբերում է գրչին ժամանակակից՝ Սարգիս Գ Վրաստանցի կաթողիկոսին (1520—1536 թթ., տե՛ս Մ. Օրմանյան, Ազգապատում, հատոր Բ, մասն Բ, Բեյրութ, 1960, էջ 2223—2232):

¹⁸ Ձեռագրերում երբեմն Առ. Բաղիշեցու անունով է հանդես գալիս նաև՝ «Գանձըդ կենաց որդիդ միածին...» գանձը, «Գանձ Թարաթի» ծայրակապով. տե՛ս Չևո. № 5434, թերթ 269ա, ինչպես նաև՝ Երուսաղեմ, Չևո. № 135, թերթ. 463բ, Ն. Պողարյան, Նշվ. աշխ., էջ 399:

¹⁹ Չևո. № 424, թերթ 278ա:

²⁰ Ընդգծված է ծայրակապի այն հատվածը, որն արտահայտված է տողերի սկզբնատառերով:

²¹ Ն. Պողարյան, նշվ. աշխ., էջ 132:

ստեղծագործություններ, սակայն ավելի քան 40 գանձ և շուրջ 35 տաղ ու հորդորակ, որքան մեզ հայտնի է, հանդիպում են առաջին անգամ²²: Այսպիսով, շնորհիվ այդ նորահայտ ձեռագրի, վերջնականապես Առ. Բաղիշեցու անվան հետ են կապվում մինչ այդ ենթադրաբար կամ վերապահությամբ նրան վերագրվող շատ գանձեր, որոնց թիվը բազմապատկելով հասնում է շուրջ 100-ի, իսկ տաղերն ու հորդորակները՝ 80-ի: Ուշագրավ է մանավանդ այն, որ այդ ստեղծագործությունները կազմում են մի ամբողջական ժողովածու և կապվում մի անհատի՝ Առ. Բաղիշեցու անվան հետ: Գանձարանների սկզբնավորման ու կազմավորման հարցում նշված ժողովածուն ունի խիստ կարևոր նշանակություն: Այս կապակցությամբ ավելորդ չի լինի ծանոթանալ նաև տվյալ ձեռագրում գտնվող նյութերի դասավորության ընդհանուր սկզբունքին և առանձնահատկություններին:

*
* * *

Ինչպես հայտնի է, Գանձարաններում ներկայացված են լինում տերունական տոները, որոնք ընդգրկում են Քրիստոսի կյանքի կարևոր դրվագները ծննդից մինչև Այլակերպություն, Աստվածածնի՝ Վերափոխման, Խաչի ու եկեղեցու տոները, ինչպես նաև զանազան սրբերի, մարտիրոսների, առաքյալների և այլոց նվիրվածները: Տոնական այս շարքի հաջորդականությունը երբեմն մասամբ խախտվում է. ուստի Գանձարանների մեծ մասում նկատվում է միմյանցից տարբերվող հիմնական երկու տեսակ դասավորություն: Նախ՝ երբ ժողովածուն սկսվում է Հրեշտակապետներին նվիրված գանձով, որին հաջորդում են սրբերի, ճգնավորների և այլն նվիրված ստեղծագործությունները, իսկ տերունականները՝ հետո: Այս կարգի Գանձարանները կազմում են մեծ թիվ: Գանձարանների մի այլ դարձյալ սովոր խումբ, տոնական այդ շարքն սկսում է տերունականներով, իսկ սրբերի, մարտիրոսների և այլոց խումբը հանդես է գալիս ձեռագրի վերջում: Մեզ հետաքրքրող № 6527 Գանձարանը նյութերի իր դասավորությամբ պատկանում է այս երկրորդ խմբի ձեռագրերին: Այս ձևով են ներկայանում հին շրջանի մեզ հանդիպած նաև մյուս Գանձարանները: Պատահում են ձեռագրեր, որոնք


տարբերվում են այս երկու տեսակներից, սակայն, այդպիսիները խիստ փոքրաթիվ են:

Ընդհանրապես Գանձարաններում տվյալ տոնի համար հաճախ միմյանց են հաջորդում մի քանի գանձ, տաղ, մեղեդի կամ հորդորակ: Առ. Բաղիշեցու ձեռագրում նույնպես առանձին տոներ ներկայացված են մեկից ավելի գանձերով կամ տաղերով: Օրինակ՝ Քրիստոսի Հարության տոնին նվիրված է 6 գանձ, Խաչի ու ս. Հոգու Գալստյան տոներին՝ երեքական, ընդ որում, Հոգեգալստյան գանձերից երկուսը փաստորեն միևնույն գանձի առանձին մասերն են: Երկուական գանձ է նվիրված Համբարձման տոնին ու Հովհ. Մկրտչին և այլն: Սակայն հատկանշական է այստեղ այն, որ եթե ուրիշ Գանձարաններում միևնույն տոնի համար գանձերով ու տաղերով հանդես են գալիս տարբեր հեղինակներ, այստեղ բոլորը պատկանում են մի հեղինակի և չնայած նյութի ընդհանրությանը՝ նրանք միմյանց չեն կրկնում:

Առ. Բաղիշեցու Գանձարանի համար բնորոշ է նաև այն, որ ինչպես արդեն նշվել է, գանձերից յուրաքանչյուրը հանդես է գալիս համապատասխան մեկ տաղով, կամ մեկ տաղ ու մեկ հորդորակով, երբեմն էլ անշուշտ առանց դրանց: Գանձարանային լրիվ համակարգն, այսպիսով, նրա մոտ կազմված է գանձ, տաղ և հորդորակ միավորներից: Ընդ որում, տաղերն ու հորդորակները հաճախ հանդիսանում են միևնույն ստեղծագործության առանձին մասերը, անջատված երկուսի: Ուշագրավ է, որ նշված Գանձարանին գրեթե ժամանակակից № 7961 ձեռագրում ևս նկատվում է գանձերին կից հանդես եկող ստեղծագործությունների գրեթե նույնպիսի դասավորության ու որոշակի քանակի: Մոտավորապես նման պատկեր տեսնում ենք այդ ժամանակաշրջանի նաև մի քանի այլ ձեռագրերում: Հետևապես, Առ. Բաղիշեցու Գանձարանային նյութերի դասավորությանը վերաբերող այն հարցը դուրս է գալիս տվյալ Գանձարանի սահմաններից և պահանջում է առավել ուշադիր ու առանձին քննություն:

Այսպիսով, № 6527 ձեռագիրը ներկայանում է իբրև հեղինակային գանձերի ու տաղերի ավարտուն մի ժողովածու, որն աչքի է ընկնում մի շարք առանձնահատկություններով: Ծնորհիվ այդ նորահայտ Գանձարանի համարվում է ոչ միայն հեղինակի՝ Առ. Բաղիշեցու ստեղծագործությունների շարքը, այլև, որ ավելի կարևոր է, հարստանում են Գանձարան-ժողովածուները ինքնատիպ մի ցմուշով: Վերջինս հանդիսանում է հենակետ և ուղեցույց հեղինակային գանձարանների ուսումնասիրության համար, որոնց երբեմնի գոյությունը շնորհիվ № 6527 ձեռագրի, դառնում է ավելի քան անվիճելի: Ուստի, նկատի ունենալով այդ նորահայտ ձեռագրի կարևորությունը, անհրաժեշտ ենք համարում կից ներկայացնել նրանում հանդես եկող նյութերի ցանկը՝ վերնագրերով, ծայրակապերով և սկզբնատողերով:

²² Ձեռագրում տեղ են գտել նաև ազգային թեմաներ շոշափող մի քանի գանձեր ու տաղեր, որոնք ընդհանրապես հազվադեպ են հանդիպում: Դրանցից են, օրինակ, Վարդանանց տոնին նվիրված գանձն՝ իր համապատասխան տաղով, Ղևոնդյանց նվիրված գանձը և թարգմանիչներին նվիրվածը, որն հեղինակի անունով հայտնի է նաև ուրիշ ձեռագրերից, բայց այստեղ կից ունի նաև տաղ, որն առաջին անգամ է հանդիպում:



ՌՈՒԲԵՆ ՂԱԶԱՐՅԱՆ

(Բանասիրական գիտությունների թեկնածու)

ՆՈՐ ՀԱՅԿԱԶՅԱՆ ԲԱՌԱՐԱՆԻ ԱՂԲՅՈՒՐՆԵՐԸ

19-րդ դարի երկրորդ քառորդում տպագրության է հանձնվում հայագիտության անզուգական գործերից մեկը՝ Նոր Հայկազյան բառարանը¹: Այս երկխառոր հրատարակությունը, որ ընդգրկում է հին հայերեն գրական լեզվի գրեթե ողջ բառապաշարը, աննախընթաց երևույթ էր հայ բառարանագրության զարգացման պատմության մեջ: Երկար տարիների ստեղծագործական աշխատանքի արդյունք հանդիսացող այդ բառարանը, որ կազմվել է երեք երախտավոր հայագետների անխոնջ ջանքերով, ոչ միայն հայ դասական բառարանագրության բարձրակետն է, այլև իրավամբ համարվում է համաշխարհային բառարանագրության ամենաարժեքավոր գործերից մեկը:

Այստեղ ավելորդ չի լինի վերհիշել ականավոր լեզվաբան և բառարանագետ Հր. Աճառյանի «Նոր Հայկազյան բառարան»-ին տրված հետևյալ գնահատականը. «Քիչ ազգ կա՝ որ մեր Հայկազյան բառարանի նման հույակապ գործ ունենա և դեռ պետք է հիշել, որ սա բուն ձեռագրի համատոտությունն է, բուն ձեռագիրը վեց անգամ ընդարձակ է եղել և ծախսի մեծության պատճառով միայն համատոտել և վերածել են երկու հատորի»: Անկասկած՝ իր էությանը, կատարմանը ու բովանդակությամբ բառարանագրական բարձրարժեք ներդրում է Նոր Հայկազյան բառարանը, դարազուխ հանդիսացող մի հսկայական գործ, «որով անգնահատելի ծառայություն է մատուցվել և դեռ շատ երկար կմատուցվի մեր լեզվի ուսումնասիրության համար»²:

¹ «Նոր բառգիրք Հայկազեան լեզուի», երկասիրություն ևրից վարդապետաց յաշակերտութենէ մեծին Մխիթարայ արքայափոր՝ Հ. Գարրիէլի Աւետիքեան, Հ. Խաչատրոյ Սիրմելեան, Հ. Մկրտիչ Ազեբեան, հտ. Ա, Բ, Վենետիկ, 1836—37:

² Մ. Աբեղյան, Հայոց հին գրականության պատմություն, գիրք 2-րդ, Երևան, 1946, էջ 441:

Ֆրանսիացի նշանավոր լեզվաբան—հայագետ Անտուան Մելլե իր «Դասական հայերենի համեմատական քերականության ուրվագիծ» աշխատության ներածական մասում Նոր Հայկազյան բառարանը բնորոշում է որպես «հայ բառարանագրության ամենակարևոր գործը»³:

Այդ բառարանը, որ իր արժանիքներով մնում է դեռևս չգերազանցված, պրոֆ. Ս. Ղազարյանի խոսքերով սառած՝ «վատասելի ուղեցույց է բոլոր այն մարդկանց համար, որոնք գրադիմում են հայոց լեզվի պատմության, բառապաշարի, քերականության և հնչյունաբանության հետազոտության հարցերով»⁴:

Չնայած բառարանի լույս ընծայումից հետո երկար ժամանակամիջոց է անցել, ավելի քան 130 տարի, սակայն այդ երկար ու ձիգ տարիների ընթացքում բառարանը չի կորցրել և մինչև այժմ էլ պահպանում է իր խոշոր նշանակությունը:

Նոր Հայկազյան բառարանի ստեղծման հետ կապված աշխատանքները տևել են 50 տարի՝ 1784 թվականից մինչև 1834 թվականը: Այդ ծրագրի իրականացման ընթացքում Վենետիկի Մխիթարյանների ձեռագրատունը ունեցել է շուրջ 1000 ձեռագրեր, որոնք և հիմք են հանդիսացել բառարանը կազմելու համար: Այս մասին բառարանի ղեկավարներն առաջարկում գրում են. «Ազգային մատենաբ. այսինքն գրչագիր գրեանք, զորս ոամկորէն Ձեռագիրն անուանեմք, է որ մագաղաթեայ, և է որ թղթեայ, իմա անխորտի՝ երկաթագիր, բոլորագիր, ճտորագիր, ընդ մեծ և ընդ փոքր՝ ընդ հին և ընդ նոր՝ ոչ պակաս քան զխազար

³ A. Meillet, Esquisse d'une grammaire comparée de l'arménien classique, Vienne, 1936, էջ 18:

⁴ Ս. Ղազարյան, Միջին հայերեն, գիրք Ա, Երևան, 1960, էջ 8:

հաշտին ի գրատան մերում. և զի ոմանց ի նոցա է: են կրկին և երեքին օրինակք»⁵:

Պարզ է, որ այդ ձեռագիր հիշարձաններից, որպես աղբյուրներ, հմտորեն օգտվելու և քառաքնական աշխատանքները միշտ կազմակերպելու համար քննարկվող քառարանը կազմողներից պահանջվում էր քառարանագրական գործի բացառիկ իմացություն: Հարկ է նշել, որ բազմաշխատ հեղինակները մանր-սկրիպտ կերպով և գիտական մեծ հմտությամբ ուսումնասիրել են քառարանի աղբյուրները, ստեղծելով մի հույակապ գործ, որը ինքնին հիմնական աղբյուր է հանդիսացել հետագա մեզ հայտնի գրեթե բոլոր հայերեն բացատրական (և ոչ միայն բացատրական) քառարանների համար, սկսած Գ. Փեշտմալճյանի, Ս. Գարամանյանի քառարաններից, ընդհուպ մինչև Ստ. Մալխասյանցի «Հայերեն բացատրական քառարան» քառահատոր աշխատությունը:

Արդ, որոնք են այն աղբյուրները, որոնց հիման վրա կազմվել է այդ քարձրարժեք քառարանը: Նախ ընդգծենք, որ այս քառարանի համար հիմք ծառայած բոլոր կարգի հիմնական և երկրորդական աղբյուրներն անխտիր կերպով, առանձին բացատրություններով հանդերձ, հիշատակվում են առաջաբանի շարունակությունը կազմող ծավալուն մատենագրական ցանկի մեջ (տես՝ ՆՀԲ, առաջաբան, էջ 9—20):

Այդ ցանկի քննությունը ցույց է տալիս, որ հեղինակները քառարանը կազմելիս օգտվել են բնույթով և բովանդակությամբ տարբեր բազմաթիվ անտիպ ու տպագիր աղբյուրներից, որոնք կարելի է բաժանել երկու հիմնական խմբի.

ա) Մատենագրական աղբյուրներ: Այս խմբի մեջ են մտնում 5—17-րդ դարերի հայոց մատենագրության ինքնուրույն և թարգմանական երկերը, որոնք ընդգրկում են հայ հոգևոր մշակույթի գրեթե բոլոր բնագավառները (պատմագրություն, փիլիսոփայություն, վարքագրություն, գեղարվեստական գրականություն, տոմարագիտություն, իրավունք, աշխարհագրություն, մաթեմատիկա, բժշկություն և այլն)⁶:

բ) Բառարաններ, որոնք միջանկյալ կերպով օգտագործվել են որպես օժանդակ աղբյուրներ: Այս խմբին են վերաբերում մի շարք քառարանագրական աշխատանքներ, ինչպես՝ «Բառք քերթողականք», «Բառք Գաղիանոսի բժշկապետի» միջնադարյան հիմնադիր քառարանները, Ատ. Ռոշքայի «Գանձ հայոց լեզուի» անտիպ աշխատությունը և այլն⁷:

Ա) ՄԱՏԵՆԱԳՐԱԿԱՆ ԱՂԲՅՈՒՐՆԵՐ

Հայ հին և վաղ միջնադարյան մատենագրությունն է այն հիմնական ու կարևորագույն աղբյուրը, որի հիման վրա կազմվել է Նոր Հայկազյան քառարանը:

Այս առումով քառարանի հիմնական աղբյուրներն են, նախ և առաջ, 5-րդ դարի հայ մատենագիրների՝ Ագաթանգեղոսի «Պատմություն Հայոց», Կորյունի «Վարք Մաշտոցի», Փավստոս Բյուզանդի «Պատմություն Հայոց», Ղազար Փարպեցու «Պատմություն Հայոց և թուրք առ Վահան Մամիկոնեան», Եզնիկ Կողբացու «Եղծ աղանդոց», Եղիշեի «Վասն Վարդանանց և Հայոց պատերազմին», Մովսես Խորենացու «Պատմություն Հայոց» աշխատությունները: Այս երկերը, բրնձից անհամեմատելի չափերով օգտվել են քառարանի հեղինակները, անգնահատելի սկզբնաղբյուրներ են հանդիսացել 5-րդ դարի մատենագրության լեզվի՝ դասական հայերենի քառապաշարի ընտրության տեսակետից:

Անտարակույս, քննարկվող քառարանում օգտագործված 5-րդ դարի ինքնուրույն երկերի մեջ իրենց հերթին ուրույն տեղ են գրավում հայ նոր դպրության առաջին հեղինակներ՝ Մեսրոպ Մաշտոցի «Յառ-ս-խապատում ճառք» կոչված ժողովածուն, որը վերագրվում է Գրիգոր Լուսավորչին և Սահակ Պարթևի անունով պահպանված մի քանի «Վանոնները»:

Հայոց գրական լեզվի հնագույն շրջանի ուսումնասիրության գործում, բնականաբար, բացի հիշյալ մատենագրական ինքնուրույն աշխատություններից, էական նշանակություն են ունեցել Հովհան Մանդակունու (5-րդ դ.) կրոնական բնույթի գործերը (ճառեր, կանոններ, քարոզներ, մեկնաբանություններ, հոգևոր երգեր, աղոթքներ և այլն), Մովսես Խորենացու կրտսեր եղբայր Մամբրե Վերծանուի (5—6-րդ դդ.) երկու ճառերը, ինչպես՝ «Ճառ Քրիստոսի գալստեան յԵրուսաղէմ», «Ճառ յարութեան Ղազարոս», Աբրահամ Մամիկոնյանի (5—6-րդ դդ.) գլխավոր աշխատությունը՝ «Պատմություն վասն ժողովոյն Եփեսոսի», Պետրոս Քերթող Այունեցու (6-րդ դ.) «Ներքող ի սուրբ Աստուածածնի», «Պատասխան առ հարցմունս Վաչագանայ իշխանի» գրվածքները և, վերջապես, հայ հին փիլիսոփայական մտքի խոշորագույն և երկայացուցիչ Դավիթ Անհաղթի (6-րդ դ.) իմաստասիրական երկերը:

Հին հայերենի քառապաշարի ուսումնասիրության համար ոչ պակաս կարևոր աղբյուրներ են հանդիսանում 7—9-րդ դարերում ստեղծված մատենագրական ինքնուրույն երկերը, որոնց թվում մասնավորապես այն գործերը, որոնք վերաբերում են 7-րդ դարին, բացառությամբ նույն ժամանակաշրջանի պատմագիր Սեբեոսի «Պատմություն»-ը, որը քառարանի կազմողները հասկանալի պատճառով չեն օգտագործել, որքանով որ հիշյալ աշխատությունը հայտնաբերվել է միայն 1842 թվականին: Բառարանի համար հիմք ծառայած աղբյուրներից, որոնք վերաբերում են 7-րդ դարին, առանձնապես կարևոր են Վրթանես Քերթողի «Ճառ ընդդեմ պատկերամարտից», Սահակ Չորափորեցու «Ճառ Արմանեաց», Գրիգորիս Արշարունու «Մեկնություն ընթերցումածոց» երկերը և, մասնավորապես, Ջենոպ Գլակ—Հովհան Մամիկոնյանի «Պատմություն Տարսուղ» երկու մասից բաղկացած աշխատությունը և Թեոդորոս Քոթեմավորի երեք «Ճառերը», որոնք են՝ «Ներքողեան ի սուրբ խաչն»:

⁵ ՆՀԲ, առաջաբան, էջ 8:

⁶ Ռ. Ղազարյան, Նոր Հայկազյան քառարանը, «Բանբեր Երևանի համալսարանի», 1968, № 2, էջ 285:

⁷ Նույն տեղում:

«Գովեստ ի սուրբ Աստուածածին», «Ընդդէմ Յովհաննու Մայրագոմեցոյն»:

Այդ երկերից բացի, բառարանի առանձին առժեք ներկայացնող աղբյուրների կողքին հատուկ տեղ ունեն 7-րդ դարի հայ ակամավոր գիտնական, մասնատիրոս և աշխարհագետ Անանիա Ծիրակացու հետեւյալ աշխատությունները. 1. «Յաղագս կշոոց և չտիոոց», 2. «Յաղագս Ծրջագայութեն երկնից», 3. «Վասն որպիսութեան կենացն իրոց», 4. «Անանիայն Ծիրակացոյն Համարողի ասացեալ ի յայտնութիւն Տեան և Փրկչին մերոյ», 5. «Անանիայի Ծիրակացոյ Համարողի ասացեալ ի գատիկն Տեան», 6. «Դոմանակագրութիւն»: Ինչ վերաբերում է Անանիա Ծիրակացու անունով հայտնի «Աշխարհացոյց» երկին, ապա այն բառարանի հեղինակները սխալմամբ վերագրել են 5-րդ դարի պատմագիր Մովսես Խորենացուն:

Բառարանի անմիջական աղբյուրների շարքում կարելի էր տեղ է գրավում հայ պատմագրության աչքի ընկնող դեմքերից մեկի՝ Մովսես Կաղանկատվացու «Պատմութիւն Աղուանից աշխարհի» երկը, որտեղ ՆՂԲ-ի ընձեռած տվյալների համաձայն հեղինակը հիշատակում է շուրջ 97 առանձնահատուկ բառեր և բառակապակցություններ, որոնք բոլորովին չեն հանդիպում նախորդ մատենագրական ինքնուրույն գործերում:

Բացի վերոհիշյալ երկերից, որպես բառարանի զըլխավոր աղբյուրներ, ուշադրության արժանի են 8-րդ դարի հեղինակներ Ղևոնդ պատմագրի «Պատմութիւն Հայոց» աշխատությունը և Հովհաննես Իմաստասեր Օձնեցու մի քանի գործերը, որոնցից պետք է նշել. 1. «Ատենարանութիւն», 2. «Կանոնք», 3. «Մատ ընդդէմ Պաղիկեանց», 4. «Մատ ընդդէմ երևութականաց», 5. «Յաղագս կարգաց եկեղեցոյ»:

9-րդ դարին պատկանող հայ հեղինակների երկերից, որոնք նույնպես համարվում են կարևոր աղբյուրներ, բառարանի կազմողներն օգտագործել են Համամ Արևելցու, Ծապուհ Բագրատունու, Միսաչլի Էպիսկոպոս Իմաստասերի և կաթողիկոս Զարարիա Զագեցու աշխատությունները:

Բառարանի հիմնական աղբյուրներից են նաև մատենագրական այն ինքնուրույն երկերը, որոնք գրվել են 10—12-րդ դարերում և անգամ ավելի ուշ շրջաններում: Այդ աղբյուրներից են, օրինակ, նշված դարերի հայ պատմիչներ ու ժամանակագիրներ՝ Հովհաննես Դրասխանակերտցու «Պատմութիւն Հայոց», Թովմա Արծրունու «Պատմութիւն Տանն Արծրունեաց», Ստեփանոս Տարոնեցի Ասողիկի «Տիեզերական պատմութիւն», Սամվել Անեցու «Ժամանակագրութիւն», Արիստակես Լաստիվերտցու «Պատմութիւն վասն անցիցն անցելոց ի յալաստն ազգաց որք շուրջ զմեօք են», Մատթեոս Ուոհայեցու «Ժամանակագրութիւն» աշխատությունները:

Հիշատակված երկերը, որոնցից անհրաժեշտ չափով օգտվել են բառարանի հեղինակները, իրենց մեջ պարունակում են ձևա-իմաստային տեսակետից զգալի թվով նոր բառեր ու բառակապակցություններ, որոնք կամ առաջին անգամ են հանդես եկել այդ

գործերում, կամ ունեցել են տարբեր առումներ ու գործածության ձևեր:

Բառարանի մատենագրական ցանկում, որպես հիմնական և կարևոր աղբյուրներ, հիշատակվում են 10—12-րդ դարերի հայ մատենագրության մի շարք այլ նշանավոր ներկայացուցիչների գործերը, որոնց թվում Խոսրով Անձնացու (10-րդ դ.), Անանիա Նարեկացու (10-րդ դ.), Գրիգոր Նարեկացու (10-րդ դ.), Գրիգոր Մագիստրոսի (10—11-րդ դդ.), Անանիա Սանահնեցու (11-րդ դ.), Իզնատիոս վարդապետի (11-րդ դ.), Հովհաննես Սարկավազի (11—12-րդ դդ.), Գրիգոր Տղա կաթողիկոսի (12-րդ դ.), Ներսես Լամբրոնացու (12-րդ դ.), Արիստակես գրչի (12-րդ դ.) և ուրիշների երկերը:

Միաժամանակ, որպես կարևոր աղբյուրներ, պետք է նշել 12-րդ դարի մեծամուն բանաստեղծ Ներսես Ընդրեհալու կրոնական և աշխարհիկ բնույթի արձակ ու չափածո գործերը, որոնք են՝ 1. «Ատենարանութիւն», 2. «Թուղ» ընդհանրական, 3. «Միսրաբանութեան թղթեր», որոնց մեջ՝ «Թուղ» սու կայսրն Մանուէլ», «Թուղ» սու մեծ իշխանն Ալեքս փեսայ կայսեր» և այլն, 4. «Մեկնութիւն յաւետարանն Մատթէի», 5. «Ողբ Եղեսիոյ», 6. «Մաղթանք սու սուրբ հրեշտական», 7. «Գովեստ ներքողական», 8. «Ողբերգութիւն փրաստական ի տառից սրբոց» («Յիսուս որդի»), 9. «Խրատ ուսումնականաց մանկաց», 10. «Յաղագս երկնից և զարդոց», 11. «Բան հաւատոյ», 12. «Ներքողեան կենսատու սուրբ Խաչին սու ի սրբոյ հօրէն մերձ Դաթ Անյաղ» փիլիսոփայէ աւսացալ, ոտանաւոր չափով աստուծօր եղաւ», 13. «Տաղք», 14. «Առակք»—հանդուկներ:

Ինչպես ցույց է տալիս բառարանի քննությունը, հեղինակները մեծ չափով օգտագործել են 12-րդ դարի մի այլ հեղինակի՝ Գրիգոր Իմաստասեր Մարաշեցու (կամ Մաշկերտցու) 250 տնից բաղկացած չափածո գրվածքը, որը կրում է հետևյալ վերնագիրը. «Վարք ողբոց. մեղացեալ անձին, խտատվանարար ասացեալ առաջի Աստուծոյ Յանդիմանութիւն հոգոյ և մտաց և մարմնոց, ի գգուշութիւն բարոց և յուղղութեան սխալանաց. ի քիլիսմն արտասուաց, և ի խալատակութիւն մեղաց և ծուլութեան»:

Բացի այդ՝ հիշատակության արժանի է, որպես հիմնական աղբյուր, հայ իրավունքի ակամավոր ներկայացուցիչներից մեկի՝ 12-րդ դարի հեղինակ Մխիթար Գոշի «Հայոց Դատաստանագիրք»-ը: Վկայակոչելով այս աղբյուրը՝ բառարանի հեղինակները նշում են. «Գործ երևելի, հասարեալ վայելուչ և բարեշարժար կարգաորոշեամբ՝ ի սուրբ գրոց և յալոց մատենից ազգալոց կամ թարգմանելոց ի յունաց. ուստի եղանկն բազում բարք կարևորք»⁵: Եվ իրոք, բառարանի բառացանկում տեղ են գտել մեծ թվով բառեր, որոնցից շատերը չեն հանդիպում 5—12-րդ դարերի մատենագրական գործերում և առաջին անգամ հանդես են եկել Մ. Գոշի աշխատության մեջ: Ըստ մեր հաշվումների՝ «Հայոց Դատաստանագիրք» աշխատությունից ուղղակի կերպով Նոր Հայկազյան

⁵ ՆՂԲ, հտ. Ա, էջ 15:

բառարանի մեջ են մտել 96 բառ, որոնց մեծագույն մասը օգտագործվել են որպես իրավաբանական տերմիններ ու հասկացություններ:

Բառարանի համար որպես աղբյուր է հանդիսացել 12-րդ դարին պատկանող մի այլ՝ «Ջերմանց միսիթարություն» բժշկական բովանդակությամբ աշխատությունը, որը գրել է միջնադարյան հայ գիտական մտքի նշանավոր դեմքերից մեկը՝ Մխիթար Հերացին: Տվյալ երկը, որ գրված է «գեղջուկ և արձակ բարբառով», օգտագործվել է միջանկյալ կերպով իբրև երկրորդական աղբյուր, որից բառարանի հեղինակները մասնակի ընտրությամբ վերցրել են ընդամենը 40 բառ, որոնք ժամանակի բժշկագիտական գրականության պահանջները բավարարող փոխառյալ կամ հայոց լեզվի բառակազմական ներքին հնարավորությունների միջոցով ստեղծված տերմիններ են: Մ. Հերացու կողմից առաջին անգամ գործածված և քրեանարկվող բառարանի մեջ ներմուծված մասնագիտական բառերն են. այտուս, ականջթոռ, անբորբոս, աներկիւղացուցանել, անթ, անհոգացուցանել, անճարակել, ապիկվործություն, ասպահանիկ, արական, (հիվանդության անուն է), արձականալ, արմացք, ասիմետրիոս, բանդակ, բորբոսային, երկարօրեայ, գրեւանդ, ըռուս, թափթափիկ, թոքացատություն, խոլային, խօխ, կարուրալ, կիսեղկ, հալ եւ մաջ (հալումաջ), հաւձագ, ձգեռոտ, մարձել, միջավար, մրգաջոր, նշաձէթ, նոպալ, ողոշար, ոռնեմալ, պալլամ, սրտաֆեշտացուցանել, տուպել, փայծաղնացատություն, փոթթային, փոթթություն:

Տարբեր բովանդակություն ունեցող մատենագրական ինքնուրույն երկերից, որոնք նույնպես օգտագործվել են երկրորդական աղբյուրներ, կարելի է միաժամանակ նշել 10-րդ դարի մատենագիրներ Մեսրոպ Երեցի «Պատմություն Մեծին Ներսէսի», Սամվել Կամբջաձորեցու «Տօնապատճառ», ինչպես և 11-րդ դարի հեղինակ Սիսիանոս վարդապետ Սեբաստացու «Ներքողական ի բառաստու գնահատակեալս ի Սեբաստիա» կոչված գրվածքները, որոնցից բառարանը կազմողները քաղել են սահմանափակ թվով բառեր, որոնք առանձին որակ ամենևին չեն կազմում:

13-րդ դարը, ինչպես նախորդ՝ 10—12-րդ դարերը, հայ ժողովրդի հոգևոր և մշակութային կյանքի բուռն վերելքի քրջաններից մեկն է, որը տվել է գիտության տարբեր բնագավառների մի ամբողջ շարք՝ ներկայացուցիչներ, որոնց երկերն ըստ մեծի մասին շարադրված են ժողովրդական լայն հատվածներին հասկանալի լեզվով՝ օժտված ինչպես գրաբարում գործածված բառերի նոր առումներով, այնպես էլ ժամանակի խոսակցական լեզվին բնորոշ բազմաթիվ բաներով ու դարձվածներով:

Այդ ժամանակաշրջանի աղբյուրներից, որոնցից մեծ չափով օգտվել են բառարանի հեղինակները, կարևոր են, օրինակ, Գրիգոր Ակներցու (Մաղաքիա Արեղա) «Պատմություն վասն ազգին ազգին Նետողաց», Ստեփանոս Օրբելյանի «Պատմություն Նահանգին Սիսական», Հեթում պատմիչ Կոռիկոսցու «Պատմություն թաթարաց», Մեծն Վարդան Արևելցու «Պատմություն տիեզերական», Կիրակոս Գանձակեցու

«Պատմություն Հայոց» պատմագրական երկասիրությունները: Այս երկերի հետ զուգընթաց կարևոր աղբյուրներ են նմանապես 13-րդ դարի հեղինակներ Վահրամ Բաբունու, Մ. Գոշի աշակերտ Վանական վարդապետի, Մխիթար Այրիվանեցու, հեղինակ վարդապետ Վանանդեցու, Գրիգոր Սկևռացու և Մովսես Երզնկացու գործերը⁹:

Այդ կարգի աղբյուրների շարքը պետք է դասել նաև 13-րդ դարի խոշոր գիտնական, բանաստեղծ և փիլիսոփա Հովհաննես Երզնկացու (Պլուզ) արձակ և չափածո երկերը, որոնցից բառարանի մատենագրական ցանկում հիշատակվում են հետևյալները. 1. «Յաղագս երկնային շարժմանց», 2. «Յաղագս երկնային զարդուց», 3. «Մեկնություն քերականության», 4. «Խրատ հասարակաց...», 5. «Լրումն թերոյն համառոտ տեսութեամբ սրբոյ անտարանին, որ ըստ Մատթէի», 6. «Ներբողական գովեստ ի սուրբ Լուսինորիչն Հայոց Գրիգորիոս...», 7. «Տաղ ջրօրհնէքին»:

Վերջապես, բառարանի հիմնական աղբյուրների շարքում ուրույն տեղ ունեն 13—14-րդ դարերում հայ իրականության մեջ իր գիտա-մանկավարժական բեղմնավոր գործունեությամբ մեծ համբավ ձեռք բերած Գլաձորի բարձրագույն տիպի ուսումնական հաստատության ամենանշանավոր ներկայացուցիչ՝ Եսայի Նչեցու մի քանի աշխատությունները:

Բառարանի հեղինակների կողմից օգտագործված մատենագրական ինքնուրույն երկերի մնացած մասը պատկանում է 14—17-րդ դարերին: Այդ դարերին են վերաբերում բառարանի աղբյուրների ցանկում հիշատակված Կիրակոս Արևելցու, Խաչատուր Կեչառեցու, Թովմա Մեծփեցու, Ներսես Մոկացու և Առաքել Դավրիժեցու գործերը: Պետք է նկատել, որ այս հեղինակների երկերը բառարանը կազմողներին հետաքրքրել են այնքանով, որքանով որ գրված են հին հայերենով, և իրենց մեջ պարունակում են մի շարք «կարևոր թվացող բառեր»: Այստեղ բացատրություն է կազմում 15-րդ դարի հեղինակ Մխիթար Ապարանցու «Գիրք տրամաբանութեան ուղղափառաց» խորագրով աշխատությունը, որը մեծ չափով օգտագործվել է բառարանի ստեղծման ընթացքում:

Ինչպես հայտնի է, դեռևս 5-րդ դարում, հայոց գրերի գյուտից անմիջապես հետո, Մեսրոպ Մաշտոցի ու Սահակ Պարթևի և նրանց առաջին կամ այժառայակերտների՝ Հովսեփ Վայցձորեցու, Հովհան Եկեղեցացու, Ղևոնդ Երեցի, Հովսեփ Պաղնացու, Եգնիկ Կողբացու, Մուշե Տարոնեցու, Կողոմի, Աբրա-

⁹ Բառարանի համար որպես աղբյուր է ծառայել 13-րդ դարի մի այլ գործի՝ Բարսեղ Մաշկոսցու «Մեկնություն ավետարանի Մարկոսի» գրվածքը, որի օգտագործման կապակցությամբ հեղինակները նշում են. «...գործ թերի՝ պակասաւոր առաջին գլխոց մինչև ի թ, ուստի սկսանի երկրորդ հատոր գործոյն յերեսին օրինակս մեր: Ոճն պարզ և ստորին ըստ ԺԳ և ԺԳ դարոց, այլ ուրեք հետևող հնախօսութեան. մասնաւոր ըստ միում օրինակի, յորում կան յաւելումով ձևք բանից քաջալայելուչք» (ՆՀԲ, հտ. Ա, էջ 10):

համ Խոստովանողի (կամ Զեմակացու) և շատ ուրիշների կողմից թարգմանական մեծ աշխատանք է ծավալվում. նախ հայերենի է փոխադրվում Աստվածաշունչը, այնուհետև ասորերեն և հունարեն լեզուներից թարգմանվում են կրոնա-եկեղեցական բնույթի քաղցածրվ գործեր՝ թղթեր, կանոններ, աղոթքներ, օրհներգություններ, հակաճառություններ, մեկնաբանություններ, վարքագրություններ, ինչպես և գիտական, պատմական, փիլիսոփայական մի շարք բարձրարժեք երկեր և այլն: Թարգմանական այդ աշխույժ գործունեությունը վերածվում է խոշոր մի շարժման և շարունակվում հաջորդ դարերի ընթացքում: 5-րդ դարից հետո տարբեր ժամանակաշրջաններում աստիճանաբար երևան են գալիս կրոնա-դավանաբանական, պատմագրական, քերականագիտական, փիլիսոփայական, բնագիտական, բժշկական, օրհնագիտական և այլ բովանդակությամբ մեծ թվով նոր գործեր, որոնց թարգմանությունները կատարվել են ոչ միայն հունարենից և ասորերենից, այլև լատիներենից, արաբերենից, պարսկերենից, վրացերենից և այլ լեզուներից:

Արդ՝ բացի 5—17-րդ դարերի հայկական մատենագրության տարբեր բովանդակություն ունեցող քաղցածրվ ինքնուրույն երկերից, որ վերը հիշեցինք, քննարկվող բառարանի գլխավոր և կարևորագույն աղբյուրների մեջ առանձնահատուկ տեղ ունեն նաև թարգմանական գործերը:

Ընդհանուր առմամբ հեղինակները բառարանը կազմելիս լայնորեն օգտվել են հատկապես այն թարգմանական երկերից, որոնք հայերենի են փոխադրվել 5—6-րդ դարերում: Այս առումով, իհարկե, բառարանի կազմողները ամենամեծ չափերով օգտվել են ս. Գրքից, այսինքն՝ Աստվածաշունչից (Հին և Նոր Կտակարաններով հանդերձ), որն իր թարգմանական ճոխ և պատկերավոր լեզվով, բառապաշարի հարստությամբ համարվում է բառարանի ամենահիմնական աղբյուրներից մեկը:

5-րդ դարի հայ թարգմանական գրականության մեջ աչքի ընկնող երկերից բառարանի համար խիստ արժեքավոր աղբյուրներ են հանդիսացել հույն պատմիչ Եվսեբիոս Կեսարացու (267—340 թթ.) աշխատությունները: Այսպես՝ քննարկվող բառարանում բերվում են «Քրոնիկոն»-ում մուտք գործած ավելի քան 86 բառեր և բառակապակցություններ, որոնք միայն հանդիպում են, կամ ստացին անգամ երևան են եկել տվյալ երկի հայերեն թարգմանության մեջ:

Նույն հեղինակի «Պատմություն եկեղեցական» երկի հայերեն թարգմանությունից ուղղակի կերպով Նոր Հայկազյան բառարանին են անցել այնպիսի բառեր, ինչպես՝ ագաթունեմ, անթիմիպատոս, ստաջանիթ, ստաջնորդասիրություն, ստուսանք, աստուսձավրձ, բացաբերանեալ, եռանդնալից, երկրորդատ, ժանտկէն, լոկիլ, լոկոթին, լուսատրամիտ, խաճատանք, խժոժ, խոչակունք, կակղամիս, կարծեխօս, կեղանկ, հանգստաբար, ճոխտրայություն, հոովմէարէն, մերկարար, մոլորեալ, շնորհություն, պիճ, սաբա, սէր-սէրիմ, սակություն, վերսուայք կամ վերստեայք, տա-

ղոսել, տանեստան, տողան, փութկոտ, օրհնագրահանք և այլն¹⁰:

5-րդ դարի թարգմանական երկերից, որոնցից մեծ չափերով օգտվել են բառարանի հեղինակները, միաժամանակ պետք է նշել ասորական եկեղեցու ամենահեղինակավոր անձնավորություններից մեկի՝ Հակոբ Մծբնացու (մ.հ. 357 կամ 388 թ.) «Գիրք որ կոչի Զօգն» և հույն եկեղեցական նշանավոր գործիչ Բարսեղ Կեսարացու (329—379) «Ճառք վասն Վեցօրեայ արարչութեան» աշխատությունները, ինչպես և վերջինիս կրոնա-փիլիսոփայական գաղափարներով հագեցված մի շարք այլ գրվածքները (մեկնություններ, ճառեր, քարոզներ, թղթեր և այլն):

Այնուհետև, որպես բառարանի հիմնական աղբյուրներ, կարևոր է հիշատակել հույն ակաճավոր մտածողներ Պլատոնի (427—347 թթ. մ. թ. ա.), Արիստոտելի (382—322 թթ. մ. թ. ա.), Պորփյուրի (233—304 թթ.) փիլիսոփայական մի շարք երկերի հայերեն թարգմանությունները:

Բացի այդ՝ բառարանի համար խիստ կարևոր աղբյուրներ են հանդիսացել հունական և ասորական եկեղեցիների նշանավոր հայրեր և մատենագիրներ Հովհան Ոսկեբերանի, Դիոնիսիոս Արիսպագացու, Եփրեմ Նուրի Ասորու, Աթանաս Ալեքսանդրացու, Գրիգոր Սքանչելագործի, Կյուրեղ Երուսաղեմացու, Անթիպատրոս Բոստրացու, Աստվածազգայց Իգնատիոսի, Կյուրեղ Ալեքսանդրացու, Սերբիանոս Եմեսացու (կամ Սերբիանոս Գարադացու), Եպիփան Կիպրացու, Պրոկոլի, Եվաքր Պոնտացու, Սոկրատես Աքրլաստիկոսի և այլոց քրիստոնեական գաղափարախոսության հետ կապված գրվածքները, որոնց մեջ՝ կանոններ, ճառեր, քարոզներ, հակաճառություններ, մեկնաբանություններ և այլն, կամ փիլիսոփայական, աստվածաբանական, ճարտասանական, պատմական երկերը՝ թարգմանված հունարեն և ասորերեն սկզբնագրերից:

Ձեռնամուխ լինելով բառարանի ստեղծմանը՝ հեղինակները չափազանց մեծ ընկողությամբ օգտվել են նաև Ալեքսանդրյան դպրոցի հայտնի դեմքերից մեկի՝ Փիլոն Երրպեցու (Ալեքսանդրացու, 1-ին դ. մ. թ.) երկերի հայերեն թարգմանություններից, որոնցից պետք է հիշատակել գլխավորապես «Այնոցիկ որ ի կինելութեանն խնորոց և լուծմանց», «Այնոցիկ որ լելան խնորոց և լուծմանց», «Աստուածային օրհնացն այլաբանութիւն», «Յաղագս նախախնամութեան», «Յաղագս բան ունկ և անասուն կենդանեացո», «Վարք իմաստնոց» և «Ժ բան» աշխատությունները:

Բառարանի համար հիմք ծառայած աղբյուրների շարքում առանձնակի տեղ է գրավում հելլենիստական շրջանի հույն հայտնի քերական Դիոնիսիոս Թրակացու (170—90 թթ. մ. թ. ա.) «Քերականական արվեստ» աշխատության հայերեն թարգմանությունը,

¹⁰ Բառարանի աղբյուրների ցանկում, բացի հիշյալ երկու աշխատությունից, հիշատակվում է Ե. Կեսարացու մի այլ՝ «Թուղթ» առ Կարպիանոս, վասն Համաբարբառոյն Անետարանաց գրվածքը:

որից հեղինակները քաղել են բավական թվով բաներ, որոնց գերակշռող մեծամասնությունը թարգմանության մեջ մուտք գործած՝ քերականական տարբեր հասկացություններ արտահայտող տերմիններ են:

Բառարանում օգտագործված աղբյուրներից մասենագրական ցանկում հիշատակվում է Ալեքսանդրյան դպրոցի մի այլ նշանավոր ներկայացուցիչ՝ Էվկլիդեսի (8-րդ դ. մ. թ. ա.) «Տարրեր» կամ «Հիմունքներ» երկրաչափական աշխատությունը, որի հայերեն թարգմանությունը կատարվել է Գրիգոր Մագիստրոսի ձեռքով մոտավորապես 1051 թվականին¹¹:

Ուշ շրջանի թարգմանական երկերից, որոնցից ահիջրածնշտ չափով օգտվել են բառարանի հեղինակները, աղբյուրների ցանկում միաժամանակ հիշատակվում են 12-րդ դարում արաբերենից թարգմանված Անատոլիոս Պերիթագոս «Գիրք վաստակոց» չափազանց հետաքրքրական աշխատությունը և 12-րդ դարի հեղինակ Միքայել Ասորու (1126—1199 թթ.) ընդարձակ «Ժամանակագրություն»-ը՝ թարգմանված ասորերենից 13-րդ դարում:

Բացի հիշյալ թարգմանական երկերից, բառարանի ստեղծման ընթացքում չափավոր կերպով օգտագործվել են 8-րդ դարի հույն հեղինակ Հովհաննես Դամասկացու (745—780 թթ.) փիլիսոփայական-աստվածաբանական մի քանի աշխատությունները՝ թարգմանված վրացերեն և հունարեն լեզուներից:

Ի վերջո, բառարանի աղբյուրների ցանկում հիշատակվող թարգմանական երկերից ուշադրության արժանի է դարերի ընթացքում, տարբեր հեղինակների կողմից ստեղծված «Քարթլի-ցխտլերբա»-ն («Վրաց պատմություն»-ը), որի հնագույն մասերը հայերենի են փոխադրվել 12-րդ դարում:

Այսպիսով, ահա մատենագրական այն ինքնուրույն և թարգմանական տարբեր բովանդակություն ունեցող հիմնական ու երկրորդական աղբյուրները, որոնք մի առ մի հիշատակվում են բառարանի ծավալուն մատենագրական ցանկի մեջ:

Բնորոշն այն է, որ հեղինակները ոչ միայն արձանագրում են մատենագրական ցանկում այդ աղբյուրները՝ տալով միաժամանակ հակիրճ բացատրություններ, այլև ընդգծում են յուրաքանչյուր մատենագրի լեզվի ու ոճի առանձնահատկությունը: Այսպես՝ բառարանը կազմողները նշում են, որ 11-րդ դարի մատենագիր Անանիա Սանահնեցու «Ընդդեմ երկաքնակաց «հակաճատական երկի» ոճն է ուրեք միջակ, և ուրեք ստորին և անշուք»: Արրահամ Մամիկոնյանի գլխավոր երկը՝ «Պատմություն վասն ժողովոյն Եփեսոսի» գրված է «պարզ և վայելուչ հայկաբանութամբ»: Նույն չափանիշով է գնահատվում 8-րդ դարի պատմագիր Ղևոնդ Երեցի «Պատմութիւն»-ը՝ շարադրված «յատակ և ընտիր հայկաբանութամբ»: 10-րդ դարի վերջերի և 11-րդ դարի սկզբների պատմագիր Ստեփանոս Տարոնեցի Ասողիկի լեզվի նկա-

րագիրն է՝ «միջակ ոճով, ուրեք հարթ, և ուրեք անհարթ»:

Լեզվի և ոճի տեսակետից տարբերվում են ոչ միայն ինքնուրույն, այլև թարգմանական երկերը, որոնք նույնպես ունեն լեզվա-ոճական առանձնահատկությունների տարբեր դրսևորումներ: Այսպես, օրինակ՝ հույն փիլիսոփա Հովհաննես Դամասկացու մի քանի երկերը թարգմանվել են «ի վրաց լեզուէ ի հայ բարբառ անհարթ ոճով», Եվսեբիոս Կեսարացու «Ժամանակագրութիւն»-ը՝ «պանծայի թարգմանութիւն ի յուն բնագրէ՝ քաջ հայկաբանութեամբ», Անթիպատրոս Բուստրացու մի քանի ճառերը՝ թարգմանված հունարենից «միջակ ոճով» և այլն:

Հարց է ծագում, թե բառարանի հեղինակները ի՞նչ տեսանկյունով են քննել տվյալ մատենագրի լեզվի տարբեր դրսևորումները, այլ կերպ սասած՝ ինչպե՞ս են բնորոշել նրա ոճի հատկանիշներն ու սահմանները: Առաջաբանում ասված է, թե «լավութիւն մատենագրին յառաջիկ այս նկատի ի մէջ ըստ ոճոյ հնութեան և ըստ գեղեցիկ հայկաբանութեան»¹²: Պարզ է, որ «ըստ ոճոյ հնութեան և ըստ գեղեցիկ հայկաբանութեան» հասկացության տակ բառարանի կազմողներն առաջին հերթին նկատի են ունեցել անցյալի լեզվի պատկերավորման միջոցներն ու նախորդների ոճի առանձնահատկությունները, մասնավորապես՝ 5-րդ դարի առաջին կեսի հայ մատենագիրների և թարգմանիչների լեզվին ու ոճին հատուկ օրինակափոխությունները:

Արդ, պետք է նկատի ունենալ, որ բառարանի ստեղծման ընթացքում, բացի վերոհիշյալ երկերից, որպես աղբյուրներ լայնորեն օգտագործվել են դարերի ընթացքում կուտակված և ընդհանուր վերնագրեր կրող զանազան ժողովածուներում ընդգրկված այս կամ այն բովանդակությամբ մեծ ու փոքր պատկատելի քանակությամբ մատենագրական ինքնուրույն և թարգմանական այլազան բնագրեր, տեքստեր և այլն: Այդ ժողովածուները, որոնք պարունակում են մատենագրական ինքնուրույն և թարգմանական տարբեր բովանդակություն ունեցող զանազան նյութեր, հիմնականում հետևյալներն են. Հայամավորքներ, Հարանց վարքեր, Մառընտիրներ, Կանոնագրքեր, Բժշկարաններ, Գանձարաններ, Ժամագրքեր, Տաղարաններ, Ծարակոնոցներ և այլն:

Բ. ԲԱՌԱՐԱՆՆԵՐ

Արդեն ասվել է, որ Նոր Հայկազյան բառարանի ստեղծման ընթացքում, բացի մատենագրական ինքնուրույն և թարգմանական տարբեր բովանդակություն ունեցող երկերից, օգտագործվել են մի քանի բառարանագրական աշխատանքներ, որոնք հետևյալներն են. «Բառք քերթողականք», «Բառք Գաղիանոսի բժշկապետի» հին ձեռագիր բառարանները և Ստ. Ռոշքայի «Գանձ հայոց լեզուի» անտիպ աշխատությունը, որը բաղկացած է երկու՝ հայ-լատիներեն և լատիներեն-հայերեն բառարաններից:

¹¹ Գ. Բ. Պետրոսյան, Էվկլիդեսի երկրաչափության հայերեն հնագույն թարգմանությունը..., ՀՍՍՌ ԳԱ «Տեղեկագիր», № 1—2, 1945, էջ 70:

¹² ՆՀԲ, առաջաբան, էջ 8:

Պետք է նկատել, որ շնայած այդ բառարանները խիստ զգուշությամբ օգտագործվել են որպես օժանդակ աղբյուրներ, սակայն բավականաչափ առատ ճյուղ են տվել հեղինակներին բառարանը կազմելիս: Բառարանի բառացանկի ընտրության համար առանձնապես արժեքավոր աղբյուրներ են հանդիսացել միջնադարյան հին ձեռագիր բառարանները, որոնց մեջ վկայված են զգալի թվով այնպիսի բառեր, որոնք ընդհանրապես չեն հանդիպում մինչև այժմ մեզ հայտնի մատենագրական ինքնուրույն և թարգմանական երկերում, կամ հանդես են գալիս իմաստային այլ նշանակություններով ու առումներով:

Հին բառագրքերի օգտագործման կապակցությամբ բառարանի աղբյուրների ցանկում ասված է հետևյալը. «Հասարմն բառից ի գրչագիր համառօտ բառագիրս. գործ ԺԳ և ԺԴ դարուց՝ ի պէսպէս օրինակս այլևայլ օրինակս»¹³: Այս վկայությունից կարելի է ենթադրել, որ հեղինակները ձեռքի տակ են ունեցել ամենայն հավանականությամբ 13—14-րդ դարերի ընդօրինակություն ունեցող այն ձեռագիր ժողովածուներից, որոնք պարունակում են մի շարք հին բառարաններ ու բառացանկեր: Այդ կարգի ժողովածուներում հիմնականում հանդիպում են տարբեր տիպի և ընդգրկման ծավալի այնպիսի հին ձեռագիր բառարաններ ու բառացանկեր, ինչպիսիք են՝ «Բառք քերթողականք», «Բառք յունարէն», «Բառք Փիլոնի», «Բառք խորանին», «Բառք Վարդան գրոց», «Հանդէս բանաստեղծաց», «Բառք գովասականք», «Բառք երկայեցոց», «Բառք քերականի», «Սահմանք իմաստասիրականք» և այլն:

Բանասեր Հ. Ամալյանը, որին նույնպես հայտնի է քննարկվող բառարանի համար որպես աղբյուրներ մի քանի հին ձեռագիր բառարանների օգտագործման հանգամանքները, իր «Միջնադարյան Հայաստանի բառարանագրական հուշարձաններ» ուշագրավ աշխատության մեջ նշում է. «Նոր Հայկազյան բառարանի հեղինակները ձեռագիր բառարաններից վերցրած բառերի դիմաց դնում են «ի հին բառ. գրի», «հին բռ.» և նման այլ նշումներ՝ դրանց տակ նկատի ունենալով գլխավորապես «Բառք քերթողականք»-ը¹⁴:

Եվ իրոք, ինչպես ցույց է տալիս հիշյալ հին ձեռագիր բառարանների քաղաքական հետազոտությունը, Նոր Հայկազյան բառարանի հեղինակները հիմնականում օգտվել են «Բառք քերթողականք» բառարանից: Արդեն Հ. Ամալյանը միանգամայն ճիշտ կերպով նկատել է, որ «նրանք (այսինքն՝ ՆՀԲ-ի հեղինակները.—Ռ. Ղ.), խտազույն ընտրությամբ, ձեռագիր բառարաններից վերցրել են գլխավորապես այն բառերը, որոնք վկայված են մատենագրությամբ, սակայն հին բառարաններում հանդես են գալիս իմաստային այլ նշանակությամբ, որպես տարբերակներ ու նրբերանգներ կամ էլ բոլորովին այլ իմաստներով, որպես հոմանուններ»¹⁵:

Քննարկվող բառարանում տեղ գտած այդ կարգի բառերից են, օրինակ. **պոցցազոյն, դարաւանդ, երաստ, աղունք, քղջախոն, թոն և բոն, ալին, խաչքնդեղ, բոքք, ակաստան, կաւտն, համակղեն, նկուղ, ցմախ, անոպայ, կողով, գօշտոտրիւն, դանդան, բաղազանոտրիւն, անտղելի, փոնհիտ** և ուրիշ բառեր, որոնք հին ձեռագիր բառարաններում հանդիպում են թե՛ իմաստի և թե՛ ձևի տեսակետից որոշ տարբերություններով:

Այնուհետև հին ձեռագիր բառարաններից ուղղակի կերպով Նոր Հայկազյան բառարանին անցած բառերի վերաբերյալ Հ. Ամալյանը իրավացիորեն գտնում է, որ «նոր» անվավեր բառեր հին բառարաններից ՆՀԲ-ի հեղինակները վերցրել են բացառիկ դեպքերում, երբ նրանք այդ բառը աղավաղված կամ սխալ գրչագրված լինելու մեջ չեն կասկածել»¹⁶:

Ստորև բերում ենք Նոր Հայկազյան բառարանում ընդգրկված մի խումբ բառեր, որոնք հանդիպում են միայն հին ձեռագիր բառարաններում, որոնց մեջ մասնավորապես «Բառք քերթողականք»-ում.

Ագորանք, ազնակից, աթոր, ալաունք, ակրթել, աղթաման, ամարո, անաղամող, անաղապէտ, անգուրդ, անխոր, անցուցանք, սպաք ցապաքէն, բագ, բագէմ, բագձամ, բաղայօղ, բեղն, բուրէն. բունկէն, դաշնակել, զանշտարար, թաւտաւել, թոտակոտ, թուրք, ինքներես, լըշտոց, լուսնածէտ, խալիղ, խոճոն, ծխնկոյզ, ծղուկ, ծիոց, կաղկանձել, կէշկէշել, հրշուկ, ձեղունահանք, ճահանոց, մակաղ, մակոնատ, մծղնի, յախտնախօս, նումնճանակ, շամշակտ, շոնք, ոչընչաքեայ, պախեփ, պաշտակ, ջայլանք, դիմ, սաւտնճայն, սօսին, տարիքուն, տարբեղուն, քարացեալ, ցապաք, փն, փիշակէ, քրտոն բակաղթ (ՆՀԲ, հտ. Բ, հավել. էջ 1047), գողո կամ գողկ (նույն տեղում), զանոմիլ (նույն տեղում, էջ 1052), խտողան (նույն տեղում, էջ 1054), հանդիճել (նույն տեղում, էջ 1056) և այլն:

«Բառք քերթողականք»-ից բացի, Նոր Հայկազյան բառարանի համար աղբյուր ծառայած բառարանագրական գործերից է «Բառք Գաղիանոսի թժկապետի» բառարանը, որը հայ միջնադարյան բառարանագրության արժեքավոր հուշարձաններից մեկն է, մեկ հասած հայերեն սուաչին թժկական բառարանը:

Ինչպես ցույց է տալիս Նոր Հայկազյան բառարանի քննությունը, աղբյուրների ցանկում հիշատակվող այդ բառարանից հեղինակները քաղել են զգալի թվով բառեր, որոնց մեծ մասը բուսաբանական բառեր են. բազմապիսի ծառերի և բուժիչ խոտերի, տերևների, ծաղիկների ու պտուղների անուններ և այլն: «Բառք Գաղիանոսի» բառարանից քննվող բառարանի մեջ մտաք գործած բառերից կարելի է նշել, օրինակ՝ **աղդդրուկ** (կամ **արաղդրուկ**), **արեւաղէմ**, **ափիոն**, **գառին ծաղիկ**, **բլիթէն**, **բոգ**, **կոխտամն** (ՆՀԲ, հտ. Բ. հավել. էջ 1050), **գնճնախոնկ**, **խոզուկ**, **խոռ (ն)**, **կտատեակ** (կամ **կտատուկ**), **ճարտարուկ**, **ձիալախոր**, **մարդախոն**, **ջոշիր** (կամ **շոխիր**), **պղնձաբար**, **քերքէլ** և այլն:

¹³ ՆՀԲ, հտ. Ա, էջ 14:

¹⁴ Հ. Ամալյան, Միջնադարյան Հայաստանի բառարանագրական հուշարձաններ, Երևան, 1966, էջ 82:

¹⁵ Նույն տեղում, էջ 218:

¹⁶ Հ. Ամալյան, նշվ. աշխ., էջ 218:

Բացի մատենաշարից հին ձեռագիր բառարաններից, քննարկվող բառարանի համար որպես օժանդակ աղբյուր է ծառայել լեհահայ բազմավաստակ գիտնական Ստեփանոս Ռոշքայի (1670—1739) հայ-լատիներեն և լատիներեն-հայերեն բառարաններից կազմված՝ «Գանձ հայոց լեզուի» վերնագրով անտիպ աշխատությունը: Կարևոր այս հուշարձանի օգտագործման կապակցությամբ ՆՀԲ-ի հեղինակները գրում են. «Առաջնայն ոճ առաել ընտիր քան զերկրորդին (լատիներեն-հայերեն բառարանի—Ռ. Ղ.)»: Առաջնայն է և բառգիրք ընդարձակ և բազմավաստակ՝ չև ելեալ ի լոյս, գորոյ զհատուածս եւթ եղև մեզ տեսանել, ուստի նշանակեցաք և գրանի մի բառս և զանց արարաք զայլովք՝ որք քննութեան և ստուգութեան երևեցին պէտս ունել»¹⁷:

Ինչպես տեսնում ենք, Ստ. Ռոշքայի հայ-լատիներեն բառարանը հիշատակվում է մատենագրական ցանկում՝ գնահատվելով որպես «բառգիրք ընդարձակ և բազմավաստակ», չնայած հիշյալ բառարանի միայն առանձին հատվածներին են, ցավոք, ծանոթ եղել ՆՀԲ-ի հեղինակները: Նրանք, այդ բառարանի առանձին հատվածներից, խիստ մատնակի ընտրությամբ, վերցրել են մի շարք բառեր՝ անտեսելով մյուսները, որոնք ստուգման և ճշգրտման կարիք են ունեցել:

Ստորև բերվում են այն բառերը, որոնք Ստ. Ռոշքայի բառարանից ուղղակիորեն անցել են Նոր Հայկազյան բառարանին:

Այսպազ, անմուրց, աչոց, բիրեմ, դոդօշ, եզնակն, ելազ (կամ ելակ), եղան, ժմիրակ, թաղակ, թաղամանական, թառակ, թալի, թողան, լաստեմի, լըրթութիւն, խառնաթան, խոթ (այլիոն թոչունը), խորոպ, կարշն, կեռիկ, կոցար, կրկիտ, հանգոյրծ, հարաշ, հողմացուցանել, հրացունմ, մատանեկան, մեծագրոն, մեմահի, միզերակ, մկնարշ, մղձուկ, շպարանք, ոսկերել, ուրոսարար, չարահամոզ, ջալլակո-

ծել, ջնարակագոյն, ջրխոտ, պթարել, վարակոտ, տարորինել, փաղակատարական, փոշոշ:

Պետք է նշել, որ այս բառերը մատենագրությամբ վկայված բառեր են, գործածություն են ունեցել գրական այնպիսի երկերում, որոնք հայտնի չեն եղել քննվող բառարանը կազմողներին:


Ընդհանրապես Ստ. Ռոշքայի «Գանձ հայոց լեզուի» աշխատությունն առանձին հետաքրքրություն է ներկայացնում մասնավորապես այն պատճառով, որ «հեղինակը կոչումներ կ'ընէ բազմաթիւ հայ ձեռագիր մատենաներէն, որոնցմէ ոմանք նաև այսօր յայտնի չեն լիովին»¹⁸: Ահա թե ինչու վեցնտիկյան միաբան Մ. Ծանաշյանը, 1955 թ. իր Ստ. Ռոշքայի բառարանին նվիրված արժեքավոր հոդվածի մեջ, ներկայացնելով այդ բառարանը, այն միտքն է հայտնում, որ «եթէ ՆՀԲ-ի հեղինակներուն տրամադրութեան տակ գտնուէր Ռոշքեանի գործը, հաւանաբար շատ բառեր պիտի անցնէին Նոր Հայկազեանին մէջ յետ ստուգուելու»¹⁹:


Այսպիսով, վերն ասվածներից կարող ենք հետևել, որ բազմակողմանիորեն ուսումնասիրելով վեցնտիկյան միաբանության գրապահոցներում եղած պատկանելի թվով տարբեր բովանդակությամբ և զանազան ժամանակների պատկանող հայ ինքնուրույն ու թարգմանական գրականության հուշարձանները, քննարկվող բառարանի հեղինակները գիտականորեն միանգամայն ճիշտ սկզբունքներից ելնելով, սկզբնաղբյուրների մանրակրկիտ օգտագործմամբ ստեղծել են մեծ արժանիքներ ունեցող մի գործ, որի ամբողջ բովանդակությունը, բառարանագիտության առումով, ըստ ամենայնի իր վրա կրում է անկախ և ինքնուրույն հետազոտության կնիք:

¹⁸ Լ. Տաշյան, Ցուցակ հայերէն ձեռագրաց մատենադարանի Մխ. ի Վիեննա, Վիեննա, 1895, էջ 22—23:

¹⁹ Լ. Մեարոպ Ծանաշեան, Ստեփանոս Ռոշքեանի բառարանը, «Բազմավէպ», 1955, էջ 254:

¹⁷ ՆՀԲ, հտ. Ա, էջ 22:





Օ. Ս. ԵԳԱՆՅԱՆ

ԿԱՐԱՊԵՏ ՀՈՎՀԱՆՋԱՆՅԱՆԻ ՀԱՅԵՐԵՆ ՁԵՌԱԳՐԵՐԻ ՀԱՎԱՔԱՍԾՈՆ

Մաշտոցի անվան Մատենադարանի բազմահազարանոց հավաքածոյի բաղկացուցիչ մասերից մեկն է նաև հայտնի յուսանկարիչ Կարապետ Հովհաննիսյանի հայերեն ձեռագրերի անձնական հավաքածոն, որը բանասիրությանը հայտնի է Խաչատուր Քուչուկ-Հովհաննիսյանի կազմած ցուցակի միջոցով:

Խ. Քուչուկ-Հովհաննիսյանը իր «Старинные армянские надписи и старинные рукописи в пределах Юго-западной Руси и в Крыму» («Հայկական հնագույն արձանագրություններ և հնագույն ձեռագրեր հարավարևմտյան Ռուսաստանի սահմաններում և Դրիմում») հոդվածում՝ «Коллекция старинных армянских рукописей К. Оханджанына в Кишиневе» («Կ. Հովհաննիսյանի հայերեն հնագույն ձեռագրերի հավաքածոն Քիշնևում») ենթախորագրի տակ անդրադառնալով Կ. Հովհաննիսյանի ձեռագրերին, 1—11 թվահամարների ներքո համառոտակի նկարագրում է 11 ձեռագիր, այդ թվում 6 «Աւետարան» (№№ 1—6), 1 «Խորհրդատետր» (№ 7), 1 «Յայտատուրք» (№ 8), 1 «Ծառոց» (№ 9), 1 «Տօնացոյց» (№ 10) և 1 «Ժամագիրք» (№ 11):

Հիշատակված 11 ձեռագրերից 8-ը (№№ 1, 4—6, 8—11) այսօր որոշակիորեն գտնը-

վում են Մաշտոցի անվան Մատենադարանում (տե՛ս կից տախտակը), իսկ մնացած 3-ի (№№ 2, 3, 7) հետագա ճակատագիրը ստալծմ մեզ հայտնի չէ:

Բացակայող այդ ձեռագրերն են.

№ 2. «Աւետարան», մագաղաթ, 165 թերթ, երկայուն, բոլորգիր, մեծություն՝ 17,5 սմ, ունի կիսախորաններ և յուսանցազարդեր. պահպանում է Հովհաննո Ավետարանը, իսկ Ղուկասո Ավետարանը ավարտվում է ԺԱ 39-ով: Գրիչ և տեղ՝ անհայտ, ժամանակ՝ ԺԳ դար:

№ 3. «Աւետարան», թուղթ, 267 թերթ, երկայուն, բոլորգիր, մեծություն 21 սմ, ունի 13 տերունական նկարներ, խորաններ, կիսախորաններ և յուսանցազարդեր: Սկզբից և վերջից ունի 2-ական թերթ՝ մագաղաթյա պահպանակներ (բոլորագիծ երկաթագիր, մասն Ավետարանի), կազմը կաշեպատ տախտակ՝ մետաղյա շրջանակով և արծաթյա կոստողերով: Գրիչ և տեղ՝ անհայտ, ժամանակ՝ ԺԶ դար: Հիշատակագրության մեջ ասված է, որ այն պատկանել է ոմն Հռիփսիմեի:

№ 7. «Խորհրդատետր», թուղթ, 20 թերթ, գրված 1711 թվականին Թոխաթում, Եղիա Մարավանեցու ձեռքով:

Բացի Քուչուկ-Հովհաննիսյանի կողմից արձանագրված վերոհիշյալ 11 ձեռագրերից, ըստ երևույթին Կ. Հովհաննիսյանը ունեցել է նաև այլ ձեռագրեր, որոնք չեն ցուցակագրվել. դրանցից մեկն է Մատենադարանի № 6712 ձեռագիրը, որի 1ր էջում պահպանվել է հետևյալ մակագրությունը. «Կարապետ

¹ Древности Восточные. Труды Восточной Комиссии Императорского Московского Археологического Общества, том II, вып. III, Москва, 1903, стр. 33—75.

² Անդ, էջ 50—57:

Յովհաննէանէանց Ալէքսանդրապօլցի, 1884 թ.»: Այդ ձեռագիրը հետագա շարադրանքում պայմանականորէն կարտահայտենք [12] թվահամարով:

Այսպիսով, առայժմ մեզ հայտնի տվյալներով, Կ. Հովհաննէանյանի ունեցած ձեռագրերի քանակը հասնում է 12-ի³, իսկ առկա ձեռագրերի քանակը՝ 9-ի (№№ 4661, 6283, 6712, 7072, 7498, 7568, 7879, 8124, 8571), որոնցից 4-ը (№№ 4661, 6283, 6712, 7072) Մատենադարան են մուտք գործել 1924—1936 թվականների ընթացքում, իսկ մնացած 5-ը (№№ 7498, 7568, 7879, 8124, 8571)՝ 1938 թվականին Գրական թանգարանի հավաքածոյի կազմում: Վերջիններս, ի միջի այլոց, 20-ական թվականներից եղել են «Հայ արվեստագետների միության» գրադարանում և Գրական թանգարանին են անցել միության լուծարքից հետո (16.11.1930):

Թե ում են պատկանել նշված ձեռագրերը նախքան Կ. Հովհաննէանյանի հավաքածոյի մեջ մտնելը, ոչինչ հայտնի չէ: Սակայն, ինչպես կարելի է եզրակացնել ձեռագրերից մի քանիսի վրա եղած մակագրություններից, դրանք դեռևս անցյալ դարի 70-ական թվականներից եղել են Կ. Հովհաննէանյանի սե-


փականությունը և Քիչն են փոխադրված Ալէքսանդրապօլից: Ահա այդպիսի մակագրություններից մեկը. «Ի մատենադարանէ Կարապետի Յովհաննէանէանց, 1879 թ., Ալէքսանդրապօլ» (№ 7072, թերթ 44ա):

Ստորև տալիս ենք այդ ձեռագրերի հին և նոր թվահամարների տախտակը:

ՀԱՄԵՄԱՏԱԿԱՆ ՏԱԽՏԱԿ
ԿԱՐԱՊԵՏ ՀՈՎՀԱՆՋԱՆՅԱՆԻ ՀԱՅԵՐԵՆ
ՉԵՆԱԳՐԵՐԻ ՀԻՆ ԵՎ ՆՈՐ ԹՎԱՀԱՄԱՐ-
ՆԵՐԻ

Քույր հոգեւոր հասկացող միութեան	Հայ արվեստագետների միութեան	Գրական թանգարան	Մատենադարան	
			Քան հավաքածո	Արդի
1	37	1168	—	7879
2	—	—	—	—
3	—	—	—	—
4	1	1167	—	8571
5	60	1169	—	8124
6	59	1170	—	7568
7	—	—	—	—
8	—	—	1663	6283
9	—	1172	—	7498
10	—	—	—	7072
11	—	—	—	4661
[12]	—	—	—	6712

³ Հովհաննէանյանը 4 ձեռագիր էլ նվիրաբերել է Մոսկվայի Կայսերական Հնագիտական թանգարանին («Արձագանք», 1896, № 47), որոնք այժմ պահվում են Մոսկվայի Պատմության թանգարանում:





ԼՈՒՐԵՐ ՍՓՅՈՒՌԱՀԱՅ ԿՅԱՆՔԻՑ

ԲՈՒՂԱՐԱՀԱՅ ԹԵՄՈՒՄ.—1970 թվի հունիսի 19-ին Բուլղարիայի մայրաքաղաք Սոֆիայում տեղի է ունեցել Բուլղարահայ թեմական-պատգամավորական ժողովը՝ թեմի առաջնորդ տ. Տիրայր եպիսկոպոս Մարտիկյանի նախագահությամբ: Ժողովին ներկա են եղել թեմական խորհրդի, վերստուգիչ հանձնաժողովի և եկեղեցական վարչությունների անդամները, ինչպես նաև՝ թեմի բոլոր քահանա հայրերը:

Ժողովը օրհնության և ողջույնի խոսքով բացել է առաջնորդ սրբազանը: Այնուհետև թեմական խորհրդի գործունեության հաշվետու զեկուցումով հանդես է եկել թեմական խորհրդի ատենադպիր պ. Միսաք Ռեթեփոյանը: Ապա սույն զեկուցման շուրջ տեղի են ունեցել մտքերի փոխանակումներ:

Պատգամավորական ժողովը նկատի առնելով, որ առաջնորդ սրբազանի, թեմական խորհրդի, վերստուգիչ հանձնաժողովի և եկեղեցական վարչությունների պաշտոնավարության պայմանաժամը ավարտվել է, այն երկարաձգել է մինչև 1972 թվականի սեպտեմբեր:

Ժողովը գոհունակությամբ և երախտագիտությամբ արձանագրել է տ. Տիրայր եպիսկոպոս Մարտիկյանի առաջնորդության 10-ամյակը: Այս առթիվ կարդացվել է Ամենայն Հայոց կաթողիկոսի օրհնության գիրքը, որով առաջնորդ սրբազանը արժանանում է Վեհափառի օրհնությանը և գնահատանքին:

Ժողովականներից շատերը շնորհավորում են սրբազանին, մատնանշում նրա առաջնորդության տարիներին թեմում կատարված եկեղեցական, մշակութային բերուն գործունեությունը:

Ժողովից հետո, ի պատիվ առաջնորդ սրբազան հոր, Սոֆիայի «Պալբան» ճաշարանում տրվել է ճաշկերույթ, որին, բացի ժողովականներից, ներկա են եղել Բուլղարիայի կրոնական գործերի նախարար Մ.

Քյուչուկովը, նրա տեղակալը, Բուլղարիայի տ. Կիրիլ սրբազան պատրիարքի ներկայացուցիչներ տ. Նիկոլայ եպիսկոպոսը և Բլագոյ ա. քահանա:

Առաջնորդ տ. Տիրայր եպիսկոպոսին շնորհավորել են Մ. Քյուչուկովը, տ. Նիկոլայ եպիսկոպոսը, թեմական խորհրդի ատենապետ Օ. Ասլանյանը և ուրիշներ:

Ընդունելությունն անցնում է ջերմ մթնոլորտում: Վերջում առաջնորդ սրբազանը իր շնորհակալական խոսքում նախ որդիական ջերմ երախտագիտություն է հայտնում Ամենայն Հայոց Վեհափառ Հայրապետին, Որի օրհնության ներքո բուլղարահայ թեմը նվիրվել է եկեղեցանվեր, խաղաղ գործունեության: Ապա առաջնորդ սրբազանը իր մասնավոր երախտագիտությունն է հայտնում Բուլղարիայի կրոնից նախարար Մ. Քյուչուկովին և ի դեմս նրա Բուլղարիայի բարեխնամ կառավարությանը, որի հովանու տակ խաղաղ և բարօր ապրում է հայ ժողովուրդը: Տիրայր սրբազանը ջերմ շնորհակալություն է հայտնում նաև Բուլղարիայի տ. Կիրիլ սրբազան պատրիարքին՝ հայ եկեղեցու և ժողովրդի մեծ բարեկամին, որի օրով հայ և բուլղար քույր եկեղեցիների եղբայրական հարաբերությունը և սիրալիր գործակցությունը Էկումենիկ ոգով, սվել է իր բարի պտուղները:

Տ. Տիրայր սրբազանը իր խոսքը ավարտում է սրտագին բարեմաղթություններ անելով բուլղարահայ ժողովրդի, նրա եկեղեցական, մշակութային հաստատությունների պայծառության, թեմական խորհրդի ժրջան անդամների համերաշխ գործունեության համար, բարեմաղթելով, որ սերտ և անքակտելի մնա բուլղարահայ թեմի կապը Մայր Աթոռ սուրբ Էջմիածնի և մեր վերածնված մայր հայրենիքի հետ:

Ընդունելությունն ավարտվում է խմբովին երգված տերունական աղոթքով:

ԵԹՈՎՊԱՀԱՅ ԹԵՄՈՒՄ.—Ադիս-Աբեբայի հոգևոր հովիվ տ. Կորյուն ծ. վրդ. Մանվելյանը 1970 թվականի 9 հուլիս՝ Վեհափառին ուղարկած իր տարեկան զեկուցագիր-ամսական ներկայացնում է եթովպահայ թեմի ազգային-մշակութային գործունեությունը: Բաղվածաբար մեր ընթերցողներին ենք ներկայացնում այդ զեկուցագրից որոշ լուրեր:

թյունն է, որը քաղկացած է հինգ հոգուց և որը հոգևոր հովիվի ղեկավարությամբ զբաղվում է համայնքի եկեղեցական, մշակութային և նյութական հարցերով: Հոգաբարձությունն իր գանձակալում ունի շուրջ 10000 եթովպական դոլլար:

Ինչպես գաղութային վարչության, այնպես և հոգաբարձության անդամները ոչինչ չեն խնայում համայնքի ղեկավարության համե-



Ադիս-Աբեբայի հայոց Գևորգոժ վարժարանի տեսչական և ուսուցչական ղեկավարները 1969—1970 ուսումնական տարվա շրջանավարտների հետ

Ջեկուցագրում խորին շնորհակալություն և հավատարմություն է հայտնվում Վեհափառ Հայրապետին՝ թեմի նկատմամբ ցուցաբերած գուրգուրանքի և ուշադրության համար: Նշվում է նաև, որ թեմի հայությունը անքակտելի հավատարմությամբ կապված է Մայր Աթոռ սուրբ Էջմիածնի հետ, իր ուշադրությունը սևեռել է դեպի վերածնված Մայր Հայաստան, որի ամեն մի հաջողությունը սրտի մեծ բերկրանքով է դիմավորում:

Համայնքի հայերի ընդհանուր թիվը 1200 է: Ութ տարիներ ի վեր համայնքի հոգևոր հովիվն է եղել տ. Կորյուն ծ. վրդ. Մանվելյանը, որը կատարել է շնորհակալ աշխատանք: Համայնքը ղեկավարվում է գաղութային վարչության կողմից, որի անդամները ընտրվում են չորս տարին մեկ անգամ:

Համայնքի երկրորդ կարևոր մարմինը տեղի սուրբ Գևորգ եկեղեցու հոգաբարձու-

րաշխ գործունեության, նյութական, մշակութային բարօրության համար:

Տեղի ազգային Գևորգոժ վարժարանում սովորում են 138 երկսեռ աշակերտներ:

Վարժարանի այս տարվա ամսվերջի հանդեսը տեղի է ունեցել հունիսի 28-ին, Ադիս-Աբեբայի քաղաքապետարանի հանդիսությունների սրահում:


Շրջանավարտները, որոնք թվով 13 հոգի են, որոշել են իրենց ուսումը շարունակել գանազան երկրների տարբեր ուսումնական հաստատություններում, ոմանք էլ՝ մայր հայրենիքում:

Սույն հանդեսի փակման խոսքով հանդես է եկել թեմի հոգևոր հովիվ տ. Կորյուն ծ. վրդ. Մանվելյանը: Հայր սուրբը իր գեղեցիկ խորհուրդներով ու հորդորներով քաջակերել է շրջանավարտներին, նրանց պատվիրել է լինել խելացի, հեռախես, հավատարիմ մեր

դարավոր մշակույթին, հերոս ու լուսամիտ նախնիների թողած ավանդներին: Ապա հայր սուրբը ողջ ներկաներին, մանավանդ աշակերտությանը խոսել է վերածնված մայր հայրենիքի, սուրբ Էջմիածնի և նրա արժանքների գահակալ Վեհափառ Հայրապետի մասին, մասնավորաբար անդրադարձել է 'Նրա' վերջերս Հոռոմ կատարած ողևորության եկեղեցական-պատմական մեծ նշանակությանը:

1970 թվի հունիսի 28-ին Ադիս-Աբեբայի պատրիարքարանի Մայր տաճարում նշվել է Եթովպիայի պատրիարք, Նորին սրբու-

թյուն Աբունա Բասիլիոսի գահակալության 11-րդ տարեդարձը: Գահակալական սույնի հանդիսությանը, հաևուն Հայոց Հայրապետի, ներկա է եղել թեմի հայոց հովիվ Կորյուն Տ. վրդ. Մանվելյանը, ընկերակցությանը գաղութային ժողովի ատենապետ Գ. Սվանյանի: Հաևուն Հայոց Հայրապետի տ. Կորյուն Տ. վարդապետը շնորհավորել է բույր եկեղեցու հոգևոր պետին՝ բարեմադրություններ անելով Տ. Բասիլիոս պատրիարքի կենաց արևշատության, եթովպական եկեղեցու և հայրենյաց բարօրության համար:





ՀԱՆԳԻՍ
ԱՐԺԱՆԱՊԱՏԻՎ Տ. ՄԿՐՏԻԶ ԱՎԱԳ ՔԱՀԱՆԱ
ՉՈՐՉՈՓՅԱՆԻ
(1889—1970)

Սույն թվականի հուլիսի 14-ին Ռոստով քաղաքում, 81 տարեկան հասակում, վախճանվեց արժ. տ. Մկրտիչ ավագ քահանա Չորչոփյանը:

Հանգուցյալ տ. Մկրտիչ քահանան ծնվել է 1889 թվականին Նոր Նախիջևանում: Կրթությունը ստացել է Բեսարաբիայի հայոց թեմական դպրոցում, որի դասընթացը վերջացրել է 1906—1907 ուսումնական տարում:


Հանգուցյալը հմուտ է եղել եկեղեցական երգեցողությանը և հայկական ձայնագրությանը: Նրա երաժշտության ուսուցիչն է եղել տ. Գևորգ եպիսկոպոս Չորեքչյանը: 1908—1916 թվականներին տեղ Մկրտիչը վարել է դպրի պաշտոն տեղի ս. Աստվածածին և ս. Նիկողայոս եկեղեցիներում: Տ. Գևորգ եպիսկոպոս Չորեքչյանի կողմից 1916 թվականին ձեռնադրվել է սարկավագ, իսկ 1918 թվականին՝ քահանա:

1910—1918 թվականներին հանգուցյալը տեղի թեմական դպրոցում և գիմնազիալում վարել է երգեցողության և կրոնի ուսուցչի, 1928—1935 թվականներին՝ հայոց հոգևոր խորհրդի քարտուղարի, իսկ 1940—1945 թվականներին՝ Բեսարաբիայի հայոց թեմի առաջնորդական փոխանորդի պաշտոնները:

Իր եկեղեցանվեր գործունեության համար 1926 թվականին Տ. Գևորգ Ե կաթողիկոսից ստացել է իրավունք՝ կրելու քահանայական լաւեախաչ, 1928 թվականին՝ ծաղկյա փիրն:

1948 թվականին Տ. Գևորգ Զ կաթողիկոսի կողմից արժանացել է ավագ քահանայության պատվի:

Հանգուցյալը 1940 թվականից մինչև իր



կյանքի վերջին ամիսները քահանայագործել է Ռոստով քաղաքի ս. Լուսավորիչ և ապա ս. Հովհաննես Մկրտիչ եկեղեցիներում: 1968 թվականին Տ. Վազգեն Ա կաթողիկոսը նրան շնորհել է վարդապետական ականակոտ խաչ:

1970 թվականի ապրիլ ամսին հանգուցյալը անցել է կենսաթոշակի:

Տ. Մկրտիչ ավագ քահանան եղել է իր կոչման բարձրության վրա գտնված եկեղեցական, նվիրված իր ժողովրդի հոգևոր լուսավորության գործին, սիրված և հարգված իր ծխականներից:

Հանգիստ իր ոսկորներին:



ԲՈՎԱՆԴԱԿՈՒԹՅՈՒՆ

ԽՄԲԱԳՐԱԿԱՆ—Շշմարտությունը ամբողջ	էջ 3
Մայր Աթոռի և Անթիլիասի միջև փոխանակված նամակներ և հեռագրեր՝ ս. Էջմիածնում 1969 թվականի սեպտեմբեր 27—հոկտեմբեր 2-ը կապացած եպիսկոպոսաց ժողովին Կիլիկյան Աթոռի եպիսկոպոսների մասնակցության վերաբերյալ . . .	11
Հաղորդագրություն	44
ՊԱՇՏՈՆԱԿԱՆ—Վեհափառ Հայրապետի այցելությունը Հայկական ՍՍՀ Մինիստրների սովետի նախագահ Բաղյալ Մուրադյանին	45
Հայտարարություն	46
Հոգևորականաց համագումար Ամերիկայի Միացյալ Նահանգների հայոց արևելյան թեմի	47
ՄԱՅՐ ԱԹՈՌՈՒՄ	51
Ամավերջի հանդիսություն հոգևոր ճեմարանում	54
ԳԱՐԵԿԻՆ ՎՐԳ. ՀՈՎՍԵՓՅԱՆ—Հայրենասիրություն և քրիստոնեություն	59
Ս. Էջմիածնի խորհուրդը	64
ԳԻԿՈՐ ՀԱԿՈՒՅԱՆ—Սահակ Պարթևին վերագրվող շարականները	67
Ն. ԹԱՀՄԻՉՅԱՆ—Հոգևոր եղանակների կոմիտայան կանխազույց գրատուների վերծանությունը	72
ՍԱՀԵԿ ՎՐԳ. ԱՄԱՏՈՒՆԻ—Հոգևոր երգք Սահակյալ և Մեսրոպյալ	81
ԵՐՎԱՆԳ ՄԵԼՔՈՆՅԱՆ—Վրթանես Քերթոզը և պատկերամարտությունը	86
ԱՐՄԻՆԵ ՔՈՇԿԵՐՅԱՆ—Մի նորահայտ անհատական գանձարան	93
ՌՈՒԲԵՆ ՂԱԶԱՐՅԱՆ—Նոր Հայկազյան բառարանի աղյուցակները	104
Օ. Ս. ԵԳԱՆՅԱՆ—Կարապետ Հովհաննիսյանի հայերեն ձեռագրերի հավաքածուն	112
Լուրեր տիյուրբանյալ կյանքից	114
Հանգիստ արժանապատիվ տ. Մկրտիչ ավագ քահանա Չորչոփյանի	116

ԽՄԲԱԳՐՈՒԹՅԱՆ ՀԱՍՑԵՆ
ՀԱՅԿԱԿԱՆ ՍՍՀ, ԷՋՄԻԱԾԻՆ
«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Հանձնված է արտադրության 26/V 1970 թ. Ստորագրված է տպագրության 4/VIII 1970 թ., տպագրական 7,5 մամուլ, թուղթ 60x84¹/₈, պատվեր 421

Մայր Աթոռ ս. Էջմիածնի տպարան, 1970 թ.